

DISPUTATIONES

IN ARISTOTELIS LOGICAM,
PHILOSOPHIAM NATURALEM, ET METAPHYSICAM,

In tres tomos distributæ.

TOMVS PRIMVS

in quo examinantur difficultates omnes, quæ spectant

AD LOGICAM,

Et iuxta eximiam S. Thomæ Doctrinam resoluuntur.

AUCTORE

P. D. ANTONINO BOTTO

CONGREGATIONIS SOMASCHÆ

Sacrae Theologiae Professore.



Ad usum D. Jo: Bapta a S. Philippo Monachi Cong. Reg.
GENVAE, M. DC. LXXI. *S. Bernard.*

Ex Typographia Antonij Georgij Franchelli.
Superiorum permissu.

STATUTS

DE LA SOCIÉTÉ
D'ÉTUDES SCIENTIFIQUES
DE LA VILLE DE LYON

CHAPITRE I.
DES PRINCIPES GÉNÉRAUX.

ART. 1.
La Société a pour but l'étude et la propagation des sciences exactes, naturelles et humaines.

ART. 2.
Elle se compose de membres fondateurs, honoraires et ordinaires.

ART. 3.
Les membres fondateurs sont ceux qui ont souscrit au prospectus avant le 1^{er} janvier 1880.
Les membres honoraires sont ceux qui ont été élus par l'Assemblée générale.
Les membres ordinaires sont ceux qui ont été élus par l'Assemblée générale et qui ont versé la somme de 10 francs.



ART. 4.
L'Assemblée générale se compose de tous les membres ordinaires et honoraires.
Elle se réunit une fois par an, le 1^{er} janvier.
Elle a le droit de modifier les statuts, de suspendre ou d'expulser les membres, et de décider de tout ce qui concerne l'administration de la Société.



ILLVSTRISS. ET EXCELLENTISS. D.
D. IO: ANDREAE DORIA

*Hispania Magnati; Principi Molphi, Marchioni
Turrilie, Comiti Loani, &c.*

Antoninus Bottus C. R. Congregationis Somaſchæ
Fauſtitatem.



Varenti mihi Philosophia mea in lucem
proditura patronum aliquem, qui illam
forti præſidio communiret, & inſigni ſul-
gore illuſtraret; protinus occurriſti mihi an-
te oculos, Princeps Excellentiffime, &
ancipitem animum adeo admiratione tui ce-
nuiffi, ut quid quid optarem, in Te pleniffimè inueniſſe,
ſummopere gauiffus ſim. Duplici enim ſplendore, & vir-
tutis propriæ, & auitæ nobilitatis Te mirificè nitentem
vidi, quarum altera præpotens patrociniũ, alia lucem
maximam poſſet impertiri. Te virtutibus clariffimis præ-
ditum, præſertim literarum amantiſſimum conſiderans, non
dubitavi quin operis huius tutelam ſuſcepturus eſſet; nemo
enim deſerit, quæ amat. Cux itaque ſuĩmo in honore
ſciẽtias habeas, quibus inſtruere, & exornare animum di-
ligenter ſtudes; ut minimũ, quæ in Te mirantur homi-
nes, ſanguinis claritas, principatus, dominia, & magni-
tudo

tudo diuiciarum sit: virtus verò, eruditio, clarioreſque ingenij, atque animi dotes Te maxime ſpectabilem faciant; ad Te auidiſſimè confugit Philoſophia mea: quippe certa ſpe ducitur, ſub nominis Tui impenetrabili clypeo tutam ſe fore, & ab emulorum acuta lingua, & à rabido illorum dente, qui cum nobiles diſciplinæ, à quorū conſortio, ob ingenij ſtoliditatem, excluſi ſunt, odio proſequantur, conceptam iram in literatos effundunt, eorumque opera in contemptum adducere conantur, ne ipſi ob inſcitiam contemptui ſint. Nullus opinor erit, quamuis impudentiſſimè mordax, qui ea carpere, deſpicere, vel improbare audeat, quæ à tanto Principe probari, & in pretio haberi cognoſcat; Tuoque aureo in nomine in frōte poſito veluti firmiſſimo in propugnaculo omnia aduerſariorum tela infringentur, neque ad opus ipſum confodiendum poterunt penetrare. Splendor verò, quem à nobilitate generis tui expectat, tantus eſt, quantus in terris maximus poſſit deſiderari. Quæ enim familia tota Italia, vel etiam Europa floret, quæ gentis tuæ, & agnatorum tuorum decora non ſuperare, ſed æquare ſeriſcetur? Quæ illuſtriores Eccleſiæ, patriæ, totique Chriſtiænæ Reipublicæ heroes dedit? quæ viros roga, & ſago celebratioreſ progeniuit? Auorum vero tuorū memoriam quæ ætas unquā obliterabit? Quibus vel remotiſſimis in regionibus eorum nomina omnibus famæ linguis euulgata non ſonnuere? Quæ maria victricibus claſſibus non perlustraſunt, quas terras trophæis glorioſiſſimis non impleuerunt? quam metuendi hoſtibus fidei, patriæ, & Catholitorum Principum fuere? Hæc ego non memoro, ne ad meridianum ſolent ſpectandum oculos prouocare videar, & quæ luce ipſa clariora ſunt, alienius

ius notitiam fugere posse existimare. Quod si nouum decus,
quod tibi è contractis sponsalibus, moxque iungendis nuptijs
cū Excellentissima Anna Pāmfilia Innocentij Decimi pro-
nepte, Farnesia, Aldobrandina, Burghesia, Ludouisie
multisque alijs Pontificijs, clarissimisque familijs sanguine
iuncta adijcitur, spectare velim; videor mihi videre duo pri-
mæ magnitudinis astra permistis radijs tantum splendoris
effundere, ut mundi vniuersi oculos ad se tractura sint, quid
quid enim lucis ab insulis, & galeis, à sacris, & profanis
dignitatibus emanare potest, hic contractum intuebitur orbis,
& mirabitur: & Aquilas columbis, laureas oleis contin-
ctas videns consociatam bello pacem, amoris maiestatem, quæ
expellere se inuicem solent, cum stupore conspiciet. Nini-
rum talis Tu es, ut vel pugnancia decora, posita simultate,
et Te libenter conueniant, ut suum vnaquæque Tibi fulgo-
rem impertiat, suis vnaquæque opibus locupletiores faciat.
Tanto ergo splendore ditatus solem imitare, qui radios vna-
dequaque fundens summa, & infima profusa liberalitate
fouet, ac illustrat. Philosophiam meam, licet pusillam,
presidium tuum implorantem vultu benigno excipe, & sub
nominis Tui splendidiſſimo titulo in publicum exire permi-
te. Tam mirifico decorata ornamento proculdubio omnium
oculos ad se conuertet; nam si gemma erit, inserta auro ma-
gis lucebit: si minoris pretij lapis, tantum lucis à te hauriet,
ut oculos fallat; atque ut crystallus solis radijs peruersa ad-
amantis venustatem emulatur, nobiliorum operum speciem,
ac similitudinem habebit. Qualemquæ gloriam consequetur,
acceptam tibi omnem referet, & insolubilibus obligationis
vinculis Auctorem tibi perpetuò deuinciet. Vale

AVCTOR

A V C T O R A D L E C T O R E M.

EXiguam hanc Philosophiam meam offero tibi, amice Lector, in qua omisso inutili verborum apparatu, folis in rationibus sisto; ideoque vno, eoque non magno volumine compræhendi omnia potuere. Thomisticis sententijs me inhaerere fidelissimè videbis; Amore veritatis ad hoc faciendum impulsus sum; nam inter Scholasticos Doctores D. Thomas, eiusque doctrina ad illam magis accedit; quare Innocentius VI. de ea loquens ait. *Nunquam, qui eam tenuit, inuenitur à veritatis trahere deniassè, & qui eam impugnauit, fuit semper de veritate suspectus.* Scio Recentiores aliquos iactare, se nouæ doctrinæ esse inuectores, quos viri docti irrident, & meritò; nam si antiquorum libros accuratè legissent, aut illius Ecclesiastæ dicti meminissent. *Nihil sub sole nouum; nec valet quisquam dicere, ecce hoc recens est; iam enim præcessit in sæculis, quæ fuerunt ante nos;* ab hac iactantia desisterent. Ego antiquam D. Thomæ doctrinam sequi profiteor, quare si aliquid laude dignum in hac mea Philosophia inuenies; non mihi, sed Angelico præceptori tribue, à cuius vberissimo doctrinæ sole omnis splendor emanat.



APPRO-

APPROBATIONES!

D. Hieronymus Gallianus Præpositus
Generalis Clericorum Regularium
Congregationis de Somasca.

CVM ex mandato nostro duo nostræ Congregationis Theologi Logicam P. D. Antonini Botti Sacerdotis professi eiusdem Congregationis recognouerint, & in lucem edi posse probauerint, Tenore præsentium facultatem concedimus, vt typis mandetur, si ijs, ad quos spectat, videbitur. In quorum fidem, &c.
Datum Papie in Collegio S. Maioli die 13. Iulij 1670.

*D. Hieronymus Gallianus Præpositus Generalis
C. R. Congregat. Somasche.*

D. Antonius Barianus à Secretis.

Ex commissione Reuerendissimi Patris
Inquisit. Gener. Genuæ.

QVIA primum, quod in vnoquoq; saluatur est natura: hanc in suo opere Philosophico Auctor A. R. P. D. Antoninus Bottus Cler. Reg. Congregationis Somaschæ ad lucem solis Theomatici exaratam, sub censorio examine in primo loco posuit; vt in secundo

leco

oco secundæ intentiones Logicales, quæ sunt directiue operationum intellectus sub eadem censura, & commissione Reuerendiss. P. F. Sixti Cerchij Sac. Theol. Magistri, Generalis Inquisitoris Genuæ, totiusq; Serenissimi Dominijs scrutinentur; scrutinatæ sunt utiq; à me infrascripto, & vidi, quòd eadem Thomistica luce securitatis perfusæ Logicales veritates, dubietatis tenebræ diffugiant à Tyronibus, si ad ingressum huius Artis artium, & scientiæ Scientiarum, habent vnde ab Auctore fidelissimo Thomista nucleus veritatis fracta veluti cortice proponatur ipsis; & quasi de abstrusis fauorum cellis, mella extrahant; & spiritibus manibus confricatis, ad grana latentia, habent vnde perueniant: Hac vnica igitur censura sit contentus Auctor, quòd nulla; & ideo vt Typis mandetur sic censeo hac prima die Ianuarij anni 1671. in Conuentu nostro Sanctæ Mariæ Castelli Genuæ.

*Fr. Thomas Maria Gioué S. Theol. Magister
Sancti Offic. Consult. & in eodem Conuentu
Theologiæ Lector Primarius.*

Imprimatur attenta prædicta attestazione.

Fr. Sixtus Cerchius Inquisitor Generalis Genuæ.

1671. 6. Februarij.
Imprimatur.
Ex auctoritate Excellentiss. & Illustriss. Magistratus In-
quisitorum Status.

10: *Franciscus Castagnola Cancell.*

BREVIS




BREVIS INTRODVCTIO



AD LOGICAM.



Equum est, ut antequam ad profundiores cuiuslibet scientia veritates Tyrones introducantur, leuiores aliqua, & faciliora addiscant, quibus ad alia occultiora, & a sensibus remotiora, via facilis & expedita preparatur. Quia de causa, cum Dialectica difficillima sit, librique, quos de ea scripsit Aristoteles, non nisi peritis pateant, ideo optimo consilio, communique Dialecticorum consuetudine institutum est, ut ante ipsam Dialecticam introductio aliqua premittatur, in qua faciliora quaedam præcepta proponantur, simulque tradatur rudis aliqua notitia vocum, seu terminorum, quibus in scientiis pertractandis frequenter utimur. Ad hoc autem inservit tractatus iste, qui totus insitit in tradenda notitia vocum, quæ omnino prærequiritur ad veram rerum cognitionem comparandam: unde meritis appellatur introductio, quia viam preparat ad Logicam, aliasque scientias addiscendas. Hunc autem tractatū in tres disputationes diuidimus; in prima agemus de vocibus simplicibus, seu terminis, & eorum proprietatibus; in secunda de propositione, & passionibus eius, & in tertia de argumentatione, eiusque speciebus.



PRÆAMBVLVM I.

De modo sciendi.

Quia ad acquirendam aliquam cognitionem multū iuuat præscire modum, quo illa sit comparanda, ideo prius quam ad singula huius tractatus disputationes accedamus, aliqua de modo sciendi tradenda sunt, quæ, ne propriam inuertamus methodum, vt præambulum præmittimus.

De modo sciendi in communi.

1. Modus sciendi est oratio ignota, si manifestatiua sit. Oratio autem sunt plures voces congrue se habentes, & diuersa significantes, vt animal rationale: Vnde excluditur à ratione orationis terminus æqui-uocus; v. g. canis, qui licet diuersa significet, non tamen est plures voces. Excluduntur etiam termini synonymi, vt Marcus Tullius Cicero; nam licet sint plures voces, non tamen significant diuersa.

2. Vt autem intelligatur, quid sit ignotum manifestare, sciendum est,

A est,

DE MODO SCIENDI:

est, ignotum esse duplex; aliud incomplexum, vt *homo*; aliud complexum, vt hæc propositio, *Homo est risibilis*. Manifestare autem tunc propriè dicimus, quando rem in còtuso, & in tepebris latentem, in palam adducimus, & explicamus. Quare modus sciendi erit oratio illa, in qua aliquod ex his ignotis de confuso in palam adducitur, & explicatur. Et hic est sensus allatæ definitionis, in qua oratio ponitur loco generis, quia in illa conuenit modus sciendi cum alijs orationibus, quæ non sunt modus sciendi, vt cum propositione, & similibus. Aliæ verò particulae ponuntur loco differentia, quia solum oratio, quæ est modus sciendi, habet ignotum manifestare.

3. Huiusmodi autem modus sciendi est triplex, scilicet definitio, diuisio, & argumentatio. Cuius partitionis sufficientia ostenditur ex præfata diuisione ignoti. Si enim illud fuerit complexum, manifestatur per argumentationem: si verò incomplexum, vel ignoramus essentiam, & hanc explicat definitio: vel partes eius, & has manifestat diuisio. Ergo sicut nullum aliud datur ignotum, quod manifestetur, ita nullus alius datur modus sciendi, qui manifestet. Sic exemplum in homine, cuius si ignores essentiam, manifestatur per definitionem dicendo: *est animal rationale*. Si verò ignores partes eius, manifestantur hac diuisione: *Hominis alia pars anima, alia corpus*. Et tandem si ignores propriam passionem, quæ de illo prædicatur in hac propositione, *Homo est risibilis*, manifestatur per hanc argumentationem: *Omne rationale est risibile, omnis homo est rationalis, ergo omnis homo est risibilis*.

4. Dices: Propositio est modus sciendi; nam si ignoranti naturam hominis dicatur, *homo est animal*, verè manifestatur illi aliquod ignotum: & tamen non est definitio, diuisio, aut argumentatio; ergo modus sciendi non est tantum triplex. Respond. propositionem verè non manifestare ignotum, quia secundum quod est propositio, non necessariò asserit res notiores, in quò consistit manifestatio modi sciendi. Quòd si aliquando in illa contineatur definitio, aut diuisio, vt cum dicitur, *homo est animal rationale*, aut *hominis alia pars est anima, alia corpus*; tunc quidem propositio manifestat ignotum, non tamen ratione sui, sed ratione definitionis, aut diuisionis, quæ in ea includuntur.

De Definitione

5. **D**efinitio est oratio explicans essentiam rei. In qua definitione oratio ponitur loco generis: alia verò ponuntur loco differentia, quia in ratione orationis conuenit definitio cum alijs modis sciendi, & per explicare essentiam rei differt ab illis. Duplex autem est definitio, essentialis scilicet, & descriptiua. Definitio essentialis explicat essentiam rei per partes essentielles, quæ si fuerint metaphysicæ, nempe genus, & differentia definitio dicitur metaphysica, vt *animal rationale*, est definitio essentialis metaphysica hominis. Si verò fuerint physicæ, scilicet materia, & forma, definitio dicitur physica, vt *esse constans corpore, & anima rationali*, est definitio essentialis physica hominis. Definitio verò descriptiua explicat essentiam rei per proprias passiones, vt *esse animal* risi-

visibile, descriptiue explicat essentialiam hominis.

6. Dices: præter definitionem essentialiam, & descriptiuam, datur definitio accidentalis; quæ traditur per accidentia communia, vt si dicas: *Homo est animal pulchrum, bipes, implume, habens caput erectum*: ergo definitio non est tantum duplex. Respondendo negando antecedens, reducitur n. dicta definitio ad descriptiuam, eo quia omnia illa accidentia communia, simul iuncta, quodammodo sunt propria definiti, quamuis separatim sumpta conueniant alijs.

7. Quinque sunt regule bonæ definitionis. *Prima est*, quod definitio sit clarius suo definito. Et ratio est, quia illud manifestare debet; quomodo autem illud manifestaret, si esset eque obscura cum illo? *Secunda*, quod definitum non ingrediatur definitionem; si n. ingrederetur, idem esset notus, & ignotius. *Tertia*, quod non sit superfluum, nec diminutum: superfluum n. potius parit confusionem, quam claritatem. Diminutum verò non explicat totam essentialiam definiti. *Quarta*, quod definitio constet genere, & differentia, vel saltem aliquo supplente vicem generis, & differentie. Cum enim essentialia cuiuslibet rei, quæ per definitionem explicatur, habeat aliquid cum alijs commune, quod appellatur genus; & aliquid sibi proprium, & peculiare, quod dicitur differentia, planum sit, utrumque exprimendum esse in definitione, vt explicari possit tota natura definiti. *Et quinta tandem*, quod definitio conuertatur cum definito, & è contra: quia definitio continet totam essentialiam definiti; ergo nulli alteri conuenire potest.

8. Iuxta quas regulas duo sunt

modi arguendi in definitione. *Primus est*: à definitione ad definitum affirmatiue, & negatiue, & è contra, est bona consequentia, vt est animal rationale; ergo homo: Non est animal rationale; ergo non est homo: Et è contra. *Secundus est*: quidquid prædicatur de definitione, prædicetur de definito, & è contra: valet n. homo est bipes; ergo animal rationale est bipes; & è contra. Hoc autem intelligendum est de prædicatis realibus, non verò de intentionalibus, seu prædicatis rationis; non n. valet, definitio est modus sciendi; ergo definitum est modus sciendi. Nec similiter, animal rationale est oratio; ergo homo est oratio; & sic de cæteris.

9. Circa autem modum loquendi obseruandum est, quod inquireti, quæ sit ista definitio? responderi debet, est essentialis, vel descriptiua, physica, vel metaphysica. Si verò inquiretur, qualis sit ista definitio? responderi debet, est bona, vel mala: erit quidem bona, si seruet leges assignatas; mala verò, si illas transgrediat. Nunquam tamen definitio dicenda est vera, vel falsa, cum non sit propositio, cuius est, verum vel falsum significare.

De Diuisione

10. **D**IVIISIO est oratio distribuens totum in suas partes. Quæ definitio eodem modo explicatur, ac definitio definitionis: nam ly oratio ponitur loco generis; alia verò ponuntur loco differentie. Est autem triplex, potentialis, actualis, & accidentalis. Diuisio potentialis est illa, qua totum diuiditur in partes, quas sub se, & in potentia continet.

Et hæc est duplex, alia generis in species, alia analogi in analogata. Diuisio actualis est illa, qua totum diuiditur in partes, ex quibus componitur, siue illæ sint physicae, vt hominis alia pars anima. alia corpus: siue metaphysicae, vt hominis alia pars animal, alia rationale: siue integrantes, vt hominis alia pars caput, alia manus, &c. & ideo diuisio actualis subdividitur in physicam, metaphysicam, & integram. Diuisio denique accidentalis est illa, qua totum accidentale diuiditur in suas partes. Et hoc fit multipliciter: *primò*, quando diuiditur subiectum in accidentia, vt corpus aliud album, aliud nigrum. *Secundo*, quando è contra diuiditur accidens in subiecta, vt album aliud nix, aliud papyrus. Quibus solet addi tertia, diuisio scilicet accidentis in accidentia, vt cum dicimus, album aliud frigidum, aliud calidum. Sed hæc diuisio reducitur ad diuisionem subiecti in accidentia, quia tunc album, quod est diuisum, habet rationem subiecti respectu caloris, & frigoris.

12. Regula pro bona diuisione sunt. *Prima*, quòd membra diuidentia sint, inter se distincta; aliàs nõ essent partes, de quarum ratione est, se inuicem excludere. *Secunda*, quòd membra diuidentia seorsim sumpta sint inferiora diuiso, illudque coniuncta ita adæquent, vt non excedant. Et ratio vtriusque est: quia diuisum est totum, & membra diuidentia partes: totum autem licet excedat vnam partem, non tamen excedit omnes, neque exceditur ab eis. Et *tertia* est, quòd diuisio tradatur per pauca membra diuidentia, ne eorum multitudo obscuritatem, & confusionem pariat. Propter quoddam

fiones communiter assignantur per membra contradictoria, exprimendo scilicet membrum principale, & loco aliorum negationem eiusdem principalis, vt cum dicimus: *Animal aliud rationale, aliud irrationale. Vniuers aliud sensibile, aliud insensibile*. Et sic de alijs.

12. Vt autem hæc conditio sit vndeque recta, intelligenda est cum grano salis: nam si omnia membra diuidentia alicuius diuisi nota fuerint, & in diuisione enumerentur, procul dubio diuisio erit bona; quia licet per accidens ex defectu nostri intellectus fortè generet confusionem, secundum se tamen est manifestatiua multiplicis diuisi. Cæterum, quia non semper nota sunt omnia membra diuidentia, vel dato quòd sint nota, non tamen sunt necessaria ad propositum, de quo agitur; ideo frequentius solet diuisio tradari per pauca membra, comprehendendo sub aliquo eorum alia, quæ sub diuiso continentur. In quo sensu intelligenda est prædicta regula.

13. Pro qua etiam secundò notandum est, quòd quando diuisio datur per vnum membrum positium, & aliud negatiuum, vt in hac: *Animal aliud rationale, & aliud irrationale*, tunc membrum negatiuum nempe *irrationale*, non est intelligendum purè negatiue: sic n. non solum conuenit brutis, sed etiam plantis, elementis, & alijs, quæ non continentur sub animali, siquidem omnia hæc non sunt rationalia. Sed priuatiue, vt scilicet significat intra proprium diuisum carentiam alterius membri positiui; & isto modo irrationale est membrum diuidens in prædicta diuisione.

14. Tres sunt modi arguendi circa

et diuisionem. *Primus est*, à diuiso ad omnia membra diuidentia, & è contra, valet consequentia tam affirmatiuè, quàm negatiuè: vt est animal, ergo rationale, vel irrationale: Est rationale, vel irrationale, ergo est animal. *Secundus*, à membro diuidenti ad diuisum valet affirmatiuè; non tamen negatiuè: vt est homo, ergo animal. Non est homo, non valet, ergo non est animal. A diuiso verò ad quodlibet membrum diuidens, valet negatiuè, non autem affirmatiuè: vt non est animal, ergo neque homo: non tamen valet; est animal, ergo homo. *Tertius*, à diuiso cum negatione vnius, vel plurium membrorum secundum qualitatem diuisionis, ad affirmationem alterius membri restantis, bene valet consequentia, vt est animal, & non rationale, ergo irrationale.

15. Modus autem loquendi in diuisione idem est, ac in definitione: nam interroganti, quæ sit hæc diuisio? respondetur, potentialis, vel actualis, &c. Si verò inquiratur, qualis sit? respondetur, bona, vel mala, non tamen vera, vel falsa.

De Argumentatione.

16. **A**rgumentatio est oratio, in qua vnum ex alio inferri demonstratur, vt Petrus ambulat, ergo mouetur. Ex quo sequitur primo, ad argumentationem non sufficere, quòd vnum possit inferri ex alio, sed necesse est, vt explicetur illatio; propter quod ista non est argumentatio: *Petrus ambulat, & mouetur*: quia ibi non explicatur motum inferri ex ambulatione.

17. Secundo sequitur, tria reperiri in argumentatione, primum est

id, ex quo aliquid inferitur: quòd si fuerit vnica propositio, dicitur *antecedens*; si verò fuerint duæ, prima dicitur maior, & secunda minor. Secundum est id, quod inferitur ex antecedenti, & dicitur consequens. Tertium est nota illationis, quæ dicitur consequentia, quia indicat consequens inferri ex antecedenti.

18. Hæc autem nota illationis triplex est, alia conditionalis, in qua illatio fit media particula *si*, vt si homo currit, mouetur. Alia rationalis, in qua ponitur particula *ergo*, vel *igitur*, vt Petrus est rationalis, ergo risibilis. Et alia causalis, in qua ponitur particula *quia*, vel similis, vt quia homo est rationalis, est admiratiuus. Cum ergo triplex sit nota illationis, triplex etiam erit argumentatio, scilicet conditionalis, rationalis, & causalis. Relictis autem conditionali, & causali, quarum vltimus non est ita frequens in disputationibus, solum agimus de argumentatione rationali. Et hæc est quadruplex, scilicet syllogismus, enthymema, inductio, & exemplum. Syllogismus est argumentatio constans tribus propositionibus, maiori scilicet, minori, & consequentia. Enthymema est argumentatio constans duabus, nempe antecedenti & consequenti. Inductio est argumentatio, in qua ex pluribus singularibus inferitur aliquod vniuersale. Et tandem exemplum est argumentatio, in qua ex aliquo singulari aliud singulare simile colligimus.

19. De modo seruando inter disputantes plura dicunt DD. nos tres tantum regulas tradimus. *Prima est*, vt non defendatur id, quod clare est falsum; neque negetur id, quod manifestè est verum. *Secunda*, vt arguamus

guens breuiter, & perspicue proponat argumentum, neque extra formam aliquid loquatur. Et in probationibus ita se debeat gerere, vt propositio à respondente negata, sit consequens argumenti succedentis ex vi eiusdem medij. *Tertia* tandē, vt respondens refumat argumentum integrum à contrario propositum, & postea iterum illud repetat; & si maior fuerit falsa, negetur; si vera, concedatur; si ambigua, distingatur: si verò fuerit argumento indifferens, ita ut ad illud non intersit, an sit vera, vel falsa, dicatur transeat. Et idem dicimus de minori, quod diximus de maiori. Quacumque tamen negata, ibi cessat responsio. Si autem minor concedatur, repetetur consequens, quod nec concedi, nec negari potest, sed tantum distinguere: & secundum vnum, aut alterum sensum eius concedetur, vel negabitur consequentia. Non licet respondentis, cum concedit, aut negat aliquam propositionem, amplius loqui. Si verò distinxerit, licebit membra distinctionis breuiter explicare.

PRÆAMBVLVM II.

De signo.

1. **Q**uia voces non pertinent ad institutum dialecticum secundum suam realem entitatem, sed secundum quod impositæ sunt ad significandas res, ideo antequam de ipsis agamus, opere prærium est breuiter exponere, quid, & quomplex sit signum. Signum autem est illud, quod præter sui cognitionem, alterius cognitionem inducit, vt fumus est signum ignis, quia viso fumo, statim ducimur in cognitionem ignis occulti. Quo fit, vt cuilibet

signo duplex cognitio correspondeat: una, qua signum cognoscitur, vt cognitio fumi: altera, qua cognoscitur res illa, cuius est signum, vt cognitio ignis.

2. Duplex autem est signum, aliud naturale, aliud ad placitum. Signum naturale est, quod ex natura sua, & non ex voluntate hominum, aliquid representat: vt fumus est signum ignis. Signum verò ad placitum est contra est, quod ex hominum institutione, & non ex natura sua aliud representat: vt sonus campanulæ per se ictus est signum scholæ. Hic est aduertendum, quod impositio signi ad placitum fieri debet auctoritate publica, & priuata non sufficit.

3. Dices: Imago Cæsaris non significat illum naturaliter; quia non à natura, sed ab arte habet, vt significet Cæsarem. Neque ad placitum, quia si imago Cæsaris sit vera eius effigies, non dependet ex hominum voluntate, quod Cæsarem representet. Ergo prædicta diuisio est insufficiens. Respond. Imaginem Cæsaris esse signum naturale illius, quia quamuis præcellerit ars, qua fuit depicta, facta tamen imagine, iam significat ex naturali similitudine, & non ex hominum impositione ipsum Cæsarem.

4. Quæres primò. Quid voces significant? Resp. significare tum conceptus nostros, tum res ipsas, quas concipimus. Cum enim profero hanc propositionem, *Petrus est albus*, & meum conceptum significo, & rem ipsam à me conceptam. Scit qui illam audit, non solum meum conceptum, verum etiam albedinem à parte rei inesse Petro, percipit.

Quæ-

5. Quæres secundò. Quodnam ex his principalius significetur à vocibus? Respond. voces principalius significare mentis nostræ conceptus, & minus principaliter res ipsas Probatur, quoniam illud principalius voces significant, ad quod significandum primò sunt institutæ: sed primò sunt institutæ ad manifestandum alijs nostræ mentis conceptus: ergo eos principalius significant. Probatur minor; quia voces primò inueniuntur, & res nominatæ, vt animal sociabile, quale est homo, suos occultos sensus alijs manifesta- ret: ergo ad illos significandos primò institutæ sunt.

6. Ob. 1. Id principalius significant voces, quod immediatè repræsentant; atqui non conceptus, sed res immediatè repræsentant: ergo res, non autem conceptus principalius significant. Prob. min. quoniam id immediatè repræsentant, cuius immediatè generant cōceptū in mente audientis: sed immediatè generāt cōceptum rei, & non conceptum cōceptus: ergo non conceptus, sed res immediatè repræsentant. Probatur minor, quia audita hac voce, *Petrus currit*, statim generatur conceptus in mente audientis, quod Petrus currat; & nihil curat audiens de cōceptu loquentis. ¶ Resp. hoc argumentum laborare in æquiuoco; cū enim dicimus, voces principalius, & immediatè mentis nostræ conceptus significare, non intendimus id dicere de conceptibus in actu signato, sed de illis in actu exercito. Satis enim clarum est, loquentem, cum dicit, *Petrus currit*, non dicere in actu signato, ego concipio Petrum currere; vnde nec audiens talem cōceptum vt sic per voces di-

gnoscit. At certè cum non proferat hanc propositionem, nisi prius præconcipiat illam, & illud intendat manifestare, quod concipit. Quis non videt in actu exercito suū conceptum primò manifestare?

7. Ob. 2. Detur puer, qui mente didicerit duo, vel tria verba græca, & proferat illa coram callente linguam græcam; nihil tamen sciat puer de sensu verborum, tunc non potest per verbum illud græcum suum significare conceptum, cum dictus puer de illis verbis nullū habeat conceptum, nec sciat quid significant; & tamen ille, qui linguā callet, intelligit, quid verba illa significant: ergo voces non sunt institutæ ad significandum conceptus mentis, sed res ipsas. ¶ Respondeo dupliciter. *Primò*, quod voces illæ respectu pueri, non sunt voces humane; non enim loquitur vt homo; sic ut *bikri* diceret, quod nihil significat: in præsentia autem loquimur de vocibus humanis, quibus vnusquisque vtitur ad exprimendos suos conceptus; quæ voces non sunt eadem apud omnes. *Secundò*, etiā in hoc casu voces illas de se primò natas esse ad significandum nostræ mentis cōceptus, per accidens verò, quia humano modo nō proferuntur, conceptum pueri non significare.

8. Quæres tertio. An voces sint signa naturalia, vel ad placitum? communior sententia docet, vocū humanarū significationem esse omnino ad placitum. Cuius ratio est, quia solo hominum placito factum est, vt hæc vox *homo*, animal rationale significaret; & idem est dicendum de alijs vocibus; Quod colligitur ex verbis Scripturæ Sacre, Genes. 2. *Formatis igitur Dominus Deus*

Deinde humo cunctis animantibus terræ, & uniuersis volatilibus cæli, adduxit ea ad Adā, ut videret, quid vocaret ea: omne enim quod vocauit Adam animæ viventis, ipsum est nomen eius. Confirmatur, hoc argumento; Natura semper se habet eodem modo apud omnes nationes: ergo quæ nō sunt eadem apud omnes non sunt naturalia, sed ex diuerso hominum placito variantur: at voces sunt diuersæ apud diuersas nationes, nam diuersis vocibus Greci, & Latini hominem significant, pro diuersitate linguæ: ergo voces non naturaliter, sed ad placitum significant.

9. Sed his non obstantibus dico, voces esse signa naturalia, cum aliqua tamen indeterminatione. Quam sententiā tenent aliqui recentiores. Pro cuius explicatione noto, signa esse in duplici differentia, quædam quæ determinatè vnum tantum significant, vt fumus ignem; hic fumus hunc ignem. Alia verò non sunt ita determinatè significantia, vt atra vestis est signum mortis alicuius consanguinei; tamen adhuc illa visa, nescimus, an propter mortem Patris, vel alienius alterius illa quis induatur. Hoc posito, Dico: si voces accipiuntur in quantum ad id, quod determinatè significant, illarum significatio est ad placitum, vt probat argumentum factum. Si verò cum aliqua indeterminatione sumantur, sunt signa naturalia. Et probatur, quoniam illud dicitur signum naturale, quod habet necessariam connexionem cum re significata: atqui talis est vox rām respectu cōceptum, quā respectu rerum indeterminatè sumptarū: ideo enim natura dedit nobis voces, vt

nostros alijs manifestemus conceptus; & res conceptas significemus: ergo sunt, &c. Confirmatur, ideo laurus ante tabernam nullo modo est signum naturale, quia naturaliter non est instituta ad significandū: si ergo voces datæ sunt hominibus a natura ad hunc finem, vt per illas significarent suos conceptus &c. erunt signa quodammodo naturalia, & non omnino ad placitum.

10. Ob. 1. Natura non minus prouidit hominibus, quā brutis: sed bruta habent voces naturaliter omnino significatiuas omnium eorum, quæ significare possunt: ergo idem dicendum est de hominibus: ac proinde eorum voces non erunt signa ad placitum, sed omnino naturalia. Probatur minor; nam Bruta per vnam vocem significant famem, siue appetitum cibi, & molestiam ex eius carentia, eo pacto quo paruæ auiculæ significant matri talem appetitum, vt ab ipsa cibis afferatur: per aliam vocem delectationem ex cibi presentia, vt cum gallina inuesto cibo dat signum pullis suis, vt accurrant ad illum sumendum: per aliam significant iram, siue appetitum vindictæ ex presentia hostis: per aliam timorem, & appetitum fugæ, & sic de alijs. Atqui hæc omnia naturaliter significant: ergo, &c. ¶ Respond. negando paritatem, & ratio discriminis est, quia bruta nullo modo sunt agentia libera, sed tantum necessaria: at verò homines vtrumque habent, nam respectu aliquarum actionum sunt agentia determinata, non autem respectu aliarum. In illis, quæ sunt determinata à natura, etiam homines habent voces, quæ naturaliter, & non ad placitum significant, vnde suspiria, gemitus.

gemitus, & similia in hominibus sūt signa naturalia alicuius internę passionis. In illis verò, quę sunt libera, signa ad ea exprimenda; non fuerunt determinata à natura, sed relicta ab hominibus determinanda per liberam eorum electionem. Unde non sequitur, quodd natura deferret in necessarijs cum hominibus; nam propterea dedit eis potentiam articulandi voces, & non brutis, quia homines, & non bruta debebāt aliquibus vocibus significationem imponere.

11. Ob. 2. Si voces significant ad placitum, debuerunt homines ab initio significare placitum, & voluntatem dandi unicuique voci suā significationem: sed non aliter poterunt significare talem voluntatē, quā per voces significatiuas: ergo ante primam institutionem dabantur voces significatiue: istę non erāt significatiue ex institutione, quia significabant ante omnē institutionem: ergo erant significatiue naturaliter. ¶ Respond primas linguas esse non ab hominibus, sed à Deo, qui primis hominibus infudit cognitionem lingue hebraicę, & post diluuium infudit triginta duabus familijs, quę conuenerant ad edificandam babilonicam turrim, notitiam septuaginta duarum linguarū. Talis autem linguarum infusio facta fuit per infusionem specierum intentionalium representantiū voces talium linguarum, & earum significationem, quę species similes erant illis, quas nos acquirimus, dum linguas addiscimus. Si verò homines ab initio creati fuissent sine cognitione illius lingue, dico quodd pactum instituendi primas linguas exprimere potuissent per nutus, qui

sunt signa naturalia: sicut de facto nutus suos conceptus manifestantur, quorum significatio percipitur ab omnibus gentibus.

DISPUTATIO I.

De Terminis.

1. **T**erminus est extremum propositionis. Sicut enim extrema puncta alicuius lineę dicuntur eius termini; quia talis linea non habet ullam sui partem extra illa: sic etiam extrema propositionis, nempe subiectum, & prædicatum, vocantur termini, quia intra illa tota propositio clauditur. Et ideo in definitione adducta *extremum* ponitur loco generis; quia in illo conuenit terminus logicus cū extremis lineę, & aliarum rerum: loco verò differentię ponitur *ly. propositionis*, quia per hoc differt ab illis: siquidem vltima puncta sunt extrema lineę; terminus verò logicus est extremum propositionis.

2. Primo diuiditur terminus in subiectum, & prædicatum. Prædicatum est terminus, qui dicitur de alio, & subiectum est terminus, de quo dicitur aliud: vt in hac propositione, *homo est animal*, animal est prædicatum, quia dicitur de homine, & homo est subiectum, quia de ipso dicitur animal.

3. Secundo diuiditur in categorematicum, & syncategorematicum. Categorematicus idem valet, ac significatiuus, & est ille, qui aliquid per se significat: seu qui in propositione est integrum subiectum, aut prædicatum, vt *homo*, *leo*, &c. Syncategorematicus, idest, consignificatiuus, est ille, qui per se separatius non significat aliquid, copiu-

Etus tamen categorematico facit illud aliter significare, ut *omnis, nullus, aliquis, uterque*, & similes: propter quod dicitur consignificatiuus. His solet addi terminus mixtus, qui scilicet virtualiter includit duas voces, quarum altera est terminus categorematicus, altera verò syncategorematicus, ut *nemo*, id est, nullus homo.

4. Tertio terminus categorematicus subdividitur in complexum, & incomplexum; complexus, ut *homo albus*, qui simpliciter non est terminus, sed potius oratio, quia plures includit voces. Incomplexus, ut *homo, leo*, & omnes voces simplices. Qui est triplex, alius uniuocus, ut homo respectu Petri, & Pauli; alius æquiuocus, ut canis respectu marini, & terrestres: & alius analogus, ut ens respectu substantiæ, & accidentis, vel sanum respectu animalis, viræ, & medicinæ.

5. Quarto diuiditur terminus in communem, & singularem. Terminus communis est, qui significat plura diuisim, ut animal significat hominem, equum, & ceteras species, quæ continentur sub genere animalis. Terminus verò singularis est, qui tantum significat unum, ut *Petrus*; aut plura coniunctim, ut *Roma*. Ex est quadruplex, scilicet determinatus, nempe qui unum determinatè significat, ut *Petrus*. Demonstratiuus, qui, scilicet signo demonstratiuo afficitur, ut hic homo. Ex suppositione, qui scilicet quamuis plura significare possit, tamen suppositione facta, unum tantum significat; quomodo filius virginis significat Christum. Et vagus, qui scilicet significat unum, non determinando, an sit

hoc, vel illud, ut quidam homo.

6. Quinto terminus diuiditur in concretum, & abstractum. Concretus est, qui significat formam cernendo subiectum, ut album, quod significat albedinem in subiecto, & homo, qui significat humanitatem in supposito. Abstractus est, qui tantum significat formam, ut albedo, & humanitas. ¶ Sexto diuiditur in absolutum, & connotatiuum. Absolutus idem est, quod apud Grammaticos nomen substantiuum, & est ille, qui significat per modum per se stantis. Connotatiuus idem valet ac nomen adiectiuum, & est ille, qui significat per modum alteri adiacentis. ¶ Septimo diuiditur in terminum finitum, & infinitum. Infinitus est, qui afficitur negatione infinitante, ut non homo; Finitus verò est, qui simili negatione caret. ¶ Vltimo diuiditur in terminum primæ, & secundæ intentionis. Terminus primæ intentionis est, qui significat rem secundum id, quod habet à parte rei, ut homo, equus, &c. terminus verò secundæ intentionis est, qui significat rem secundum id, quod habet ex consideratione intellectus, ut genus, species, & similia.

7. Cognita iam essentia, & multiplicitate terminorum, restat eorum proprietates inuestigare, quæ sunt sex, scilicet suppositio, ampliatio, restrictio, alienatio, diminutio, & appellatio. ¶ Suppositio est *positio termini loco alienius*, ut in hac propositione, *animal disputat*; ly animal supponit pro homine; solus enim hominibus ex animalibus disputat. Similiter in hac alia propositione, *homo est species*, ly homo supponit pro natura humana in communem, non autem

autem pro Petro, vel Paulo, Petrus enim vel Paulus non sunt species, sed individua speciei. E contra vero in hac alia propositione, *Petrus est individuum*, ly Petrus non supponit pro natura humana in communi, sed pro hoc individuo, nempe Petro. Unde sicut non valet hæc consequentia, homo est species, ergo Petrus est species. Ita nec valet hæc alia, Petrus est individuum, ergo homo est individuum.

26. Ampliatio est *extensio termini à minori ad maiorem suppositionem*; vt in hac propositione, *Avarus appetit pecunias*, ly pecuniarum ampliatur ad omnes differentias temporis: quia reddit hunc sensum. Avarus appetit pecunias, quæ sunt, vel fuerunt, vel erunt, vel sunt possibiles, vel imaginariæ. § Restrictio è contra est *coartatio termini à maiori ad minorem suppositionem*; vt in hac propositione, *Homo, qui est iustus, diligit Deum*, vbi ly homo restringitur ad solos iustos. Sicut similiter in hac alia, *Homo albus segregat visum*, ly homo restringitur ad solos albos. § Alienatio est *translatio termini à propria ad impropiam significationem*; vt in hac propositione, *vicit leo de tribu Iuda*, vbi leo transfertur à propria significatione ad significandum Christum Dominum. § Diminutio est *detractio partis suppositiæ*; vt in hac propositione, *Aethyops est albus secundum dentes*, ly albus non supponit pro toto homine, sed pro quadam eius parte, scilicet dentibus.

27. Appellatio tandem est *applicatio significationis formalis vnius termini ad significatum alterius*. Pro cuius intelligentia sciendum est in termino concreto duplex significatum reperiri: alterum formale, & est ipsa

forma, quam concretum significat, vt humanitas, & albedo sunt significata formalia hominis, & albi. Alterum vero materiale, & est subiectum, seu suppositum, quod concernit nomen concretum; vt corpus est significatum materiale albi, & persona est significatum materiale hominis. Appellare ergo erit applicare significatum formale vnius termini ad significatum siue materiale, siue formale alterius. Et propterea terminus, qui applicatur, dicitur appellans; ille vero cui applicatur, dicitur appellatus.

28. Hinc sequitur, appellationem esse duplicem; aliam materialem, nempe quando applicatur significatum formale vnius supra significatum materiale alterius; vt in hac propositione, *Petrus logicus est magnus*, vbi magnitudo non applicatur Petro ratione logica, sed ratione corporis. Aliam formalem, quando scilicet applicatur significatum formale vnius supra significatum formale alterius; vt si dicas: *Petrus est logicus magnus*. Ibi enim magnitudo non appellat supra Petrum ratione corporis, sed ratione logica.

29. Quatuor sunt regulæ observandæ pro appellationibus cognoscendis. Quarum prima est: quando subiectum est terminus concretus, & prædicatum connotativus; connotativus applicat suum formale significatum supra materiale concreti. Et hac de causa ista propositio est falsa, *Christus est factus*; quia illud participium appellat supra suppositum Christi Domini, quod est Verbum divinum, cui repugnat fieri. Et eadem ratione hæc est vera, *Christus est æternus*.

30. Secunda regula est: quando

ex parte subiecti sunt nomen absolutum, & connotatiuum, & ex parte prædicati est aliud connotatiuum, istud appellat supra absolutum, quod est à parte subiecti; vt in hac propositione, *Petrus logicus est magnus*. Ibi magnitudo tantum appellat supra Petrum, & non supra logicam. Si verò à parte subiecti sit tantum substantiuium, & à parte prædicati duo adiectiua, seu connotatiua, tunc vnum adiectiuum appellat supra aliud; vt in hac propositione, *Petrus est logicus magnus*.

31. Tertia regula est: verba significantia aliquem actum siue internum, siue externum, applicant suam actionem supra significatum formale termini, cui iungitur, & non supra materiale; vt cum dicis: *vidi Papam*, vel *facio calceum*. Sensus est, te vidisse Papam dum erat Papa; & efficere formam calcei, non verò eius materiam.

32. Quarta tandem regula est: quòd nomina numeralia, vt duo, tres, quatuor, quando applicantur terminis substantiuiis, non solum appellant supra significatum materiale, sed etiam supra formale, & ideo vtrumque multiplicat; vt si dicis, *video tres homines*, sensus est, video tria supposita habentia tres humanitates. Si verò talia nomina applicentur terminis adiectiuis, solum appellant supra significatum materiale eorum, & illud tantum multiplicat, non verò significatum formale; vt cum dicis, *vidi duo alba*: sensus est, vidisse duo subiecta habentia albedinem; essetque propositio vera etiam si per impossibile vna albedo esset in vtroque. Propter hanc regulam ista propositio est hæretica, *in diuinis sunt tres Dg*; quia reddit hunc

sensum: in diuinis sunt tria supposita habentia tres deitates. Quod est contra fidem. Istæ verò sunt veræ, & catholicæ: *in diuinis sunt tres diuini, Tres omnipotentes, Tres sapientes, Tres æterni*, &c. Si hæc omnia sumantur adiectiua. Quia sensus est; in diuinis sunt tria supposita habentia Deitatem, omnipotentiam, sapientiam, æternitatem, &c. non verò si sumantur substantiua. Videatur D. Th. 1. part. quæst. 39. art. 2.

DISPUTATIO II.

De Propositione.

1. **P**ropositio est ratio, verum vel falsum significans. Constat subiecto, & prædicato tanquam partibus principalibus, & copula tanquam vnione, vt *homo est animal*. In propositione intellectus quatuor distinguit, videlicet formam, materiam, quantitatem, & qualitatem. Forma propositionis est vnio illa prædicati, & subiecti secundum affirmationem, & negationem. Materia est habitudo prædicati, & subiecti antecedens ipsam vnionem. Ecce hæc habitudo est triplex: alia naturalis, quando scilicet prædicatum est de essentia subiecti, vel est eius passio; alia contingens, quando scilicet prædicatum est accedens commune respectu subiecti: & alia remota, quando scilicet prædicatum repugnat subiecto. Quantitas est illa magnitudo secundum quam propositio dicitur vniuersalis, vel particularis. Et tandem qualitas propositionis est illa, secundum quam dicitur vera vel falsa.

2. Propositio ratione forme diuiditur in affirmatiuam, & negatiuam. Pro-

Propositio affirmatiua est, quæ iungit prædicatum cū subiecto, & correspondet iudicio intellectus prout appellatur compositio: negatiua uero est, quæ prædicatum à subiecto remouet, & correspondet iudicio intellectus prout appellatur diuisione.

3. Ratione materia diuiditur in necessariam, contingentem, & impossibilem. Necessaria est, quæ enunciat rem, quæ aliter se habere non potest. Contingens enunciat rem, quæ aliter se habere potest. Et impossibilis enunciat rem, quæ sic se habere non potest. Quo fit, ut non sint idem, propositionem esse in materia naturali, & esse necessariam; Siquidem hæc, *homo non est animal*, est in materia naturali, & tamen est impossibilis. Similiter nō sunt idem, propositionem esse in materia remota, & esse impossibilem; nam hæc, *homo non est equus*, est in materia remota, & tamen est necessaria. Quod ut benè percipiatur, obseruanda est sequens regula, quod scilicet in materia naturali omnis propositio affirmatiua est necessaria; negatiua uero impossibilis. In materia autem remota omnis propositio negatiua est necessaria, & affirmatiua impossibilis: In materia contingenti tam affirmatiua, quam negatiua semper manent contingentes.

4. Ratione quantitatis diuiditur in vniuersalem, indefinitam, particularem, & singularem. Vniuersalis est, cuius subiectum est terminus communis signo vniuersali affectus, ut *omnis homo est animal*. Indefinita est, cuius subiectum est terminus communis nullo signo affectus, quæ si fuerit in materia naturali, & remota, æqualeq; vniuersali, ut *homo est*

animal, *homo non est lepus*. Si uero fuerit in materia contingenti, æqualeq; particulari, ut *homo est albus*. Particularis est, cuius subiectum est terminus communis signo particulari affectus, ut *aliquis homo est niger*. Et tandem singularis est, cuius subiectum est terminus singularis, siue sit determinatus, ut *Petrus*, siue demonstrationis, ut *hic homo*, siue ex suppositione, ut *filius Mariae Virginis*. Hinc fit, ad quantitatem cognoscendam respiciendum, esse subiectum, non prædicatum.

5. Diuiditur tandem propositio ratione qualitatis in veram, & falsam. Propositio vera est, quæ dicit rem sicuti in se est; falsa uero, quæ rem aliter ac est in se enunciat.

6. Tres sunt proprietates propositionis, videlicet oppositio, æquipollentia, & conuersio. Oppositio propositionis ut ex Aristotele peribet, cap. 4 colligitur, est repugnantia inter propositionem affirmatiuam, & negatiuam eiusdem prædicati, & subiecti. Vnde duo sunt necessaria ad oppositionem: primum, quod copula principalis in vna sit affirmata, & in altera negata; Secundum, quod in utraque maneat idem prædicatum & subiectum in nomine, in re signifi-
ficata, in integritate, in tempore, & in loco: licet aliquando signa sufficientia subiectum mutantur, ut ex dicendis patebit.

7. Oppositio sic explicata est triplex, videlicet contradictoria, contraria, & subcontraria. Oppositio contradictoria inuenitur, quando vna propositio est vniuersalis, & alia particularis: contraria autem, quando ambæ sunt vniuersales: subcontraria uero, quando ambæ sunt particulares: in quibus omnibus propo-

tionibus altera propositio debet esse affirmatiua; altera negatiua; hoc enim est de ratione oppositionis. Vnde quia oppositio subalternata verificatur inter propositiones, quarum una est vniuersalis, & altera particularis; aenba tamen affirmatiua, vel negatiua; propriè non est oppositio.

8. Noto pro oppositione contradictoria, quod quando subiectum est terminus communis, & supponit realiter, seu personaliter, requiritur vt vna propositio sit vniuersalis, & altera particularis; vt v. g. *Omnis homo est risibilis; aliquis homo non est risibilis*. Quando verò subiectum est terminus singularis, aut communis supponens copulatiuè, tunc in vtraque debet inuariatum manere, nulla scilicet mutata quantitate: vt v. g. *Petrus currit. Petrus non currit; Omnes Apostoli sunt duodecim, omnes Apostoli non sunt duodecim*. Si enim mutaretur quantitas, non essent contradictoriae, vti dicas: *omnes Apostoli sunt duodecim; aliqui Apostoli non sunt duodecim*. Ratio huius notandi est, quia cum contradictio sit maxima oppositio, teste Aristotele 10. met. c. 7. ne profinde nullum possit habere medium; consequens est, vt sit totalis remotio affirmatiouis per negationem. Quare quia vniuersalis affirmatiua totaliter remouetur per negatiuam particularem, sicut negatiua vniuersalis per particularem affirmatiuam, quando subiectum est terminus communis supponens realiter, seu personaliter; ideo in tali casu contradictio fit mutata quantitate. Et quia quando subiectum est terminus singularis, vel communis supponens copulatiuè; tunc si mutaretur quantitas propo-

sitionis, affirmatio non totaliter remoueretur per negationem vt patet in exemplo adducto; ideo vt inter similes propositiones maneat contradictio, eadem manere debet quantitas.

9. Propositiones contradictoriae in nulla materia possunt esse simul verae, aut simul falsae: quia sicut impossibile est idem simul esse, & non esse; ita impossibile est, vt idem simul assumatur vel negetur de eodem; quod fit per contradictionem. Contrariae verò in materia contingenti possunt esse simul falsae, vt patet in his propositionibus: *omnis homo est albus, nullus homo est albus*, quae constat esse falsas. Et subcontrariae in eadem materia contingenti possunt esse simul verae, vt sunt sequentes: *aliquis homo est albus, aliquis homo non est albus*.

10. Secunda proprietates propositionum est *Equipollentia*, quae idem est, ac *aequivalentia*; & contingit, quando duarum propositionum verbis differentium eadem est vis, & sensus. In praesenti solum agimus de equipollentia, quae conuenit propositionibus ratione signorum: & est inuenta ad resoluendas propositiones obscuras in clarioras. Pro quatuor praecipua obseruanda sunt. Primum est, vt in propositionibus contradictorijs preponatur negatio subiecto vni earum, v. g. *omnis homo est animal, aliquis homo non est animal*; iste duae propositiones contradictoriae redduntur equipollentes, si primae vel secundae negationem preponas, ut dicendo: *non omnis homo est animal*; quae idem valet, ac si dicas, *aliquis homo non est animal*. 2. Secundum est, vt in propositionibus contrarijs negatio postponatur sub-

iecto

iecto vni earum, v. g. *omnis homo est albus, nullus homo est albus*; redduntur æquipollentes si in prima, vel in secunda ponatur negatio post subiectum, dicendo: *omnis homo non est albus*, quæ idem valet, ac si dicas, *nullus homo est albus*. Tercium tandem est, vt in propositionibus subalternis apponantur duæ negationes, vna ante subiectum, & alia post subiectum. Vt v. g. *omnis homo est risibilis, aliquis homo est risibilis*; illæ duæ propositiones redduntur æquipollentes si in prima, vel in secunda ponas duas negationes, vnam ante subiectum, & aliam post subiectum, dicendo: *non omnis homo non est risibilis*, quæ eandem vim habet, ac si dicas, *aliquis homo est risibilis*. Omnia ista præcepta in sequenti carmine comprehenduntur.

Præ, contradiç: post, contrinæ præ, postque, sub alter.

II. Conuersio, vltima propositionum proprietās, definitur quod sit, *transmutatio vnius extremi totaliter in alterum extremum totale*, scilicet subiecti in prædicatum, & è contra; vt si dicas: *nullus homo est lapis, nullus lapis est homo*. Estque duplex, alia simplex, & alia per accidens. Conuersio simplex est transmutatio extremorum propositionis, manente eadem quantitate, & qualitate (per qualitatē intelligitur veritatem, & falsitatem, tum affirmationem, & negationem) quomodo conuertuntur vniuersalis negatiua, & particularis affirmatiua; v. g. *nullus homo est lapis, nullus lapis est homo. Aliquis homo est animal, aliquod animal est homo*. Conuersio per accidens est transmutatio extremorum propositionis mutata quantitate, non verò qualitate; quomodo conuertuntur

vniuersalis negatiua, & vniuersalis affirmatiua, v. g. *omnis homo est animal, aliquod animal est homo; nullus homo est lapis, aliquis lapis non est homo*. Qui modi conuersionum significuntur à dialecticis in primo ex duobus sequentibus carminibus.

Simpliciter, FECI: conuertitur

EX A per acci:

ASTO per: contra, sic fit con-

uerbotota.

Sensus est, conuersione simplici conuerti vniuersalem negatiuam, & particularem affirmatiuam, quæ significantur per duas literas vocales E & I contentas in illa dictione FECI. Conuersione verò per accidens conuerti vniuersalem negatiuam, & vniuersalem affirmatiuam significatas per vocales E & A illius dictionis EVA, quarum literarum significationem declarant sequentes versus.

Afferit A negat E: sunt vniuersaliter ambo.

Afferit I, negat O: sunt particulariter ambo.

12. Dices: istæ conuersiones sunt falsæ, *Petrus videt Paulum, Paulus videt Petrum. Petrus est in Domo, Domo est in Petro. Senex fuit puer, Puer fuit senex*. Respondetur ita esse, quia prædictæ non sunt veræ conuersiones, cum in eis non sit vera transmutatio prædicati in subiectum, & subiecti in prædicatum. Quod si sit vera transmutatio, statim veræ redduntur, vt si dicas: *Petrus videt Paulum, videns Paulum est Petrus. Petrus est in Domo, existens in Domo est Petrus. Senex fuit puer, qui fuit puer est senex.*

DISPUTATIO III.

De argumentatione, & eius pro-
prietas.

1. Argumentatio alia est materia-
lis, alia formalis. Per argu-
mentationem formalem intelli-
gimus eam, in qua consequens rectè
sequitur ex antecedenti. Per mate-
rialem verò illam, in qua licet ante-
cedens, & consequens sint vera, con-
sequentia tamen est mala, quia vnū
non inferitur ex alio; vt *Petrus est
animal, ergo est rationalis*: quamuis
enim verum sit, Petrum esse animal,
& esse rationalem; hoc tamen non
sequitur ex illo. Et sic sola argumē-
tatio formalis est propriè, & simpli-
citer argumentatio.

2. Dux sunt species argumenta-
tionis, nempe syllogismus, & induc-
tio, à quibus Enthymema, & exem-
plum solum distinguuntur penes per-
fectum, & imperfectum intra ean-
dem speciem. Quia eadem disposi-
tio præmissarum, quæ inuenitur in
syllogismo, inuenitur in enthyme-
mate; & eadem dispositio quæ inue-
nitur in inductione, inuenitur in
exemplo. Tota enim ars syllogistica
innititur illi principio: *quæcumque
sunt eadem vni tertio; sunt eadem
inter se*: ergo repugnat, extremitates
vniri inter se in cōclusionē, nisi prius
in præmissis vniantur cum medio,
ad quod necessariæ sunt duæ propo-
sitiones ex parte antecedentis, vt de
se constet: ergo quando altera breui-
tatis gratia non exprimitur, vt fit
in enthymemate, re vera subintelli-
gitur: & consequenter in eadem
est dispositio syllogismi, & enthymematis. Similiter inductio explu-
ribus particularibus procedit ad vni-

uersale; à qua perfectione deficit ex-
emplum; quod ex debilitate ante-
cedentis singularis solum colligit al-
liud singulare: cum tamen si adde-
rentur alia, iam colligeret vniuer-
sale, fieretque perfectæ inductio.

3. De inductione nihil dicendum
occurrit. Syllogismus verò est argu-
mentatio, in qua concluditur vni-
extremitatum inter se ex vi vniōis
factæ cum medio in præmissis. Eius
materia est duplex, alia proxima,
scilicet propositiones, ex quibus im-
mediatè componitur; & alia remo-
ta, nempe termini ipsi immediatè
componentes propositiones, media-
tè verò syllogismus. Hi termini
in quolibet syllogismo sunt tres, ex
quorum combinatione formantur
tres propositiones, quæ necessariò
reperiuntur in vnoquoque syllogis-
mo; & consequenter quilibet ter-
minus bis repetitur: habetque suum
peculiare nomen, nam ille, qui bis
repetitur in præmissis, appellatur
medium: ex alijs verò duobus ille,
qui iungitur cum medio in maiori,
vocatur *major extremitas*: qui verò
in minori, dicitur *minor extremitas*.
Quæ omnia patent in hoc syllogis-
mo: *Omnis homo est animal, Petrus
est homo; ergo Petrus est animal*,
vbi ipsæ propositiones sunt materia
proxima: tres illi termini, *homo*,
animal, *Petrus*, materia remotæ ex
quibus homo est medium, quia bis
repetitur in præmissis: *animal* est
major extremitas, quia iungitur in
maiore cum homine: & tandem *Pe-
trus* est minor extremitas, quia iun-
gitur in minori cum eodem homi-
ne.

4. Forma verò syllogismi est il-
lud artificium, seu dispositio propo-
sitionum; quæ etiam est duplex, se-
cun-

cundum quod correspondet duplici materię iam dictę : vna correspondet terminis, & appellatur figura syllogismi, quę est quędam dispositio terminorum secundum subiectionem, vel prædicationem. Et est triplex, *prima* quando medium in maiori subiicitur, & in minori prædicatur. *Secunda* quando in vtraque præmissa prædicatur. Et *tertia* quando in vtraque subiicitur. Quę omnes continentur in isto versu.

Sub, præ, prima; secunda, bis præ; tertія, bis sub.

5. **A**LTERA syllogismi forma correspondet propositionibus, & appellatur modus. Et est quędam dispositio propositionum secundum affirmationem vel negationem, vniuersalitem vel particularitatem: ac proinde quadraginta, & octo modi formari possunt. Nam in qualibet figura vniuersalitas, aut particularitas, possunt quadrupliciter combinari in præmissis: Primò si vtraque sit vniuersalis: Secundò, si vtraque sit particularis: Tertiò, si maior sit vniuersalis, & minor particularis: & Quartò, si maior sit particularis, & minor vniuersalis. Vnaquę autem harum combinationum potest adhuc quadrupliciter combinari per affirmationem, & negationem, vt consideranti constat: quatuor verò per quatuor multiplicata reddunt sexdecim: ergo in qualibet figura possibiles erunt decem, & sex combinationes præmissarum, seu modi: si autem sexdecim per tria, qui est numerus figurarum, multiplicemus, inueniemus quadraginta, & octo: ergo 48. in tribus figuris sunt modi, quas formare possumus.

6. Ex quibus aliqui sunt vtilēs, id est, bonę consequentię; alij verò inutiles, id est, malę consequentię. Ex vtilibus quidam concludunt directę, quidam indirectę. Illi concludunt directę, quando in conclusione maior extremitas prædicatur de minoris illi verò concludunt indirectę, quādo è cōtra minor extremitas in cōclusionē prædicatur de maiori.

7. Omnes modi vtilēs sunt decem, & nouem, qui in his versibus continentur.

Barbara, Celatē, Dari, Ferio, Baralipson.

Celantes, Dabitis, Fapesmo, Fesomorum.

Cesare, Camēfres, Festino, Barocco, Darapti.

Felapton, Disamis, Darisi, Boardo, Ferison.

Primi nouem, qui in duobus prioribus carminibus continentur, pertinent ad primam figuram; ex quibus quatuor priores concludunt directę, alij verò quinque indirectę. Quatuor sequentes, qui continentur in tertio versu, scilicet *Cesare, Camēfres, Festino, Barocco*; pertinent ad secundam figuram. Reliqui verò sex, scilicet *Darapti*, & sequentes, pertinent ad tertiam.

8. In vnoquoque autem modo inueniuntur tres saltem vocales, quę correspondent tribus propositionibus syllogismi: prima maiori, secunda minori, & tertia conclusionis; & denotant, propositiones tales esse, quales per ipsas vocales designantur. Et si aliquando in his modis plures syllabę inueniuntur, tñ tantum priorum habenda est ratio: nam alię propter carminis metri additę sūt.

9. Ex his 19. modis, quatuor priores primę figurę appellantur

C

per.

perfecti, quia sunt in digniori figura, & concludunt directè. Alij verò quindecim dicuntur imperfecti, vel quia licet sint in digniori figura, non tamen concludunt directè, vt sunt *Baralipson*, *Celantes*, *Dabitis*, *Fapesmo*, *Frisesomorum*: vel quia quamuis concludant directè, non tamen sunt in figura digniori, vt sunt alij remanentes.

10. Passiones syllogismi sunt probatio, & reductio. Probatio nihil est aliud, quàm probare consequentiã in quatuor prioribus modis concludentem per illa duo principia: *dicti de omni*, & *dicti de nullo*, quibus tota ars syllogistica innititur.

11. Vt autem percipiatur hoc, sciendum est, omnes propositiones reduci ad quatuor capita, nam vel sunt vniuersales affirmatiuæ, vel vniuersales negatiuæ, vel particulares affirmatiuæ, vel particulares negatiuæ: (sub particularibus enim comprehendimus singulares) & hæc quatuor genera propositionum concluduntur perfectè in quatuor primis modis: nam vniuersalis affirmatiua concluditur in *Barbara*: vniuersalis negatiua in *Celarent*: particularis seu singularis affirmatiua in *Darii*. & particularis seu singularis negatiua in *Ferio*. Quæ consequentiæ sunt per se ipsas manifestæ, & euidenter bonæ: si tamen ab aliquo negentur, probatur per prædicta duo principia nam duo modi affirmatiui, nempe *Barbara*, & *Darii*, probantur per *dicti de omni*: Duo verò negatiui, scilicet *Celarent*, & *Ferio* per *dicti de nullo*.

12. Si quis ergo negauerit consequentiã huius argumenti in *Barbara*: Omne animal est sensibile; omnis homo est animal; ergo omnis homo est sensibilis. Probatur

per *dicti de omni* sic: Quidquid vniuersaliter affirmatur de subiecto, affirmatur etiam de omni contento sub illo: sed esse sensibile affirmatur vniuersaliter de animali in maiori; cum ipsa sit vniuersalis affirmatiua; ergo etiam debet affirmari de omni contento sub animali: At homo continetur sub illo in minori, cum homo sit subiectum, & animal prædicatum: ergo sensibile debet affirmari de homine in conclusione. Ex quo patet, quomodo per idem principium probetur consequentiã facta in *Darii*, siquidem minor, & consequentiã istius modi sunt particulares, contentæ sub vniuersalibus, & maior vniuersalis.

13. Eodem modo probantur per *dicti de nullo* consequentiæ factæ in duobus alijs modis negatiuis. Nam si quis neget hanc consequentiã in *Celarent*: Nullum animal est lapis; omnis homo est animal; ergo nullus homo est lapis. Probatur per *dicti de nullo* sic: Quidquid vniuersaliter negatur de subiecto, negatur etiam de omni contento sub illo: sed lapis negatur de animali in maiori, eum sit vniuersalis negatiua: ergo debet negari de omni contento sub animali: At homo in minori continetur sub animali: ergo de illo debet in conclusione negari lapis. Ex eodem principio probatur etiam consequentiã in *Ferio*: cum minor, & conclusio sint particulares contentæ sub vniuersalibus, & maior vniuersalis.

14. Reductio, per quam modi imperfecti ad quatuor perfectos reducuntur, est duplex: alia dicitur ostensiuæ, & tunc est, quando conuertit ipsas propositiones syllogismi imperfecti, easque si opus fuerit

tran-

transmutando; & idè dicitur reductio ostensiva, quia in eisdem propositionibus syllogismi imperfecti clariori, & perfectiori forma dispositis, ostenditur vis & necessitas consequentiæ, sine eo, quod aliqua propositio de foris adducatur. Alia dicitur reductio per impossibile, quæ sic appellatur, quia reducit aduersarium ad aliquod impossibile concedendū. Et tunc fit, si cōtrarius cōcessa maiori & minori syllogismi imperfecti, negat consequentiam, inferatur propositio contradictoria consequentiæ negatæ, ex qua, & ex altera præmissarum iam concessa formatur syllogismus perfectus concludens propositionem contradictoriam, vel contrariam alterius præmissæ concessæ. Et sic cogitur concedere duas contradictorias simul veras.

De arte inueniendi medium

15. **V**T materia hæc comprehendatur, considerare oportet, quis terminus dicatur *antecedens*, quis *consequens*, & quis *extraneus*, seu *disparatus*. Terminus ergo *consequens* dicitur ille, qui ex altero inferitur: cuiusmodi sunt omnia prædicata superiora respectu inferiorum; bene enim valet: *est homo, ergo est animal*. Terminus *antecedens* est ille, qui alterum infert, est huiusmodi sunt omnia prædicata inferiora respectu superiorum, ut patet in exemplo allato. Sicut enim *animal* est terminus *consequens* respectu *hominis*, quia inferitur ex illo; *ata homo* est terminus *antecedens* respectu *animalis*, quia infert illud. Termini verò conuertibiles, ut *homo, rationale, risibile, & similes*, simul sunt antecedentes, & consequen-

tes, quia se inuicem inferunt, & inferuntur. Tandem terminus *extraneus seu repugnans* est, qui non potest alteri inesse.

16. His positis. Prima regula est: Ad concludendam vniuersalem affirmatiuam sumendus est pro medio terminus, qui sit consequens respectu subiecti talis propositionis, & antecedens respectu prædicati. Secunda regula: Ad inferendam vniuersalem negatiuam in *celerem*, & *cesare*, sumendus est pro medio terminus consequens ad subiectum, & repugnans prædicato. Si verò syllogismus conficiendus sit in *camestres*, debet sumi pro medio terminus repugnans subiecto, & consequens ad prædicatum. Tertia regula: Ad inferendam propositionem particularem affirmatiuam in prima figura, sumendus est pro medio terminus consequens ad subiectum, & antecedens ad prædicatum. In tertia verò figura, medium debet esse terminus antecedens tam respectu subiecti, quam respectu prædicati. Quarta tandem regula est pro particulari negatiua, quæ si concluditur in prima figura, medium debet esse consequens ad subiectum, & extraneum à prædicato. Idem obseruandum est si syllogismus sit in *Fig. primo*. Si verò sit in *Baroco*, mediū debet esse extraneum à subiecto, & consequens ad prædicatum. Si tandem sit in tertia figura, medium erit terminus antecedens ad subiectum, & extraneus à prædicato. Doctissimi pariter ac Religiosissimi Patres Complutenses Discalceati lib. 3. summul. cap. vlt. reddunt rationem harum regularum, apud quos videri potest. Et hæc dicta sufficiant pro hac materia: ut *antiphona* aut

DISPUTATIONES

IN ARISTOTELIS LOGICAM

PROOEMIUM.



Omnis ars aliquem naturæ defectum corrigere, & emendare nititur; quod ex eo patet, quoniam qui perfectiorem naturam habent, artium præsidys minus indigere solent. Inter omnes autem naturæ defectus magis perniciosus est error, qui in investigatione veritatis reperitur, siquidem nobilissimam hominis partem innadit. Et ad hanc corripiendum inventa est Logica, quæ totam doctrinam differendi tradit: docet enim definire, dividere, discursare, aliæque multa, quibus si quis instructus fuerit, à cognitione veritatis aberrare minime poterit. Quare omnibus necessarium visum est, ut ante alias scientias primo loco addiscatur.

QUESTIONES
PROOEMIALES LOGICÆ
QUESTIO PRIMA.

Primum Logica sit Scientia?

Conclusio est affirmativa, quam docet S. Th. 4. met. lect. 4. & fere omnes Philosophi. Probatnr ratione: Nomine scientiæ hic venit habitus inclinans in cognitionem certam, & evidentem rei per causam: æqui Logica est habitus inclinans in huiusmodi cogni-

tiones: ergo est verè, & propriè scientia. Probatnr minor; Logicus cognoscit, syllogismum demonstrationum parere scientiam, eo quia procedit ex necessarijs, quæ aliter se habere non possunt: Dialecticū verò parere opinionem, eo quia procedit tantum ex probabilibus, quæ aliter se habere possunt: Et sophisticum parere errorem, eo quia procedit ex apparenter solum veris, in se tamen falsis: atqui hæc cognitiones, quæ habentur ab habitu Logicæ, sunt certæ, evidentes, & rei per causam: ergo.

2. Ob. 1. Scientia verè, & propriè dicta debet de suo objecto mi-

quas

quas passionēs demonstrare: atqui nulla videtur posse assignari passio, quæ de suo obiecto demonstretur à Logica: ergo Logica non est verè, & propriè scientia. Nec valet si dicas, quòd de vniuersali demonstretur predicabilitas, quæ est passio illius. Nam contra est: quia predicabilitas non est passio obiecti in communi Logicæ; scientia autem de obiecto in communi habet demonstrare proprias passionēs.

3. Respondetur, quòd Logica dicitur scientia, solum quia procedit modo proprio scientiarum, scilicet demonstratiuè, & hac sola ratione vtitur S. Thom. loc. cit. ad probandum eam esse scientiam. Vtrum autem eius obiectum in communi habeat proprias passionēs de ipso demonstrabiles; & vtrum tales passionēs de illo à Logica demonstrantur, nec ne? est alia quæstio. Super quâ est duplex opinio; Prima asserit, esse ostensuum veritatis, seu directiuum operationum intellectus; esse propriam passionem entis rationis logici; & hanc demonstrari à logica, conuenire suo obiecto formali. Secunda verò opinio negat, quia esse ostensuum veritatis, seu directiuum operationum intellectus, non est propria passio, sed quidditas, & essentia ipsius entis rationis pro vt constituitur in ratione obiecti formalis logicæ. Vtraque sententia est probabilis, & videri potest Magister Ortiz in præsentis tract. 1. confer. 3. vbi latè hanc difficultatem discutit.

4. Obi. 2. Logica est ars benè definiendi, diuidendi, & argumentandi: atqui ars, & scientia differunt essentialiter: ergo logica non est scientia. Respondetur, quòd

quanquam logica sit ars, quia docet construere definitiones, syllogismos, &c. nihilominus est vera scientia. Sicut Mathematicæ sunt veræ scientiæ, vt Geometria, & Arithmetica & tamèn numerantur inter septem artes, quia docent metiri, & numerare, vt refert. 5. Th. opusc. 70. q. 5. art. 1. & 1. 2. q. 57 art. 3. ad 3. opponuntur autè scientiæ artes mechanicæ, quia respiciunt opera seruilia; non verò artes liberales, quæ respiciunt operationes animi.

5. Obi. 3. Logica agit de entibus rationis (versatur enim circa genus, speciem, & alia huiusmodi, quæ solum habent esse per operationem intellectus) atqui ens rationis non est ens simpliciter, sed secundum quid: ergo logica non est scientia simpliciter, sed secundum quid. Respondetur, quòd ad hoc vt aliqua sit scientia, non requiritur, quòd obiectum eius sit simpliciter ens, sed satis est, quòd sit de re necessaria, & sub ratione vniuersali: tam autem necessaria est quæcumque propositio logicalis, v. g. quòd demonstratio generet scientiam, quàm quòd homo sit risibilis, & aded vniuersalis. Vndè quanquam ens rationis non sit simpliciter ens, de illo est simpliciter scientia.

QVÆSTIO SECVNDA.

An Logica sit Speculatiua, vel practica?

7. S. Vpono ex communi sententia, Logicam, eo quia est habitus ordinis inferioris, non posse simul esse speculatiuam, & practicam; ad hoc enim requiritur maxima perfectio, & eminentia in scien-



scientia, ratione cuius æquivalere valeat duobus rationibus inter se oppositis. Qua perfectione, & eminentia carent scientiæ ordinis inferioris, & eam tantum habent scientiæ ordinis superioris, ut est sacra Theologia. Quare præsens difficultas solum est, quænam ex his simpliciter sit Logica, speculativa, an practica?

7. Et respondeo esse simpliciter speculativam. Ita Thomistæ omnes, & Scotistæ contra Neutericos. Probatum ratione: quia scientia speculativa illa dicitur, cuius finis est speculatio proprii obiecti; practica verò cuius finis est opus: atqui finis Logicæ non est componere syllogismum, aut quodlibet aliud instrumentum, sed naturam eius, & proprietates quærere, atque specularis nullus enim dicitur, acquisisse Logicam ex eo, quod syllogismos efficiat, sed quia naturam eius cognoscit per demonstrationem: ergo non est scientia practica, sed speculativa. ¶ Confirmatur, idem in Mathematicis (quæ scientiæ speculativæ sunt) constructio alicuius operis (puta trianguli, spheræ, aut astrolabij) non extrahit illas à ratione scientiæ speculativæ, quia talis operis constructio ordinatur ad cognitionem veritatis; nequè per illam tales scientiæ intendunt ipsum opus factum, sed veritatem: atqui similiter Logica conficit syllogismos non ut operetur, sed ut rectè cognoscat; neque in tali opere efficiendo intendit opus, sed veritatem: ergo constructio talis operis non extrahit illam à ratione scientiæ speculativæ.

8 Ob. 1. ex Aristotele 6. met. c. 1. ubi dividens scientiam speculativam in Physicam, Mathematicam,

& Metaphisicam, nullam Logicæ mentionem facit: ergo ex mente Aristotelis Logica non est scientia speculativa. ¶ Resp. cum D. Th. opusc. 70. q. 3. art. 1. ad 2. Aristotelem in illa divisione solum numerasse partes principales scientiæ speculativæ: & idem non meminisse Logicæ, non quia ipsa non sit vera scientia speculativa sicut illæ, sed quia est ministra earum.

9. Ob. 2. Scientiæ speculativæ non quæuntur propter aliud, sed propter se; quia in contemplatione proprii obiecti sistunt: atqui Logica, cum sit ministra, quæritur propter alias scientias: ergo logica non est scientia speculativa. ¶ Respondetur non esse contra rationem scientiæ speculativæ, quod quæritur propter alias scientias, sed quod ordinetur ad opus; logica autem non aliter inservit alijs scientijs, quam contemplando naturam, & passionem definitionis, syllogismi, & aliorum sciendi instrumentorum, & doctrinam de illis tradendo, conformiter ad quam aliæ scientiæ ea efficiunt in propria materia: & sic optimè logica potest esse speculativa, & simul inservire alijs scientijs.

10. Ob. 3. Scientia, quæ habet pro obiecto aliquid operabile, & procedit modo operabili, est practica, non speculativa: atqui logica est huiusmodi: ergo non est scientia speculativa, sed practica. Probatum minor, logica versatur circa definitiones, syllogismos, & similes intentiones, quæ sunt à nobis operabiles; procedit modo compositio; introducendo formam syllogismi, aut definitionis in materiam: ergo habet pro obiecto aliquid operabile, & procedit modo operabili. ¶ Respondetur quod



quoddam ut aliqua scientia sit practica, non sufficit habere pro obiecto aliquid operabile, sed etiam debet tendere in illud practico, & non speculativo modo; unde si aliquis consideraret, qualiter fieri possit Domus, & in tali consideratione sisteret, ea consideratio esset speculativa, & non practica; licet res, quam haberet pro obiecto, esset operabilis. Logica autem tendit in opus intra intellectum, & consequenter speculativo, & non practico modo. Nec refert, quod logica procedat modo compositivo, qui est proprius scientiarum practicarum, nam quando compositio, seu introductio formæ in materiam non exit extra intellectum, tota ordinatur ad cognitionem veritatis.

Et hæc ars est logica, quæ non solum rationaliter est ex hoc, quod est secundum rationem, quod est omnibus artibus commune; sed etiam ex hoc, quod est circa ipsum actum rationis, sicut circa propriam materiam. Ratio autem fundamentalis huius opinionis est: quia id, de quo scientia agit, est obiectum talis scientiæ: atqui logica agit de operationibus intellectus, seu de earum dirigibilitate: ergo operationes intellectus quatenus dirigibiles, sunt obiectum logicæ. Confirmatur quia omnis habitus intellectualis habet perficere intellectum in ordine ad proprium obiectum: sed logica perficit intellectum, dirigendo eius operationes ergo hæc dirigibiles, sunt proprium obiectum logicæ.

13. Secunda verò opinio docet, non operationes intellectus, neque dirigibilitatem earum, sed ens rationis logicum esse obiectum formale logicæ. Quæ sententia probabilior est, & communis inter Thomistas; eamque expresse tenet S. Th. 4. met. cap. 12. lect. 4. ubi sic ait: *Ens est duplex: ens scilicet rationis, & ens nature. Ens autem rationis dicitur proprie de illis intentionibus, quas ratio adiuvens in rebus considerat, sicut intentio generis, speciei, & similitum, quæ quidem non inveniuntur in rerum natura, sed considerationem rationis consequuntur. Et huiusmodi, scilicet ens rationis, est proprium subiectum logicæ.* Et opusc. 36. colligit logicæ ignobilitatem ex eo, quod eius obiectum sit ens rationis, dicens: *inter omnia subiecta scientiarum debilissimum, & incertissimum est subiectum logicæ: quia unumquodque, quantum habet de entitate, tantum habet de veritate, & certitudine, ut*

QVÆSTIO TERTIA

Quodnam sit obiectum Logicæ?

11. Obiectum dicitur illud, quod potentia, vel habitui obijcitur cognoscendum, estque duplex materiale, & formale. Obiectum materiale est, quod non ratione sui, sed ratione obiecti formalis à potentia cognoscitur: formale vero quod ratione sui, & non ratione alterius hoc habet ut verb. gr. corpus dicitur obiectum materiale visus, quia ratione coloris attingitur à potentia visiva: & color obiectum formale, quia ratione sui à dicta potentia percipitur.

12. His positis; Circa obiectum formale logicæ est varietas opinionum: Nam aliqui volunt, esse operationes intellectus, quatenus dirigibiles sunt. Ita Suarez, Fonseca, Cominbricenses, Hurtado, Auerla, & alij. Quæ opinio videtur esse S. Thomæ, nam initio postea dicit:

dicat Aristoteles 2. met. Nunc autem secundæ intentiones solum habent esse in anima, & ab anima. Ex quo sequitur, quod habent debilissimum esse, & sic ad plenum sciri non possunt, nisi per primas intentiones.

14. Probatur ratione: Obiectum formale est illud, quod per se consideratur à sciētia: sed quod per se cōsideratur à logica, est ens rationis logicum, non actus intellectus, neque eorum dirigibilitas: ergo illud, & non isti sunt obiectum formale logicæ. Maior patet ex ijs, quæ diximus in principio huius quæstionis. Minor verò probatur, quia logica ex proprio instituto non agit de actibus intellectus; de his enim agitur in libris de anima; neque de dirigibilitate eorum, sed de instrumentis, medijs quibus diriguntur: ergo hæc, quæ sunt entia rationis, & non illi, per se considerantur à logica.

15. Ad fundamentum autem oppositæ sententiæ respondetur; & in primis ad auctoritatem dico, quod actus intellectus appellantur ibi à D. Th. materia propria logicæ seu obiectum, causaliter, quia causant secundas intentiones, quæ sunt obiectum logicæ, non formaliter, ut bene observant Complutenses in præsentis disp. 1. qu. 2. num. 22. & colligunt ex textu. Ad rationem verò, quod logica de intellectu, & eius actibus solum tractat, secundum quod sunt principia, & causæ, ex quibus secundæ intentiones resultant, ut patet quando inquirat, utrum solus intellectus faciat ens rationis; per quem actum illud fiat; & an vniuersalitas resultet in natura per abstractionem, vel comparisonem intellectus; neque aliæ quæstiones, nisi his similes mouentur in logica de actibus intelle-

ctus. Ex quo non sequitur hos actus esse obiectum logicæ. Sicut logica agit etiam de substantia, quantitate, qualitate, & alijs prædicamentis, & tamen extra controuersiam est, non pertinere ad obiectum logicæ, quia non tractat de illis per se, sed secundum quod in eis attenditur subiectibilitas, & prædicabilitas, aut ratio generis aut speciei. Obiectum enim formale ratione sui, & non ratione alterius respici debet à scientia. Ad confirmationem denique dico, quod logica per se intendit perficere intellectum in ordine ad proprium obiectum; & quia proprium eius obiectum sunt secundæ intentiones, quæ sunt congrua instrumenta sciendi; inde est, quod etiam perficit illum quo ad suas operationes.

16. Ob. 1. Obiectum formale alicuius scientiæ est simpliciter scibile; atqui ens rationis non est simpliciter scibile: ergo non potest esse obiectum formale logicæ. Probatur minor ex Aristotele 2. met. ubi dicit, quod vnumquodque quantum habet de entitate, tantum habet de veritate, ac proinde de scibilitate: ergo cum ens rationis non sit simpliciter ens, nec erit simpliciter verum, nec simpliciter scibile. Respond. negando minorem, & ad probationem dico, quod genus entis, & genus scibilis sunt valde diuersa. vnde quamuis ratio entis non possit dici simpliciter de ente rationis; tamen ratio scibilis potest illi per se, & simpliciter convenire. Cuius exemplum cernitur in Mathematicis, & Philosophia, quarum obiecta, scilicet quantitas, & substantia corporea; quamuis analogice conueniant in ratione entis: simpliciter tamen participant rationem scibilis, & sic ipse

vnioeē conueniunt in ratione scientiæ. Aristoteles autem locutus est de veritate transcendentali, non formali.

17. Ob. 2. Scientia dicit relationem realem ad suum obiectum: ratio autem realis petit terminum realem; exigit enim vtrumq; extremum in actu: ergo ens rationis non potest esse obiectum alicuius scientiæ. Respondeo, quod scientia, que terminatur ad ens reale, dicit relationem realem: non verò que habet pro obiecto ens rationis. ¶ Dices: specificatiuum scientiæ debet esse reale, nam distinguit realiter illam ab omnibus alijs scientijs: sed specificatiuum intrinsecum scientiæ est habitudo ad proprium obiectum: ergo talis habitudo seu ordo debet esse realis, & non rationis. Respōdeo distinguendo minorem; specificatiuum scientiæ est habitudo, seu ordo *transcendentalis* ad proprium obiectum, concedo: *predicamentalis*, & nego, ordo autē transcendentalis semper est realis, nam consistit in ipsamet entitate scientiæ vt connotat aliquod extrinsecum siue existēs à parte rei, siue non.

18. Quæres primò; quodnam ens rationis sit obiectum logicę? Super hoc quæsito sunt tres sententię. Prima asserit, esse solam demonstrationem; quia demonstratio est finis, in quem logica tendit, ordinatq; cętera. que in ea tractantur, nequē quiescit, donec demonstrationis naturam explicet: ergo ipsa sola est obiectum eius formale.

19. Secunda verò dicit, esse mōdum sciendi, prout comprehendit definitionem, diuisionem, & argumentationem; quia finis logicę est iuuare intellectum, vt de qualibet

re scientiam habere possit: sed his tribus instrumentis sufficienter obtinetur talis finis: ergo solum illa pertinent ad obiectum adequatum. Probatur minor, quia tria possumus de qualibet reignorare, scilicet essentiam, partes eius, & passionēs: sed essentiam aperit definitio, partes diuisio, & passionēs argumentatio: ergo.

20. Tertia denique docet, omnem secundam intentionem logicalem pertinere ad obiectum formale logicę. Et hæc est omnibus alijs probabilior, quam tenent Sotus, Sanchez, Arauxo, Complutenses, Mailhat, & alij plures. Probatur primò, quia nunquam D. Th. obiectum logicę restrinxit ad solam demonstrationē, vel ad modum sciendi, prout comprehendit tantum definitionem, diuisionem, & argumentationem; sed indistincte intentiones omnes logicales assignat pro obiecto logicę, vt patet ex locis supra citatis. Secundo, quia si semel admittimus in obiectis partialibus alicuius scientiæ, quemlibet ordinem vnus ad aliud, excludere illud, quod sic ordinatur, à ratione propria, & immediata obiecti, iam in qualibet scientia obiectum principale esset adæquatum: possemusque dicere, Deum esse obiectum adequatum Metaphysicę, & hominem Philosophiæ naturalis: siquidē quæ tractantur in Metaphysica, dicunt ordinem ad Deum, qui est primum ens, & quæ in Philosophia, ad hominem, qui est præcipua substantia materialis: ergo licet intentio generis v. g. deferuiat definitioni, & intentio prædicati propositioni, & hæc argumentationi, non ideo intentiones istæ debent excludi ab obiecto per se, & immediato logicę.

D

Et

Et tertio, quia omnes istæ secundæ intentiones sunt scibiles, & alicuius veritatis ostensivæ, non solum ut sunt in definitione, diuisione, & argumentatione, sed etiam in seipsis: ergo omnes immediatè contineri debent sub obiecto adæquato logicæ. Ad fundamenta oppositarum sententiarum responsio patet ex dictis.

21. Quæres secundò; Quodnam sit obiectum materiale logicæ? Respondeo esse res, & voces secundum suum esse reale. Probat quia res sunt, quæ propriè denominantur genus, subiectum, definitio, &c. Rursus plures secundæ intentiones logicales fundantur in vocibus, ut sunt significatio, suppositio, appellatio, & similes. Ergo res, & entitas realis vocum, supra quam fundantur prædictæ secundæ intentiones, erunt obiectum materiale logicæ.

22. Quæres tertio, Vtrum actus intellectus pertineant ad obiectum materiale? Respondeo negatiuè, quia actus intellectus, ut actus intellectus sunt, non recipiunt in se secundas intentiones logicales. neque denominantur genus, definitio, &c. ergo ut actus intellectus sunt, non pertinent ad obiectum materiale logicæ. Possunt tamen largè appellari obiectum materiale, quia de illis agit logica non ratione suis, sed propter secundas intentiones, quatenus scilicet sunt principia, & causæ illarum.

QVÆSTIO QVARTA

Vtrum logica sit necessaria simpliciter ad acquirendas alias scientias?

23. **V**T titulus quæstionis perclariatur norandum est primò,

necessariam in ordine ad aliquem finem esse duplex, simpliciter scilicet, & secundum quid, seu ad melius esse. Necessarium simpliciter est illud, sine quo finis nullo modo assequi potest, ut cibus dicitur necessarius ad vitam conferuandam, quia sine cibo vita consistere non potest. Necessarium verò secundum quid, seu ad melius esse, est, sine quo finis absolute potest consequi, sed cum illo facilius, & commodius assequitur. Sicut equus dicitur necessarius ad iter agendum, quia licet sine equo possit quis iter agere, hoc tamen sit facilius, & commodius cum equo.

24. Norandum est secundò. Scientiam considerari posse in duplici statu, nimirum in statu perfecto, & imperfecto. Scientia in statu perfecto includit seriem omnium, vel seriem omnium conclusionum, quæ in ea demonstrantur. In statu verò imperfecto importat cognitionem vnius vel alterius conclusionis tantum.

25. His positis; Est omnino certum, logicam esse necessariam secundum quid, & ad melius esse, ad acquirendas alias scientias; illa enim acquisita commodius, & facilius reliquæ addiscuntur. Difficultas est de necessitate simpliciter. In qua difficultate relictis antiquorum sententiis tres sunt, quæ à modernis scriptoribus communiter amplectuntur. Prima negat, logicam esse necessariam simpliciter ad acquirendas scientias etiam sub statu perfecto. Quam sententiam docuit Magister Iaculus, vir eruditissimus ex Dominicana Familia, tract. 1. log. cap. 4 & tenent multi Recentiores. Fundamentum huius sententiæ est: quia habitus naturalis non datur ad simpliciter.

placiter posse, sed ad facilius posse: ergo id, quod potest facile intellexus consequi cum habitu logicæ, poterit simpliciter consequi sine illo. Sed medio tali habitu potest facile comparare alias scientias sub statu perfecto: ergo etiam sine illo poterit eisdem simpliciter acquiescere. Confirmatur experientia; nam multi ex antiquis Philosophis ante Aristotelem habuerunt perfectam scientiam, & tamen logica tunc non erat illis nota. Et modò multi homines rustici, & idiotæ, qui penitus logicam ignorant, conficiunt plures demonstrationes, & ceterò assentiuntur veritatibus demonstratis. Si autem logica esset simpliciter necessaria ad acquirendas scientias, hoc accidere non posset.

26. Secunda sententia distinguit, asseritque esse simpliciter necessariam ad acquirendas scientias sub statu perfecto, non autem imperfecto. Ita Masius in præfati disp. 2. q. 3. Sanchez lib. 1. quest. 2. Didacus à Jesu disp. 2. qu. 1. Collegium Complutense disp. 1. quest. 7. & plures alij Thomistæ. Secunda pars huius sententiæ patet (aiunt) nam in scientiis sunt aliquæ conclusiones ita proximè innitentes principiis lumine naturali notis, ut explicatis terminis facile deducuntur: cum igitur scientia sub statu imperfecto importet tantum unam vel alteram conclusionem, hæc sine logica comparari potest. Primam verò partem probant; quia non potest quis perfecte scientiam aliquam comparare, nisi sciat conclusiones omnes resolvere usque ad prima principia; cognoscatque bonitatem illationum, necessitatem, & conditiones præmissarum, deceptiones, quæ circa

eas solent contingere, & alia plura, quæ sine logica consequi non possunt: ergo ipsa ad scientias sub statu perfecto acquirendas est simpliciter necessaria.

27. Tertia denique sententia affirmat, logicam esse simpliciter necessariam etiam ad acquirendas scientias sub statu imperfecto. Sic docent inter alios Arauxo 2. met. q. 3. art. 1. Gallego hic contr. 1. & Navarretius. Quæ sententia probatur primò auctoritate S. Th. nam opusc. 70. quest. ult. art. pr. ad 3. dicit: *Necessitas requirit, ut in addiscendo incipiamus à logica, licet non sit facilius alijs scientijs, quia alia scientiæ ab ipsa dependent.* Deinde probatur ratione; quia scientia etiam in esse imperfecto acquisita est vera scientia, sicut animal imperfectum est verum animal: sed non potest comparari vera scientia sine logica: ergo neque etiam scientia quantumvis imperfecta. Probatur minor; nullus habet veram scientiam alicuius conclusionis, nisi sciat illam resolvere, usque ad prima principia: sed sine logica nullus scit resolvere conclusiones usque ad prima principia, cū doctrina ista sit ex difficilioribus, quæ traduntur in logica: ergo sine illa non potest acquiri vera scientia.

28. Ut autem meam proferam sententiam, sciendum præmitto, in logica duo considerari posse, unum, præcepta, & leges, quas tradit alterum quoddam præcepta, & leges sint traditæ scientifico modo à logica. Hoc posito.

29. Dico primò, Non posse intellectum præbere assensum scientificum alicui conclusioni, nisi principia, seu præcepta logicæ præsuponantur cognita. Ita Didacus Or-

tiz in summulis tract. 1. confer. 1. & in logica lib. 1. cap. 1. conclus. 2. Probatur ratione: quia scientia adhuc in statu imperfecto debet acquiri per demonstrationem factam in propria materia; nam scientia definitur, *habitus per demonstrationem acquisitus*: Sed demonstratio non potest fieri, nisi præsupponantur cognita aliqua principia, vel regulæ traditæ ab ipsa logica; ergo logica quo ad sua principia, & regulas est simpliciter necessaria ad acquirendas scientias in quolibet statu. ¶ Confirmatur nam nullus verè scit, seu habet assensum scientificum, nisi rem per causam cognoscat: at prædicta cognitio haberi non potest, nisi cognoscatur, dispositionem præmissarum esse iuxta regulas ab arte assignatas, ut benè inferatur conclusio, quod totum pertinet ad principia, & regulas traditas in logica; ergo istis non præcognitis, repugnat dari aliquem assensum scientificum.

30. Dico secundò Non esse simpliciter necessarium, quòd talia principia seu præcepta logicæ præsupponantur cognita scientificè ab habitu logicæ, sed sufficere, quòd cognoscantur lumine naturæ. Hinc conclusionem Magister Ortiz tract. 1. log. conf. 1. num. 303. circa finem, dicit, quòd audierit, & didicerit à sapientissimis Magistris suæ Religionis Probatur ratione: quia præcepta ista continent veritates immediatas: veritates autem immediatæ solo lumine naturæ cognosci possunt nulla interveniente demonstratione: & logica ipsa non demonstrat omnia præcepta, quæ tradit, sed plura solo lumine naturæ cognoscit. ¶ Confirmatur, prima demonstratio facta in ipsa logica, generat scientiam; &

tamen bonitas illius consequentiæ; quæ exercetur in tali demonstratione, non præsupponitur demonstrata ab habitu logicæ, sed nota lumine naturali: ergo quòd principia, seu præcepta logicæ cognoscantur scientificè ab habitu logicæ, vel à lumine naturali, nihil obstat ad assensum scientificum alicuius veritatis.

31. Iuxta has duas conclusiones facillè conciliari possunt allatæ sententiæ, nec earum fundamenta videntur contra nos. Ad auctoritatem D. Th. quam adducit tertia sententia, respondeo quòd S. Doctor non loquitur de necessitate simpliciter, sed secundum quid.

QUESTIO VLTIMA.

Quomodo Logica influat in actus aliarum scientiarum? Quis sit eius finis? & in quas partes sit dividenda?

32. **A**D primum punctum dico; logicam ad actus aliarum scientiarum concurrere solùm directivè. Hæc conclusio patet ex dictis; nam logica eatenus est necessaria ad alias scientias, quatenus præbet regulas, & præcepta, quibus alie scientiæ conformantur in elicientia activa suorum actuum: atqui influxus iste est solùm directivus: ergo logica ad actus aliarum scientiarum solùm directivè concurret.

33. Pro decisione verò secundii puncti sciendum est, quòd artes sunt in duplici genere: Aliæ appellantur ancillæ, quæ scilicet administrant instrumentum aliquod alteri arti superiori, ut ars frænfictoria, quæ ministrat signum militaria.

ri. Aliæ appellantur reginæ, quæ scilicet vtuntur instrumentis ab ancillis ministratis, vt militaris, quæ vtitur fræno à frænefactoria ministrato. Artes quæ vocantur ancillæ, habent duos fines, alterum intra ipsam artem, qui est instrumentum ipsum à se confectum; & alterum extra ipsam, qui est finis ipse artis superioris, & reginæ: nam cum ancilla intrinsecè respiciat dominam, non solum habet pro fine opus à se factum; sed finem ipsum, quem regina intendit, Primus appellari potest *finis proximus*, secundus *finis remotus*. At verd artes, quæ appellantur reginæ, cum nulli inseruiant, vnico tantum fine gaudent, vt cernere licet in exemplo allato: militaris enim solum intendit victoriam: frænefactoria verd, & frænum, & victoriam.

34. His positis: facile est colligere, quis sit finis logicæ; cum enim logicalicè sit scientia speculatiua, tamen est etiam ministra aliarum: inde est, quod in ea duplex finis sit distinguendus, proximus scilicet, & remotus. Quorum prior erit cognitio sui obiecti, nempe secundarum intentionum: posterior verd comprehendit fines omnium aliarum scientiarum. Est autem logica ministra, non huius, aut illius scientiæ in speciali, sed generalis omnium; propter quod appellatur ars artium: & sic intendit vt finem remotum, non finem peculiarem huius, aut illius scientiæ; sed generale aliquid, & commune, in quo omnes conueniant. Quare cum omnes scientiæ huc tendant, vt perficiant intellectu, & dirigant ad rectè operandum circa suum obiectum, consequens est, vt finis remotus logicæ sit perficere

& dirigere intellectum in suis operationibus, vt in quacumque materia rectè, & sine errore fiant.

35. Circa tandem tertium punctum; illi auctores, qui asserunt, obiectum adæquatum logicæ esse modum sciendi, pro vt tantum comprehendit definitionem, diuisionem, & argumentationem, rectè logicæ cum Boetio diuidunt in rationem definiendi, diuidendi, & argumentandi; quam diuisionem laudat Albertus Magnus tract. 1. in Porphyrcap. 3. Nos autem, qui latius patere diximus obiectum logicæ, extendiq; ad alias intentiones logicæ, diuidimus logicam in tres partes; iuxta triplicem operationem intellectus. Quarum *prima* sibi vendicat explicandas secundas intentiones, quæ primæ operationi dirigendæ deseruiunt. In *secunda* erit sermo de secundis intentionibus, quibus dirigitur secunda operatio intellectus. Et tandem in *tertia* agemus de secundis intentionibus tertiam operationem dirigentibus.

36. Quæres: quid sit secunda intentio logicalis? Pro resolutione notò; quod *intentio* in communi sua significatione dicit tendentiam ad aliud. Aliter autem à Philosophis moralibus, & Theologis, & aliter à Dialecticis vsuipatur. Apud illos significat actum voluntatis circa finem; & aliquando etiam ipsum finem: vt cum dicimus, mea intentio in prædicando est salus animarum. Dialectici verd sumunt intentionem, quatenus sonat attentionem quandam: iuxta quod solet dici, pluribus intentus minor est ad singula sensus: id est, pluribus attentus. Idèd nomen intentionis tribuunt auctibus intellectus, cuius proprium est

est attendere. Sed quia sæpè nomina ipsa actuum applicari solent obiectis eorum: idèd nomen intentionis non rarò usurpât Dialectici pro obiectis actuum intellectus: distinctionis tamen gratia actus ipsos appellant intentionē formale, obiectum verò intentionem obiectiuam.

37. Harum vnaquæq; in primâ, & secundam diuiditur, ex eo quòd intellectus potest dupliciter versari circa res. Si enim cognoscat res secundum id, quod habent à parte rei, vt quando cognoscit hominem esse animal, aut equum esse hinnibile: tunc ipse actus cognoscens dicitur prima intentio formalis; res verò cognita prima intentio obiectiua: & nomina sic significantia res, dicuntur nomina primæ intentionis, vt *homo, equus*. Si verò intellectus cognoscat res, non secundum ea, quæ conueniunt illis à parte rei, sed secundum ea, quæ habent ab operatione eiusdem intellectus, vt quando cognoscit animal esse genus, aut hominem esse speciem; tunc ipse actus cognoscens dicitur secunda intentio formalis; res verò cognita secundum illud esse, quod habet ab intellectu, dicitur secunda intentio obiectiua; & nomina significantia res secundum tale esse, dicuntur nomina secundæ intentionis, vt *genus, & species*. Quamuis autem hæc ita sint, vsu tamen receptum est, vt prima, & secunda intentio sic absque addito prolata, pro obiectiuis ferè semper usurpentur.

38. Ex his patet, quid sit secunda intentio logicalis; formalis enim est actus intellectus; obiectiua verò est ens rationis. Et hæc diuiditur in tria genera, iuxta tres operationes intellectus: nempe in secundas in-

tentiones, quæ præsupponunt apprehensionem, & dirigunt illam: & in eas, quæ præsupponunt, & dirigunt iudicium: & in eas, quæ præsupponunt, & dirigunt discursum.

PRIMA PARS

LOGICÆ.

De secundis intentionibus, quibus dirigitur prima operatio intellectus.

Vniuersale, prædicabile, genus, & similia, sunt quæ perficiunt, & dirigunt primam operationem intellectus; propter quod de illis in hac prima parte logicæ agimus. Agemus etiam de prædicamentis secundum quod recipiunt intentiones generis, & speciei. Quia verò de illis & similibus secundis intentionibus, cum sint determinata species entis rationis, sine aliqua noticia entis rationis in communi perfectam cognitionem comparare non possumus, idèd de illo primam disputationem instituemus.

DISPUTATIO I.

De ente rationis.

1. **E**NS rationis communiter ab omnibus definitur esse id, quod solum habet esse obiectiuum in intellectu. Pro intelligentia huius definitionis noto, quòd cum ens rationis dicat habitudinem ad rationem, iuxta diuersas habitudines ad illâ, distinguï solet multiplex ens rationis. Hæc autem habitudo ad rationem est triplex, scilicet, effectiua, subiectiua;

&

& obiectius; & sic triplex erit ens rationis. Aliud quod dicitur habitudinem effectiuam ad rationem, ut sunt intellectiones, species expresse, habitus acquisiti, & alia huiusmodi, quæ ab intellectu producuntur. Aliud quod dicitur habitudinem subiectiuam, ut sunt omnes perfectiones intellectus, siue ab illo fiant, siue aliunde proueniant; quæ rationi inhaerent, & in ea subiectantur. Et aliud, quod dicitur habitudinem obiectiuam, ut sunt omnia illa entia, quæ obijciuntur intellectui, seu quæ illius actum terminant, & sunt obiectum intellectus. Ex his autem plura illud esse, quod obijciuntur, non tantum habent in intellectu formaliter ut obiectum, sed etiam extra intellectum; alia erunt ultra illud esse obiectiuè in intellectu, nihil sunt, idèq; intellectu de eis non cognate, penitus esse desinunt. Et hæc propriè sunt entia rationis; omnia enim alia sunt entia realia, & à parte rei existunt, unde entia rationis appellari non possunt, nisi secundum quid. Ex quo patet, allatam definitionem entis rationis esse optimam, quia bene explicat essentiam definitam.

DUBIUM PRIMUM.

An detur ens rationis?

2. **C**VM inquirimus, an detur ens rationis, non intelligimus secundum veram existentiam, alias repugnantiam in terminis inuolueremus, sed secundum quid, iuxta capacitatem illius, scilicet an detur aliquod ens, quod tantum habet esse obiectiuè in intellectu?

1. Negant Aliqui, sed sine solidi fundamenti, & facile vincuntur;

nam isti Auctores, aut cognoscunt entia rationis, quæ dicunt non posse existere, aut illa non cognoscunt. Si dicunt, illa non cognoscere, reprehendendi sunt, quia audent iudicare de obiecto, quod non valent cognoscere. Si dicunt, illa cognoscere, ergo conficiunt, & dantur entia rationis, quia facere ens rationis, & hoc existere, nihil aliud est, quam cognoscere ens rationis, & hoc cognitum esse.

4. Dico igitur cum communi sententia, dari ens rationis. Ita Aristoteles 4. met. tex. 13. & 14. & lib. 6. tex. 8. D. Th. locis supra citatis, & in 1. dist. 26. q. 2. art. 1. & 1. part. q. 28. art. 1. ubi Caietanus, & communiter expostores. Probatur primo ratione à priori; quia ens rationis est obiectum scientiæ, scilicet logicæ, ut disp. præc. quest. 3. ostensum est: ergo est per se scibile: sed scibilitas est specialis quædam intelligibilitas: ergo ens rationis est intelligibile: ergo possibile. Patet hæc ultima consequentia, quia ens rationis, nihil aliud est, nisi ens cognitum ab intellectu, à parte rei non existens.

5. Probatur secundò experientia; experimur enim intellectum nostrum multa concipere, quæ nullum habent, aut habere possunt esse extra ipsum: ergo cum ens rationis sit id, quod habet tantum esse obiectiuè in intellectu, possibile est ens rationis, & de facto datur. Probatur antecedens: quia intellectus noster concipit chimeram, & alia figmenta, quæ non solum à parte rei non dantur, sed impossibilia sunt. Item concipit negationes, & priuationes instar formarum positiuarum affirmantium subiecta, ut tenebras ad-

mo-

modum cuiusdam formæ nigre, & obscuræ in ære, cæcitatem instar cuiusdam malignæ qualitatis in oculo, cum tamen re ipsa non sint aliquid, sed mera non entia, seu remotiones formarum. Item concipit in Deo relationem ad creaturas, in animali ad species, & alia huiusmodi, quæ à parte rei, & extra ipsum nulloatenus reperiuntur. Ergo, &c.

6. Ob. 1. Ens rationis non potest fieri obiectum intellectiōis: ergo non est possibile. Consequentia patet ex dictis; & antedecens probatur, ens rationis non potest fieri obiectum intellectiōis, nisi intellectus prius actuetur specie representatiua ipsius entis rationis: ergo cum hoc sit impossibile, impossibile etiam erit ens rationis fieri obiectum intellectiōis. Probatur suppositum consequentiæ; Quælibet species præsupponere debet obiectum; siquidem ab eo immittitur: ergo species representans ens rationis, præsupponere debet ipsū ens rationis: sed ens rationis ante intellectiōem præsupponi non potest: ergo impossibile est, intellectum actuari specie entis rationis, & hoc per talem speciem reddi obiectum intellectiōis.

7. Respondetur negando antecedens, & ad probationem dico, quod dupliciter explicari potest, quomodo intellectus ens rationis intelligat. Primum si dicamus, intellectum ex specie impressa, & expressa entis realis, elicere aliam tertiam speciem impressam representatiuam entis rationis, à qua immediatè procedat cognitio illius. Iuxta quam sententiam dabitur quidem propria species impressa entis rationis, quamvis semper illud representat cum habitudine ad ens reale, & cum depen-

dentia ab specie impressa, & expressa eius, à quibus fuit extracta. Secundò potest id explicari, si dicamus per ipsam speciem impressam entis realis simul cum expressa absque alia indeeducta, cognosci ens rationis: quia eadem species impressa, quæ primariò representat intellectui ens reale, potest secundariò representare illi ens rationis iuxta quam sententiam non datur propria species entis rationis; sed cognitio eius immediatè procedit ab ipsa specie impressa entis realis. Vtraque sententia est probabilis in via D. Th. & soluit argumentum propositum; videatur Sanchez lib. 1. logic. q. 19. concl. 9.

8. Ob. 2. Ens rationis est illud ens, quod non habet esse; nec habere potest à parte rei, ac proinde est entitas impossibilis: sed entitas impossibilis non potest concipi ut possibilis: ergo non potest dari ens rationis. Probatur minor, eadem res non potest simul esse, & non esse: ergo implicat quoddam res impossibilis concipiatur ut possibilis.

9. Respondetur negando minorem; Arrianus enim dicens: *Pater diuinus non generat filium sibi æqualem* concipit aliquid impossibile; impossibile namque est, quoddam diuinus filius non sit æqualis Patri: Si autem hic hereticus hunc errorem asserit, illum utique concipit, ac proinde id, quod est impossibile, concipit ut possibile, & existens. Et ad probationem dico, quoddam concipi potest res impossibilis, etiam si formaliter non concipiatur, quoddam sit, & quoddam non sit: ut si concipiam naturam aliquam compactam ex homine, & leone identificatis, concipio aliquid impossibile; & tamen hic conceptus formaliter non exprimit homi-

hominem, & non hominem, leonē & non leonem: hic enim conceptus formaliter exprimit humanitatē, & rugibilitatem identificatas in eodem subiecto: sed hoc exprimere, non est formaliter exprimere negationē humanitatis, vel rugibilitatis, quia nullum positivum formaliter est negatio alterius positiui: ergo concipi potest impossibile etiam si non concipiatur, quod res sit, & non sit.

10. Dices: esto possit concipi humanitas, & rugibilitas absque eo, quod concipiatur formaliter negatio: tamen non possunt concipi, quin concipiantur ut impossibiles: sed implicat, quod eadem res concipiatur esse talis, & impossibilis ad esse talem: ergo implicat, quod concipiatur res impossibilis.

11. Respondetur hoc quod est, esse impossibile, formaliter nihil est aliud, quam habere negationem possibilitatis ad essendum vnum cum alio: ergo si concedatur negationē non concipi, neque concipientur illæ entitates, ut formaliter incópossibiles: ac proinde benè poterit concipi entitas impossibilis ut possibilis.

12. Ob. 3. In intellectu cognoscente chimeram v. g. & est intellectio, qua intellectus intelligit, & est chimera cognita: sed hoc totum est ens reale: ergo omne illud, quod dicitur ens rationis, est ens reale, & sic nullum datur ens rationis. Prob. minor, & de intellectu iam non potest esse dubium, quod realis illa sit; de termino intellectiois, seu qualitate per intellectum productionem in qua relucet res, quæ cognoscitur, probatur, quia vel hæc identificatur cum intellectu, ut voluit aliqui, & tunc erit ens reale; quia nihil cum ente reali identificari po-

test, quod reale non sit. Vel iuxta aliorum sententiam est quedā qualitas realiter distincta; quæ verbum mentis dicitur: sed verbum mentis est ens reale; quia est terminus actionis realis, & omnis actio realis respicit terminum realem: ergo, &c.

13. Hoc argumentum assertores oppositæ sententiæ multum magnificant; sed nullius est efficaciæ, cum falso nitatur fundamento. Supponit enim ens rationis consistere vel in intellectu, vel in verbo ab intellectu productione productis; quod tamen suppositum verum non est: omnes nam admittentes ens rationis dicunt, non esse neque intellectum, neque verbum ab intellectu productione prod. Atque, sed id, quod per tale verbum representatum intelligitur: hoc autem non est reale, cum nullum aliud esse habeat, nisi illud obiectum in intellectu.

14. Ob. 4. Ens rationis est illud, quod habet tantum esse obiectivè in intellectu: sed intelligibile est, quod detur aliquid, quod habeat tantum esse obiectivè in intellectu: ergo intelligibile est, quod detur ens rationis. Minor probatur, habere esse obiectivè in intellectu, est idem formalissimè, ac habere esse in cognitione intellectus: sed habere esse in cognitione intellectus, est formalissime habere esse subiectivè in intellectu: ergo. Probatur minor habere esse in cognitione, est subiectari ubi subiectatur ipsa cognitio: sed cognitio habet esse subiectivè in intellectu: ergo.

15. Respond. cum S. Th. opusc. 48. tract. 2. cap. 1. ens rationis nulli esse subiectivè, quia si esset in aliquo, esset accidens, & per consequens ens reale. Tantum ergo est ob-

E

obic-

obiectiue in intellectu. Nec propterea est substantia, quia substantia realiter est, atque subsistit, sed est propriè ens rationis. Vnde cum dicitur, *habere esse obiectiue in intellectu, est idem formalissimè, ac habere esse in cognitione*, distinguo *subiectiue* nego, *obiectiue* concedo. Ex quo non sequitur, quòd si cognitio subiectatur in intellectu, ibi etià subiectetur obiectum talis cognitionis, quia obiectum formaliter vt obiectum nullibi subiectatur.

DVBIVM SECVNDVM

Quotuplex sit divisio entis rationis?

16. **T**RES divisiones extant entis rationis. Prima est in entia rationis positiua, & in entia rationis negatiua. Ratio huius divisionis est, quia apprehendere possumus non solum entia, quæ possibilia non sunt, verùm etiam non entia, quæ dari repugnant in rerum natura, vt quando apprehendimus negationem existentie Dei, & negationem personarum Trinitatis, apprehendimus negationes omnino impossibiles; impossibile namque est, Deum non existere, aut non esse trinum: ergo negationes istæ tantum habent esse obiectiue in intellectu: ac proinde sunt pura entia rationis, & pura figmenta: ergo vltra entia rationis positiua, dantur entia rationis negatiua.

17. Secunda diuisio est in ens rationis cum fundamento in re, & in ens rationis sine fundamento in re. Hoc dicitur ens rationis ratiocinantis, & purè chimericum; illud rationis ratiocinatæ. De hac diuisione, multum discrepant recentiores; qui-

dam illam impugnant; quia existimant, omnia habere fundamentum in re; alij è contra asserunt, nullum ens rationis habere fundamentum in re, sed omnia absque vilo fundamento fingi ab intellectu. Communis tamen sententia eam admittit, iuxta quam.

18. Dico primò dari ens rationis, quod sine fundamento aliquo fingi possit ab intellectu. Assertio hæc est contra priores recentiores; & probatur quia intellectus concipit Hircoceruum, quasi animal compactum ex duabus naturis repugnantibus: Item distinguit eandem rem à se ipsa, & concipit eam tanquam sibi ipsi inexistentem, & format propositionem identicam, *Petrus est Petrus*: sed ad fingenda hæc entia rationis, nullo fundamento ducitur intellectus: ergo dari potest ens rationis, quod sine fundamento aliquo fingi potest ab intellectu.

19. Dico secundò dari plura entia rationis, quæ habent fundamentum in re. Hæc secunda assertio est contra posteriores recentiores; & probatur quia sicut illud, quod est motuum, & occasio aliquid putandi, & opinandi, dicitur fundamentum nostre opinionis: sic illud, quod est motuum, & occasio fingendi aliquid ens rationis, dici potest fundamentum fictionis talis entis rationis: sed intellectus noster ex aliquo motiuo, & occasione fingit plura entia rationis: ergo dantur plura entia rationis, quæ in re habent fundamentum suæ fictionis. Probat minor seu explicatur exemplis. Visio, quæ terminatur ad parietem, & refertur ad illum, est occasio intellectui concipiendi esse visum in pariete per modum cuiusdam mutue relationis,

que tamen reuera non est. Item cū in homine realiter sit, & principium sentiendi, & discurrendi: principium autem sentiendi sic etiam in brutis, in quibus non est principium rationandi; hoc est motiuium, & fundamentum intellectui, distinguendi eos duos grades, qui re vera distincti non sunt; Itemque concipiendi principium sentiendi seu animal, tanquam superius quid ad hominem & brutum, quod possit communis cari verique; & ita formatur ens rationis, vniuersale, & genus. Rursus in Deo dantur intellectus, & voluntas, & alia attributa, quæ à parte rei sunt vnum, & idem; quia tamen similia attributa sunt distincta in rebus creatis, & in Deo ipso valet dicere, Deus per intellectum, non per voluntatem, intelligit, dicit, & gignit Verbum: per voluntatem, non per intellectum, amat, spirat, & producit Spiritum Sanctum. Hæc est occasio, & motiuium intellectui distinguendi attributa diuina. Plura ergo entia rationis fingit intellectus noster ex aliqua occasione, & motiui.

20. Tertia diuisio entis rationis est in relationem, negationem, & priuationem. Quæ communiter traditur, & sumitur ex D. Th. q. 1. de verit. art. 1. & in 1. dist. 2. q. 1. art. 3. Aliqui dicunt, per relationem intelligi formam, qua concipitur refertur id, quod re vera non refertur. Per priuationem intelligi, quando priuatio, id est, carentia formæ in subiecto capaci, concipitur ad modum formæ positivæ, vt cæcitas in oculo. Per negationem intelligi, quādo negatio, vel in subiecto incapaci formæ negatæ, vt negatio leonis in homine; vel omnino absque

subiecto, vt negatio Antechristi, concipitur ad modum entis positivi. Ita prædictam diuisionem explicat P. Suarez disp. 54. metaphysicæ.

21. Sed diuisio sic explicata est valde diminuta, & multo plura entia rationis relinquitur; nam sicut concipimus ens rationis ad instar relationis, sic concipere possumus ens rationis ad instar substantiæ, quantitatis, aut alterius predicamenti, vt cum concipimus chimeram, quæ substantia rationis est; spatiū imaginariū, quod quantitas rationis est: atqui hæc entia rationis non continentur in præfata diuisione iuxta explicationem traditā: ergo diuisio sic explicata, est valde diminuta.

22. Respondent, licet entia rationis esse sine fundamento, & ideo nō includi in diuisione allata. Sed contra; quia in diuisione allata non diuiditur ens rationis tantum habens fundamentum, sed ens rationis vt sic, abstrahens ab eo, quod habet fundamentum, & ab eo, quod non habet fundamentum: ergo in membris diuidentibus debet includi non solum ens rationis habens fundamentum, sed etiam ens rationis non habens fundamentum; ac proinde si iuxta traditam explicationem non continetur chymera, aut aliud simile ens rationis, prædicta explicatio insufficiens est.

23. Ea igitur relicta, aliter allatam diuisionem explicamus, nempe per varios essendi modos, quibus fingere possumus, & concipere ad modum entis ea, quæ non sunt. Possumus ergo primò concipere ens rationis per modum essendi ad aliud, hoc est, per modum respectus, & ordinis ad terminum. Secundò sine respectu ad aliud, per modum essendi

di in aliquo tanquam in subiecto, hoc est, per modum forme inherētis subiecto, nec respicientis alium terminum extrinsecum. Tertiò sine respectu ad terminum, & sine modo essendi in subiecto, per modum essendi ad se, & per se, cum videlicet concipitur chimera Hircoceruus. Hinc adequatè habemus tria genera entis rationis: non n. superest aliud extra hos tres essendi modos.

24. Et hæc possunt satis commode accipi per illa tria nomina, relationis, priuationis, negationis. Videlicet ens rationis ad aliud, est relatio rationis. Ens rationis in se, est negatio rationis. Ens rationis in alio, est priuatio rationis. Nam respectus ad aliud conuenientissimè appellatur relatio. Alijs verò generibus entis rationis, cum in uniuersum ens rationis non sit ens reale, conuenienter nomina non entium attribuntur, scilicet negatio, & priuatio. Et quia rursus de ratione negationis non est, ut sit in subiecto, quia saluatur etiam extra subiectum: de ratione verò priuationis omnino est, esse in subiecto: ideo conuenienter ens rationis in se, dicetur negatio; & ens rationis in alio, dicetur priuatio.

DE VBIUM TERTIVM

Quanam potentia ens rationis efficere possit?

25. **C**irca præsens dubium varia sunt Doctorum placita, probabilior sententia docet, solum intellectum efficere posse ens rationis; quam tenent Thomistæ, & plures alij. Ratio fundamentalis est: quia cum esse entis rationis consistat

in hoc, quod cognoscatur; ab illa dumtaxat potentia effici potest, à qua potest cognosci: sed à solo intellectu potest cognosci: ergo solus intellectus effici potest ens rationis. Probatur minor nulla potentia ferri potest extra suum obiectum adequatum, quia per ordinem ad illud specificatur, & distinguitur ab alijs: sed illud esse fictum, in quo consistit ens rationis, cum non sit quid sensibile, est extra obiectum adequatum cuiuscunque potentie sensitiue, non autem extra obiectum adequatum intellectus, quod est ens: ergo à solo intellectu, & non ab alia potentia cognosci potest.

26. Hæc ratio, quæ efficacissima est, etiam probat, neque voluntatem posse efficere ens rationis, quia voluntas non est potentia cognoscitiua, sed cæca, sequens dictum rationis: ergo si solum potentia cognoscitiua potest efficere ens rationis, voluntas non potest esse causa effectiua illius. Et quamuis interdum voluntas humana tendat in id, quod in re non videtur bonum, ac si esset bonum, tamen ipsa non fingit tale bonum, sed supponit apprehensum, & representatum per intellectum: vnde etiam si illud computetur inter entia rationis, non est à voluntate fabricatum, sed ab intellectu.

27. Ob. 1. Apprehendere rem aliter ac est in se, est facere ens rationis: atqui sensus externi apprehendunt sæpè res aliter ac sunt in se: Oculus enim apprehendit solem ve globum vnus palmi, qui tamen est longè maioris magnitudinis; item apprehendit in Iride colores, in quæ colores re vera non sunt; Similiter gustus fabricatatis saporis dulces pu-

tat

eat esse amarus; & sic de alijs: ergo non tantum intellectus; verum etiam sensus externi possunt facere ens rationis.

28. Respondetur distinguendo maiorem; apprehendere rem aliter *positiue*, concipiendo scilicet aliquid, quod in ipsa non est, est facere ens rationis, concedo. Apprehendere rem aliter *negatiue* solum, non apprehendendo scilicet eam ut in se est, absque eo tamen quod apprehendatur aliquid in ea, quod in ea non sit, nego: hoc autem solum posteriori modo apprehendunt sensus res aliter ac sunt, non autem priori. Per quod patet ad minorem; ad cuius probationem respondeo, oculum apprehendere solem ut globum vnius palmi solum negatiue, quatenus non apprehendit ut maiorem, non vero positiue, quasi apprehendat paruitatem illam ut existentem in ipso sole. Similiter in iride non videt, nisi lumen, quod ex varia reflexione in nubibus habita, acquirit similitudinem quandam cum coloribus. Sicut nec gustus apprehendit amaritudinem in saporibus dulcibus, sed solum non apprehendit eos ut in se sunt, sed prout representantur, ob medij indispositionem, scilicet preoccupati amaritudine.

29. Ob. 2. Phantasia ex duobus vere existentibus potest componere vnum aliquid non existens in rerum natura, ut quando ex speciebus motis & auri, componit montem aureum, atqui tunc facit ens rationis: ergo phantasia potest facere ens rationis. Probat minor, eo ipso, quod phantasia ex auro, & ex monte componit montem aureum, aut aliam similem chimeram, attingit sua cognitione totum illud aggregatum,

ac si esset verum ens reale: ergo quod non est, cognoscit ad modum entis: sed hoc est facere ens rationis: ergo.

30. Respondetur loquendo de phantasia secundum se, negando maiorem, nempe quod componat formaliter chimeram, quia sua cognitione non attingit illud aggregatum formaliter quatenus est quid compositum, & vnum; hæc enim compositio, & vnitas non est sensibilis. Sed dicitur componere tantum materialiter, quatenus vna, & eadem cognitione fertur simul supra illas reales entitates partium, quas antea seorsim cognouit, ex eo quod species sensibiles propter aliquam alterationem organi perturbatæ, non representant res perfecte; ut inter se distinctas. Et ideo nullum facit ens rationis.

31. Dixi, loquendo de phantasia secundum se; nam phantasia hominis, quia propter coniunctionem cum intellectu, refluit ab illo in ipsam virtus aliqua, ratione cuius potest aliquid operari extra propriam spheram, eliciendo veros actus iudicii, aut discursus, licet imperfectos, ut ex sententia D. Thomæ, & grauissimorum Philosophorum docent recte Caiet. 1. 2. q. 74. art. 4. Bannez 1. p. q. 78. art. 4. dub. 2. & alij; ideo iuxta hanc sententiam concedi potest, quod phantasia efficere possit aliquod ens rationis. Neque hoc præiudicat supradictis: quia talia entia rationis fierent à prædicta potentia, non secundum quod sensitiua est, sed secundum quod participat, aliquid de intellectu; & sic intellectus ipse esset causa principalis illorum.

32. Ob. 3. Voluntas peccantis mor-

mortaliter peruersè ordinat Deum ad creaturas: atqui talis ordo non est realis, quia à parte rei creaturæ ordinantur à Deum, & non Deus ad creaturas: sed rationis: ergo voluntas efficit aliquid ens rationis.

33. Respondetur negando minorem, quoniam ordinare vnum ad aliud, non est opus voluntatis, sed intellectus, vt docet S. Th. 1. 2. q. 17. art. 1. & probat Caietanus ibidem contra Scotum. Vnde quando voluntas amat vnum propter aliud, formaliter loquendo non ordinat vnum ad aliud, sed quod iam ordinatum est per intellectum, appetit.

DUBIUM QVARTVM

Vtrum intellectus diuinus efficiere possit ens rationis?

34. **S**UPER hoc dubio sunt tres sententiæ; Prima absolute negat Deum efficere posse ens rationis. Quam sententiam eius sectatores probant sic: Ens rationis non formatur, nisi concipiendo per modum entis id, quod ens non est: atqui hoc repugnat perfectioni diuinæ cognitionis, quæ in eo posita est, quod vnumquodque clarissimè cognoscat sicuti est: ergo fieri non potest, vt per diuinum intellectum ens aliquod rationis formetur. Et confirmant; nam fieri non potest, vt diuinus intellectus concipiat spiritualia ad instar corporalium, quia hic modus cognoscendi est imperfectus, & ad perfectionem eius pertine: ita intueri spiritualia sicuti sunt, & non aliter: ergo pari ratione fieri non potest, vt diuinus intellectus concipiat vt distincta, quæ in re distincta non sunt, quia hic est modus imperfectus cognoscendi: ergo di-

stinctio rationis non potest fieri per diuinum intellectum: sed eadem ratio est de quocumque alio ente rationis: ergo nullum ens rationis ab intellectu diuino fieri potest.

35. Sed ratio ista efficax non est: tota enim consistit in hoc, *ideo diuinus intellectus ens rationis non facit, quia ens rationis non cognoscit*; hæc autem causalis est falsa, & proboscitur intelligere omne intelligibile est perfectio: atqui entia rationis sunt suo modo intelligibilia: ergo ad diuinam perfectionem pertinet illa etiam intelligere. Rursus, intellectus diuinus compræhendit intellectum humanum: ergo cognoscit omnia ad quæ eius virtus extendi potest: atqui talis virtus extendi potest ad entia rationis, ergo cognoscit entia rationis; falsum est ergo illa diuinum intellectum non cognoscere.

36. Propter hæc argumenta aliqui sententiam hæc alia ratione probant sic: Dens solum cognoscit ens rationis factum à nobis: sed cognoscere ens rationis factum à nobis, est non facere ens rationis: ergo Deus nullum ens rationis facit. Probant minorem: ens rationis est, quod consequitur esse ex vi cognitionis, qua cognoscitur: atqui tunc consequitur esse ex vi cognitionis, quando illud esse non habet; si enim postquam formatum est, cognoscitur, iam præsupponitur habere esse, & consequenter ex tali cognitione non consequitur esse: ergo si Deus solum cognoscit ens rationis factum à nobis, ens rationis non facit.

37. Sed neque ratio ista est efficax; nam in primis suppositum est falsum, nempe quod Deus solum cognoscat ens rationis factum à nobis;

bis;

bis ; omnia enim entia rationis sunt intelligibilia : sed Deus sua infinita intelligentia : attingit omne intelligibile : ergo Deus non solum cognoscit entia rationis facta à nobis , sed omnia alia . Rursus si Deus nunc cognoscit ens rationis . quod ab intellectu humano habet esse ; cognovit etiam illud ab æterno : antequam creatus intellectus illud effingat : ergo Deus ab æterno habet effectum actu obiectivè à suo intellectu aliquid , quod non dum formatum est ab intellectu creato : tale autem esse obiectivum actu pendens ab intellectu divino , & non ab intellectu creato , nec est à parte rei , nec potest esse à parte rei aliquid reale : ergo est aliquid rationis factum ab intellectu divino .

38. Deinde admissis supposito adhuc ratio non probat intentum ; quod sic ostendo : Non potest Deus intelligere ens rationis factum ab intellectu humano , nisi illud ens rationis sit obiectivè præsens intellectui divino : sed ad hoc esse factum prout est obiectivè præsens intellectui divino , solum concurrunt intellectus divinus , & non humanus : ergo non potest intellectus divinus cognoscere ens rationis factum à nobis , & ens rationis non facere . Probatur minor , si ad illud , prout est præsens intellectui divino , concurreret intellectus humanus , cessante hoc intelligere , cessaret statim ipsum ens rationis , & præsentia illius in intellectu divino : quia ens rationis cessare debet cessante intelligentia , à qua producit : sed cessante intellectu humano intelligere , intellectus divinus adhuc perseverare potest in intelligentia illius entis rationis : ergo ad illud prout est obiectivè in divina in-

tellectu non concurrunt intellectus humanus , sed divinus . Fateri ergo debent isti auctores , posse à Deo fingi ens rationis , si semel concedatur posse à Deo cognosci .

39. Dices : videtur impossibile , idem ens rationis factum ab intellectu creato , iterum fieri ab intellectu divino . Respondetur , quod sicut plures visiones attingere valent idem numero visibile , sic plures intelligentiones attingere possunt idem numero ens rationis , quod obiectum intelligibile est ; cum autem ens rationis consistat in intelligi , non mirum quod ab intellectu divino , & humano illud intelligentibus producat . Neque ens rationis habet causam productivam propriè dictam , sed secundum quid dicitur fieri , ut patet ex dictis , nempe per hoc quod intelligatur .

40. Secunda sententia concedit , solum illa entia rationis Deum facere posse , quæ ab intellectu creato dependent : quia independentes ab intellectu creato (ait) Deus nulli ens rationis cognoscit . Et probatur : quia cognoscere ens rationis independentes ab intellectu creato , est sua immediata cognitione Deum versari circa obiectum aliter ac est in se : ita quod modus iste cognitionis refunditur in intelligentionem divinam : atque hoc dici non potest , quia intellectus divinus ob suam infinitam perfectionem attingit res sicuti in se sunt : ergo non potest divinus intellectus independentes ab intellectu creato ens rationis cognoscere , neque efficiere . Nullum autem est inconveniens , quod Deus concipiat ens rationis dependentes ab intellectu creato , quia tunc cognoscit illud sicuti est factum , vel faciendum à nobis ;

nobis; & sic non cognoscit rem aliter ac est. Sicuti non est inconueniens, quodd quando quis cognoscit spirituale ad instar corporis, falsum ad instar veri, malum ad instar boni, quodd Deus comprehendendo intellectum illum deceptum, cognoscat obiectum talis deceptionis, spirituale vt corpus, falsum vt verum, & bonum vt malum.

41. Fateor, hanc sententiam esse probabilem, sed probabilior est tertia, quæ docet, Deum etiam independentem à nostris actibus ens rationis cognoscere, & facere posse. *Primum probatur*, quia Deo negare non possumus has, vel similes cognitiones, *Duo contradictoria nequeunt esse simul. Alius Deus non est possibilis. Chimæra repugnat*. Quibus actibus, & concipiuntur duo contradictoria, & alius Deus, & chimæra (non potest enim negari, quod non cognoscatur) quæ omnia sunt impossibilia, & entia rationis: atqui huiusmodi cognitiones habet Deus omnino independentem à nostris actibus, vt per se patet: ergo & cognitionem entis chimærici, vt illud dicit repugnare, potest habere independentem à nostris actibus. *¶ Probatur secundum euidenter*, quia fieri ens rationis, est dare illi esse per cognitionem: sed dum Deus cognoscit illam chimæram, facit vt illa tantum habeat esse obiectiue in intellectu diuino: ergo facit ens rationis. *Confirmatur*; Alius Deus ab hoc distinctus, non habet in se vllum esse, antequam Deus dicat. *non est possibilis alius Deus*, nec habebat esse in intellectu: quando verò affirmatur à Deo, *non est possibilis*, iam habet esse in intellectu diuino: ergo fit à solo intellectu diuino.

42. Dices: quando Deus dicit: *chimæra repugnat*, vel *alius Deus non est possibilis*, dicit, quod est à parte rei: ergo non facit ens rationis. Resp. ibi esse duo, & repugnantiam chimære, vel impossibilitatem alterius Dei; Et hoc datur à parte rei, & sic ex hac parte Deus non facit ens rationis. Secundum, quod ibi est, est cognosci alium Deum, & chimæram; alius autem Deus vel chimæra non habet aliud esse, quàm cognosci: ergo tunc fit ens rationis.

43. Restat vt respondeamus ad fundamentum vtriusque oppositæ sententiæ, ad quod breuiter dico, quodd tunc cognoscere non ens vt ens, est imperfectio, quando cadit supra modum cognitionis, non verò quando cadit supra obiectum cognitum. Ens autem rationis est non ens vt ens, & Deus cognoscendo ens rationis, attingit illud sicuti in se est.

DISPUTATIO II.

De vniuersali secundum se.

1. **E**xplicato ente rationis in comuni, descendimus ad explicandum secundas intentiones, quæ sunt obiectum logicæ. Et primò agimus de vniuersalibus & prædicationibus, medijs quibus ordinantur prædicamenta. Vniuersale autem generalitèr loquendo nihil aliud est, quàm aliquid vnum dicens ordinem ad plura: vnde ex diuersitate huius ordinis sumuntur diuersæ acceptiones vniuersalis. Primò enim potest aliquid vnū dicere ordinem ad plura vt causa eorum; qua ratione Deus dicitur causa vniuersalis rerum omnium creaturarum, quia omnes de nihilo

nihilò produxit. Etiam Cœli dici solent causæ vniuersales, quia influunt in res inferiores sub lunæ causâ conuenientas, sine quo influxu conseruari non possunt. Et hoc appellatur *vniuersale in causando*. Secundò vt similitudo eorum; & hoc pacto species impressæ Angelorum, quarum quælibet ipsi Angelo plura distinctè representat, vniuersales dicuntur; ad distinctionem earum, quæ vnius tantùm singularis sunt similitudo. Et hoc appellatur *vniuersale in representando*. Tertiò aliquid potest comparari ad plura; vt signum eorum; & huiusmodi sunt voces communes, vt hæc *homo*, & *animal*, quæ quia plura significant, dicuntur *vniuersale in significando*. Quartò tandem aliquid potest respicere plura vt existens in illis, vnde oritur, quòd de eis prædicetur. Et hoc appellatur *vniuersale in essendo*, seu *prædicando*; definiturq; ab Aristotele *esse vnum in multis*, & de multis; solet etiam appellari *vniuersale logicum*, quia continetur sub obiecto logicæ; & de hoc solum agimus in præsentî. In hoc vniuersali inueniuntur tria, quæ ad integram eius rationem pertinent; scilicet materiale, fundamentale, & formale; nempe natura; seu substantia, quòd denominatur vniuersale; & hoc dicitur vniuersale pro materiali; fundamentum proximum relationis vniuersalis, quod est vniuersitas, seu natura præcisa ab inferioribus; cum non repugnantia ad essentialitatem in illis; Et forma ipsa relatiua; qua comparatur, & respicit illa plura. Ratio est; quia vniuersale logicum consistit in respectu ad inferiora; in omni autem respectu hæc tria concurrunt scilicet subiectum; fundamentum, & forma ipsa rela-

tionis. Et de his omnibus sæpe ordine dicemus.

D V B I V M P R I M V M

Vtrum à parte rei dantur nature, quæ denominari possunt vniuersales?

1. **N**egant Nominales, qui solum voces admittunt vniuersales, non verò res per eas significatas. Contra quos dico primò dari à parte rei naturas, quæ denominari possunt vniuersales. Ita D. Th. de ente, & essentia cap. 4. & opusc. 55. & 36. Albertus Magnus tract. 2. logicæ, & omnes communiter. Probatur primò; quia naturæ, quæ secundum se, & essentialiter non sunt singulares; appellandæ sunt vniuersales; aliæ inter eas, & naturas essentialiter singulares nulla esset distinctio; sed à parte rei dantur nature, quæ secundum se, & secundum predicationem essentialia non sunt singulares: ergo à parte rei dantur nature, quæ denominari possunt vniuersales. Probatur minor, illa natura non est secundum se, & essentialiter singularis; quæ separari potest in multis; sed à parte rei natura humana, equina, leonina, & similes; non solum reperiri possunt in multis, sed de facto reperiuntur in omnibus indiuiduis; ergo à parte rei dantur nature, quæ secundum se, & essentialiter non sunt singulares. *mutuū obiectū*

2. **P**robatur secundò; A parte rei dantur voces vniuersales; ergo debent dari res vniuersales, seu quæ denominari possunt vniuersales. Antecedens est Nominalium. Consequentia verò probatur, voces vniuersales significant res: non significant res

singulares; alias nullum esset discrimen inter vocem vniuersalem, puta hanc *Homo*, & singularem, vt *Petrus*; ergo significat res vniuersales: ergo si Nominales admittunt voces vniuersales, res etiam vniuersales admittere debent. ¶ Confirmatur, quia hæc propositiones, *Petrus est homo*, *Homo est animal*, sunt vere prædicationes: ergo id, quod in illis enunciat, est res aliqua, atqui non est indiuidualitas, vt ex se patet; ergo est res aliqua communis: ergo à parte rei dantur gradus, seu nature communes, quæ denominari possunt vniuersales.

4. Dices cum Nominalibus, vocem communem *homo*, *animal*, vel similem, non significare naturam aliquam communem, sed esse quasi nomen collectiuium, significans omnes homines, omnia animalia, vel similia; in quo differt à voce singulari, quæ vnicum, dumtaxat indiuiduum significat: & ita quando dicimus, *homo est animal*, sensus est, *omne, quod est homo*, seu *omnes homines sunt animal*.

5. Sed contra: quia iuxta hanc solutionem hæc propositio, *Petrus est homo*, redderet hunc sensum, *Petrus est omnes homines*, seu *omne id, quod est homo*. Et hæc alia, *Petrus currit*, idem significaret, ac *omnes homines current*, seu *omne id, quod est homo, currit*. Atqui hæc omnia sunt falsa, vt ex se constat: ergo.

6. Dico secundo Naturas, quæ denominari possunt vniuersales à parte rei non esse separatas à singularibus. Probat, quia naturæ à parte rei producuntur: cum ipsæ res, in quibus existunt; sed quælibet actio ista, terminatur ad rem singularem: ergo naturæ à parte rei non sunt se-

paratæ à singularibus. Et confirmatur, quia naturæ sunt essentielles rebus: implicat autem aliquid esse de essentia alicuius, & quod non sit in illo.

7. Quæres. An naturæ, quæ non habent, nisi vnicum indiuiduum, denominari possint vniuersales? Pro solutione huius quæstionis, notandum est, quod inter naturas non habentes nisi vnicum indiuiduum, duplex differentia considerari potest. Nam quædam natura est, quæ de facto non habet plura indiuidua, potest tamen habere de possibili, sicut luna sol, & similia; hæc enim habent materiam diuisibilem absolute, licet non diuisibilem naturaliter: ex diuisione autem materie nata est eorum sequi multiplicatio indiuiduorum. Alia natura est, quæ nec de facto, nec de possibili potest habere multiplicationem indiuidualem, quia esset omni materia, vt sunt substantiæ spirituales completæ, scilicet Angeli.

8. De prima natura non est difficultas in presenti, quia constat, illam naturam posse esse in multis, & prædicari de multis, in quibus multa indiuidua possibilia sunt. Tota autem difficultas est de secunda natura. Circa quam non disputamus modò, an sint possibiles, vel non possibiles plures Angeli solùm numero distincti. De quo agitur, part. quæst. 50. si enim sunt, possibiles plures numero distincti, quæ sunt difficultate vocat; dicendum est de natura angelica, sicut dicitur de Sole, Luna, & alijs naturis, in quibus plura indiuidua sunt possibilia. Sed admissio quod sint impossibilia plura indiuidua in natura angelica, tunc procedit propositum quæstionis.

9. Su-

9. Super quo est duplex sententia : prima negat huiusmodi naturas denominari posse vniuersales. Ita tenent omnes extra scholam S. Th. quorum ratio est : quia natura angelica nec actu, nec potentia est in multis, ex hypotesi quod sint impossibilia talia multa : ergo denominari non potest vniuersalis.

10. Cōtraria tamen sententia tenenda est, quam docet S. Th. opusc. 42. cap. 5. & de spiritualibus creaturis art. 8. ad 4. & alibi sepè ; ideoq; inter eius discipulos receptissima est, & videri possunt Caiet. 1. part. q. 13. art. 9. Ferrar. 2. cont. gent. cap. 63. Iauell. 12. met. q. 14. Collegium Complutense in log. disp. 6. q. 4. Ioannes à S. Th. q. 8. art. 3. & alij grauissimi auctores, qui scholam thomisticam illustrarunt.

11. Probatur efficacissimis rationibus. *Primò*, quia natura angelica non est essentialiter singularis (sola n. natura diuina est huiusmodi) ergo cū inter singulare & vniuersale non detur medium, natura angelica erit vniuersalis. *Secundò*, quia natura angelica verè prædicatur de suo vno indiuiduo : non prædicatione identica, quia natura ratione formali distinguitur ab indiuiduo : nec prædicatione equali, quia aliàs esset prædicatio identica, sicut quando indiuiduum prædicatur de indiuiduo : ergo prædicatione superioris de inferiori. Sed prædicatio superioris de inferiori est prædicatio vniuersalis : ergo natura angelica est vniuersalis. *Tertiò*, quia Angelus Michael, vt est quedam res singularis à parte rei existens, est verum indiuiduum, quod directè ponitur in prædicamento substantiæ, vt fundamentum aliorum prædicatorum :

ergo supra illud apprehēdimus gradum aliquem specificum, cui immediate subiiciatur (implicat n. dari indiuiduum, quod non contineatur sub aliqua specie infima, vt per se patet) : ergo illud indiuiduum verè subiicitur sue nature specificæ. Sed subiicitur indiuidui correlative respondet vniuersalitas speciei : ergo natura specifica Michaelis verè est vniuersalis, quamuis vnum tantum habeat indiuiduum. Et *quartò*, quia illa natura est capax vniuersalitatis, & denominationis vniuersalis, quæ potest præscindi à singularitate, & sic præcisa comparari ad plura : atqui natura Angelica habet omnia ista : ergo. Probo minorem ; Natura Angelica potest abstrahi ab indiuiduatione, & sic abstracta cum non includat, nec excludat vnum, nec plura indiuidua, est indifferens ad vñ, vel plura : ergo quantum est ex se, non habet repugnantiam respicere plura, & comparari ad illa. *Confirmatur*, quia repugnantia ad plura indiuidua in natura Angelica non est secundum prædicata nature, sed penes modum indiuiduandi naturam : ergo si concipitur natura quantum ad sua prædicata, & non modus ipse indiuiduandi naturam, non accipitur natura vt repugnans multiplicationi indiuiduorum.

12. Obiit. Quantumcūq; abstrahatur natura Angelica, non potest abstrahi ab eo, quod est sibi essentialiter : sed natura Angelica est essentialiter irreceptibilis in materia, & ab hac irreceptibilitate prouenit immultiplicatio indiuiduorum : ergo natura Angelica non potest taliter abstrahi ab indiuiduatione, vt sit capax vniuersalitatis, si non potest abstrahi ab hac irreceptibilitate.

13. Respondetur quod sic in rebus corporeis materia habet duplicem considerationem, scilicet componere, seu constituere ipsam naturam, & radicaliter esse principium indiuiduationis, & multiplicationis numerice; & tamen quando consideratur natura in communi, consideratur ratio materie, ut constituens, non ut principium indiuiduandi est: Ita in suo opposito, scilicet in carentia materie, & irreceptibilitate in ea, duplex consideratio potest attendi; & secundum quod pertinet ad ipsam constitutionem nature pure spiritualis, & secundum quod pertinet ad modum indiuiduationis, quatenus talem naturam spirituales reddit incommunicabilem, & immultiplicabilem; & una consideratio fecernitur ab alia. Quando autem abstrahimus naturam specificam Angelicam a modo indiuiduandi, non prescindimus in tali natura quod essentiale est quantum ad constitutionem quidditatis; sed id, quod in natura illa pertinet ad modum indiuiduationis.

14. Ob. 2. Natura diuina potest concipi sine singularitate, & tamen non est vniuersalis: ergo similiter licet natura Angelica possit abstrahi a suo indiuiduo, non propterea erit vniuersalis.

15. Respondetur esse disparatam rationem, quia & si natura diuina concipi possit sine singularitate, tamen ipsa natura sic concepta, non manet cum indifferentia, & potentialitate ad indiuiduationem, siquidem concipitur ut actus purus. Ceterum natura Angelica abstracta, est in potentia ad indiuiduationem, & indifferens ut contrahatur ab uno, vel pluribus indiuiduis. Ex dictis

pater responsio ad fundamentum contrarie sententie.

DVBIVM SECVNDVM.

Utrum nature communes a parte rei habeant unitatem formalem in indiuiduis non multiplicatam.

16. **C**VM nature istae non sint separatae, sed in eis existentes, manifestum est, iuxta pluralitatem realem, & distinctionem numericam indiuiduorum naturas ipsas esse reatiter multiplicatas in illis; & ex consequenti naturam humanam Petri v. g. esse unam numerum per unitatem numericam, quam habet Petrus; & naturam humanam Pauli esse unam numerum per unitatem numericam, quam habet Paulus; & sic de alijs. Sed quia duae istae naturae solum distinguuntur per principia materialia, ex quibus sumitur distinctio numericationis vero per aliqua principia formalia, seu essentia- lia, in quibus potius conveniunt, hinc exurgit praefens difficultas, An unitas formalis in natura a parte rei sit una in omnibus indiuiduis, an potius multiplicetur, sicut multiplicantur unitates numericae.

17. Conclusio; unitas formalis non est una communis omnibus indiuiduis, sed ad eorum multiplicationem multiplicatur in illis. Ita D. Th. de ente, & essentia cap. 4. & opuscul. 57. & 1. part. q. 85. art. 2. ad 2. quem sequitur omnes eius discipuli, alijque plures, & ex nostris hanc sententiam tenent Franciscus Caro in sua Philosophia rationali disp. 1. de vniuersal. disquit 2. Augustinus de Angelis disp. 2. lect. 3. & uterque Spinoza

nula, Stephanus disp. 5. log. sect. 2.
& Philippus disp. 3. dub. 2.

18. Probatur primò. Natura à parte rei est multiplex in indiuiduis, & non vna in omnibus: ergo à parte rei non habet unitatem formalem, quæ sit positivè communis indiuiduis. Antecedens patet ex dictis; & iterum probatur, quia si natura à parte rei non multiplicaretur in indiuiduis, sed esset vna in omnibus, Petrus, & Paulus non essent duo homines, cum in illis non multiplicetur humanitas, licet in illis singularitates sint diversæ; sicut quia in diuinis non multiplicatur natura diuina, personæ diuinæ non sunt tres, quamuis multiplicentur personæ constituentes personas. Ex quo sequeretur, in creatis dari Mysterium Trinitatis; imò quid mirabilius Mysterium Trinitatis: nam vna natura diuina est in tribus personis, quæ non sunt separata loco, neque tempore, neque habent opiniones, ac inclinationes contrarias: at natura humana eadè esset in pluribus hominibus separatis loco, & tempore, quorum vnus nascitur, alius moritur, vnus est bonus, alius malus; vnus est beatus in cælo alius damnatus in inferno.

19. Consequentia verò probatur, quia hæc unitas formalis est passio naturæ, sicut vnum est passio entis: sed passiones multiplicantur, multiplicata essentia: ergo sicut alia est natura humana Petri, & alia Pauli; ita etiam alia est unitas formalis vnus, & alia alterius.

20. Probatur secundò, quia unitas formalis dicit negationem diuisionis formalis: sed à parte rei non est aliqua negatio, quæ sit vna in omnibus indiuiduis, sed tot negationes,

quot indiuidua: ergo à parte rei unitas formalis non est vna in omnibus, sed ad multiplicationem indiuiduorum multiplicatur. Probatur minor; Negationes, & priuationes se habent ad modum accidentium, & per similitudinem ad illa accipiunt suam quasi indiuiduationem; sed repugnat, vnum accidens realiter indiuisum, esse in pluribus subiectis; propterea quod accidentia indiuiduantur à subiecto: ergo etiam repugnat, vnicam, & indiuisam negationem esse in omnibus indiuiduis.

21. Contrariam sententiam tenet Scotus 7. met. q. 18. & in 2. dist. 3. q. 1. cuius ratio potissima est: quia Petrus, & Paulus à parte rei sunt vnum formaliter: ergo unitas formalis non multiplicatur ad multiplicationem indiuiduorum, sed est vna in omnibus. Confirmatur, quia quantumcumque natura diuidatur per differentias numericas, manet formaliter indiuisa: ergo in illa manet unitas formalis. Sed talis natura manens eadem formaliter, communicatur pluribus: ergo illa plura habent vnā, & eandē unitatem formalem: ac proinde datur in natura unitas formalis, quæ non multiplicatur in indiuiduis.

22. Respondeo dupliciter, & primò cum Caietano de ente, & essentia cap. 4. quæst. 6. Petrum, & Paulum à parte rei dici vnum formaliter non quia habeant aliquam unitatem formalem ipsius positivè communem; sed quia non habent à parte rei, vnde diuidantur formaliter. Secundo cum Masio, Complutensibus, & alijs, Petrum, & Paulum dici esse vnum, solum per conformitatem seu similitudinem, quam habent à parte rei ratione naturæ, ad quod

quod non requiritur vna, & eadem natura in ambobus (imò ad realem similitudinem obstatet, quia ut suo loco dicemus; ad hoc ut relatio sit realis, non solum debent distingui realiter fundamentum, & terminus, sed etiam ratio fundandi, & terminandi. Defectu cuius æqualitas, vel similitudo, quæ est inter diuinas personas ratione essentiz non est relatio realis, sed rationis; quia quamuis personæ ipsæ realiter distinguantur; ratio tamen fundandi, & terminandi, nempe diuina essentia, est realiter vna in illis) sed quod natura vnus sit conformis nature alterius in prædicatis essentialibus. Ad eum modum, quo duorum hominum maxime in facie conformium, & similibus, dicimus esse vnā faciem: non quia verè, & realiter sit in illis aliqua vna facies, ut patet; sed quia facies eorum sunt inter se maxime similes; similitudo enim est velut quædam identitas.

23. Ad confirmationem concedo, naturam, quæ diuiditur realiter per differentias numericas, manere formaliter indiuisam; non tamen vnica indiuisione, sed pluribus; & ideo non sequitur, habere vnā unitatem formalem, sed plures. Licet autem vnitas formalis à parte rei multiplicetur in indiuiduis, tamen vnitas formalis vnus non distinguitur formaliter ab unitate formali alterius, sed tantum materialiter, & numericè. Quare licet natura, quæ in se quid formale est, sit realiter diuisa per indiuidua, non est tamen formaliter diuisa: & sic verè dicitur, semper manere formaliter indiuisa; non verò indiuisa realiter. Ex quo tandem fit, naturam à parte rei habere plures indiuisio-

nes, seu unitates formales, non formaliter inter se distinctas, sed tantum materialiter, ut explicatum est.

24. Quæres: quomodo vnitas formalis ab unitate numerica distinguatur? Hoc quæsitum supponit, dari in rebus unitatem numericam, & unitatem formalem; quod suppositum vltra quod patet ex dictis, facile probatur; quia sicuti à parte rei Petrus non est diuisus in plures materias, seu indiuidua; ita non est diuisus in plures formas, seu essentias: ergo sicuti à parte rei habet carentiam diuisionis materialis; ita à parte rei habet carentiam diuisionis formalis. Sed vnitas formalis est carentia diuisionis formalis; seu entitas indiuisa formaliter; vnitas verò materialis est carentia diuisionis materialis, seu entitas indiuisa materialiter; ergo in Petro à parte rei dantur vnitas numerica seu materialis, & vnitas specifica seu formalis. Difficultas est, quomodo istæ duæ unitates in Petro distinguantur.

25. Et respondeo breuiter, distinguuntur solum per intellectum. Ratio est: quia in Petro, vel quolibet alio indiuiduo natura non distinguitur realiter à differentia indiuidualis; ergo neque unitates inde consurgentes, scilicet formalis, & materialis, in eo distinguuntur realiter. Sed non est possibilis aliqua distinctio media inter realem, & rationis; ergo prædictæ unitates in Petro solum distinguuntur per intellectum. Minor subsumpta, in qua solum est difficultas, probatur; inter contradictoriè opposita nullum datur medium: sed distinctio realis, & distinctio rationis opponuntur contradictoriè; ergo inter eas non potest dari

ri aliqua distinctio media Probatur minor, distinctio realis, est distinctio, & non ab intellectu: distinctio vero rationis est distinctio ab intellectu: ergo distinctio realis, & rationis æquivalent distinctioni ab intellectu, & distinctio non ab intellectu: atqui hæ distinctiones contradictoriè opponuntur: ergo. *¶* Confirmatur, quia distinctio, sicut & unitas, consequuntur rationem entis: ergo sicut implicat dari ens, quod non sit reale, vel rationis; aut unitatem, quæ non sit à parte rei, vel per intellectum; ita etiam repugnabit, dari aliquam distinctionem, quæ non comprehendatur sub distinctione reali, vel rationis.

25. Ob. 1. Petrus non constituitur per idem in esse hominis, & in esse Petri: ergo esse formale, & esse materiale in Petro distinguuntur plus, quàm ratione. Probatur antecedens: Petrus per id constituitur in esse hominis, per quod in esse hominis constituitur Paulus; in esse verò Petri non constituitur per id, per quod Paulus constituitur in esse Pauli: ergo esse hominis, & esse Petri in Petro non sunt idè. *¶* Resp. negando antecedens, & ad probationem negatur similiter antecedens, quod scilicet Petrus à parte rei constituitur in esse hominis per id, quod in esse hominis constituitur Paulus; nam unusquisque habet suam naturam humanam distinctam, ut satis ostensum est.

27. Ob. 2. Quæ distinguuntur definitione, distinguuntur ante intellectum: sed in Petro esse hominis, & esse Petri distinguuntur definitione; alia enim definitione definitur esse formale, & alia definitur esse materiale: ergo in Petro esse hominis, & esse Petri non distinguuntur per in-

tellectum. Probatur maior, quæ distinguuntur definitione, habent diuersas essentias; definitio enim explicat essentiam rei: atqui essentiae distinguuntur ante intellectum: ergo quæ distinguuntur definitione, distinguuntur ante intellectum. *¶* Respond. distinguendo maiorem: *quæ distinguuntur definitione, distinguuntur ante intellectum, si definitio tradatur de re, prout in se est à parte rei, concedo; si vero definitio tradatur de re, non prodest à parte rei in se ipsa, sed tantum quod intellectus eam sic, vel sic accipit, nego.* Possumus enim ea, quæ à parte rei sunt unum, concipi ab intellectu ut distincta, & sic definiri; ista quamuis distinguantur definitione, non propterea distinguuntur realiter, quia à parte rei non sunt plures, sed una entitas. *Dei. hinc dicitur, aut illi dicitur*

28. Ob. 3. Petrus ante omnem operationem intellectus est similis Paulo in natura humana, & dissimilis in ratione individuali: ergo hæ rationes ante intellectum distinguuntur; nam implicat idem respectu eiusdem esse simul simile, & dissimile secundum idem, cum sint contradictoria. *¶* Respondetur negando consequentiam, & ad probationem dico, nullum esse inconueniens asserere, idem respectu eiusdem à parte rei simul esse simile, & dissimile, licet non omnimoda similitudine, & dissimilitudine; eadem enim entitas caloris ut quatuor à parte rei est simul similis, & dissimilis eidem entitati caloris ut quinque: nam diuersæ entitates in calore sunt similes, & in tantitate caloris sunt dissimiles, & tamen tantitas caloris in his entitatibus non distinguitur realiter ab ipso calore. *Dei. autem*

DVBIUM TERTIVM.

*An natura à parte rei sint formaliter
vniuersales?*

29. **A**ffirmat Scotus 7. met. q. 18. & 2. dist. 3. quæst. 1. consequenter ad sua principia; quia vniuersale pro formali duo dicit, nempe unitatem, & aptitudinem ad essendum in multis: sed quælibet natura à parte rei est vna formaliter, siquidem per Scotum habet unitatem formalem; & simul est in pluribus indiuiduis: ergo à parte rei est formaliter vniuersalis.

30. Nihilominus dicendum est, non dari à parte rei vniuersale pro formali, sed naturam fieri formaliter vniuersalem per operationem intellectus. Hæc conclusio est iam omnino in scholis recepta. Tradit eam S. Th. opusc. 35. & 56. & cap. 4. de ente & essentia, ubi latè Caietanus pro qua etiam videri possunt Suarez disp. 6. met. sect. 5. Complut. hic disp. 3. q. 5. Ioannes de S. Th. q. 3. art. 4. & noster Stephanus Spinnula disp. 5. log. Probatur quia ut natura sit formaliter vniuersalis, debet esse simpliciter vna, & non multiplicata: sed nulla talis natura est à parte rei, ut constat ex dictis: ergo non datur à parte rei natura formaliter vniuersalis. *ergo non est vniuersalis*

31. Probatur secundò, quia natura in triplici tantum statu considerari potest; vel secundum se, vel in statu contractionis, vel in statu abstractionis per intellectum: sed natura nequè considerata secundum se, nequè in statu contractionis est vniuersalis formaliter: ergo solum est vniuersalis formaliter in statu abstra-

ctionis per intellectum. Bonitas consequentia patet à sufficienti partium enumeratione. Maior ex se liquet, quia non est alius status, in quo possit natura considerari Minor verò, in qua solum est difficultas, probatur; & in primis quòd vniuersale formaliter non conveniat naturæ in secundo statu, res est evidens, quia natura in eo statu non habet aptitudinem ad essendum in multis, sic enim est singularis, & propria vnius. Quòd verò non competat illi secundum se, & in priori statu, probatur dupliciter; *Primò*, quia illi pro ut sic omnino accidit esse vniuersalem, vel particularem: ergo secundum quòd consideratur in tali statu, non est formaliter vniuersalis. *Secundò*, quia natura secundum se considerata, solum dicit prædicata essentialia, & proprietates: sed vniuersalitas formaliter, nempe aptitudo ad essendum in multis, nec est prædicatum essentialiale, nec proprietas naturæ; alioquin ubicunque esset natura, conveniret illi talis aptitudo: ergo natura secundum se considerata non est formaliter vniuersalis. Vtramque hanc probationem paucis verbis expressit S. Th. cit. cap. 4. de ente & essentia, ubi loquens de natura secundum se, sic ait: *si quaratur, utrum ista natura possit dici una vel plures, neutrum concedendum est: quia utrumque est extra intellectum humanitatis: & utrumque potest sibi accidere* *utrumque potest sibi accidere*

32. P. Fonseca, licet obscure loquatur, asserit, naturam habere aliquam vniuersalitatem in statu possibilitatis, vel in aliquo priori antequam contrahatur ad singularem quia vniuersale (inquit) est unum aptum esse in multis: sed natura humana pos-

possibilis antequam contrahatur per singularitatem Petri, & Pauli, est vna, & est apta esse in multis: ergo natura humana possibilis est vniuersalis.

33. Pro confutatione huius falsæ opinionis noto, quod aptitudo, quæ importat vniuersale, non est ad essendum in multis vagæ, in hoc scilicet, vel in illo; sed simut, & positiue debet respicere plura. Vnde licet non sit necessarium ad vniuersale, actualiter esse in pluribus; cum verba in definitione nō dicant actū, sed aptitudinem; est tamen necessarium, posse positiue terminari ad pluria ita vt plura quasi componant, & integrent terminum adæquatum vniuersalis: sic enim proprie dicitur vniuersale esse vnum in multis.

34. Hoc posito facile confutatur prædicta opinio; quia aptitudo propria vniuersalis est positiua, indifferentia, seu habitu ad essendum in pluribus; quæ non amittitur per hoc, quod vniuersale descendat ad essendum in aliquo inferiori: sed talis aptitudo non datur à parte rei in natura considerata ante contractionem: ergo in ea, priori natura non est vniuersalis formaliter. Probatur minor, quia in natura pro illo priori ad summum potest intelligi aptitudo ad vnum vagæ sumptum, id est, adhuc, vel illud: quando autem contrahitur ad vnum, amittit hanc indifferentiam, vt per se constat: ergo in ea prout sic, non datur à parte rei aptitudo propria vniuersalis.

35. Ex dictis patet solutio ad fundamentum Scoti, & Fonseca: dico enim naturam à parte rei non habere, neque vnitatem, neque aptitudinem, quæ requiritur ad vniuersale: solum enim datur in ea à parte

rei unitas conformitatis, quæ non est aliqua vnitas in pluribus, vt supra diximus. Item solum est indifferens negatiue in quantum de se non est determinata ad hoc, vel illud. Non verò habet à parte rei aliquam indifferentiam, seu communicabilitatem positiuam, vt explicatum est.

D I S C U S S I O Q U A R T A

Per quem actum intellectus natura sit formaliter vniuersalis.

36. **H**abemus iam naturam fieri formaliter vniuersalem per intellectum, restat videndum per quem eius actum fiat. Pro quo noto, quod intellectus noster dupliciter naturam cognoscere potest. Primum, directe cognoscendo eam secundum sua prædicata essentialia non cognitis singularibus, sed ab ipsis præscindendo. Secundò relexè, quatenus postquam præscindit per vnum actum naturam à suis inferioribus, per alium subsequenter cognoscit eandem in ordine ad illa inferiora, vt aptam esse in illis, & prædicari de illis.

37. Actus, quo intellectus cognoscit naturam non cognitis inferioribus, appellatur *cognitio præcisiva*, quia præscindit naturam ab inferioribus, quatenus eam cognoscit, non cognitis illis. Actus verò, quo intellectus naturam sic præcisam cognoscitur in ordine ad inferiora, vt aptam esse in illis, & prædicari de illis, dicitur *cognitio reflexa comparatiua*, & reflexa quidem, quia versatur circa naturam iam cognitā, & præcisam per actum præcedentem comparatiua verò, quia non attin-

giu illam absolute: & secundum se
precisè, sed respectiue, & compa-
ratiue ad inferiora.

38. Hec autem comparatio du-
plici ter fieri potest: primò, simpli-
citer apprehendendo naturā in or-
dine ad sua inferiora vt aptam præ-
dicari de illis, non affirmando, aut
prædicam to eam actualiter de ipsis,
& hæc appellatur *comparatio simplex*.
Secundò, prædicando acta & hæc
dicitur *comparatio composita*. De his
omnibus actibus quælibet præsens
procedit, per quem ex his natura
fiat formaliter vniuersalis.

39. Prima sententia docet, natu-
ram fieri formaliter vniuersalem per
abstractionem præcisiam. Ita Du-
randus in 1. dist. 3. q. 5. ad 2. & in 4.
dist. 3. q. 7. num. 7. & 12. Tolerus
q. 2. vniuersali noster Stephanus Spi-
nula disp. 5. sect. 4. Zamel. 1. part.
q. 13. art. 7. concl. 7. & Sorus q. 2.
vniuersalium; licet isti duo vltimi
non loquantur de abstractione præ-
cisiam intellectus possibilis, sed agē-
tis. Fundamentum huius sententia
est: quia per illum actum natura co-
stituitur formaliter vniuersalis, per
quem fit vna & prædicabilis de plu-
ribus, cum in hoc consistat essentia
vniuersalis: sed per abstractionem
præcisiam natura constituitur vna,
& prædicabilis de pluribus: ergo
per hanc abstractionem natura fit
formaliter vniuersalis. Minor pro-
batur, & primò quoad unitatem: quia
per abstractionem præcisiam natu-
ra concipitur sine differentiis: distin-
guentibus; ergo in tali conceptu
semanet indistincta, ac proinde vna.
Deinde quoad secundam partem;
quia natura tali pacto vna, non est
contracta ad vllum individuum: sed
natura ad nullum individuum con-

tracta, est indifferens, & potens
de quolibet prædicari: ergo natura
per abstractionem præcisiam, fit
vna, & prædicabilis de pluribus.
Confirmatur quia tunc natura est
formaliter vniuersalis, quando ha-
bet in intellectu illas condiciones,
cum quibus à parte rei esset vniuer-
salis, si darentur vniuersalia separa-
ta Platonis: sed natura abstracta, &
præcisā habet in intellectu totum
quod Plato ponebat à parte rei in v-
niuersali separato: ergo natura ab-
stracta, & præcisā, est in intellectu
formaliter vniuersalis.

40. Sed hæc opinio non placet,
& facile rejicitur; quia vniuersale
pro formali est ens rationis: ergo nō
potest resultare in natura per abstrac-
tionem intellectus agentis, neque
possibilis. Antecedens satis ostensū
est. Consequentia: verò quoad ab-
stractionem intellectus agentis, pa-
tet, quia ens rationis fieri non potest
à potentia non cognoscitiua, vt sup
loco probauimus; sed intellectus
agens est potentia nō cognoscitiua:
vt dicemus in libris de anima: ergo
per eius abstractionem non potest
resultare in natura vniuersalitas.
Quod de abstractionem verò intellē-
tus possibilis probatur sic: intellē-
tus cognoscens naturam humanam
non cognoscit singularibus; formaliter
loquendo non cognoscit illam
aliter ac est in se; neque ibi fingit
aliquid esse: ergo per talem cogni-
tionem non format ens rationis, ac
proinde nec reddit naturam forma-
liter vniuersalem. Veraq; consequē-
tia patet; & antecedens probatur à
paritate; quia intellectus cognoscens
in pomò saporem; qui à parte rei
est in illo, merè negatiue se habens
circa colorem eius, neque illam co-
gnoscit

gnoscit aliter ac est in se, neque per
talem cognitionem format ens ra-
tionis: ergo similiter intellectus co-
gnoscens prædicata communia, na-
turæ, merè negativè se habens circa
singularitates. (in quo consistit ab-
stractio præcisiua) non cognoscit
naturam aliter ac est in se, neque ex
consequenti per talem cognitionem
format ens rationis: talia enim præ-
dicata conueniunt naturæ à parte
rei: & cognoscitur autem ab intellectu
abstractio. Dices: natura à parte rei est
contracta: ergo abstracta à singula-
ritate cognoscitur aliter ac est in se.
Sed contra; quia etiam sapor in po-
mo à parte rei est coniunctus cum
colore: & nihilominus intellectus
cognoscens saporem, & merè nega-
tiue se habens, circa colorem, non
attingit illum aliter ac est in se. Di-
citur igitur, quod quando aliqua duo
sunt identificata, dupliciter vnum
potest cognosci sine ordine ad aliud:
vno modo purè negativè accipien-
do vnum ab alio omisso. Alio modo
positiue; quia accipit vnum ut se-
paratum ab alio cum cognitione v-
triusque. Quando intellectus con-
cipit naturam omnis conditionibus
inductuantibus, & circa illas negati-
uè se habens, tunc non cognoscit
naturam aliter ac est in se: sed tunc
quando concepit illam ut distinctam
à conditionibus, & individuantibus,
quia à parte rei natura nō est distin-
cta à prædictis conditionibus; quod
non fit per cognitionem præcisiuam
de qua loquimur in præsentia: su-
perius. Deinde admissum, quod in-
tellectus attingens naturam abstractam;
cognoscit illam aliter ac est in se;
non tamen sequitur, quod ea
natura sit cognita sit formaliter vs
niuersalis, quia vniuersalitas non

conferuntur ex eo, quod intellectus
apprehendat aliquid non ens ad
modum entis; sed ex eo quod na-
turam positiue cognoscat cum ordi-
ne ad inferiora: per cognitionem
autem præcisiuam, & non compa-
ratiuam; natura non cognoscitur
cum tali ordine: ergo vniuersalitas
non potest resultare in natura per
dictam cognitionem. Ex reiectione huius senten-
tiæ manet sufficienter probatum,
naturam fieri formaliter vniuersalem
per abstractionem comparatiuam;
sed difficultas est an per abstractio-
nem comparatiuam simplicem, an
verò compositam. Super qua diffi-
cultate diuiserunt Auctores. Aliqui
enim volunt fieri per compositionem,
quodum fundamentum est: quia v-
niuersalitas est relatio rationis, qua
natura respicit multa, seu est in mul-
tis: ergo sic ab intellectu per com-
paratiuam, quæ eadem natura at-
tribuitur multis. Sed hæc est com-
paratio composita: ergo per ipsam
fit in natura vniuersalitas. Proba-
tur minor, non potest intellectus co-
gnosce naturam esse in multis, nisi
intellectus aliter exprimat coniu-
ctionem cum illis, importatam per
se, seu esse: sed ad hoc est necessaria
actualis prædicatio, ut patet: ergo
non. Alij verò dicunt fieri per ab-
stractionem comparatiuam simpli-
cem, quia ad essentiam vniuersalis per-
tinet aptitudo ad essendum in plu-
ribus, vel prædicandum de pluribus,
non ipsa actualis prædicatio; hæc au-
tem non facit prædicabile, sed prædica-
tum. Et hæc tenet sententia mihi
videtur probabilior omnibus, quia
quædam docet. Et in pluribus in locis
præsertim apud cap. 13 vbi sic
ait: Quia intellectus esse dicitur supra
seipsum,

seipsum, & supra ea, quae in eo sunt, sine subiectivitate, sine obiectivitate, considerat iterum hominem, sic de se intellectum sine conditionibus materiae, & videtur quod talis natura cum tali universalitate sui abstractione intellectus, potest attribui huius, & illi individui: & idem formae speciem tam intentionem deus di naturae, & hanc vocat universalem, seu predicabilem. D. Thomae sequuntur scilicet omnes eius discipuli, inter quos videri possunt Sanchez lib. 2. log. q. 16. Complutenses dist. 3. q. 6. & Joannes a S. Thoma q. 3. art. 3. & Bonaventura 4. & q. 4. art. 2. contra. Aliaque multa ex multisque non dist. 45. Probatur ratio: quia universalitas logica, est relatio rationis ad multa; hoc enim sumitur ex definitione universalis, quod est commune in multis, & de multis, sed autem relationem actualis praedicationis invenitur ista relatio unius ad multa; siquidem ante actualem praedicationem invenitur natura ipsa sine singularibus, ut praedicabilis de multis potest dici: quia potest praedicari, praedicat actum praedicationis, ergo ante actualem praedicationem datur relatio praedicabilis ad multa: utque hoc relatio constituit naturam universalem: ergo natura non constituitur universalis per relationem actualis praedicationis, sed aptitudinariam praedicandam de multis. Si confirmatur, quia praedictio naturae de suis inferioribus, ut est in propositione facta per actum compositionis, & solum facit actum praedicatum, ergo supponit praedicabile, quia prius aliquid dicitur praedicabile, quam praedicatum; praedicabilitas autem est passio universalis: ergo natura praesupponitur universalis; & non fit per ipsam actualem praedica-

tionem. Quod verò relatio ista sit rationis, probatur; quia relatio rationis fit per hoc quod apprehendatur ordo inter aliqua, inter quae talis ordo non est: sed cum natura non distinguatur realiter à suis inferioribus, inter naturam, & inferiora à parte rei, non est ordo: ergo talis ordo solum est per intellectum.

46. Dices: Universale logicum consistere debet in respectu naturae abstractae ad sua inferiora: ergo oportet, quod ipsa inferiora cognoscantur, respectus enim in quo sine termino cognosci. Sed inferiora constituuntur per inclusionem sui superioris: ergo universale logicum necessarium requirit inclusionem in suis inferioribus, alioquin inferiora non habebit, neque respiciet, siquidem per hanc inclusionem constituntur prout dicitur 47. Et confirmatur, quia iste actus comparativus, vel intelligit naturam esse in multis, attribuendo, & praedicando eam de illis actu, vel solum intelligit esse aptam ad essendum in illis. Simpliciter, est comparatio praedicationis, neque enim actu intelligitur in multis, nisi praedicando naturam de multis. Si secundum, sufficit actus abstractionis praedicandae ad constituendum istam relationem, quia ista relatio est relatio aptitudinis ad multa: ergo ille actus, qui sufficit ad ponendam aptitudinem, sufficit ad ponendam relationem aptitudinis; ponitur autem aptitudo per actum abstractionis praedicandae: ergo, & si simpliciter, & si secundum. Respondetur ad principalem argumentum negando minorem. Sufficiens autem ad actualem inclusionem ipsa inferiora sunt, ut potentia includere, sicut ipsam superius, ut potentia includi, & sic terminantur relata.

relationem superioris antequam consideretur actualis inclusio. Itaque sicut actu aliquis est superius, quando actu ei conuenit aptitudo, ut includatur, & sit in multis; non quando actu includitur; ita actu sunt inferiora sub formalitate inferiorum; quando considerantur, quod actu eis conuenit posse includere, & contrahere suum superius, non quando actu includunt, tunc n. dissipatur distinctio superioris & inferioris.

49. Ad confirmationem responderetur, quod aptitudo dupliciter potest considerari, vel negatiue, vel positiue: & negatiue est sola non repugnantia ad essendum in re libris; & ista non cognoscitur actu comparatiue, sed ipso actu abstractionis precisius consequitur. Positiue dicit ordinem ad ea, ad que habet aptitudinem, & iste ordo, seu relatio formaliter non inuenitur, nisi quando ipsa aptitudo concipitur cum aliqua comparatione, & ordine ad suum terminum. Quare actus comparatiuus constituens formaliter vniuersale, non est ille, quo actu attribuitur multis, sed quo concipitur actu ad essendum, in multis, non aptitudine sumpta pro sola capacitate, seu non repugnantia, quae est aliquid absolutum, sed sumpta pro aptitudine ordinata, & respiciente positiue ipsa plura.



DISPUTATIO III.

*De quinque vniuersalibus, seu
Prædicabilibus.*

DVBIUM PRIMVM

De Genere.

S. I.

Vtrum Genus sit definibile. Quenam sit eius definitio: Et vtrum sit essentialis, vel descriptiua.

1. PRIMA conclusio. Genus definibile est. Et probatur, quia prædicari de pluribus differentibus speciebus in quid, est ratio communis eodem modo, & æqualiter conueniens omnibus generibus: ergo est vna: ergo definibilis. seu per vnam definitionem explicabilis.

2. Dices. Quod est definibile, solum definiri potest per genus, & differentiam, aut per aliquod loco generis, & per aliud loco differentie: sed genus non potest definiri per genus, aut aliquod loco generis, quia ad genus non datur genus: ergo genus non est definibile. 3. Confirmatur, nihil potest definiri, nisi species: quia hæc sola componitur genere, & differentia: sed genus non est species, sed distinctum prædicabile ab specie: ergo genus non est definibile.

3. Respondetur: negando minorem: Et ad probationem, & confirmationem simul dico, secundam intentionem generis, esse speciem quædam vniuersalem: unde cum species qualibet componatur ex genere, & differentia, hæc etiam secunda intentio componitur ex vniuersali, quod est commune genus prædicabile,

bilium, & ex differentia, quæ est esse respectuum ad plures species, de quibus prædicari potest in quid. Itaque genus conuenit cum cæteris prædicabilibus, in ratione communis vniuersalis, quæ est, esse vnum in multis: & distinguitur ab eis, quia est in multis speciebus, de quibus prædicari potest in quid: & sic est determinata species cuiusdam generis, quod est vniuersale, & definiti potest.

4. Secunda conclusio. Genus definitur à Porphyrio hic cap. 2. *esse id quod predicatur de pluribus differentiis specie in quid*, quæ definitio bona est. Et probatur, quia bona definitio est, quæ ita naturam definiti explicat, vt illud distinguat à quibuscunque alijs rebus, cum quibus conuenire potest: sed per hanc definitionem explicatur quid sit genus, nempe *predicabile de pluribus differentiis specie in quid*; distinguitur à reliquis prædicabilibus, nam per particulatam *de pluribus differentiis specie*; differt ab specie, quæ est secundum prædicabile, & solum prædicatur *de differentiis numero*. Per particulam verò *in quid*; differt à cæteris alijs prædicabilibus, à differentia, proprio, & accidenti: nam illa *in quæ quid*, proprium, & accidentis *in quæ*, genus autem non nisi *in quid* prædicatur: ergo est bona definitio.

5. Tertia conclusio. Hæc definitio non est essentialis, sed descriptiua. Ratio est: quia prædicabilitas de pluribus est passio vniuersalis vt sic: ex eo enim quod vniuersale sit in pluribus, nascitur, quod de illis prædicetur: ergo talis prædicabilitas scilicet de pluribus differentiibus specie in quid, erit passio talis vni-

uersalis, nempe generis: & per consequens, definitio, quæ traditur per illam, erit descriptiua.

S. II.

An definitum huius definitionis sit natura, quæ denominatur genus, vel secunda intentio generis à qua denominatur?

6. SUPPONO, aggregatum ex natura, & secunda intentione non esse definitum huius definitionis, quia est ens per accidens, ex duobus entibus in actu compositum, nempe ex natura, & secunda intentione: ens autem per accidens non habet vnā essentiam, sed duplicem: & ideo non potest per vnā definitionem explicari. Quæstio ergo est, quænam ex duabus prædictis sit definitum.

7. Est duplex opinio. Prima tenet, definitum huius definitionis esse naturam vt subijcitur: secundæ intentioni, non verò intentionem ipsam. Ita Auerſa q. 8. log. sect. 2. & alij recentiores; quorum ratio est: quia natura vt subijcitur intentioni, & non intentio ipsa est, quæ prædicatur de pluribus differentiibus specie: secunda enim intentio non prædicatur de multis, sed solum est ratio quare natura prædicetur: ergo natura vt subiecta intentioni, & non ipsa intentio est definitum in hac definitione.

8. Sed hæc sententia est falsa: quia licet natura sit id, quod prædicatur de pluribus, hoc tamen conuenit illi accidentaliter, etiam prout subijcitur secundæ intentioni: ergo non potest esse definitum; quia definitio debet conuenire definito essentialiter, si sit quidditatiua; aut tanquam propria

propria passio, si sit descriptiua. 9. Confirmatur quia prædicationes, in quibus propriae passionis in concreto significatur prædicantur de propria essentia, quæ est earum subiectum, vt *Homo est risibilis*, & similes sunt accidentales, quantum uis ratio subiecti in illis reduplicatur dicendo. *Homo in quantum subiectum risibilitatis est risibilis*; ergo similiter, quantumcunque dicatur, *Natura ut si bñs generabilis prædicatur de pluribus differentibus speciebus*, semper propositio erit accidentalis, quia intentio generis est prædicatum accidentale respectu naturæ. & in his reduplicatōibus non reduplicatur aliquid spectans ad formam, sed subiectum. *Boetius de diff. signific. M.*

9. Secunda opinio asserit, definitum in definitione generis esse secundam intentionem vt connotat naturam, ita vt ipsa secunda intentio sit res definita, natura uero subiectum, in quo exercetur definitio. Hanc sententiam tenent Thomistæ omnes, inter quos uideri possunt Scotus hic quæst. vñc art. 1. Collegium Complut. disp. 5. q. 3. & Ioannes à S. Th. q. 7. art. 2. & mihi uidetur vera. *Aug. de ciuit. dei lib. 1. c. 12.*

10. Prima conclusio. Definitum huius definitionis est secunda intentio, non autem natura. Probat, quia quando nomen accidentis in concreto definitur, significatum formale est, quod illi definitur, ratio, ne cuius definitio conuenit significationi materiali: v. g. quando dicitur *album esse disgregatum*, nigrum, definitur illi albedo, ratione cuius conuenit nigrum disgregare nigrum: sed genus est nomen concretum accidentale: ergo illa definitio definitur secunda intentio, quæ est eius signi-

ficatur formale, ratione cuius conuenit naturis predicari de pluribus.

¶ 11. *Secunda conclusio.* Quamuis definitum huius definitionis sit secunda intentio, definitio tamen ut quod conuenit naturæ, secunde uero intentioni tantum ut quo. Probatur ab exemplo posito; nam quando album definitur *esse discrepatium visus*, licet res, quæ definitur, sit albedo, non tamen definitur tanquam quod discregat, sed tanquam ratio discregandi: quod tamen discregat, est nix, quæ ratione albedinis discregat visum: ergo eadem ratione quamuis in definitione generis definitur secunda intentio, non tamen tanquam id, quod predicatur, sed tanquam ratio, qua naturæ predicantur: ergo dicta definitio naturæ conuenit ut quod; & secunde intentioni tantum ut quo.

¶ 12. *Dices.* Definitio debet conuenire ut quod suo definito, & non ut quo: ergo si predicari de pluribus secunde intentioni tantum conuenit ut quo, & naturis ut quod, natura, & non secunda intentio, erit definitum huius definitionis. ¶ Respondetur solum in definitione perfectæ necessario assignandum esse definitum, cui ut quod conueniat definitio: quia ibi explicatur tantum natura definitæ, & nihil aliud connotatur: ac proinde eadem res; est quæ significat, & pro qua supponit nomen definiti. At uero cum definitiones eorummodi accidentium degenerent in perfectione definitionis, propterea quod nomen concretum significat unam rem, & supponit pro aliande sit, ut in huiusmodi definitionibus, præter rem illam, quæ est definitum, fiat suppositio pro re, in qua exercetur ipsa defini-

finitio; & per consequens quod tota definitio non possit convenire ut quod, sed tantum ut quo ipsi rei, quę definitur. Sic enim simul explicatur essentia accidentium, quę tantum est, esse principium quo suorum esse. Quum: & innuitur tales effectus exerceri in subiectis eorum; qui est proprius modus definiendi concreta accidentium quatenus concreta sūt. Ex dictis patet solutio ad fundamentum contrarię sententię.

S. III.

An genus predicatur de specie ut totum, vel pars illius?

13. **N**OTO, duobus modis considerari genus; primo ut partem actualem componentem speciem simul cum differentia: secundo ut totum potentiale, contrahibile per differentias. Consideratum ut pars actualis, excludit differentiam, quia si eam includeret, non posset cum ea componere speciem, cum componentia distincta esse debeant, & non se includentia. Consideratum vero ut totum potentiale, significat naturam superiorem abstractam abstractione uniuersali ab inferioribus, & contrahibilem per illa: & ita animal verb. gr. accipitur ut totum potentiale, non quatenus significat principium sentiendi præcise, excludendo principium ratiocinandi (sicut quando accipitur ut pars) sed prout significat ipsum principium sentiendi, seu ipsam naturam sensitivam prout est contrahibilis per hominē & brutum, ac proinde ut sic continet in potentia rationale, & irrationale. Querimus ergo in presenti sequonam ex his duobus modis genus prædicatur de specie.

14. Super quā difficultate sunt duę sententię: Prima tenet, genus tanquam partem prædicari de specie. Ita Sanchez lib. 3. q. 6. & alij, quorum fundamentum est: quia hec est differentia inter prædicationem generis, & speciei, ab omnibus cõcessa, quod prædicatio speciei est completa, prædicatio vero generis incompleta: ergo genus prædicatur tanquam quid incompletum de specie: sed incompletum est pars: ergo prædicatur ut pars.

15. Secunda sententię est contra assertit, genus non prædicari de specie, ut partem, sed ut totum. Ita Sotus quest. citat. art. 2. Maius q. 4. sect. 2. Colleg. Complut. disp. 5. q. 5. Mailhat disp. 2. sect. 1. §. 3. & alij. Estque expressa S. Thomę de ent. & essentia. cap. 3. ubi sic ait: *Si animal non esset totum, quod est homo, non prædicaretur de eo, cum nulla pars prædicetur de suo toto.* Et hec sententię non solum est probabilior, sed vera. Et probatur efficaciter: quid ut prædicatio aliqua sit vera, non sufficit quod prædicatum includatur in subiecto; sed requiritur, quod contineat quidquid continet subiectum: sed genus ut pars non continet quidquid continet speciem, bene tamen ut totum: ergo genus non potest prædicari de specie ut pars illius sed ut totum. Minor patet ex notando facto. Maior vero probatur ex sensu ipsius propositionis, per quam significatur, hoc esse illud; quod non potest esse verum, nisi totum, quod continet subiectum, contineat prædicatum; nam si aliquid subiecti non continet, non erit verum ex parte illius esse illud. Et hec est ratio propior quam nulla pars prædicari potest de toto: quia ratione alterius partis, quam

quam totum dicit, non potest esse verum, totum esse partem, vt hominem esse caput.

16. Ad fundamentum autem oppositæ sententiæ respondetur, quod prædicatum ex duplici parte potest esse incompletum: & ex parte eius, quod prædicat de subiecto; & ex modo, quo illud prædicat: & in primo sensu incompletè genus prædicatur de specie, quia tantum prædicat naturam sensitiuam, quæ est pars speciei. Sed ex parte modi completè prædicatur, quia eandem naturam sensitiuam prædicat, non per modum partis, sed per modum totius.

9. IIII.

An modus prædicandi in quid, separet genus à differentia?

17. **P**ARS negatiua suaderi potest; quia modus prædicandi sequitur modum essendi: sed differentia habet modum essendi perfectiorem in compositione speciei, quàm genus, cum se habeat tanquàm forma, & genus vt materia: ergo habebit modum perfectiorem prædicandi: sed modus perfectior prædicandi, est prædicari in quid: ergo hoc modo potius, quàm in quale prædicabitur. Probatur minori quia modus prædicandi in quid, est proprius substantiæ, & modus prædicandi in quale, est proprius accidentis: ergo perfectior modus est, prædicari in quid, quàm in quale.

18. Communis tamen sententia Porphyrij, & omnium interpretum eius est, quod genus distinguatur à differentia, ex eo quod illud prædicatur in quid, hæc verò in quale quid.

Quam sententiam etiam docet Aristoteles lib. 4. Topic. c. 6. loc. 18. & probatur ratione: quia genus prædicatur de specie per modum substantiæ, hoc est per se stantis, cuius evidens signum est; quod nomine substantiuo significatur: sed modus prædicandi in quid; est proprius substantiæ, quæ est quidditas rei: ergo prædicatur in quid. Differentia verò prædicatur per modum formæ, qui non est rei per se stantis, sed inhærentis materiæ: ergo non prædicatur in quid, ac proinde in quale, non simpliciter, quia ad essentiam rei pertinet, sed cum addito, hoc est in quale quid: & in hoc distinguitur à genere.

19. Ad argumentum contrarium respondetur, distinguendo maiore; nam modus essendi dupliciter sumi potest, secundum se, vel vt concipitur à nobis: & ab eo hoc modo sumpto accipitur modus prædicandi, quia non prædicantur res, vt sunt à parte rei, sed vt tali modo cognoscuntur: & licet secundum primam considerationem, perfectior sit differentia, quàm genus, ex modo tamen posteriori, perfectiorem modum prædicandi habet hoc, quàm illa, per quem distinctum prædicabile constituit.

DVBIVM SECVNDVM.

De Specie

20. **S**PECIES sub genere immediatè collocatur, & ab eo simul cum differentia constituitur: includit modo substantiali totam perfectionem essentialem rei; vt species humana totam perfectionem essentialem hominis. Duabus definitionibus definitur à Porphyrio hic cap.

H

3. Pri-

3. Primatilis est: *Species est, quæ subijcitur generi, & de qua genus in quid prædicatur.* Per quam explicatur species secundum habitudinem, quam habet ad genus, à qua dicitur species subijcibilis. Secunda definitio est: *Species est, quæ prædicatur de pluribus differentiis numero in quid.* Per quam explicatur species secundum habitudinem, quam habet ad indiuidua, & ut est secundum prædicabile. Ut igitur quidditatem speciei cognoscamus, has definitiones examinare oportet.

§. I.

An prima definitio sit una, vel duplex.

21. **P**rima opinio est Soti asserentis, primam definitionem; qua dicitur speciem esse, quæ subijcitur generi, & de qua genus in quid prædicatur, non esse duplicem, sed unam tantum: quia eundem respectum explicat: nam idem est subijci generi, & genus prædicari de illa.

22. Secunda verò opinio, quæ probabilior est, docet esse duplicem definitionem: ita, ut una sit, *species est, quæ subijcitur generi.* Et altera, *species est, de qua genus prædicatur in quid.* Ita Ruuius in præsentis q. 1. Colleg. Complut. disp. 6. q. 1. & alij, quos dictum Collegium citat. Probatu'r efficaciter, quia species ut subijcitur generi, habet duas rationes formales diuersas: ergo non una, sed duabus definitionibus debuit explicari. Consequentia est euidentis, quia una definitio unam tantum rationem formalem explicare potest. Antecedens verò probatur; quia in genere diuersæ rationes formales sunt,

esse vniuersale, hoc est, unum in multis speciebus, & esse prædicabile de illis: & ratio vniuersalis prior est & essentialis illi: ratio verò prædicabilis posterior, & propria passio eius: & sub utraque ratione refocit speciem: ergo etiam in specie debent correspondere diuersæ rationes formales: nempe esse subiectum, in quo est genus: & esse subiectum, de quo prædicatur: ita ut illa sit prior, & quasi essentialis speciei, ut subijcibilis: hæc verò posterior, & quasi propria passio eius: sed diuersæ illæ rationes formales in genere, explicantur diuersis definitionibus, nempe unum in multis speciebus: & prædicabile de illis: ergo etiam diuersæ rationes ex parte speciei, debent explicari per diuersas definitiones. Et ita factum est à Porphyrio, qui per illa verba, *species est, quæ subijcitur generi,* explicuit speciem subijcibilem, ut est subiectum, in quo est genus: & per illa alia, *de qua genus in quid prædicatur,* explicuit eandem speciem subijcibilem, ut est subiectum de quo prædicatur. ¶ Ex his duobus, definitionibus, prima est essentialis, secunda verò descriptiua: quia prima traditur per rationem essentialem, vel quasi essentialem speciei subijcibilis: secunda verò per propriam passionem, vel quasi propriam passionem illius. ¶ Ex dictis solutum manet fundamentum Soti.

§. II.

An secunda definitio distinguat speciem a genere?

23. **R**ATIO dubitandi est, quia etiam genus prædicatur de pluribus differentiis numero, ut concedit Porphyrius loco citato; & patet in his prædicationibus: *Petrus*

est animal, Franciscus est animal, Ioannes est animal; in quibus animal, quod est genus, predicatur de Petro, Ioanne, & Francisco, qui solum differunt numero: ergo species non differt à genere per hoc quod sit predicabilis de pluribus differentibus numero: & consequenter hæc definitio non est bona, quia non distinguit secundum predicabile à primo.

24. Propter hoc argumentum sunt varæ opiniones ad explicandū quomodo prædicta definitio conueniat speciei, & eam distinguat à genere. Prima est Alberti Magni tract. de predicabilibus cap. 1. assentientis, quod particule illæ, *predicari de pluribus differentibus numero*, in hoc sensu intelliguntur à Porphyrio, ut species per seipsam immediatè prædicetur de indiuiduis: genus verò non per seipsum, aut immediatè, sed mediante specie. Vnde hæ particule sic intellectæ, sufficienter distinguunt speciem à genere. Ratio huius sententiæ est; quia species per se componitur ex genere, & differentia: & ideo per seipsam participat naturam generis; indiuidua verò non componuntur per se ex genere, & differentia, sed solum participat naturam generis, quia participant naturam speciei, in qua continentur: ideo enim Petrus est animal, quia est indiuiduum speciei humanæ, compositæ ex natura sensitua, & rationali.

25. Sed contra hanc sententiam est instantia manifesta. Quia genus immediatè, & per seipsum prædicari potest de indiuiduis: ergo per hoc non distinguitur ab eo species. Probatur antecedens: in his prædicationibus, *hoc animal est animal,*

hoc viuens est viuens, prædicatum significat naturam sensitivam in communi, & subiectum eandem naturam singularizantem: sed inter naturam in communi sumptam, & in singulari, nullum potest esse medium: ergo genus prædicatur immediatè de indiuiduis.

26. Dices: in hac prædicatione, *hoc animal est animal*; ly. *hoc animal* demonstrat Petrum ex genere cum ly. *hoc* sit pronomen demonstrativum, rem aliquam demonstrare debet: ergo hoc animal includit totum id, quod importat Petrus: sed Petrus non solum importat naturam sensitivam, sed etiam humanam: ergo animal prædicatur de Petro mediante natura humana, & non immediatè per seipsum.

27. Respond. quod indiuidua duobus modis considerari possunt. Primo, ut sunt à parte rei: & sic nullam est, quod non continetur sub aliqua specie, & ea mediante participet naturam genericam. Alio modo, in quantum concipiuntur ab intellectu sub gradu naturæ superioris, non considerato gradu specifico, quem tenent participat, ut si Petrus consideretur sub gradu naturæ sensitivæ, non considerato gradu rationali, quem participat ab specie humana, in qua acceptione significatur nomine huius animalis. Et sic licet ly. *hoc animal* demonstrat Petrum, non propterea debet includere totum id, quod importat Petrus, sed solum id, quod consideratur in Petro, scilicet naturam tantum sensitivam.

28. Secunda opinio est Avicennæ, qui concedit genus per seipsum, & immediatè prædicari de indiuiduis, dicit tamen speciem distinguere à ge-

nere; quia solum de indiuiduis, & non de alijs prædicari potest; genus verò non tantum de indiuiduis, sed etiam de speciebus. *¶* Hæc tamen sententia nullo modo est ad nittenda; quia si semel concedatur, genus immediate prædicari de indiuiduis, sicut speciem; etiam si de speciebus prædicetur: non sequitur, non esse speciem: sed non esse solum speciem, sed etiam genus, cum definitio vtriusque ei conueniat: ergo per hanc definitionem non distingueretur ab specie.

29. Tertia opinio dicit, quod species prædicatur de indiuiduis, complete, hoc est, ut totum actuale, & completum prædicans de illis totam essentiam: genus verò prædicatur incomplete, quia licet per modum totius potentialis prædicetur, tamen solum prædicat partem: ut animal non prædicat totam naturam Petri, sed solum sensitiuam, quæ pars illius est. Et hoc modo intelligi debet Porphyrius, dum distinguit speciem à genere, per prædicari de pluribus differentibus numero.

30. Sed neque hæc opinio placet; quia animal prædicatur per se, & immediate de hoc, & illo animali, ut ostensum est: ergo natura sensitiua sumitur in his prædicationibus, ut immediate participata ab eis, & non media aliqua specie: sed genus non sumitur ut totum potentiale, & incompletum, atque contrahibile per differentias, nisi in quantum per illas descendit ad species: ergo nec prædicatur incomplete, nisi de speciebus, aut de indiuiduis eius. Indiuidua autem generica non sunt indiuidua speciei, sed generis, & ideo de eis non incomplete, sed complete prædicatur.

31. His igitur reiectis opinionibus vera sententia docet, quod quando genus v. g. animal prædicatur de hoc, & illo animali, in his, & similibus prædicationibus, genus non prædicatur ut genus, sed ut species, quia in his prædicationibus natura generica significatur, ut completa ex genere, & differentia, immediate determinata ad indiuidua per differentias indiuiduales proprias illius naturæ. Genus enim ut genus non contrahitur immediate per differentias indiuiduales, sed specificas: si ergo concipitur contractum immediate per differentias indiuiduales, formaliter non concipitur tanquam genus, sed tanquam species: & consequenter nec prædicatur de illis prædicatione generis, sed speciei. Ex quo fit, quod formaliter non genus, sed species prædicatur immediate de indiuiduis; & sic bene fuit exclusum à Porphyrio à definitione speciei per illas particulas, quod prædicatur de pluribus differentibus numero. Ita Complut. quæst. cit. in responsione ad primum. Ruuius q. 5. Arriaga disp. 7. sect. 1. subsect. 6. Quædus contr. 4. punct. 4. nolter Stephanus Spinula disp. 7. sect. 2. difficult. 2. & alij.

S. I I I.

Utrum species subiectibilis ut subiectibilis sit vniuersalis?

32. **A**FFIRMAT Toletus cap. de specie quæst. vnic. in solutione ad primum. Quæ sententia probari potest primo, quia vniuersale est genus ad quinque prædicabilia: ergo quodlibet prædicabile participat naturam vniuersalis: sed species

cies respectu generis sunt subijcibiles: ergo predicabilia ut species subijcibiles, sunt vniuersales. Secundò, quia species subijcibilis ut subijcibilis est, non est natura singularis sed abstracta à singularibus: natura verò abstracta communis est multis: ergo est vniuersalis. Et tertio, quia quod subijcitur immediatè generi, est vniuersale; singularia enim non nisi mediata illi subijciuntur: atqui species subijcibilis, est id quod immediatè subijcitur generi: ergo species quae subijcibilis est vniuersalis.

33. Dicendum tamen est, speciem subijcibilem ut subijcibilem non esse vniuersalem. Ita Ruus in presenti q. 2. Complut. disp. 6. q. 3. Mailhat disp. 2. sect. 3. §. 1. & alij communiter. Probatur faciliè, quia natura non est vniuersalis formaliter, nisi quatenus comparatur ad sua inferiora: sed natura specifica ut est subijcibilis formaliter, non comparatur ad inferiora, quia ut subijcibilis non respicit individua, sed genus: ergo natura specifica quatenus subijcibilis formaliter, non est vniuersalis.

34. Ad primum respondetur, quinque vniuersalia, quatenus species subijcibiles, & respiciunt suum genus, nempe vniuersale, materialiter tantum esse vniuersalia; quia sunt naturae quae suscipere possunt secundam intentionem vniuersalis; non verò formaliter, quia respectu eius non exercent vniuersalitatem.

35. Ad secundum concedo. Speciem ut subijcibilem, non esse naturam singularem, sed abstractam: tamen quòd sit vniuersalis formaliter; ad hoc enim ut natura sit vniuersalis formaliter, non sufficit quòd sit abstracta, sed ultra requiritur, quòd dicat ordinem ad singu-

laria, & referatur ad illa: species autem ut subijcibilis est quidem natura abstracta, sed non refertur ad individua, sed ad genus.

36. Ad tertium denique respondendo, quòd quando dicitur: *Illud quod immediatè subijcitur generi, est vniuersale*; intelligitur materialiter: & sensus est, illam rem, quae immediatè subijcitur generi, debere esse naturam, quae denominari possit vniuersalis, non formaliter prout subijcitur, sed aliàs.

§. I V. *Quomodo in specie se habeant subijcibilitas, vniuersalitas, & predicabilitas?*

37. Caietanus cap. de specie, quae sequitur Araux. lib. 3. met. q. 4. art. 3. concl. 3. asserit, subijcibilitatem in specie se habere ut essentiam, à qua tanquam passiones oriuntur vniuersalitas, & predicabilitas. Cuius fundamentum est: quia species formaliter quatenus species, solum respicit genus, ita ut hoc sit maximè proprium speciei: ex eo autem quòd sit sub genere, consequens est habere sub se individua, & illa respicere.

38. Sed hæc opinio falsa est, quod sic ostendo. Vniuersalitas, & predicabilitas, sunt respectus naturae ad inferiora; subijcibilitas verò est respectus eiusdem ad superiora: ergo respectus iste oppositus est illis: sed vnum oppositorum non potest procedere ab alio, tanquam propria passio ab essentia: ergo vniuersalitas, & predicabilitas non procedunt à subijcibilitate, tanquam ab essentia.

39. Dico igitur primò, Vniuersali-

salitatem, & prædicabilitatem se habere tanquam essentiam, & propriam passionem. Hæc conclusio patet ex dictis; nam prædicabilitas ut sic, est passio vniuersalis. ut sic: ergo talis prædicabilitas est passio talis vniuersalis.

40. Dico secundò, Subiçibilitatem, & vniuersalitatem seu prædicabilitatem in specie nullum habere ordinem inter se, sed esse rationes omnino disparatas. Ita. Complut. loc. cit. & alij apud ipsos. Probatur quia isti respectus conueniunt naturæ, ex eo quòd intellectus comparat illam ad diuersos terminos: sed vna harum comparisonum non dependet ab alia: ergo nec ipsi respectus inter se, & consequenter sunt disparati. Probatur minor, quia ex eo quòd intellectus comparat speciem ad genus, ipsi non manet magis apta ut comparatur ad indiuidua, quam si nullo modo præcessisset prima comparatio, vel e contra, ut patet ergo vna istarum comparisonum non dependet ab alia.

41. Confirmatur, quia ideo prædicabilitas est passio vniuersalis, quia ex eo quòd intellectus comparat naturam ad inferiora, ut quid in illis existens, natura redditur vltimò disposita ut comparatur ad eadem inferiora, tanquam quid de illis prædicabile: sed hoc non inuenitur in presenti: ergo, &c.

42. Ad fundamentum autem Caietani respondetur, quòd si species sumamus fundamentaliter pro natura specifica, quæ determinatur à secundis intentionibus, sic accidentalis est illi, tam subiçibilitas, quam vniuersalitas, aut prædicabilitas. Si verò loquamur de ipsiis intentionibus inter se comparatis, nequa oritur ex

alia, nec necessariò supponit illam, sed sunt disparatæ, ut ostensum est. Ambe tamen insunt ipsi nature, scilicet: & sic species quætenus species, non habet solum respicere genus, sed nec solum indiuidua, sed vtrumque.

De Natura Indiuidui. S. V. De Natura Indiuidui. De Natura Indiuidui.

43. CVM propria inferiora (speciei) ipsique correlatiua sint indiuidua, ut perfectè natura huius secundi prædicabilis explicetur, aliquid breuiter de indiuiduo subiungendum est. Indiuiduum autem duobus modis accipi potest, sicut & ipsa species, nempe primo intentionaliter, & secundo intentionaliter. Sumptum primo intentionaliter, est quælibet natura singularis, siue sit substantialis; siue accidentalis: ut Hæc albedo. Hic homo, Petrus, Bucephalus, & huiusmodi. Acceptum verò secundo intentionaliter, est eadem natura singularis, quatenus media intellectus operatione dicit relationem subiçibilitatis ad speciem, vel prædicabilitatis ad seipsum.

44. Indiuiduum primo intentionaliter definitur à Porphyrio cap. de specie sic: Indiuiduum est, cuius collectio proprietatum sit est in vno, ut nunquam in alio fiat. Hæc autem collectio proprietatum, quæ ita est in vno indiuiduo, ut in altero reperiri non possit, explicatur à Dialecticis his versibus.

Forma, figura, locus, tempus, cum nomine, sanguis, patria, sunt septem, quæ non habent vnus, & alter.

45. Per Formam intelligitur singularis complexio. Figura verò signi.

gnificat partium proportionem, & delineamenta. *Locus*, eam partem terræ, visibis, vel domus; ubi quis natus est. *Tempus* verò, ipsius generationis momentum; ad quod etiam spectat propria constellatio, seu syderum aspectus, sub quo natus est. *Nomen*, quod cuique imponitur. *Sanguis*, prosapiam. Et tandem *Patria* provinciam significat. Quæ omnia simul sumpta non possunt duobus convenire, ut de se patet.

45. Hæc autem definitio, ut bene notat Sotus, solum convenit individui substantiæ: nam hæc intelligebat Porphyrius præcipue definire.

47. Individuum verò secundo intentionali, sumptum ut subijcibile, definitur sic: *individuum est id, quod subijciunt speciei; vel de quo species prædicatur*. Acceptum autem ut prædicabile, sic: *individuum est, quod de se notantem prædicatur*. Unde istæ sunt præcipue prædicationes individui, *Petrus est hic homo*. *Hic homo est Paulus*, & sic de alijs.

48. Circa has definitiones nota, eodem modo, quo in definitione generis, & aliorum prædicabilium diximus, definitum esse secundam intentionem, in concreto significatam; ita ut ipsa secunda intentio sit res, quæ definitur; natura verò, pro quo supponit, & in quo exercetur definitio; sic etiam philosophandum esse in his definitionibus individui secundo intentionali, sumpti. Itaque definitum erit, secunda intentio, à qua res denominatur individua, & singulariter nati, aut, vel de particularibus erunt id, pro quo supponit, & in quo exercetur definitio.

49. Contra ultimam definitionem

est unicum argumentum; nam individuum verè prædicatur de pluribus: ergo falsum est, quod de uno tantum prædicetur. Probatur antecedens: quia hæc sunt veræ prædicationes: *Petrus est individuum*, *Paulus est individuum*; ergo individuum verè prædicatur de pluribus. Respondetur in his prædicationibus tantum prædicari secundam intentionem, quæ est omnibus communis, & quid univiale, non verò naturam particularem: & propterea prædicationes adductæ non sunt prædicationes individui, sed pertinent ad quintum prædicabile.

D V B I V M Q V A R T V M.

De Differentia

30. **D**ifferentia dividitur hic à Porphyrio cap. 3. in communem, propriam, & propriissimam. Differentia communis est illa, quæ à qua differunt accideat communi; ut albedo Petri, est differentia communis, quæ differt Petrus albus à Ioanne nigro. Differentia propria, est quæ differunt aliqua accidente inseparabili; ut albedo Cygni, perquam differt à corvo. Propriissima tandem differentia vocatur illa, per quam distinguuntur aliqua species; ut rationale, per quod differt homo à leone. Hæc autem differentia propriissima definitur ab eodem sic: *Differentia est, quæ prædicatur de pluribus, & differentibus specie in quæ quid*. Probatur autem, differentiam prædicare, id quæ quid; quia ad questionem factam de specie per quæ, proprie respondemus per genus: ad questionem verò factam per quæ,

quale, non minus propriè per differentiam. Vt si inquiratur, *quid sit homo?* propriè respondemus, *esse animal*? Si verò *quale animal?* non minus propriè dicimus, *esse rationale*. Ergo genus predicatur in *quid*, & differentia in *quale*, non quidem absolute, quia non est qualitas accidentalis, sed pars essentialis speciei: & ideo predicatur in *quale* addito *quid*; vt denotetur predicari in *quale* essentiali.

S. L.

An diuisio differentie in communem, propriam, & propriissimam sit sufficiens?

52. **P**ARS negatiua suadetur; quia duobus modis intelligi potest, insufficientem esse aliquam diuisionem: vel quia aliquod membrum ei deficit, aut quia aliud continet superfluum: atqui hæc diuisio habet vtrumque defectum: ergo est insufficientis. Probatur minor, & primo quòd aliqua membra contineat, quæ sub diuiso non contineantur. Quia diuisum huius diuisionis est tertium predicabile: sed differentia communis, & propria non pertinent ad tertium predicabile, sed ad quartum, vel quintum: ergo non continentur sub diuiso. Probatur minor; quia differentia communis, & propria sunt accidens separabile, & inseparabile; sed hæc pertinent ad quartum, & quintum predicabile, vt notum est: ergo non possunt pertinere ad hanc diuisionem.

53. Probatur secundò altera pars minoris, quòd scilicet huius diuisioni aliquod membrum deficiat. Quia differentia indiuidualis, per quam dif-

fert vnum indiuiduum ab altero, non est communis, nec propria, cum non sit accidens; nec propriissima: ergo non continetur sub aliquo membro diuisionis, sed aliud præter illa addendum est. Probatur non esse propriissima; quia differentia propriissima est specifica; vt docet expressè Porphyrius in eadem diuisione: sed indiuidualis non est specifica, vt notum est: ergo nec est propriissima differentia.

54. Tenendum tamen est, diuisionem hanc sufficientem esse. Ita docent communiter Dialectici; & probatur hac ratione; quia quidquid verè differt ab alio, vel differt secundum essentialiam, vel secundum accidentaliam: si primum, erit differentia propriissima, seu essentialis: si secundum, vel est accidens proprium, & sic erit differentia propria; vel est accidens commune, & sic erit differentia communis: ergo hæc diuisio sufficiens est. Confirmatur quia illa diuisio sufficiens est, cui nullum membrum deest; nec aliquid habet, quod non contineatur sub diuiso: sed talis est hæc diuisio: ergo est sufficiens. Minor probatur soluendo argumentum contrarium.

55. Ad quod neganda est minor; & ad primam probationem dico, quòd differentia communis; & propria dupliciter considerari possunt. Primò vt sunt accidentia quædam; & hoc modo pertinent ad quartum, vel quintum predicabile. Secundò vt faciunt differre vnum ab altero accidenti separabili, aut inseparabili: & hoc modo pertinent ad hanc diuisionem: cuius diuisum non est tertium predicabile, sed quid vniuersalius, nempe differentia secundum communem rationem ad essentialem, & acci-

accidentalem; sed tertium prædicabile sola propriissima constituit. Cæteræ verò explicantur, vt ex earum rationibus magis manifesta fiat differentia propriissima.

56. Ad secundam verò probationem de differentia indiuiduali respondeo, quòd licet sit extra essentia, & ideo non est propriissima, tamen propter similitudinem, quam habet cum differentia specifica, quia est substantialis, reducitur ad propriissimam.

S. II.

Utrum diuisio differentie in communem, propriam, & propriissimam, sit generis in species, aut analogi in analogata?

57. **N**O T O, quòd in hac diuisione tam diuisum, quam membra diuidentia sumuntur secundò intentionaliter. Tum quia nomen *differentia*, vt in præsentibus sumitur, est terminus secundæ intentionis, sicut genus, species, & alia. Tum etiam quia sic diuisio ista propria, & per se pertinet ad Logicam, tam ex parte diuisi, quam ex parte membrorum diuidentium. Et ita sensus diuisionis est: secundæ intentionis differentia alia est, quæ facit differre communiter, alia propriè, & alia propriissime. In quo sensu inquirimus solum, an sit generis in species, vel analogi in analogata? quia certum est apud omnes, non esse æquiuocam, cum membra huius diuisionis nõ conueniant in sola voce, sicut conueniunt significata nominis æquiuoci, sed etiam in re significata.

58. Patres Cöplutenles hic disp-

7. q. 1. num. 12. & alij apud ipsos; tenent, diuisionem istam esse analogam. Quorum fundamentum est: quia sola differentia propriissima est simpliciter differentia, tum quia est eiusdem prædicamenti cum genere, tum etiam quia habet prædicari in *quale quid*: differentia verò propria & communis neq; sunt eiusdem prædicamenti cū genere, & sic cū illo rō possūt cōponere vnū per se, sed vnū per accidens; neque habent prædicari in *quale quid*, sed solum in *quale*, quia non pertinent ad essentiam rei, quam constituunt: vnde solum secundum quid sunt differentia: ergo diuisio differentia in prædicta membra, non potest esse vniuoca, sed analogica.

59. Alij verò dicunt, diuisionem hanc esse vniuocam, & generis in species. Quæ sententia mihi videtur probabilior; & ratio est; quia non obstante, quòd ex quinque intentionibus prædicabilem, tres priores sint rationes prædicandi essentialiter, & alia duæ prædicandi accidentaliter adhuc vniuersalitas est quid vniuocū, & verum genus respectu omnium: ergo etiam si ex intentionibus harum differentiarum altera faciat differre communiter, alia propriè, & alia propriissime: adhuc secundæ intentio differentia erit vniuoca, & genus respectu illarum. Probatur consequentia: quia idem conuenientia illarum quinque intentionum est vniuoca, quia omnibus verè, & simpliciter conuenit esse rationes prædicandi de pluribus; neque id habet vna per habitudinem, aut dependentiam ab alia: sed eodem modo conuenit istis intentionibus esse rationes differendi; siquidem etiam si non daretur differentia propriissima,

ad huc

adhuc alia essent differentia: ergo, &c.

60. Ad fundamentum autem C6. platenfium respondeo, quod diuisum huius diuisionis, ut § precedenti diximus, non est differentia constituens hoc tertium prædicabile, sed quid vniuersalius, nempe differentia communis ad essentialem, & accidentalem. Illa autem duo, sciunt esse eiusdem prædicamenti cum genere, & prædicari in *quale quid*, non sunt propria differentie ut sic, quæ est diuisum, sed solam differentia propriissimæ, quæ est vnum membrum diuidens. Vnde ex defectu eorum non bene arguitur, quod alia differentia verè, & simpliciter non participant diuisum.

§. III.

An tradita definitio differentia propriissimæ conueniat etiam differentijs infimis.

61. **R**ATIO dubitandi est, quia ex vna parte ipsa verba definitionis indicant, illam tantum conuenire differentijs subalternis; quia hæc solam differunt specie; Ex alia verò id non videtur consonum intentioni Porphyrij definiens differentiam, prope est tertium prædicabile, ad quod non solam pertinet subalterna, sed etiam infima.

62. Propter has rationes super propositâ difficultate sunt duæ sententia. Prima asserit, Porphyrium tantum definisse differentias subalternas; cum quia earum usus in definitionibus, diuisionibus, & disputationibus frequentior est. Tum etiam quia definitis subalternis,

virtualiter a homine definitæ manent, loco illius particulæ *specie differentibus*, subrogando *numero differentibus*. Ita Complut. disp. cit. quæst. 3. num. 35. & alij apud ipsos.

63. Secunda verò per oppositum docet, per dictam definitionem Porphyrium definisse non solam differentias subalternas, sed etiam infimas. Et hæc sententia mihi videtur probabilior, quam tenent Caietanus in cap. 3. de differentia, ubi Sotus q. vnic. ad 6. Ioannes à S. Th. q. 10. art. 2. & alij, qui non eodem modo eam explicant. Quidam enim illam sic intelligunt: quod differentia prædicatur de pluribus differentibus specie, non inter se, sed ab alijs: ut *rationale* prædicatur de Petro, & Paulo, qui licet inter se non differant specie, differunt tamen specie ab equo, & leone.

64. Hæc tamen explicatio falsa est: non enim plura dicuntur absolute *differre specie*; si non differunt specie inter se, sed ab alijs, alioquin etiam dici potest, quod genericè differunt, quia sicut differunt specie ab alijs, à quibus specie distinguuntur, ita differunt genericè Petrus, & Paulus ab his, à quibus genere distinguuntur. Vnde inciditur in simile inconueniens, quare solam Porphyrius in dictâ definitione posuerit *de pluribus differentibus specie*, & non *de pluribus differentibus genere*.

65. Secundus modus dicendi est Caietani, qui per non repugnantiam dictam definitionem explicat; asseritque conuenire differentijs arthomis, quia ex ipsa ratione differentie non repugnat, prædicari de pluribus differentibus specie.

66. Sed nequè hic modus dicen-

di placet. Primò, quia si non repugnat differentie prædicari de pluribus differentibus specie, vel numero, cur Porphyrius posuit solum de differentibus specie? Deindè, si semel admittimus definitiones per non repugnantiam rationi communi, in plura deveniemus absurda: iam enim hæc esset bona definitio equi; *Equus est substantia sensibilis rationalis*. Nam licet equo, quatenus equus est, repugnet esse rationale, id tamen non repugnat ei quatenus animal est, ut patet. Et generaliter si hic modus definiendi esset bonus, definitio unius speciei conveniret alteri; siquidem differentia constitutiva unius speciei non repugnat alteri propter rationem communem, & genericam, sed propter rationem propriam, & specificam. Ergo neque etiam est asserendum definitionem differentie subalternæ convenire per non repugnantiam differentie infimæ.

67. Quòd autem prædicta absurda sequantur, patet: quia sicut rationale, & inanimabile sunt rationes essentielles oppositæ, sic esse subalternam, & infimam, sunt rationes accidentales oppositæ, & repugnantes: ergo si harum oppositio non obstat, quo minus definitio differentie subalternæ conveniat infimis per non repugnantiam; nec etiam oppositio rationum essentialium obstat; quin definitio unius speciei possit alteri per non repugnantiam convenire.

68. Tertia igitur, & vera explicatio desumitur ex textu Porphyrii; dixit enim differentiam esse, quæ prædicatur de pluribus, & differentibus specie in quale quid. Ad quid enim interposuit particulam illam, & nisi ut distingueret inter prædicari

de pluribus absolute, & prædicari de differentibus specie; & sic in illa particula de pluribus, omnes differentias prædicabiles inclusit, siue athomas, siue subalternas: in illa verò alia, & differentibus specie specialiter subalternas indicavit; quasi diceret, differentia est, quæ de pluribus prædicatur in quale quid, etiam si illa plura sint differentia specie. Unde, ut vides, particula, & æquivalens particula etiam. Legit Ioannem à S. Th. loc. cit. quod latè explicationem hanc persequitur.

S. III.

*Utrum differentia constitutiva huius
tertiæ prædicabilis, dicatur uni-
versalis per ordinem ad speciem,
an verò per ordinem ad
individa?*

69. Prima sententia utrumque negat, contendens differentiam non constitui in esse univ ersalis, neque per ordinem ad speciem, neque per ordinem ad individua, sed per ordinem ad propria inferiora, ut rationale non constituitur in esse univ ersalis respectu hominis, neque respectu Petri, aut Pauli, sed respectu huius, & illius rationalis. Hanc sententiam absque Auctoribus refert Sanchez lib. 3. q. 28. Et fundamentum eius est: quia univ ersale est correlativum particularis: ergo vnumquodque univ ersale habet proprium particulare: sed proprium particulare rationalis non est homo; nec Petrus: cum hi sint correlativi generis, & speciei: ergo proprium particulare rationalis est, hoc aut illud rationale: ac proinde respectu horum constituitur in esse univ

uerſalis, non verò reſpectu ſpeciei,
& indiuiduorum.

70. Sed hæc ſententia falſa eſt;
quia differentiã cõſtitutiuã huius ter-
tij prædicabilis, prædicatur de pluri-
bus in quale quid: ſed *rationale* non
prædicatur de hoc, & illo rationali
in quale quid, ſed omninò in quid:
ergo reſpectu illorum non habet ra-
tionem differentiæ; & conſequen-
ter neque tales prædicationes perti-
nent ad tertium prædicabile. Ma-
ior. & conſequentia conſtat. Minor
verò probatur; quia *animal*, quod
in ſe genus eſt, quando prædicatur
de indiuiduis genericis, nempe de
hoc, & illo animali, ex modo præ-
dicandi induit conditionem ſpeciei;
non alia ratione, niſi quia tunc
prædicatur de inferioribus vt tota
eorum eſſentia, quod proprium eſt
ſpeciei: ſed quando rationale prædi-
catur de hoc, aut illo rationali, præ-
dicatur vt tota eſſentia talium infe-
riorum: ergo reſpectu eorum in-
duit conditionem ſpeciei, & præ-
dicatur in quid, etiam ſi in ſe diffe-
rentia ſit.

71. Secunda ſententia affirmat,
differentiam eſſe vniuerſalem per
ordinem ad ſpeciem, quam conſti-
tuit; ita vt hæc prædicatio, *Homo
eſt rationalis*, ſit propria huius præ-
dicabilis. Itã tenent Caiet. Sor. &
alii cap. de differentiã. Probatur pri-
mò, quia differentia quatenus talis,
eſt vniuerſalis: ſed differentia con-
ſtituitur in eſſe talis per ordinem ad
ſpeciem; ſiquidem prout ſic dicit
eſſe conſtitutiuam eius: ergo per
eundem ordinem ad ſpeciem eſt v-
niuerſalis.

72. Probatur ſecundò, quia quod
libet vniuerſale conſtituitur in eſſe
vniuerſalis per ordinem ad ea, de

quibus immediatè prædicatur: ſed
differentia immediatè prædicatur
de ſpecie, & media ſpecie de indi-
uiduis: ergo differentia in eſſe vni-
uerſalis conſtituitur per ordinem ad
ſpeciem, & non per ordinem ad in-
diuidua. ¶ Confirmatur, quia ge-
nus non conſtituitur in eſſe vniuer-
ſalis per ordinem ad indiuidua, licet
de illis prædicetur, ſed per ordinem
ad ſpeciem, non alia ratione, niſi
quia de ſpeciebus immediatè prædi-
catur, non verò de indiuiduis: ergo
ſi differentia immediatè prædicatur
de ſpecie, & media ſpecie de indi-
uiduis, per ordinem ad illam, &
non ad hæc conſtituitur in eſſe vni-
uerſalis.

73. Probatur tertio, quia hæc
prædicatio, *homo eſt rationalis*, eſt
prædicatio directã, & formalis: ergo
eſt alicuius prædicabilis: ſed non po-
teſt eſſe alterius, niſi differentiæ, vt
patet: ergo differentia verè conſti-
tuitur in eſſe vniuerſalis per ordinem
ad ſpeciem, quam conſtituit.

74. Hæc etiam ſecunda ſententia
eſt falſa. Quia vniuerſale eſt natura
vna dicens ordinem ad plura infe-
riora: ſed ſpecies non eſt quid infe-
rius ad differentiam: ergo differen-
tia non eſt vniuerſalis reſpectu ſpe-
ciei. Probatur minor; Superius eſt
id, à quo non valet conſequentia, vt
eſt animal, non valet, *ergo eſt homo*
ſed à differentia ad ſpeciem valet cõ-
ſequentia, vt *eſt rationale*, valet
ergo eſt homo, & è contra: ergo dif-
ferentia non eſt ſuperior reſpectu
ſpeciei.

75. Confirmatur; quia illud eſt
vniuerſale, & ſuperius reſpectu ali-
cuius, quod quando illi communia-
catur, contrahitur ab illo: illud autè
contrahitur ad aliquid, quod per

con.

contractionem amittit vniuersalitate. Atqui differentia per hoc quod communicatur speciei, non redditur singularis, neque amittit vniuersalitatem, sed potius conseruat eam: ergo respectu illius non est vniuersalis, neque superior.

76. Tertia denique sententia docet, differentiam constitui in esse vniuersalis per ordinem ad indiuidua speciei. Et hæc sententia est vera, quam sequuntur Sanchez lib. 3. p. quest. 15. Complus disp. 7. quest. 2. Ioannes à S. Th. q. 100 art. 3. Mailhat disp. 2. sect. 2. §. 6. & alij recentiores Thomistæ. Et probatur facili ex dictis: quia quælibet natura constituitur in esse vniuersalis per ordinem ad sua inferiora: sed indiuidua speciei sunt propria inferiora differentie: ergo differentia constituitur in esse vniuersalis per ordinem ad dicta indiuidua. Probat minor quoad omnia: nam in primis differentia respectu indiuiduorum speciei prædicatur in quale, quia prædicatur ut ratio qualificans naturam eorum: & etiam in quid, quia pertinet ad ipsorum essentiam. Denique à differentia ad indiuiduum speciei non valet consequentia, ut est ratio-
nalis, non, valet, ergo est Paulus. Rursus, differentia contracta ab vno indiuiduo, amittit vniuersalitatem, & redditur singularis: ergo differentia est quid superius ad dicta indiuidua: & dicta indiuidua sunt propria inferiora differentie.

77. Unde ad fundamentum primæ sententiæ responderetur, quod si est vniuersale non solum dicit naturam, seu rationem, quæ prædicatur, sed etiam relationem prædicabilitatis ad inferiora: ita particulare non solum dicit naturam, seu rem,

de qua vniuersale prædicatur, sed etiam relationem subijcibilitatis ad superiora: & medijs his relationibus rationis vniuersale, & particulare sunt correlatiua. In hoc, ergo sensu verum est, vnumquodque vniuersale habere proprium particulare: quia nimirum vnumquodque vniuersale respicit inferiora habentia peculiare relationem subijcibilitatis ad ipsum. Unde eadem res v. g. *Petrus* in relatione subijcibilis respicit totam essentiam, est proprium particulare speciei: vt verò alia relatione subijcibilis respicit constitutum suum essentia, est proprium particulare differentie: vt verò alia relatione respicit naturam quandam profucentem à sua essentia, est proprium particulare propriæ & sic de alijs. Quo fit, diuersa vniuersalia perant diuersa particularia, non materialiter, & in esse rei, sed formaliter, & in esse subijcibilis.

78. Ad argumenta verò secundæ sententiæ. Ad primum, & secundum dico, quod differentia in ratione constituitur respicit speciem per modum differentie metaphysicæ: non in ratione vniuersalis, & differentie logicæ: sic enim correlatiuum eius sunt inferiora, de quibus quatenus vniuersalis, & non de specie, immediate prædicatur. Ad tertium respondeo, non omnes prædicationes directas pertinere ad quinque vniuersalia, sed solum illas, in quibus maiora de minoribus prædicantur. Unde illa prædicatio, *homo est rationalis*, est tertij prædicabilis, quasi materialiter, & metaphysicè, non formaliter, & logicè: prædicatur nam de hominibus illis, quæ est tertium prædicabile, non tamen sub formalitate, & relatione tertij prædicabilis, seu

ter.

tertij vniuersalis, & sic est magis tertium prædicatum, quam tertium prædicabile.

DE VBIIVM QUARTVM

De Proprio.

79. **P**Orphyrius in cap. de proprio quatuor acceptiones, seu modos proprii tradidit. Primo modo accipitur proprium pro eo, quod conuenit alicui speciei soli, non tamen omnibus indiuiduis eius: vt esse Medicum, aut Philosophum, proprium hominis dicitur: quia soli homini conuenit: licet non omni homini conueniat. Secundo modo accipitur pro eo, quod conuenit omni indiuiduo alicuius speciei, non tamen soli, sed etiam indiuiduis aliarum, vt esse bipedem, vel duos habere pedes, omnibus hominibus ex propria natura conuenit, non tamen solis, sed quibusdam etiam alijs animalibus aliarum specierum. Tertio modo accipitur pro eo, quod conuenit alicui speciei soli, & omnibus indiuiduis eius, non tamen omni tempore, sed quodam determinato: et canescere conuenit omnibus, & solis hominibus, verum non semper, sed solum tempore senectutis. Quarto modo accipitur proprium pro eo, quod conuenit alicui speciei soli, & omnibus indiuiduis eius, non pro determinato tempore, sed semper: vt Risibile conuenit soli homini, omni homini, & semper: quia licet non semper homo rideat, & semper tamen habet aptitudinem ad ridendum, & ideo semper est risibile.

80. Ex his solum quartum con-

stituit hoc prædicabile: quia ratio quarti prædicabilis consistit in hoc, quod prædicetur in quale necessario accidentaliter: per hoc enim distinguitur à reliquis prædicabilibus, per ly in quale à genere, & species, per ly accidentaliter, à differentia, quæ est quale essentialiter, per ly necessario ab accidente communi, quod est quintum prædicabile. Istæ autem conditiones solum conueniunt proprio quarto modo accepto, vt confidenter patet.

81. Dices: canescere tempore senectutis conuenit hominibus necessario, & non alijs: ergo non solum proprium quarto modo acceptum, sed etiam tertio modo sumptum, constituit hoc prædicabile. Respondetur: quod licet canities soli homini conueniat tempore senectutis, non tamen dimanat ab essentia specificius, sed ex complexione particulari hominum, & ex alijs causis extrinsecis illo tempore concurrentibus: & ideo non ad quartum prædicabile, sed ad quintum pertinet.

82. Proprium igitur constitutiui huius prædicabilis, duabus definitionibus definitur: una, esse id, quod conuenit omni, soli, & semper; altera, esse id, quod prædicatur de pluribus in quale necessario. Vtraque definitio explicata: manet ex dictis. Prima conuenit proprio metaphysicè, seu primò intentionaliter sumpto; secunda verò conuenit ei logicè, seu secundò intentionaliter accepto.

83. Contra primam definitionem est vnica instantia, nam Deus separare potest propriam passionem à subiecto, imò plures propriæ passionis naturaliter impediri possunt, vt motus deorsum in lapide, frigus in aqua, & similes: ergo particula

illa

illa *semper* male ponitur in definitione proprii.

84. Respondetur quoddam in definitione proprii, quod conuenit *semper*, *ly conuenit* non dicit existere, vel adesse subiecto; sed *ly conuenit* est idem, quod *debetur*, seu postulat a subiecto, licet non semper actu existat in eo. Et ita intelligitur D. Th. in q. de spiritualibus creaturis art. ult. ad 7. ubi dicit, quod subiectum esse sine propria passione, non est intelligibile. Ad illud autem de impedimento naturali passionum, dico quod licet omnes passionum dimanent a subiecto, sed non omnes eodem modo. Quoddam enim dimanant absolute, sicut risibilitas, & intellectus ab homine. Aliæ dimanant supposito aliquo statu naturali, vel lapidi conuenit quiescere non absolute, sed in centro; nec moueri absolute, sed extra centrum; & gratia in statu consummato habere lumen gloriæ, in statu viæ fidem, & spem; & aquæ habere frigus: ac denique graui conuenit moueri per medium non impeditum, sed liberum. Dico ergo has passiones impediri posse naturaliter, quia non dimanant a subiecto absolute, sed supposito aliquo statu, vel aliquo extrinseco. Primæ vero quæ absolute dimanant a subiecto, eo posito non possunt impediri naturaliter.

85. Circa inferiora huius quarti prædicabilis breuiter dico, ea esse individua speciei, cum qua conuertuntur. Et ratio est, quia proprium respectu suorum singularium, v. g. risibilitas ad hanc, & illam risibilitatem est quidem superius, & vniuersale, sed non in quale, sed in quid; sicut species, respectu individuorum. Accidens enim proprium etiam habet

suam quidditatem, & naturam, quæ prædicat de suis inferioribus. Respectu autem speciei, seu naturæ a qua dimanant proprium, sumptæ in communi, prædicatur quidem in quale, sed non ut superius; sed ut æquale, & conuertibiliter; unde respectu eius non est vniuersale formaliter, cum respectu illius non sit superius. Restat igitur ut sit vniuersale formaliter respectu individuorum ipsius speciei, respectu quorum est superius; & prædicatur in quale necessarium, ut patet in his prædicamentis; *Primum est risibile; Paulus est risibilis; & similibus.*

D V B I V M Q V I N T V M

De Accidentibus.

86. **D**VPLEX est accidens, aliud prædicamentale, aliud prædicabile. Accidens prædicamentale contraponitur substantiæ, & dicitur *ens in alio*; Accidens vero prædicabile contraponitur prædicato essentiali, & est quicquid non conuenit essentialiter, vel necessarium subiecto. Et de hoc loquimur in presenti, primum enim spectat ad Metaphysicos.

87. Definitur autem huiusmodi accidens a Porphyrio sic: *Accidens est, quod adest, & abest sine subiecti corruptione.* Super qua definitione est prima difficultas, an per eam definatur accidens primo intentionaliter sumptum, vel secundo intentionaliter acceptum? Aliqui hoc secundum affirmant, quorum ratio est, quia adest, & abest a subiecto sine eius corruptione, conuenit accidenti per intellectum, & non in re; vel manifestum est in accidente inseparabili.

abili: ergo per hanc definitionem non definitur accidens, nisi secundò intentionaliter sumptum.

88. Nihilominus dicendum est, intentionem traditam conuenire substrato, seu primò intentioni huius quinti predicabilis; nõ autem secundæ intentioni. Et probatur; quia id, quod explicat hæc definitio, conuenit accidenti prout est in re: ergo per hanc definitionem definitur substratum huius quinti predicabilis, & non ipsum quintum predicabile secundò intentionaliter sumptum. Probatur antecedens; quia verba illa, *adest, & abest sine subiecti corruptione*, nihil aliud significant: quàm contingentiam accidentis, & idemnitatem subiecti in sua quidditate; non verò inherēntiam, & non inherēntiam in subiecto. Hoc enim soli accidenti predicamentali conuenit: Sed in re accidens ita conuenit subiecto, vt abesse possit sine corruptione quidditatis subiecti, quidquid sit de eius indiuiduatione: ergo quod explicat hæc definitio, conuenit accidenti in re, & non prout est in intellectu.

89. Dices. iuxta hanc doctrinam non distinguitur accidens à proprio. siquidem etiam accidens proprium potest separari ab essentia sine corruptione ipsius quidditatis. ¶ Resp. quòd est magna differentia inter accedens proprium, & commune; nam accidens proprium radicitur in essentia, & emanat ab essentia: & ita licet propria passio separari possit ab essentia, non tamen conuenientia ad illam, vt dub. præc. num. 84. diximus. Ceterum accidens commune non sumitur respectu speciei, sed respectu indiuiduorum, in quibus aliquando habet causam permanen-

tem, aliquando transeuntem; ex quo prouenit, quòd sit ab eis separabile, vel inseparabile: vnde si separatur, ad summum sequitur corruptio indiuiduationis eorum; non autem quidditatis; & indemnis manet eorum quidditas, etiam si eis tale accidens non conueniat. Videatur D. Th. q. 2. de Anima art. 12. ad 7. vbi tota hæc doctrina habetur per extensum.

90. Ex dictis facillè formari possunt definitiones secundæ intentionis huius quinti predicabilis, dicendo sic: *Accidens est, quod predicatur de multis, & predicatum quod adest, & abest præter subiecti corruptionem.* Vel *Accidens est, quod predicatur de pluribus in quale contingenter.* Quorum sensus satis ex dictis patet.

91. Sed est secunda difficultas; respectu quorum inferiorum hoc quintum predicabile predicetur? Respondeo inferiora huius quinti predicabilis esse subiecta; de quibus dicitur accidentaliter; non autem constituta ex subiecto, & accidente quibus conuenit essentialiter. Et ratio est manifesta; quia quintum predicabile predicatur in quale accidentaliter; ergo oportet quòd inferiora eius sint illa, ad quæ comparatur in quale accidentaliter; solam autem respectu subiectorum comparatur hoc modo, quia accidentaliter conuenit illis, & per modum forme qualificatis; respectu verò priorum inferiorum, vt album respectu huius & illius albi, predicatur essentialiter; quia dicit totam eorum quidditatem.

92. Dices. ipsa subiecta sunt inferiora albo per accidens; quia per accidens Petrus, & Paulus sunt albi; ergo respectu ipsorum subiectorum album

album est vniuersale, & prædicabile per accidens; atque adeo non est vna ex speciebus prædicabilium, quia prædicabilia sunt vniuersalia per se. Respondeo, quòd intentio quinti prædicabilis per se est intentio vniuersalis, & per se postulat inferiora; sed non inferiora, quæ habeant perfectatam in natura, & forma, quæ prædicatur, sed contingentiam. Et ita ei quod prædicatur accidentaliter de multis conuenit per se vniuersalitas, seu respectus ad multa, sicut opinioni per se conuenit verari circa propositiones cõtinentes.

DISPUTATIO III.

De Æquiuocis, Vniuocis, & Analogis.

I. Disputatio hæc est quasi præambula, & prærequisita ad coordinationem prædicamentorum constituendam, in qua coordinatione duplex respectus inuenitur; vnus est ad ea prædicata, quæ sunt supra omnia prædicamenta; alter est ad ea, quæ in eodem prædicamento ordinantur. Respectus prædicamentorum ad ea, quæ sunt supra prædicamenta, est respectus analogorum, vel æquiuocorum, quia non conueniunt prædicamenta in aliquo superiori vniuoco. Respectus verò ad ea, quæ in eodem prædicamento ordinantur, est vniuocorum, quia est secundum eandem rationem, & nõ solum secundum idem nomen. Et sic antequam de prædicamentis agamus, necessariò cognoscere debemus quid sint æquiuoca, quid vniuoca, & quid analogia.

2. Æquiuoca autem designantur ab Aristotele hic cap. 1. de antepre-

dicamentis, esse illa, quorum nomen commune est, ratio verò substantiæ nomini accommodata diuersa. Pro cuius definitionis intelligentia notandum est, quòd nomen æquiuocum (& idem est de vniuocis, & analogis) dicitur æquiuocum æquiuocant; res verò per tale nomen significatæ, dicuntur æquiuoca & æquiuocata. Hoc posito explicantur singulæ particulæ huius definitionis. Æquiuoca dicuntur; loquitur Aristoteles de æquiuocis æquiuocatis. Quorũ nomen; nomẽ hic accipitur vt comprehendit verbum, participium, & alias partes orationis, in quibus inueniri possit æquiuocatio. Est commune, vt innuat, nomen debere esse omninò vnum, sic enim propriè erit commune: vnde quælibet diuersitas in nomine, etiam si fiat sola mutatione alicuius literæ, vel solius accentus, tollet æquiuocationem. Qua ratione occido non est æquiuocum, licet significet actionẽ auferendi vitam, & passionem, seu mortem: quia in prima significatione producitur, & in secunda corrumpitur. Ratio verò, idest conceptus obiectiuus; substantiæ, idest essentie; substantia enim interdum sumitur pro essentia, interdum verò pro substantia, quæ distinguitur cõtra accidens. Nomini accommodata diuersa; vt ostendat ad æquiuocationem solum requiri, vt æquiuocata secundum quod significantur per nomen æquiuocum, non habeant vnã rationem, licet aliàs secundum quod alijs nominibus significantur, verè habeant vnã rationem, & vniuocè conueniant. Nomen enim canis æquiuocum est ad latrabilem, & maritum; quia secundum quòd significantur per tale nomen, non

K ha.

habent vnam rationem: licet alias in nomine substantię, & animalis conueniant vniuocē.

3. Vniuoca verò ab eodem Aristotele loc. cit. definiuntur, *esse illa, quorum, & nomen commune est, & ratio substantię nomini accommodata, est eadem*. Quę definitio ex dictis pro definitione æquiuocorum explicata manet; nam vniuoca ab æquiuocis solum distinguuntur in hoc, quòd nomen vniuocum immediate significat vnam rationem, quę est communis vniuocatis; æquiuocum verò immediate significat proprias rationes æquiuocatorum. Quod Aristoteles à posteriori probat, quia si quis querat: quę est ratio Canis, quę inuenitur in latrabili, & marino; non assignabit vnā definitionem illis communem, sed proprias eorum definitiones adducet. Si verò querat, quę est ratio animalis, quę inuenitur in homine, & equo; respondet vnica definitione animalis, dicendo *est viuens sensibile*: obsequē eo quòd cogatur proprias hominis, & equi definitiones adducere.

4. Analoga Aristoteles non definiunt, verum ex adductis definitionibus æquiuocorum, & vniuocorū, facit eorum definitionem colligere possumus; nam analoga ex communē sententia scholę, medium quoddam sunt inter æquiuoca, & vniuoca: vnde sic ea definire possumus: *Analoga sunt, quorum nomen est commune, ratio verò substantię nomini accommodata, neque est omninò diuersa, nequē omninò eadem*. Secundum quam analoga vtrumque extremum participant: conueniunt enim cum æquiuocis, & vniuocis in nomine, quod commune debet esse

in omnibus in re verò per nomen significata, partim conueniunt, & partim differunt. Conueniunt quidem cum æquiuocis in eo quod est diuersa, à quibustamen differunt, quia non est omninò diuersa, sed aliquo modo vna, in quo assimilatur vniuocis; verum quia non est omninò vna, ab vniuocis etiam differunt.

5. Hęc autem analoga, alia sunt proportionis, alia proportionalitatis. Analoga proportionis appellatur etiam analoga attributionis, eo quod ab vno principaliori solet fieri denominatio seu attributio ad alia, vt à sanitate animalis fit attributio, & denominatio ad vrinam, & medicinam, quę etiam dicuntur sana. In his analogis forma significata per nomen analogum intrinsecè solum inuenitur in principali analogato, in alijs verò extrinsecè, & per denominationem. Ratio huius est: quia si in omnibus analogatis sit forma intrinsecè denominans, vnamquodque non denominabitur tale per formam in alio existentem, sed per eā, quam in se habet intrinsecè, & sic nō indigebit attributione extrinsecè alterius vt denominetur quod est destruere analogiam attributionis. Confirmatur, quia si in vtroque analogato est intrinsecè forma denominans, licet in vno principalius, & perfectius, vel vtrique forma est similis vna, vel proportionaliter vna, vel omninò diuersa? si omninò diuersa, resultabit æquiuocum, non analogum: si omninò similis, & eiusdem rationis, erit vniuocum: si proportionali modo vna, & in vtroque analogato intrinsecè inuenitur, nihil illi deest, vt sit analogum proportionalitatis. Ergo vt detur analogia

logia attributionis, ab istis distincta, debet fieri denominationis, non per formam in singulis intrinsecè: sicut sanitas intrinsecè est in animali: in vrina verò, & medicina non datur intrinsecè forma sanitatis, sed extrinsecè.

6. Analogia autem proportionalitatis subdiuiditur in propriam, & metaphoricam. Propria est, quando ratio significata per nomen analogū inuenitur intrinsecè in vtroque analogato verè, & formaliter, sicut ens inuenitur in substantia, & accidente. Metaphorica est, quando ratio significata inuenitur formaliter, & intrinsecè in vno, in alio verò similitudinariè, & per translationem, sicut risus inuenitur intrinsecè, & formaliter in homine, abusiue verò in ipso. Hic solum agimus de propria, quæ est vera analogia proportionalitatis: de qua est tantum vnica difficultas, an vltra hoc, quod ratio significata per nomen analogū sit intrinsecè, verè, & formaliter in omnibus analogatis, importare debeat aliquid attributionis? Et respondeo breuiter affirmatiue; ratio est, quia proportionalitas absolute loquendo potest inueniri in vniuocis; possumus enim dicere, quod sicut se habet homo ad suum esse hominis, ita equus ad suū; & tamen hoc non excludit vniuocationem: ergo vt illam excludat, & constituat analogiam, requiritur præter similitudinem proportionalem, etiam aliqua dependentia in vno analogato respectu alterius. ¶ Confirmatur, quia sola attributio tollit vniuocationem: ergo importari debet in omni analogia. Antecedens probatur, quia vniuoca sunt, quorum nomen est commune, ratio verò

substantiæ, nomini accommodata; omnino eadem: sed attributio est, cit, vt ratio non sit omnino eadem, nec æqualiter participetur ab omnibus; sed ab vno independenter, & à reliquis cum dependentia ab eo: ergo tollit vniuocationem.

7. Dices: Principium analogicè dicitur, de fundamento Domus; de puncto, quod est principium linee; & de corde, quod est principium vite: sed inter hæc nulla est attributio, sed omnia æqualiter, & per se significantur; & sola proportionalitas reperitur: ergo analogia proportionalitatis non debet necessariò importare aliquid attributionis. ¶ Ad hanc instantiam aliqui respondent, principium esse æquiuocum, quia impositum est ad diuersa significanda. Sed hæc responsio est contra Aristotelem 5. met. e. r. vbi sic ait: *omnibus principijs commune est esse primum, vnde aut est, aut fit, aut cognoscitur.* Ergo principium non est æquiuocum, quia æquiuoca non possunt conuenire, nisi in solo nomine. Dico ergo principium esse vniuocum, & non analogum, quia ratio significata est omnino eadem, & independenter participata ab omnibus principijs. ¶ Solet ab aliquibus hic queri, vtum in his analogis detur vnus conceptus ab inferioribus præcisus; quam difficultatem nos discentemus in metaphysica, agentes de conceptu entis.



DISPUTATIO QUINTA.

De Prædicamentis.

DVBIVM PRIMVM.

Quid sit prædicamentum; Quotuplex sit; Et quæ conditiones requirantur, ut aliquid directè ponatur in prædicamento?

I. Dico primò, Prædicamentum esse *seisim*, seu coordinationem prædicatorum superiorum, & inferiorum, ab uno supremo genere usque ad indiuiduum. Sic quia ista prædicata superiora, & inferiora sunt magis, & minùs vniversalia, vocantur gradus, per quos vel ascendimus ab indiuiduo usque ad supremum genus, vel descendimus à supremo genere usque ad indiuiduum; ut cernere licet in primo prædicamento, in quo ponitur ut supremum genus substantia, deindè corpus, tertio viuens, quarto animal, quinto homo, & vltimò Petrus.

2. Dico secundò, Prædicamenta esse tantùm decem, nec plura, nec pauciora. Et sunt substantia, quantitas, relatio, qualitas, situs, habitus, vbi, quando, actio, & passio. Hæc conclusio magis innuitur communis sensui Philosophorum, quàm alicui firmæ rationi. Suaderi tamen potest probabiliter, aduertendo quòd aliundè petitur numerus prædicabilium, & prædicamentorum. Cum enim vniversalis, seu prædicabile, sit vnum aptum inesse multis, & prædicari de illis tanquam de suis inferioribus, numerus prædicabilium sumitur ex diuerso modo es-

sendi in proprijs inferioribus, & prædicandi de illis: vnde quia quinque tantùm modis potest aliquid esse in suis inferioribus, nempe vel tanquàm pars essentialis potentialis, vel tanquàm pars essentialis actualis, vel tanquàm essentia completa ex illis partibus coalescens, vel ut accidens purè contingens; indè fit, quòd quinque tantùm sunt prædicabilia. At verò prædicamenta sunt diuersæ series, aut coordinationes generum, & specierum inter se subordinatorum, diuersis modis de prima substantia prædicabilium, ita quòd diuersitas illa prædicamentorum ex diuerso modo prædicandi, non de proprijs inferioribus, sed de eadem prima substantia, desumatur: huiusmodi autem coordinationes diuersimodè de prima substantia prædicabilium, decem esse possunt. nec plures, nec pauciores. *Quod sit probabiliter ostenditur potest.* Quidquid prædicatur de Petro, aut de quavis alia prima substantia, vel est de eius essentia, vel extra essentiam: si sic essentialis, ut cum dico Petrus est homo, animal, viuens, corpus, substantia, constituitur categoria substantiæ: si verò est extra essentiam eius, vel est prædicatū purè absolutū, vel purè relatiuū, vel medio modo se habens, id est absolutum, connotans tamen aliquid extrinsecum. Si sit purè absolutum, aut conuenit ipsi ratione materiæ, & illud est quantitas: aut ratione formæ, & est qualitas: si purè relatiuum, est ipsa relatio: si verò absolutum, connotans tamen aliquid extrinsecum, vel connotat illud ut principium actiui, à quo emanat, & est actio; vel ut principium passiuum, in quo recipitur, & est passio; vel

vel vt mensuram magnitudinis am-
bientem, & mensurantem molem
ipsius corpoream, siue absolute su-
ptam, & est vbi, siue spectatam cum
debito ordine partium, & est situs;
vel mensuram durationis, & est quā-
do; vel denique vt ornamentum, &
tegumentum corporis; & est habi-
tus. Nullus autem alius modus essen-
di in prima substantia, aut prædi-
candi de illa videtur excogitari pos-
se; ergo decem erunt, nec plures,
nec pauciores huiusmodi prædicabi-
lium coordinationes, atque adeo decem prædicamenta.

3. Dico tertio, Hæc decem præ-
dicamenta esse inter se realiter di-
stincta. Ita Caiet. 1. p. q. 28. art. 1.
& alij. Probatur; quia diuisio entis
in decem prædicamenta, est diuisio;
qua ens reale creatum diuiditur in di-
uersa entia realia; sed diuersa entia
realia sunt realiter distincta, quia
quæ sola ratione distinguuntur, sunt
eadem entitas realis: ergo decem præ-
dicamenta inter se distinguuntur
realiter. *¶* Confirmatur, quia decem
prædicamenta sunt primo diuersa;
si autem inter se non distingueretur
realiter, non essent primo diuersa;
quia conuenirent in vna, & eadem
entitate: eadem autem entitas non
est diuersa à seipsa: ergo prædica-
menta necessario debent inter se di-
stingui realiter.

4. Dices: Actio & passio sunt duo
prædicamenta; & tamen non distin-
guuntur realiter: ergo non omnia
prædicamenta distinguuntur realiter.
¶ Responderetur negando minorem;
actio non subiicitur in agente, passio
verò in passio: hoc autem fieri nequit
si essent idem accidens, quia idem
accidens in duobus subiectis subie-
ctari non potest.

5. Dico quarto, Quinque condi-
tiones requiri, vt aliquid directe
ponatur in prædicamento. Primo;
vt sit ens per se: Secundò, vt sit ens
completum; Tertio, vt sit ens fini-
tum: Quarto, vt sit ens incomple-
tum: Et quinto, vt sit vniuocum.
In hac conclusione non loquimur
de ente rationis; quia ens, quod im-
mediate diuiditur in decem prædica-
menta, non est ens latissime sum-
ptum, prout ambit ens reale, & ens
rationis, sed vt dixi, est dumtaxat
ens reale; creatum. Vnde sequitur;
ens rationis non poni in aliquo præ-
dicamento; quod enim non conti-
netur sub diuiso, nequit collocari
sub aliquo membrorum diuidentium;
si ergo diuisum in proposito sit ens
reale creatum, ens rationis, quod
non continetur sub illo, neque con-
tinebitur sub vilo prædicamentorum
ipsum diuidentium.

6. Loquendo igitur de ente reali,
probatur conclusio discurrendo per
singulas condiciones: Et quantum
ad primam dicitur debere esse ens
per se, ad excludendum ens per acci-
dens, quod ideo excluditur à prædi-
camento, quia non dicit vnā natu-
ram, sed plures, atque adeo neque
rem constantem vnico genere, &
differentia, sed pluribus; & prop-
terea non in vno, sed in pluribus
prædicamentis iuxta numerum na-
urarum distinctarum ponitur. Ex
hac condicione reiicienda sunt à præ-
dicamento concreta accidentalia,
quia sunt quid constatum ex subie-
cto, & accidente, & consequenter
ex naturis diuersorum prædicamen-
torum.

7. Secunda conditio est, vt sit
ens completum; vocatur autem ens
completum; quod significatur vto-
tum.

tum constitutum, & per modum quid. Ratio huius conditionis est, quia predicamentum per se solum fit ex generibus, & speciebus: genera autem, & species sunt entia completa: ergo solum entia completa possunt predicamentum per se constituere, aut in eo per se collocari.

8. Dices: Situs, & ubi non sunt entia completa, sed modi, & tamen constituunt duo predicamenta: ergo non sola entia completa constituunt predicamenta. 9. Respondeo breviter, quod modi sunt in duplici differentia: Quidam qui pertinent ad ipsam compositionem, vel complementum alicuius rei, vel naturæ, sicut constitutio substantiæ fit per unionem, & completur per substantiam, accidens per inhaerentiam, qualitas per gradus intensiōis, & remissionis, siue illi sint diuersæ uniones, siue diuersæ terminationes eiusdem qualitatis. Et isti modi reducuntur ad predicamentum illius rei, quæ componunt, aut terminant modificando, sicut partes componendo. Alij modi sunt, neq; ad constitutionem, neque ad complementum rei pertinentes, sed tantum ex aliqua extrinseca ratione, seu principio conuenientes, & his non repugnat per se predicamenta constituere, ut ubi, & situs: & ideo dixi, nomine entis completi in presenti venire totum ut constitutum, & per modum quid significatum.

9. Per hanc secundam conditionem differentiæ excluduntur à recta linea predicamentali, & solum eis conceditur, ut latera predicamenti constituent. Ratio est: quia differentia formaliter sumpta, solum dicit partem speciei: ergo formaliter est quid incompletum: sed recta linea præ-

dicamenti solum constituitur ex predicatis completis, quæ sunt genera, & species: ergo differentiæ non pertinent per se ad illam.

10. Tertia conditio est, quod ens predicamentale sit finitum. Que conditio excludit infinitum simpliciter, & in omni genere entis, ut Deus, non infinitum determinati generis si daretur, verb. gr. quantitatem, aut qualitatem infinitam. Ratio est: quia infinitum determinati generis solum accidentaliter est infinitum, nam ex parte essentiæ constat actu, & potentia, quæ sunt termini, quibus essentia finitur in ratione essentiæ: illi non sunt termini essentiæ, quibus in essendo componitur, solum autem componitur actu, & potentia, & ab eo, quod est potentia, sumitur genus, ab eo, quod est actus, differentia: ergo simpliciter retinet coordinationem, & seriem predicatorum superiorum, & inferiorum, generis, & speciei, quod est poni in predicamento. At verò infinitas in substantia, seu in genere entis, est infinitas actus puri, quia est infinitas penes carentiam terminorum essentiæ, quæ excludit omnem potentialitatem, qua exclusa non remanet genus, quod est quid potentiale ad differentias, à quibus actuatur, & determinatur: Et sic haberi non potest ratio generis, & speciei, & consequenter neq; coordinato predicamentalis.

11. Quarta conditio est, quod ens sit incomplectum. Et ratio est: quia recta linea predicamentalis ex solis generibus, & speciebus fit: sed complexa siue accidentalia, siue essentialia non sunt genera, neque species: ergo ex eis non fit predicamentum.

12. Dices: loco definiti licet ponere definitionem eius, ut loco hominis,

minis, *animal rationale*, quia talis definitio æquiualeat definito: ergo in recta linea prædicamentali licebit ponere loco generis, & speciei cuiuscumque propriam definitionem, quæ cum sit complexum quid, sequitur ex complexis substantialibus fieri per se prædicamentum. ¶ Respondetur quod non semper loco definiti licet ponere definitionem, sed solum quantum ad æquiualeantiam veritatis, quia de quibus prædicatur definitum, necesse est, prædicari definitionem. At verò ubi modus significandi debet esse determinatus, & distinctus in definitione, & definito, non licet eam loco definiti ponere. Et ita est in proposito, quia res non ponitur in prædicamento, quomodo cumque significata, aut concepta, sed per modum generis, aut speciei, & idè per modum incomplexi: cum ergo definitio non habet modum generis, aut speciei ratione complexionis, sequitur nec habere per modum prædicamentalem; quare non potest loco definiti in prædicamento poni.

13. Quinta, & vltima conditio est, ut sit *uniuersum*. Nam æquiuocum non significat vnâ naturam, sed plures. Analogum autem reuocatur, quia non est genus, nec species per genus, & differentiam constituta. Exclusio autem generis, & speciei, excluditur coordinatio prædicamenti, quæ ex istis constat.



D V B I V M S E C V N D V M

De Prædicamento substantiæ.

Quodnam sit supremum genus huius prædicamenti?

14. **VIDETVR**, nullum supremum genus assignari potest huic prædicamento. Quod sic probatur; si aliquod assignaretur, maximè esset substantiæ: sed hæc non potest esse genus: ergo nullum assignari potest. Minor siuadetur; substantia vniuersaliter sumpta, est transcendens, & includitur in vltimis differentiis; genus autem non potest esse transcendens, nec includi in vltimis differentiis, cum extra earum rationem sit: ergo substantia vniuersaliter sumpta non potest esse supremum genus huius prædicamenti. ¶ Confirmatur, quia si substantia vniuersaliter sumpta, esset supremum genus huius prædicamenti, etiam accidens vniuersaliter sumptum, esset supremum genus respectu omnium accidentium; quia quantum ad hoc non est maior ratio de substantia, quàm de accidente: sed accidens ut sic respectu omnium accidentium non est supremum genus, nec constituit vnum prædicamentum, aliis prædicamenta non essent decem, sed duo tantum: ergo neque substantia ut sic constituit prædicamentum substantiæ, nec erit supremum genus respectu illius.

15. Pro decisione præsentis difficultatis noto, substantiam hic non accipi pro quidditate, seu essentia rei; sic enim non est speciale prædicamentum.

camentum, nam etiam accidentia suam habent quidditatem, & essentiam: sed pro ente per se; quod opponitur accidenti, quod est eus in alio. Sic autem sumpta substantia, dupliciter considerari potest: vel in ordine ad se, & sic dicitur subsistens, quasi non indigens alio, & sustentetur, sed in se sistens: vel in ordine ad alia, quatenus illa sustentat in esse; & sic dicitur substantia. Sicut enim aliud est lucere, aliud illuminare, licet hoc secundum ex primo oriatur; ita esse in se sine indigentia sustentationis ab alio, est diuersa consideratio ab eo, quod est, alia sustentare, & illis dare esse.

16. Substantia constitutiva huius prædicamenti, sumitur per ordinem ad istos duos actus, qui sunt subsistere, & substat; & definiri potest sic: *substantia est ens per se existens, quam definitionē S. Th. in 4. dist. 12. q. 1. art. 1. quæstiunc. 1. ad 2. docet, ita esse intelligendam: Quod substantia est res, cui debetur esse per se, sicut accidentis est ens, cui debetur esse in alio, quia esse actu per se, vel in alio, non est ipse quidditas substantiæ, vel accidentis, quia esse, seu existere, in nulla quidditate creata est intrinsecum prædicatum.* Definimus autem substantiam per ordinem ad subsistere, & non per ordinem ad substat, quia prius ei conuenit subsistere, quod est in ordine ad se, quam substat, quod est in ordine ad sustentanda alia.

17. Hæc perfeititas substantiæ non consistit in sola negatione essendi in alio, sed in ratione positiua. Ratio est, quia negatio ista fundari debet in aliquo positiuo, aliàs esset purum nihil, & non constitueret positium ens, quale est substantia. Et confir-

matur, quia esse per se est perfectius, quam esse in alio: sed esse in alio, est positius modus essendi, scilicet per inhaerentiam, & unionem ad aliud: ergo esse per se non est pura negatio, sed aliquid positium.

18. Hoc autem positium, quod perfeititas dicit, rigorose solum conuenit substantiæ completæ, quia substantiæ completæ debetur per se subsistere, partibus verò conuenit existere in toto, non in seipsis. Ex quo sequitur, quod sola substantia completa in communi, hoc est, abstracta à particularibus substantijs completis, sit supremum genus huius prædicamenti. Nomine autem substantiæ completæ in communi, non intelligo substantiam completam abstractam à creatâ, & increata; hæc enim substantijs nihil potest esse commune vniuersum; sed substantiâ completam creatam, quæ prima diuisione diuiditur in corpoream, & incorpoream; ex qua diuisione resultat secundum genus corporis, quod subdiuiditur in viuens, & non viuens; Et rursus viuens in sensibile, & insensibile; & tandem sensibile, quod est animal, in hominem, equum, & leonem. Et ex his diuisionibus resultat prædicamentum substantiæ, his prædicatis constans, substantia, corpus, viuens, animal, homo, usque ad Petrum.

19. Ex dictis habetur decisio præsentis difficultatis, scilicet supremum genus huius prædicamenti, esse substantiam creatam completam in communi sumptam. Et faciliè suadetur; quia supremum genus prædicamenti est illud, à quo deriuantur genera, & species eiusdem prædicamenti, & ipsum non deriuatur ab alio: sed hæc conditiones habet substantia creata com-

completa in communi sumpta: ergo est supremum genus prædicamenti substantiæ. Probatur minor, quia hæc non deriuatur ab alio prædicato superiori vniuoco, sed immediatè continetur sub ente analogo; Et ab ea deriuantur genera, & species, ex quibus efficitur recta linea prædicamenti, vt ostensum est: ergo.

20. Ad argumentum autem in principio positum, neganda est minor; ad cuius probationem respondetur, quòd substantia sumpta pro completa, & finita, seu creata, dicit vnam rationem vniuocam respectu omnium substantiarum completarum, ex quibus fit prædicamentum, & sic potest esse supremum genus prædicamenti substantiæ. ¶ Ad confirmationem negatur paritas, quia accidens nõ est vniuocum respectu omnium accidentium, sed analogum, & ideo continere non potest determinatum prædicamentum.

21. Dices: Accidens reale sumptum, non vt abstrahit à completo, & incompleto, sed pro accidente completo, est vniuocum: ergo respectu omnium accidentium realium completorum cõstituere potest vnum prædicamentum. Antecedens probatur: Tale accidens non includitur in differentijs, sed se habet vt substantia completa, quæ verè est genus, quia non includitur in differentijs, licet prout abstrahit à completa, & incompleta, genus non sit: Cur ergo similiter accidens completum non erit vniuocum? ¶ Confirmatur, quia accidens completum nõ est transcendens, quia non includitur in differentijs. Non est analogum, quia ratio accidentis est, esse in subiecto: esse autem in subiecto, non solum formaliter, & intrinsecè conuenit

omnibus accidentibus completis, sed etiam æqualiter. Ergo est vniuocum.

22. Propter hoc argumentum aliqui concedunt; accidens esse genus. Et ad inconueniens, quòd nouem prædicamenta non erunt suprema genera, respondent, quòd sunt suprema genera respectiue, non absolute. Sed hæc responsio reiicienda est, quia aliàs omnia genera subalterna possent dici suprema respectiue, nam viuens v. g. in ratione viuents non habet aliud superius, sicut qualitas in ratione qualitatis. Ex quo euidenter sequitur, quòd prædicamenta erunt, vel duo tantum, vel plus quàm decem.

23. Alij verò dicunt, accidens esse vniuocum, non tamen genus; quia genus pertinet ad quidditatem specierum: accidens autem non significat quidditatem accidentium, sed esse eorum in substantia. Hæc etiam responsio reiicienda est, quia nulla sufficiens ratio assignari potest, excludendi vniuocum à ratione generis. Ratio autem adducta, si aliquid probat, probat etiam accidens non esse vniuocum, quia non minus pertinet ad rationem vniuoci, esse de quidditate inferiorum, quàm ad rationem generis: si ergo accidens ideo non est genus, quia non dicit quidditatem accidentium; sequitur eadè ratione non esse vniuocum. Antecedens probatur ex definitione vniuocorum. *Vniuoca enim sunt quorum nomen est commune, ratio verò substantiæ eadem.* Per rationem autem substantiæ intelligunt omnes conceptum quidditatum: ergo repugnat, aliquid esse vniuocum, & non esse de quidditate inferiorum. ¶ Deinde falsum est, quòd accidens non dicat

L

quid-

quidditatem accidentium; nam ens pertinet ad quidditatem etiam particularium, & diuiditur, vt tales in substantiam, & accidens, tanquam in membra opposita; & adæquata: sed substantia dicit quidditatem substantiarum inferiorum: ergo etiam accidens dicit quidditatem inferiorum accidentium.

24. Reiectis igitur his solutionibus, communis responsio negat, accidens esse vniuocum, & consequenter genus. Sed in reddenda ratione non omnes conueniunt: nam aliqui ideo hoc negant, quia inter accidentia realia completa, aliud est absolutum, aliud relatiuum: ab his autem (inquiunt) abstrahi non potest conceptus simpliciter vnus; quia vel conceptus abstractus ab his, est absolutus, vel relatiuus. Non absolutus, quia non conueniret accidenti relatiuo. Nec relatiuus, quia non conueniret inferiori absoluto: ergo nullus abstrahi potest. Hæc tamen ratio mihi non videtur efficax, nam conceptus abstractus neque esset absolutus, neque relatiuus, sed solum esset ratio completa effendi in aliquo aptitudinaliter præscindens ab hoc, quod sit absoluta, vel relatiua.

25. Alij verò negant, quia omnia accidentia dicunt attributionem ad substantiam, & intrinsecam dependentiam ab ea, & ideo non sunt vniuoca, sed analogi. Etiam ratio ista insufficiens est: quia analogia solum reperitur inter significata eiusdem nominis analogi, & non inter significata diuersorum nominum, vt ex definitione analogorum constat: sed nomine accidentis non significatur substantia, sed sola accidentia: ergo attributio, & dependentia inter hæc versari debet, vt efficiat nomen

accidentis analogum, & non sufficit inter illa, & substantiam, non significatam nomine accidentis. Dico igitur (& est vera solutio) attributionem reperiri inter accidentia, quia omnia dicuntur talia in ordine ad quantitatem, ratione cuius inherrent subiecto.

§. II.

De diuisione substantie in primam, & secundam.

26. Aristoteles cap. 3. substantiam directe ponibilem in prædicamento, diuidit in primam, & secundam. Et primam definit esse illam, quæ neque in subiecto est, neque de subiecto dicitur. Secundam verò sic: *Secunda substantia sunt genera, & species, in quibus insunt primæ.* Videndum est in præsentî paragrapho, vtrum substantia hæc prædicamentalis fuerit bene diuisa in primam, & secundam; qualis sit hæc diuisio; Et quis sit sensus prædictarum definitionum.

27. Dico primò, Substantiam prædicamentalem rectè diuidi in primam, & secundam. Hæc conclusio est communis inter Dialecticos; & probatur ratione: quia substantia prima idem est, ac substantia particularis; substantia verò secunda idem ac substantia vniuersalis: atqui substantia directe in prædicamento collocata, alia est particularis, nempe ipsa indiuidua, quæ ponuntur tanquam basis lineæ prædicamentalis; alia verò est vniuersalis, nempe omnes gradus superiores, vt homo, animal; viuens, corpus; substantia: ergo illa diuisio est bona, & adæquata.

28. Dico secundo, Diuisionem substantie sub.

substantiæ in primam, & secundam, esse diuisionem subiecti in accidentia. Probat̃ur nam diuidere substantiam in primam, & secundam, est diuidere illam in particularem, & vniuersalem: atqui diuisio substantiæ in vniuersalem, & particularem, est diuisio subiecti in accidentia: vniuersalitas liquidem, & particularitas accidentaliter adueniunt substantiæ secundum se consideratæ, vt est ens per se subsistens completè, adueniunt, inquam, illi media operatione intellectus concipientis illam, vel vt communem, & vniuersalem, vel vt particularem: ergo, &c. Vnde illa diuisio, substantia alia est vniuersalis, alia particularis, similis est huic, Homo alius est albus, alius niger: nisi quod vniuersalitas, & particularitas sunt accidentia rationis, & secundæ intentiones; albedo autem, & nigrædo sunt accidentia realia.

29. Dico tertio, Sensum definitionis primæ substantiæ esse, quod secunda intentio, à qua substantia constituitur in esse primæ, & particularis, est ratio quare substantia, neque sit in subiecto, neque prædicetur de subiecto. Sensum verò definitionis secundæ substantiæ similiter esse, quod secunda intentio, à qua substantia constituitur in esse secundæ, seu vniuersalis, est ratio quare in secundis substantiis insint primæ: Primæ enim substantiæ continentur in secundis, vt inferiora essentialia in superioribus: quæ potentialiter contingentiam habent ipsa à secunda intentione vniuersalis, non cuiuscumque, sed generis, & speciei: hę enim tantum possunt esse superiora essentialia respectu primarum substantiarum.

30. Contra has conclusiones obij-

cies, primò; Membra diuidentia ita inter se opponuntur, vt vnum non possit prædicari de alio: sed secunda substantia prædicatur de prima, vt cum dico, Petrus est homo, est animal, est viuens, est corpus, est substantia: ergo substantia non bene diuiditur in primam, & secundam. Respondetur quod quamuis vnum membrum formaliter nõ possit prædicari de alio, materialiter tamen potest. Secunda autem substantia formaliter non prædicatur de prima, non enim verum est dicere, *Petrus est substantia secunda*, seu *vniuersalis*: sed tantum materialiter, id est, illud quod denominatur substantia secunda, scilicet animal, viuens, & huiusmodi, prædicatur de prima.

31. Ob. 2. In præfata diuisione id, quod diuiditur in primam, & secundam, est substantia in communi: substantia autem in communi idem est, ac substantia vniuersalis, ac proinde secunda, ergo in præfata diuisione vnum membrum diuidens coincidit cum diuiso. Respond. substantiam in communi, abstractam à prima, & secunda, non esse vniuersalem formaliter, sed tantum materialiter seu fundamentaliter, vt patet ex his, quę diximus agentes de vniuersali; & consequenter in præfata diuisione diuisum non coincidit cum secunda substantia, hæc enim est vniuersalis formaliter, & non fundamentaliter.

32. Ob. 3. Substantia considerata secundum se, & vt præuenit modum essendi particularem, vel vniuersalem, neque est in subiecto, neque dicitur de subiecto: & tamen prout sic non est prima substantia: ergo definitio primæ substantiæ conuenit alijs à de subiecto. Respondetur quod substantiæ secundum se consideratæ,

& vt preuenit particularitatem, & vniuersalitatem, neque conuenit, neque repugnat esse, aut dici de subiecto, sed merè negatiuè, se habet. Ad rationem autem primę substantię necessarium est, quòd hoc positiuè illi repugnet, vt eius definitio explicat.

S. III.

Utrum Deus ponatur in prædicamento substantię?

33. **Q**uamuis ex his, quę dubio precedenti num. 10. diximus, euidenter colligatur, Deum, qui est infinitus simpliciter, & in omni genere entis, non pertinere ad hoc, vel aliud prædicamentum, placuit tamen difficultatem hanc specialiter discutere, quia plures eum in hoc prædicamento esse affirmant. Quorum fundamentum est: quia id ponitur in hoc prædicamento, cui conuenit definitio substantię prædicamentalis: atqui definitio illa conuenit Deo: ergo Deus ponitur in hoc prædicamento. Probatur minor: substantia prædicamentalis definitur, *ens per se completè subsistens*: sed Deus est ens per se completè subsistens: ergo Deo conuenit definitio substantię prædicamentalis. Confirmatur quia si aliquid obstatet, quo minus Deus esset in hoc prædicamento, maximè esse substantiam infinitam: sed hoc non obstat: ergo nihil. Probatur minor, esse aliquid infinitum non obstat quo minus sit in alijs prædicamentis; & si daretur linea infinita, esset in prædicamento quantitatis; & si daretur calor infinitè perfectus secundum intensionem, esset in prædicamento qualitatis: ergo etiam si

Deus sit substantia infinita, poterit esse in prædicamento substantię.

34. Dicendum tamen est, Deum neque in hoc, neque in quocumque alio prædicamento collocari posse. Ita tenet S. Thom. 1. p. q. 3. art. 5. & lib. 1. cont. gent. cap. 25. & communiter DD. Probatur primò, quia omne, quod est sub aliquo genere, vel est indiuiduum, vel species aut subalterna aut athoma: sed Deus neutro modo potest esse in prædicamento: ergo nullo modo in eo collocatur. Probatur minor, Deus non est species subalterna, quia non continet sub se alias species: neque athoma, quia non continet indiuidua: non enim dantur plures Dii specie, aut numero differentes. Item Deus in prædicamento non potest esse indiuiduum, quia omne indiuiduum in ratione speciei essentialiter conuenit cum alijs: Deus autem cum nulla re creata hoc modo conuenire potest; alioqui diceretur eiusdę speciei cum aliqua creatura: & solo numero ab ea differre: quod est absurdum: ergo Deus nullo modo potest esse in prædicamento.

35. Probatur secundò, quia si Deus in aliquo prædicamento esse collocandus, maximè in prædicamento substantię, vel relationis: atqui in his non potest collocari: ergo sub nullo: Probatur minor; & primò de prædicamento relationis. Quia prædicamēta accidentium necessariò postulant, vt in ipsis non collocentur, nisi vera, & realia accidentia; sicut imprædicamento substantię non collocatur, nisi vera, & realis substantia: ergo non potest in prædicamento relationis, quod est vnum ex nouem accidentibus, collocari nisi relatio, quę sit accedens: sed

sed relatio; quæ est in Deo, non est accidens, sed vera substantia: ergo Deus, seu diuina relatio non potest collocari in prædicamento relationis. Quodd autem neque collocari possit in prædicamento substantiæ, probatur: quia nullaratio substantiæ dari potest vniocè communis Deo, & creaturis propter intrinsecam dependentiam, & attributionem, quæ creaturæ habent ad Deum: sed in prædicamento substantiæ solum ponitur ratio substantiæ vniocæ, & non analogæ: ergo Deus non pertinet ad prædicamentum substantiæ.

36. Probatur tertio, ratione S. Th. quia quod est in aliquo prædicamento constat genere, & differentia: sed Deus non constat genere, & differentia: ergo in nullo prædicamento collocari potest. Maior patet ex dictis in dubio præcedenti. Minor verò probatur: quod constat genere, & differentia, componitur ex actu, & potentia, quia ratio generis sumitur à potentia, & ratio differentiæ ab actu: sed in Deo non est aliquid vt potentia, & aliquid vt actus: ergo ex genere, differentia constitui non potest.

37. Hanc rationem S. Thomæ Gabriel Vasquez tom. 1. in primam partem disp. 22. cap. 3. infirmam esse dicit, eamque sic impugnât. Si repugnaret in Deo esse aliquid per modum potentæ, ex quo sumeretur genus, & aliquid per modum actus, ex quo sumeretur differentia, idè esset, quia sequeretur Deum non esse simplicem, sed reipsa compositum ex actu, & potentia: atqui hoc nulla ratione sequitur, si dicamus compositionem generis, & differentiæ, esse solum per rationem nostram. Sicut enim nullum est ab-

surdum, quodd intellectus noster in simplicissima entitate Dei plura distinguat attributa: ita nullum videtur inconueniens, quodd in ea concipiat plura tanquam componentia, quorum alterum per modum potentæ, alterum per modum actus intelligatur.

38. Verum hæc impugnatio nullius momenti est, & facile rejicitur: siquidem genus nõ potest esse actus purus, sic enim non esset determinabilis, & contrahibilis per differentias, quia actus purus dicit vltimam actualitatem: sed quidquid concipitur in Deo, debet concipi vt actus purus, aliàs non concipitur vt Deus: ergo omnino repugnat, quodd in Deo concipiatur aliquid vt genus. Confirmatur, quia illud, quod P. Vasquez concipit in Deo vt genus, debet esse commune Deo, & creaturis: sed in creaturis non inuenitur aliquid, quod habeat rationem actus puri: ergo illud in se non est actus purus. Si autem in se non est actus purus, non potest concipi in Deo, quia repugnat concipi in Deo aliquid, quod in suo conceptu exprimit imperfectionem. ¶ Ad illud autem, quod P. Vasquez dicit de attributis, respondeo quodd quando in Deo concipitur aliquid attributum, concipitur vt actus purus, infinitus, & excludens omnem potentialitatem, etiam vt subest tali conceptui: quia distinctio attributorum in diuinis non fit per exclusionem vnius ab alio, sed per conceptum implicitum, vel explicatum: vnde talis distinctio non opponitur compositioni, sed perfectæ explicationi eiusdem simplicissimæ rei, vt latè dicemus tom. 1. Theologiæ, tract. 1. de attributis.

39. Ad

39 Ad fundamentum oppositæ sententiæ negatur minor; & ad probationem dico, quodd substantia prædicamentalis est ens per se subsistens aptitudinaliter, non actualiter; sola enim aptitudo ad subsistendum, & non actualis subsistentia est de essentia substantiæ prædicamentalis: Deus verò est ens per se subsistens actualiter, & non aptitudinaliter, quia essentialiter est suum existere.

¶ Ad confirmationem autem concessa maiori, distinguenda est minor; quia *esse aliquid infinitum*, dupliciter intelligi potest, aut secundum essentiam, aut secundum aliquam rationem accidentalem extensionis, aut intensionis. Et infinitum primo modo, non potest esse in aliquo prædicamento, ideoque Deus excluditur à prædicamento, quia est ens infinitum secundum essentiam. Infinitum secundo modo ad prædicamentum pertinere potest, quia licet sit infinitum secundum rationem accidentalem; finitum tamen est secundum essentiam, per quâ in prædicamento collocari debet, & non ratione accidentis. Et talis esset linea infinita si daretur, aut calor infinitus secundum intensiorem: nam linea finitam haberet essentiam quantitatis continuæ, & calor etiam finitam essentiam qualitatis; licet illa haberet infinitam extensionem longitudinis accidentalem, & calor infinitam intensiorem gradualem, vel radicalem: quæ accidentia infinita non obstant, quominus in suis prædicamentis collocarentur. Et huius ratio est, quia prædicamenta constituuntur ex rebus essentialibus, non ex earum accidentibus.

§. III. *Utrum Angeli ponantur in prædicamento substantiæ?*

40. **N**egant aliqui, quorum opinio probari potest primo testimonio Aristotelis 10. met. text. 30. ubi præter primum principium, quod est Deus, ponit quasdam alias substantias, quas vocat intelligentias, ad mouendum corpora celestia. Et has dicit, esse actus puros, ac sempiternos: substantia autem, quæ est actus purus, nihil habet potentie, à qua desumitur genus: Ea verò quæ non habent genus, non possunt habere speciem, nec prædicamentum; quia species componitur ex genere & differentia, & prædicamentum fit ex generibus, & speciebus. ¶ Deinde probatur ratione: quia compositio metaphysica generis & differentie desumitur ex compositione physica ex materia, & forma: Angeli autem physice non sunt compositi ex materia, & forma: ergo nequæ metaphysice ex genere, & differentia; ac proinde in prædicamento collocari non possunt.

41. Dicendum tamen est, Angelos non esse actus puros, componi ex genere, & differentia, & per se collocari in prædicamento substantiæ. Probatur conclusio; nam in rebus materialibus duplex compositio realis reperitur. Prima ex materia, & forma, ex quibus naturæ earum componitur, ut natura humana ex anima, & corpore. Secunda ex natura, & esse, seu subsistentia, per quam constituitur suppositum, seu persona: unde natura respectu huius posterioris compositionis

nis

nis habet rationem potentiz, & esse seu subsistentia rationem actus. In Angelis autem licet non reperitur prima compositio, quia carent materia, reperitur tamen secunda, quia non sunt essentialiter per se subsistentes; Hoc enim est proprium solius Dei; & sic in Angelis reperitur compositio ex actu, & potentia: ergo intellectus potest ab eis sumere rationem generis, & rationem differentiz ex quibus componitur species: ergo in Angelis est compositio ex genere, & differentia, & consequenter species: ac proinde sunt in predicamento, quia predicamentum componitur ex generibus, & speciebus.

42. Ad testimonium autem respondendo, quod idem intelligentiz ab Aristotele vocatur actus, quia carent materia: ex quo sequitur esse sempiternas, quia in se non habent principium corruptionis. Non tamen vocantur actus puri, nec sunt huiusmodi, cum non excludant omnem potentialitatem, ut ostensum est. Ad argumentum neganda est maior, nam compositio ex genere, & differentia desumitur ex compositione ex actu, & potentia: hæc autem compositio universalior est compositione ex materia, & forma,

De proprietatibus substantiæ.

43. Inter proprietates substantiæ quatuor sunt sequi digniores. Prima est, quod substantia non sit in subiecto. Quia, si proprietates conveniant primæ, quam secundæ substantiæ, neutra eum esse potest in subiecto unionis, de quo hic loquimur, siquid in hoc differt substantia

ut sic ab accidente: quamvis secundæ substantiæ sint in prima tanquam in subiecto prædicationis, quandoquidem gradus superiores, substantia, corpus, vivens, & alij, qui secundæ substantiæ appellantur, de individuis, que sunt, & dicuntur substantiæ primæ, enunciantur.

44. Secunda est, quod substantia non habeat contrarium, intellige, propriè dictum. Ratio est: quia contraria sunt, quæ sub eodem genere maximè distant, & ab eodem subiecto mutuo se expellunt, ut calor, & frigus ab aqua: substantia autem non est in subiecto, ut ab eo expelli queat, sed per se subsistit: ergo non potest dici propriè habere contrarium, sed impropriè, quatenus una destruit aliam, ut aqua ignem, medijs qualitibus, quæ solæ sunt propriè contrariæ.

45. Tertia proprietas est, quod non suscipiat magis, & minus. Nam quamvis una substantia sit perfectior altera; eadem tamen non perficitur secundum essentiam, ita ut Petrus v. g. modò sit minus homo, & postea magis homo. Qualitates verò, quæ suscipiunt magis, & minus, non solum inveniuntur secundum magis, & minus in diversis subiectis, sed etiam in eodem. Et quamvis de facto aliqua ex his qualitibus in eodem subiecto non intendatur, aut remittantur, hoc tamen illis non repugnat, sicut repugnat substantiæ.

46. Quarta denique proprietas est, quia substantia sit susceptiva contrariorum. Suscipere autem contraria stat dupliciter: uno modo tanquam subiectum, & hoc convenit superfici, seu quantitatibus. Alio modo tanquam subiectum quod,

& hoc est proprium substantiæ: superficies enim non susciperet albedinem, vel nigredinem, nisi quia substantia sustentat illam. Recipiuntur tamen huiusmodi accidentia mediante quantitate. Quod si in Eucharistia quantitas per se sola recipit accidentia, & habet modum subiecti quod, idem est, quia ibi quantitas virtute diuina habet modum substantiæ.

47. Dices: Cæli & Angeli sunt substantia: & tamen non suscipiunt contraria, aliās essent alterabilia, quod est falsum, cum Angeli non habeant materiam, & cæli non habeant materiam, quæ sit in potentia ad alias formas: ergo non omnis substantia suscipit contraria. ¶ Respondetur negando minorem; nam etiam cæli suscipiunt contraria, non quidem corruptiua sui, sed contrarios motus locales, & contraria loca; & Angeli etiam contrarios actus, & diuersas sententias, & spirituales affectus suscipiunt, licet non contraria physica, id est, deseruientia ad generationem, & corruptionem substantiæ.

DVBIVM TERTIVM.

De Predicamento quantitatis.

Aristoteles statim post substantiam agit de quantitate, quia in ratione substanciandi quantitas plus imitatur substantiam, quam alia accidentia, & magis participat de ratione subiecti: quem ordinem nos etiam sequimur, & sic in hoc dubio essentiam, & species quantitatis, quas ipse Aristoteles statuit, explicabimus.

S. I.

Utrum quantitas distinguatur à substantia?

48. **N**egant Nominales apud Suarez rem disp. 40. sect. 2. asserentes, eandem rem esse substantiam, & quantitatem: substantiam quidem, secundum quod substantia accidentibus; quantitatem verò, secundum quod habet partes extra partes. Et idem proportionabiliter dicunt de alijs accidentibus corporeis, quod scilicet quantitas non distinguitur ab eis, sed vnumquodque per ipsum est quantum. ¶ Fundamentum huius sententiæ est: quia rerum distinctio introducenda non est, sine aliqua necessitate: nulla autem est necessitas ponendi quantitatem distinctam realiter à substantia: nam hoc ipso, quod res intelligitur habere partes extra partes in ordine ad locum, intelligitur quanta: sed substantia materialis habet partes entitativas, quarum vna est extra entitatem alterius, nec potest esse extra entitatem alterius, nisi sit extra locum illius: ergo nulla est necessitas in substantia ponendi quantitatem distinctam. ¶ Confirmatur, quia si quantitas est res distincta à substantia: ergo poterit Deus eas separare, & substantiam materialem sine illa quantitate conseruare: sed substantia sic conseruata, esset quantitas: ergo impossibile est, quantitatem esse rem distinctam à tali substantia. Probat minor, substantia illa haberet distinctionem partium, quia non possunt, quæ distincta erant, in vnam simplicem entitatem coalescere: haberet etiam localem situm.

situm earundem partium, quia quæ in entitate distinguuntur sunt, vel saltem possunt, in diversis locis constitui: ergo haberet totum id, quod reddit rem quantam. Hanc sententiam Nominaliū ex modernis ut magis probabilem amplectitur Arriaga disp. 5. met. sect. 1. num. 10. & idem fundamentum adducit de non necessitate talis distinctionis, & nullum aliud.

49. Opposita tamen, quæ communis est inter DD. presertim Theologos, tenenda est: cuius precipua ratio desumitur ex mysterio Eucharistiæ, in quo Deus separavit quantitatem à substantiis panis, & vini, conservans illam, & has convertens in corpus, & sanguinem Christi: id autem fieri non potuisset, nisi quantitas ex natura rei distinguere-
tur à substantia.

50. Respondent Nominales; in mysterio Eucharistiæ periisse quantitatem panis si nullo cum substantia, ut potè idem realiter cum ipsa; manere tamen quantitatem coloris, saporis, & aliorum accidentium, quæ realiter distinguebantur à substantia.

51. Hæc responsio, quia saluat veritatem transubstantiationis, non est heretica, tamen quia est contra communem sensum Theologorum, qui censent manere post consecrationem quantitatem substantiæ panis, imò & illam esse subiectum aliorum accidentium ibi manentium, ideo non caret aliqua temeritate. Et impugnari potest primò, quia transubstantiatio, quam Concilia, & Patres ponunt in Eucharistia, est conversio totius substantiæ panis in totam substantiam Christi Domini, manentibus eisdem accidentibus, ut

sumitur ex Concilio Lateranensi sub Innocentio III. cap. 1. & Tridentino sess. 13. can. 2. sed quantitas panis est verum accedens, vnum ex novem prædicamentis: ergo quantitas panis etiam manere debet post consecrationem. ¶ Secundò, quia si accidentia Eucharistiæ non virentur in quantitate panis tanquam in cò-
muni subiecto, nullo modo virentur, nullamque haberent colligationem: siquidem accidentia ista non comparantur inter se tanquàm actus, & potentia, neque fingi potest alius modus unionis, nisi secundum quod eidem còmuni subiecto insunt; quod nullum aliud esse potest, nisi quantitas panis: ergo verè subieciuntur in illa: ac proinde quantitas panis realiter separatur, & distinguitur à substantia panis. ¶ Et tercio, quia hostia consecrata ita est quantitas, & extensa in suo loco, ut naturaliter non possit in eodem simul esse, aut penetrari cum alia hostia consecrata: hoc autem provenire non potest ex sola quantitate albedinis, vel aliarum qualitatū, quia qualitates cum sua propria, & entitativa extensione (ut sic dicam) penetrabiles sunt, tam inter se, quàm cum quacumque quantitate substantiæ panis, simul enim cum illa erant in eodem lieu: ergo eadem ratione sunt penetrabiles cum quibuscumque alijs qualitatibus, si nihil aliud est: sed experientia videmus, species consecratas ex se repugnare simul esse in eodem loco cum alijs speciebus consecratis: ergo fatendum est, manere in illis aliquid, per quod natura sua repugnant penetrationi. Hoc autem nil aliud esse potest, nisi quantitas panis: ergo hæc manet post consecrationem.

52. Ad fundamentum contrariæ sententiæ respondetur, negando minorem, & ad probationem dico substantiam materiale habere quidem partes entitativas, sed sine quantitate esse penetratas ad invicem, & in confuso manere, nec esse in loco, quia ratio formalis, per quam relinquitur in loco circumscriptivo est quantitas, ut dicemus lib. 3. phys. disp. 18. unde sicut implicat, dari effectum formalem sine forma, sic implicat, rem aliquam esse in loco circumscriptivo sine quantitate. ¶ Ad confirmationem admissio casu, nego substantiam illam tunc fore quantam, quia licet tunc habere partes, non tamen ordinatas, ordinantur autem à quantitate, ut dicā sequenti §. & ideo partes illæ non sufficiunt ut reddant substantiam quantam.

§. II. De quantitate.
In quo consistat ratio formalis, & essentia quantitatis.

33. **S**uper hac difficultate quot capitā, tot sententiæ. Alij enim volunt, essentiam quantitatis consistere in ratione mensuræ. Alij in divisibilitate. Alij in impenetrabilitate, seu repugnantia, quam substantia corporea habet, ut sit in eodem loco cum alia. Et alij in extensione partium. Quænam ex his sententijs vera sit, & tenenda, explico in sequentibus conclusionibus.

34. Dico igitur primò, essentia quantitatis non consistere in ratione mensuræ, neque in divisibilitate, neque in impenetrabilitate. Prima pars probatur; quia vel per mensuram intelligimus aptitudinem, quā

tribuit quantitas subiecto, ut assuevit ad mensurandas alias res, quæ solet appellari mensura æstiva: vel aptitudinem, ut passivè mensuretur. (nam æstivè mensurare, aut mēsurari, evidens est, non esse essentiam quantitatis) sed in neutra aptitudine potest consistere essentia quantitatis: ergo &c. Probatur minor, quia utraque aptitudo supponit extensionem partium, & oritur ex ea: ideo enim aliquod quantum potest mensurare alia, aut mensurari ab alio; quia habet partes: ergo prius est, habere partes, quàm habere talem aptitudinem. Cum ergo essentia sit omnium primum, planè sequitur, in neutra aptitudine posse consistere essentiam quantitatis.

35. Per quod etiam probatur secunda pars conclusionis: quia aptitudo, quam res quanta habet, ut dividatur, necessariò supponit extensionem partium: nam ideo linea potest dividi in partes, quia habet partes; & non è contra: ergo habere partes prius est, quàm potentia proxima ad divisionem: & sic in ea essentia quantitatis consistere non potest.

36. Dices: saltem divisibilitas radicalis, aut mensurabilitas radicalis erit essentia quantitatis; hæc enim non præsupponit aliquid prius. ¶ Respondetur. Huc esse verum, nam ipsa extensio in rei veritate est radicaliter divisibilitas, aut mensurabilitas; siquidem est radix unde oriuntur divisibilitas, & mensurabilitas proximæ: adhuc tamen non explicatur sufficienter essentia quantitatis per hos terminos. Sicut si quis diceret, risibilitatem radicalem esse essentiam hominis, in re quidem nihil

falsum

falsum diceret, siquidem radix rationalitatis est ipsa rationalitas. Ceterum in insufficientes, & confusè explicaret tunc essentiam hominis, quia non dum exprimeretur, quid esset illud, à quo tanquam à radice, oriatur rationalitas. Idem contingit in presenti, ut patet.

57. Probatur denique tertia pars conclusionis. Tum quia impenetrabilitas necessario supponit extensionem in ordine ad locum. Tum etiam quia potest à quantitate separari, ut de facto contingit in natiuitate Christi Domini, & quando ad Discipulos intravit, ianuis clausis, tunc enim quantitas Christi Domini mansit penetrabilis, ut communiter docent DD. contra Durandū.

58. Dico secundò, extensionem partium esse rationem formalem, & essentiam quantitatis. Ita Thomistę omnes, & alij plures. Probatur, quia illud est ratio formalis, & essentia alicuius, in quo tandem resolvuntur omnes illius proprietates: sed omnes proprietates quantitatis ultimò resolvuntur in extensionem partium; ergo in illa consistit essentia eius. Probatur minor, quia idem quantitas potest esse aequalis, vel inæqualis, quia est extensa: idem potest mensurari, vel mensurare, quia in se habet extensionem: idem est diuisibilis in partes, quia habet illas extensas. Non tamen valet è contra: neque est assignabilis alia ratio prior, quare quantitas sit in se extensa, nisi quia est quantitas. Ergo extensio est eius essentia.

59. Pro intelligentia huius conclusionis noto, quòd extensio est duplex. Alia in ordine ad locum, quando scilicet una pars actu est extra locum alterius; ut in nobis nunc ma-

nus non solù est extra entitatem capitis, sed etià extra locum eius, cù actu correspondeat diverso spatio. Alia est extensio in ordine ad se, quòd scilicet una pars est extraliam, ita ut secundum se non sint permixtae, & confusae, sed coput immediate vniantur collo, collum pectori, & sic de alijs. Quod potest contingere, etiam si tales partes correspondeant eidem loco: ut patet in Eucharistia, ubi Christus Dominus verè habet extensionem hanc in ordine ad se: quia partes eius non sunt confusae, ita ut caput sicut est vnitum collo, ita sit vnitum pedibus; sed verè seruant inter se ordinem, & una est extra entitatem alterius: actu tamen non sunt extensae in ordine ad locum, quia omnes indiuisibili spatio correspondent. & idem totus Christus in qualibet parte hostiae continetur.

60. Conclusio autem non intelligitur de extensione partium in ordine ad locum, nam ut dictum est, Christus Dominus in Eucharistia habet quantitatem, & non huiusmodi extensionem; sed in ordine ad se, hæc enim ordinat partes substantiæ, quæ sine quantitate confusae, & permixtae sunt. Itaque substantia habet quidem partes, sed sine quantitate penetratas, & se totis vnitas, quod est non habere partes extra partes: & quantitas eas ordinat, reddit impenetratas, & vnã extra aliam. Et iste effectus est primarius, & formalis quantitatis: ex quo sequitur tanquam effectus secundarius quòd tales partes sic ordinatae, & extensae in ordine ad se, extendantur in ordine ad locum; & propterea extensio ista partium in ordine ad se appellari etià solet extensio localis radicaliter.

61. Dices contra hanc doctrinā: si Deus auferret quantitatem à substantia; conservando illam sine quantitate; partes huius substantiæ essent ordinatæ, & una extra entitatem alterius, cum non sit maior ratio, quare tota illa substantia confluat ad unam partem potius, quàm ad aliam: ergo ordinatio, & extremitas partium in ordine ad se, non est formalis, & primarius effectus quantitatis. ¶ Respondetur negando antecedens; id ad probationem dico, quod tota illa substantia non conflueret ad unam partem potius, quàm ad aliam, sed omnes partes eius permiscerentur, & penetrarentur ad invicem, ad eum modum (proportione versata) quo materia permiscitur formæ, & forma materiæ, & confunduntur simul.

§ III.

De speciebus quantitatis continuæ.

62. **D**ividitur quantitas in continuam, & discretam, & sub qualibet ex his Aristoteles plures constituit species. Videndum igitur est, an omnes ille sint veræ, & propriæ species quantitatis. Et incipiendo à linea, superficie, & corpore, dico esse veras species quantitatis continuæ: Ratio est: quia linea, superficies, & corpus sunt intrinsecè, & essentialiter quantitates: & unaquæque habet propriam extensionem, essentialiter ab alia distinctam, siquidem partes uniuscuiusque exposcunt diversa continuativa, ut copulentur; nam partes linee copulantur punctis, partes superficiiei lineis, & partes corporis superficiebus: ergo sunt veræ species quantitatis continuæ.

63. Dices: Punctum, quia ordinatur essentialiter ad lineam, propriè non est species quantitatis: ergo similiter quia linea ordinatur essentialiter ad superficiem, & superficies ad corpus; linea, & superficies non erunt veræ species quantitatis. ¶ Confirmatur una species non includitur in alia: sed linea, & superficies includuntur in corpore: ergo linea, & superficies verè non sunt species quantitatis.

64. Respondetur ad argumentum negando præmissam, & disparitas consistit in hoc, quod punctum secundum omnem considerationem, & versus omnem partem est quid indivisibile, & inextensum, & ita secundum nullam rationem potest esse species quantitatis. At verò linea & linea est, & idem proportionabiliter est de superficie, potest considerari dupliciter. Primum versus longitudinem, quo modo habet veram, & propriam extensionem, & est indivisibilis in partes, neque formaliter prout sic ordinatur ad superficiem, ac proinde est quid completum, & veræ species quantitatis. Secundum versus latitudinem: & hoc modo linea est indivisibilis, ordinaturque ad vniendas partes superficiem, sicut punctum ad vniendas partes linee: & per consequens prout sic, neque est species quantitatis, neque quantitas, sed continuativum quantitatis. ¶ Ad confirmationem dico, quod corpus materialiter tantum includit lineam, & superficiem, quod non tollit esse veras species quantitatis continuæ. Sicut à simili contingit in quantitate discretæ; quaternarius enim includit ternarium, non formaliter ut ternarius est, sed materialiter ratione trium unitatum, &

ideo

1 deo est vera species numeri. 65. Loquendo verò de loco, motu, & tempore, dico secundò, nullum ex his esse veram speciem quantitatibus. Et licet Philosophus hic locutus, & tempus numeraverit inter species quantitates; ea tamen reiecit 5. met. apud 11. Th. lect. 5. motum verò neque hic, neque in metaphysica collocat inter species quantitates.

66. Probatur autem conclusio, quoad singulas partes. Et quoad primam de loco, communis est, & facile suaderetur, quia locus nihil aliud est, quam superficies ultima corporis continentis; & addit super eam, hoc quod est ambire, & continere corpus locatum; & relationem tantę distantię ad centrum terrę, vel polos mundi hæc autem præter superficiem, non sunt quantitas; ergo locus vel non est species distincta à superficie, vel non est quantitas. Quoad secundam verò de motu, conclusio etiam communis est, & ex se patet, quia motus cum sit via, & fieri termini, reducitur ad genus seu prædicamentum sui termini: ergo non potest esse species quantitates. Probatur consequentia, tum quia non omnis motus terminatur ad quantitatem, sed tantum motus augmentationis, non verò localis aut intentionis. Tum etiam quia ille, qui terminatur ad quantitatem non constituitur in specie distincta sui termini, sed reducitur ad illam. Ex quo probata manet tertia pars conclusionis, quia tempus non est aliud, quam duratio motus: ergo si motus non est per se quantus, nec tempus erit per se quantum; & consequenter nec propriam speciem quantitates constituet. Contra hæc conclusionem aliqua argumenta obijci

solent, quæ quia facilis solutionis sunt, relinquo; videri tamen possunt apud Suarez tom. 2. met. disput. 40. lect. 7. 8. & 9. & Joannem à S. Th. q. 16. log. art. 3. §. Ex dictis sequitur, tres tantum esse veras species quantitates continuas, scilicet lineam, superficiem, & corpus.

§. IV.

De speciebus quantitates discretas.

67. Explicatis speciebus quantitatibus continuas, eodem ordine examinandæ sunt duę alię, quas Aristoteles in præsentia constituit sub quantitate discretæ, scilicet numerus, & oratio. Et incipiendo à numero, suppono distinctionem numeri numerantis, & numeri numerati. Numerus numerans dicitur ille, qui est ratio numerandi in intellectu, verò duo, tria, quatuor, &c. Quæ sunt rationis, quibus omnem rem numeramus. Numerus verò numeratus sunt res ipsæ, quæ huic numerationi subijciuntur. Ille autem numerus sumi potest, & generaliter pro omni multitudine, quęcumque sit, & specialiter pro multitudine quantitatibus: & de hæc tantum est difficultas, verum sit ens per se, & constituat speciem aliquam quantitates; nam de priori, quę constat rebus aliorum prædicamentorum, certum est, eam non constituere, cum non pertineat ad hoc prædicamentum. 68. Prima conclusio. Numerus, qui componitur ex unitatibus quantitatibus, est vera, & propria species quantitates. Hæc conclusio non potest negari in doctrina Aristotelis, qui non solum hic in prædicamentis, sed etiam in 5. met. ubi solum nume-

numeravit species quantitatis per se, pro fuit numerum inter illas. Nec in doctrina S. Th. qui pluribus in locis affirmat, numerum quantitativum esse ens per se, & poni in predicamento quantitatis ut veram speciem ipsius. Ita 4. met. lect. 2. & 3. met. lect. 13 & 1. dist. 24. q. 1. art. 3. & q. 9. de potent. art. 7 & 1. p. q. 11. art. 1. ad 1. & quodlib. 12. art. 1. vñ. de est communis inter eius discipulos.

62. Probatur primò, quia illa est vera, & propria species quantitatis, de qua ipsa quantitas, quæ est supremum genus huius predicamenti, essentialiter enunciat: sed enunciat essentialiter de numero quantitativo: ergo numerus quantitativus est vera, & propria species quantitatis. Maior est evidens; minor verò probatur; quia de ratione quantitatis ut sic, quæ est supremum genus huius predicamenti, est habere partes extensas, abstrahendo ab hoc quòd huiusmodi partes sint unius termino communi; vel non: sed numerus quantitativus habet suas partes nempe discretas, extensas, licet non unitas termino communi, in quo differt à quantitate continua: ergo quantitas, quæ est supremum genus huius predicamenti, de numero quantitativo enunciat essentialiter. ¶ Probatur secundò, quia numerus quantitativus habet mensurare partes continui, & eius extensionem per rationem equalis, & inequalis, paris, & imparis. quæ sunt proprietates quantitatis: sed hanc mensurationem non habet à quantitate continua: quia mensuratio propria illius est dicere, istius verò continua: ergo numerus quantitativus est species quantitatis distincta à quantitate continua. ¶

Probatur tertio, quia obiectum scientiæ debet esse ens per se, eos enim per accidens non potest esse per se scibile: sed numerus quantitativus est obiectum proprium Arithmetice; Arithmetica enim nō habet aliud obiectum, quàm numerum, seu quantitatem discretam: ergo numerus quantitativus est ens per se, & sic non repugnabit poni inter species quantitatis.

70. Secunda conclusio. Id, quod numerus redditur vñ per se, non est ipsa multitudo unitatum, vel earum aggregatio; sed vñ unitas, quatenus sub illa ordinantur plures unitates. Hæc conclusio est expressa S. Th. 8. met. lect. 3. vbi de forma constituyente specificam unitatem numeri sic loquitur: *Est vñ per se numerus, in quantum ultima unitas dat numero speciem, & unitatem*. Ratio autem est: quia ut docet idem S. Doctor 7. met. lect. ult. super textum. 50. Ea sunt vñ simpliciter, quæ sumunt speciem ab vno, siue illud sit forma, siue compositio, siue ordo: ergo numerus sumit unitatem per se ex eo quòd omnes unitates, quæ includuntur ordinantur sub vna vltima, quæ terminat omnes illas. Nec est necesse quòd omnia vñ simpliciter, eodem modo sint talia, in eis enim dantur diversi gradus, nam perfectiori modo est vñ Angelus, & Cælum, qui nullam varietatem recipiunt, quàm animalia, quæ continuo incremento, & decremento transeunt, & quàm fluvijs, qui nec in materia, nec in forma est idem, sed solum ratione loci, per quem sunt: & tamen hæc omnia dicuntur vñ simpliciter.

71. Dies: in numero v. g. quaternario quælibet unitas potest esse vñ-

ultima: ergo quoddam hæc, vel illa, solūm dependet ex designatione intellectus numerantis; quod est esse aliquid rationis. *5.* Respond. quod in numero datur in re ultima unitas secundum determinationem; & designationem formalem, non materiale, id est, quoad effectum terminandi. & claudendi unitates, nec enim quaternarius transit ultra quatuor unitates, aliis quaternarius non esset, & iste effectus in re datur; quod verò proveniat determinatè ab ista unitate; vel ab illa, materialiter, & accidentaliter se habet, quolibet enim habilis est, & capax, ut ab illa proveniat. Itaque aliud est, esse ultimam quoad designationem, aliud quoad effectum terminationis; hoc secundum datur in re; primum verò potest dependere ab actu designationis intellectus, sed ad constitutionem ipsam numeri per accidens, & materialiter se habet. Et multa sunt in rebus, quæ hoc genere difficultatis laborant, ut formalitas aliqua inveniatur in re, & eius effectus, & tamen materialis designatio subiecti, seu partis, in qua est illa formalitas, dependeat ab intellectu, v. g. in circulo, qui est finitus, & determinatè quantitatis, necessariò datur principium, medium, & finis, aliis quantitas non esset finita, & tamē in quolibet parte designari potest ratio principij, aut medij, aut finis, quod ex natura rei designatum non est. Et similiter punctum in medio lineæ est finis unius partis, & initium alterius, & tamen quod respectu huius partis determinatè, vel alterius sit principium, vel sit finis, dependet à designatione intellectus, & materialiter se habet. Idē est in casu nostro de unitatibus quantitativis numeri.

72. Contrariam sententiam tenent Fonseca 3. met. cap. 7. quest. 5. sect. 2. Suarez disp. 41. met. sect. 1. Vasquez i. p. disp. 26. cap. 3. Conimbricenses hic q. 2. art. 1. & alij; quorum fundamentum est, quia putant numerum quantitativum non esse unum per se, sed unum per accidens; quod autem est unum per accidens, non potest esse species quantitatis. Assumptum probant *primò*, quia ex pluribus entibus in actu non fit unum per se, ut est commune axiomat; ideo enim album dicitur ens per accidens, quia constat ex pluribus entibus in actu, etiam si uniantur ut subiectum, & forma; multò magis, quàm unitates in numero: ergo à fortiori numerus est ens per accidens, quia constat ex unitatibus divisis, & in actu. *Secundò*, quia non possunt plura in unum coalescere nisi, vel unitate, vel unione; inter unitates numeri non est unio, cum sint separatae, & discontinuæ, multò minus unitas: ergo non est unum per se. Et *tertiò*, quia unitas opponitur multitudini, eaque destruitur, numerus autem est quædam multitudo: quomodo ergo est unum? *5.*

73. Respondetur *ad primum* quod ex pluribus entibus in actu non fit unum per se unitate formæ, bene tamen unitate ordinis, & mensuræ, sicut fit ex pluribus entibus in actu unum artificatum, & unum sacramentum, & unum convivium; habent enim ista unitatem per se, quatenus opponitur unitati per accidens, quæ sumitur à multitudine, & non ab aliquo uno, siue formæ, siue compositionis, siue ordinis, ut diximus ex D. Th. 7. met. lect. ultima. *Ad secundum* dico, modòs unitatis, & unionis esse varios, scilicet formæ, vel com-

compositionis, vel ordinis: numerus autem non habet vñionem, neque vñitatem formæ, vel continuationis, aut compositionis, sed ordinis quantitativæ, sub vña vltima vñitate. Per quod patet *ad tertium*, nam vñitas continuationis, & formæ opponitur multitudini, non vñitas ordinis, qualis invenitur in numero. Et hæc de numero sufficient, plura alia videri possunt in Ioanne à S. Th. hic q. 16. art. 2.

74. De oratione autem communis sententia docet, non esse veram speciem quantitatis. Ratio est: quia in illa nihil est, quod possit habere rationem quantitatis, nisi extensio seu duratio cuiuslibet syllabæ, ratio. ne cuius dicitur longa, vel brevis apud Grammaticos: atqui talis duratio longa, vel brevis prolationis syllabæ non sufficit, vt oratio dicatur species quantitatis: ergo &c. Probat minor, duratio illa, seu mola, quæ consumitur in prolatione cuiuslibet syllabæ; nihil aliud est, quàm tempus ipsius intrinsecum: ergo cum tempus non constituat speciem quantitatis, vt §. præc. vidimus, nec etiam duratio illa discretæ syllabarum eam constituet.

75. Circa proprietates quantitatis, tres enumerantur: *Prima* est, quòd non habeat contrarium: & hæc convenit omni, sed non soli, competit enim substantiæ, vt supra vidimus. *Secunda*, quòd non suscipiat magis, & minus: nam eadem quantitas non dicitur modò magis, modò minùs quantitas; quamvis dicatur, & sit modò maior, modò minor; ad quod sufficit, quòd addantur ei, vel detrahantur partes in diversis partibus subiecti. Et hæc etiam proprietas est illi communis cū

substantia; & cum alijs prædicamentis à qualitate distinctis; vt constabit. Et *tertia* est *vt secundum quantitatem res dicantur æquales, vel inæquales*. Et hæc convenit quæto modo, id est, omni, & soli quantitati, & semper. Sed adverte, quòd sicut quantitas alia est *molis*, de qua hæctenus egimus; alia *virtutis*, quæ est quælibet perfectio siue spiritalis, siue corporalis: ita etiam dupliciter vñum dici potest æquale alteri; *primò* quantitativè, & quòd molem corpoream, sicut duæ lineæ, aut duo corpora eiusdem magnitudinis. *Secundò* quantum ad perfectionem, sicut vnus homo dicitur alteri equalis in scientia, aut virtute. Esse æquale vel inæquale hoc secundò modo non est proprietas quantitatis molis, vt constat, sed per omnia genera diuagatur, secus primò modo.

D V B I V M Q V A R T V M

De Prædicamento Relationis

§. I.

An à parte rei dentur relationes?

76. **L** Oquimur in præsentī de relationibus prout distinguuntur ab omni entitate absoluta, quod convenit solū relationibus secundū esse; & quærimus an huiusmodi relationes re vera dentur à parte rei? Super qua difficultate est duplex opinio: *Prima negativa*, quam sequuntur Nominales, & aliqui Recentiores, licet inter se discordent, nam Nominales volunt relationes nihil aliud esse, quàm denominationes extrinsecas, vel ali-
quid

quid rationis; Recentiores verò eas constituunt non in respectu, sed in comparatione vnius rei ad alteram. *Secunda verò affirmatiua*, asserens dari à parte rei relationes, quæ nec sunt denominationes extrinsecæ, nec aliquid rationis, sed consistere in puro illo respectu, quem vnum relatiuum dicit ad alterum. Et hæc sententia est expressa Aristotelis, qui in hoc cap. *ad aliquid* definiens relata dicit, *esse illa, quorum totum esse se habet ad aliud*. Et vt bene notauit Caietenus in cōmentarijs eiusdem capituli, per hanc definitionem Philosophus definit relationem secundum suam naturam, quam habet, & non secundum quod cognoscitur, vel dicitur: & idē dixit; *ad aliquid sunt*, non verò *ad aliquid dicuntur*: ergo Philosophus relationes reales posuit distinctas à relationibus secundum dici. Eandem sententiam docet S. Th. in mille suis doctrinæ locis, quorum plura adducit Ioannes à S. Th. hic q. 17. art. 1. ideoquē est communis inter eius discipulos, & tenent omnes ferè communiter.

77. Et probatur efficaciter, primò quia Relationes secundum dici habent esse absolutum, & non totum ad aliud; Relationes verò rationis non sunt, nisi in intellectu apprehendente, à quo habent esse: sed à parte rei nullo intellectu cogitante inueniuntur aliqua, quæ nullum aliud esse habent, quàm ad aliud: ergo inueniuntur relationes reales, distinctæ à relationibus secundum dici, & relationibus rationis. Probatur minor, quia nullo intellectu cogitante inueniuntur à parte rei aliqua, quibus nullum esse absolutum assignari potest, vt ordo, similitu-

do, paternitas, & alia similia, quæ nullo esse absoluto explicari possunt, & totum esse in eis se habet ad alterum, cuius signum est, quia non existente termino deficit similitudo, aut paternitas, si autem esse illorum esset quid absolutum, non deficeret ex solo defectu termini. Negare verò quod ista à parte rei dentur, est negare id, quod est euidens. Ergo.

78. Probatur secundò alia ratione petita ex relationibus diuinis, quæ in quantum distinguuntur inter se realiter, à parte rei dantur, alioquin non distinguerentur realiter personæ relatiuæ, quod esset hæreticum. Non distinguuntur autem, nisi vt puræ relationes sunt secundum esse; si enim in alio, quàm in pura relatione distinguerentur, non solum relatiuæ, sed etiam absoluta distinguerentur in Deo. Ergo dantur in Deo relationes reales, licet propter summam simplicitatem diuinam identificatæ cum substantia. Cur ergo in creatis repugnabit dari tales relationes, quæ nec substantia sint, nec infinitæ?

79. Et tertio probatur, destruendo fundamentum Nominalium, tenentium huiusmodi relationes esse in rebus per modum denominationis extrinsecæ, & non formæ intrinsecæ. Nam omnis denominatio extrinseca prouenit ex forma aliqua reali intrinsecè existente in alio subiecto, sicut esse visum, aut cognitum ex cognitione intrinsecè existente in cognoscente: ergo si relatio est denominatio extrinseca, prouenit ex aliqua forma existente intrinsecè in alio subiecto: Vcl ergo illa forma est relatio, vel entitas absoluta? Si est relatio, iam datur for-

ma relatiua intrinseca, & sic sicut datur in illo subiecto, ita poterit dari in alio. Si uero est forma absoluta, quomodo potest ab illa provenire denominatio relatiua à forma enim absoluta non emanat effectus formalis relatiuus, neque intrinsecè, neque extrinsecè. *Deinde* durissimè explicabit hæc sententia, quomodo sint tres personæ relatiue in diuinis realiter constitutæ, & distinctæ, si sunt denominationes extrinsecæ, & à qua forma absoluta tales denominationes proveniant. Si autem in Deo extrinsecæ denominationes non sunt, sed formæ intrinsecæ, licet substantiales, & identificatæ cum diuina substantia, cum dicemus repugnare in creatis tale genus entis relatiui, licet non identificatum cum substantia, cum potius res creatæ magis habeant fundamentum talis relationis, quia magis sunt dependentes, & ordinatæ, vel subordinatæ ad aliud.

80. Sed Ob: 1. Nulla est necessitas ponendi entitates relatiuas distinctas ab absolutis: ergo de facto non dantur. Antecedens probatur, hoc ipso quod ponantur duo alba, & Deus impediret aliam quamcumque entitatem; illa duo alba erunt similia; & hoc ipso quod quis genuit, & Deus eodem modo impediret additionem alterius cuiuscumque entitatis, erit Pater; ergo entitates relatiuæ distinctæ non sunt ab absolutis. Respondetur negando antecedens, non enim est minor necessitas ponendi genus entitatis relatiue, quam genus quantitatis, vel qualitatis, nam sicut quia videmus effectus quantitatis, & qualitatis, inde tales formas dari colligimus;

ita similiter quia videmus dari hunc effectum in rerum natura, scilicet ordinari aliqui, & habitudinem habere ad alia, sicut similitudo, paternitas, ordo, &c. & in istis effectibus respiciendi non est mixtus cum ratione absoluta; sed totum esse eorum consistit in respectu, inde optimè colligimus dari hoc genus entitatis relatiuæ. Quid si Deus relinqueret duo alba sine resultantia relationis, manerent similia fundametaliter, non formaliter. Et idè de Patre dicendum est.

81. Ob: 2. Ista entitas relatiua cōdistincta ab entitatibus absolutis, non apparet quomodo adueniat rei, nec quomodo de nouo causetur ex sola positione termini: ergo est fictitia, & à patre rei non datur. Respondetur negando antecedens; nam si euit eadem actione, qua producit homo, dimanat risibilitas; sic ad productionem albi producit similitudo ad aliud album, quod existit. Si autem non existit, manet ex vi generationis albi quasi in virtute illa similitudo, ut resulet posito suo termino, quia album posuit est in rerum natura, & potens respicere quodcumque aliud album, & sic eo posito statim emanat respectus ad illud, sicut graue, vel leue remoto impedimento statim tendit ad proprium centrum, & talis tendentia tribuitur generanti, ut suo loco dicemus.

S. II.

Quenam relationes pertineant ad hoc prædicamentum?

82. PRO decisione huius difficultatis explicare oportet quas
da n

dam generales diuisiones relationis, vt appareat, quæ earum pertineant ad hoc prædicamentum. Tres autem sunt, quibus diuiditur relatio communissime sumpta; nam primò diuiditur in relationem realem, & rationis; secundò in relationem secundum dici, & secundum esse; & tertio in transcendentalem, & prædicamentalem. Relatio realis est, quæ talis est, & non perfectionem intellectus, sicuti est relatio rationis. Relatio secundum dici, quæ non distinguitur à relatione transcendentali; re vera, relatio non est, dicitur tamen talis, quia significat rem, ad quam consequitur habitudo quædam, seu relatio siue realis, siue rationis, vt scientia, sensus, & similia. Denique relatio secundum esse, quæ non distinguitur à prædicamentali, est quæ verè esse relationis habet, & ideo appellatur secundum esse, quia in rei veritate relatio est, & esse relationis habet: appellatur etiam prædicamentalis, quia ad hoc prædicamentum pertinet.

83. Hæc autem relatio secundum esse, seu prædicamentalis diuiditur in mutuat, & non mutuat. Mutua est illa, cui à parte termini correspondet alia relatio realis, vt paternitas, qua Pater respicit filium, cui correspondet in filio relatio realis filiationis. Non mutua est, cui non correspondet in termino alia relatio realis, vt relatio seruitutis, qua creaturæ referuntur ad Deum, cui in ipso non correspondet alia relatio realis.

84. Vltimò relatio mutua subdividitur in relationem æquiparantem, & disquiparantem. Relatio mutua æquiparantis est illa, seu correspondet in termino alia eiusdem rationis;

vt similitudo vnius albi ad aliud, in quo correspondet etiam similitudo ad primum. Relatio disquiparantis est illa, cui correspondet in termino alia diuersæ rationis, vt paternitas, cui in termino non correspondet alia paternitas, sed filiatio.

85. His positis Dicendum est omnes, & solas relationes reales creatas, quæ verè sunt relationes, & appellantur secundum esse, contineri in hoc prædicamento. Hæc est communis sententia Dialecticorum, quam docet Aristoteles in hoc cap. ubi propter insufficientem iudicium Platonis definitionem, quia ex illa inferebatur, relatiua secundum dici ad hoc prædicamentum pertinere.

86. Fundamentum est, quia ad prædicamentum quantitatis solum pertinent, quæ verè sunt quantitates; & in prædicamento qualitatibus tantum collocantur, quæ verè sunt qualitates: ergo in prædicamento relationis illæ solæ collocabuntur, quæ verè fuerint relationes reales. Sed tales sunt omnes, & solæ relationes secundum esse, vt ex dictis patet: ergo hæc tantum pertinent ad hoc prædicamentum.

87. Additum est autem in conclusione, solas relationes creatas pertinere ad hoc prædicamentum, vt excludantur relationes diuinæ, quæ quantitates sint veræ relationes, tamè propter identitatem cum natura diuinam, sunt ipsæmet substantia Dei, & ideo pertinere non possunt ad hoc prædicamentum, in quo solum collocantur accidentia.

88. Quæres? Quæ conditiones requirantur ad relationem realem prædicamentalem? Respondet quatuor

conditiones requiri ad relationem realem prædicamentalem; scilicet subiectum reale; rationem fundandi realem; terminum realem, & realiter existentem; & distinctionem realem fundamenti, & termini. Sic docet expressè D. Th. opusc. 48. tra. 5, cap. 1. q. 9. em sequuntur communiter Doctores.

89. Probatur conclusio, discurrendo breuiter per singulas conditiones. Et *Prima* quidem satis ex se patet: nam accidens reale necessariò petit subiectum reale, & realiter existens, cui inhereat. *Secunda* etiam conditio satis constat: nam cum relatio sit ordo inter duo, cuius realitas formaliter loquendo non sumitur à termino, sed à fundamento, si in hoc non intelligitur aliquid reale, quod sit radix, seu ratio, quare respiciat terminum; talis respectus non poterit esse realis. *Tertia* similiter conditio est euidens, nam relatio realis ante operationem intellectus versatur inter duo: ergo vnum habet à parte rei aliquid, ratione cuius fundet realem relationem; & alterum similiter habet à parte rei aliquid; ratione cuius terminet: ergo sicut requiritur realis existentia subiecti, ita etiam, & termini. *Per quod etiam patet quarta, & ultima conditio*; si enim relatio realis est verus ordo vnius ad aliud, realisque oppositio inter duo: ergo ante operationem intellectus terminus absolute est aliud à fundamento, & per consequens realiter distinguuntur. Defectu cuius conditionis D. Th. 1. p. q. 42. art. 1. ad 4. docet, relationes similitudinis, aut æqualitatis inter personas diuinas ratione essentiae, non esse reales: quia licet personae ipsae rea-

liter distinguantur, tamen ratio formalis, secundum quam attenditur talis similitudo, & æqualitas, scilicet natura diuina, est omnino eadem in illis. Et eadem ratione, si per impossibile eadem numero albedo poneretur in duobus hominibus, non esset inter illos relatio realis similitudinis: quia tunc rationes fundantes similitudinem ex utroque extremo, non distinguerentur realiter.

S. III.

Quot sint fundamenta relationis; & quomodo relatio ad illis distinguatur?

90. Circa primum communiter DD. tria genera fundamentorum relationis prædicamentalis assignare solent. Primum est, *unitas & numerus*: secundum, *albedo & passio*: Tertium, *mensura & mensuratum*. 91. *Unitas aut conuenientia* fundat relationem *identitatis, similitudinis, aut æqualitatis*: ex eo enim quod Petrus & Paulus conueniant in vna natura specifica, aut genere, sit quod referantur ad inuicem relatione identitatis in tali natura: ex eo quod in vna quantitate, aut magnitudine statuta, oritur inter ipsos relatio æqualitatis: & ex eo quod in vna qualitate, puta albedine, relatio similitudinis: iuxta illud Philosophi, *unum in substantia sunt idem: vnum in quantitate facit æquale: in qualitate simile*. 3. *Numerus* vero aut *distinctio* seu *disconuenientia* fundat relationes *diuersitatis, inæqualitatis, & dissimilitudinis*: ex eo enim quod in Petro & Paulo sit diuersa numero, & indiuiduali-

ter

ter natura, confurgit inter ipfos relatio diuersitatis in tali natura indiuidua: ex eo quodd diuersa quantitas, aut stature magnitudo, relatio inæqualitatis: dissimilitudinis verò ex eo quodd disconueniant in qualitate, puta colore: & sic de alijs.

92. *Actio & passio* fundant relationem agentis ad passum, & passi ad agens. Est tamen difficultas, an ratio ista fundandi sit potentia actiua & passiuat: an verò actio & passio; an potius substantia ipsa, quæ est principium radicale actionis & passionis: v. g. in relatione paternitatis an ratio fundandi sit potentia generatiua Patris; an generatio ipsa, an verò neutrum istorum, sed ipsa substantia patris.

93. Scotus 5. met. cap. 15. & in 4. dist. 6. q. 10. affirmat potentiam generatiuam propriè esse rationem fundandi paternitatem; generationem verò tantum esse conditionem sine qua non. Fundamentum huius sententiæ est, quia ratio fundandi tandiù permanere debet, quandiù manet relatio, cuius est ratio fundandi: sed generatio transit manente paternitate: ergo non potest esse ratio fundandi illam. Restat ergo quodd sit potentia generatiua; siquidem hæc permanet, & est id, ratione cuius conuenit substantiæ hominis esse patrem.

94. Suarez verò disp. 27. met. sect. 12. num. 5. existimat ipsam substantiam, quæ est radicale principium generationis, esse rationem fundandi, non verò potentiam generatiuam, aut generationem. Quæ opinio eodem argumento suadetur; quia relatio paternitatis manere potest, tum absque generatione, vt dictum est, tum etiam absque potentia genera-

tiua, quia si à Petro habente filium auferatur potentia generatiua, non propterea aufertur relatio paternitatis, vt patet: ergo ratio fundandi paternitatis neutrum istorum est, & consequenter erit substantia, quæ est radicale principium generationis, cum nihil aliud remaneat.

95. Tandem communiter Thomistæ sentent, generationem ipsam, & non potentiam generatiuam, aut substantiam patris propriè esse rationem fundandi paternitatem. Quæ sententia vera est, & ad mentem Aristotelis, qui pro fundamentum harum relationum assignat, non potentiam actiuam, & passiuam, aut substantiam; sed actionem & passionem, vt patet ex 5. met. vnde D. Th. 1. p. q. 28. art. 4. dicit: *Secundum Philosophum in 5. met. relatio omnis fundatur vel supra quantitatem, vt duplum & dimidium; vel supra actionem & passionem, vt faciens & factum, pater & filius*. Et opusc. 48. cap. 4. expressius ait: *Fundamentum paternitatis est actio, scilicet generatio, qua quis genuit filium, & fundamentum filiationis est passio, scilicet generatio passiuæ*.

96. Ratio autem est: quia relatio non debet inhzere rationi fundandi, ita vt ipsa sit immediatum subiectum relationis; solùm enim est medium, seu ratio quare relatio inhzereat substantiæ, quæ est subiectum quod illius. Hæc autem ratio fundandi huius secundi generis multum differt ab alijs aliorum generum; nam in primo aut tertio rationes fundandi sunt formæ perfectæ, nullum includentes motum, aut transitum; & ita permanentes, & quasi in facto esse sunt rationes recipiendi relationes. At verò in hoc secundo genere

generationes fundandi secum asferunt aliquem motum, aut transitum; siquidem requirunt actionem causæ efficientis. Quare cum à causis efficientibus, quando est uniuoca, ut in presenti est pater respectu filij, solum dependeat effectus, dum sit, non verò in conservari; inde est, rationes fundandiistarum relationum non debere permanentes, & quasi in facto esse esse rationes recipiendi illas, sed tantum in fieri.

97. Cuius doctrinæ signum optimum est, quod licet ad hoc, ut inter duo alba sit relatio similitudinis, vel ad hoc, quod inter scientiam & obiectum sit relatio mensuræ, necessaria facit productio extremorum (si enim aliquando facta non fuissent, non existerent in rerum natura, & consequenter neque realiter referrentur) tamen talis productio non petitur per se & intrinsecè à relationibus similitudinis & mensuræ. Nam si per impossibile illa alba, aut scientia & obiectum existerent absque productione, esset ibi similitudo, aut mensurabilitas eiusdem rationis, ac modò est. At verò paternitati, & alijs relationibus huius secundi generis ita per se & intrinsecè annexa est productio, & transitus, seu facere, & fieri, ut quantumcumque ponantur duo homines cum potentia actiua & passiva, vel cum alia quavis forma permanenti; si tamen ab eis præscindamus actionem & passionem, seu generare & generari, non potest ibi intelligi paternitas aut filiatio. Et è contrariis præscindamus alia omnia ab istis hominibus, etiam ipsam potentiam actiuam & passiuam, si tamen intelligimus actionem generandi, & passionem, seu generare

& generari; statim intelligimus paternitatem, & filiationem. Ex quo intelligimus, in relationibus huius secundi generis rationem fundandi solum esse necessariam in fieri, sed in primo producti relationis, & ita eas manere posse non existente ratione fundandi: Per quod patet ad argumenta adducta pro prima, & secunda sententia.

89. Denique ratio mensurabilis fundat in re, quæ mensuratur, relationem ad propriam mensuram: hoc est ad id, per quod eius perfectionem cognoscimus, & veluti metimur. Unde quia omnes potentie, v.g. omnes actus & habitus mensurantur quoad suam perfectionem ab obiectis, ita ut tantò perfectiores sint, quantò perfectius aut nobilius respiciunt obiectum, aut nobiliori modo illud attingunt, ideo dicunt relationem prædicamentalem ad illud, quæ dicitur relatio mensurati ad mensuram: ad mensuram inquam perfectionis, non enim hic loquimur de mensura quantitatis, ideo, perquam cognoscimus molem, & quantitatem rei, qualis est vlna respectu panni: inter hanc enim mensuram, & illud mensuratum intercedit relatio primi generis, scilicet æqualitatis, vel inæqualitatis, fundata supra cõuenientiam, vel disconuenientiam in magnitudine; non verò relatio huius tertij generis, hoc est mensurati ad mensuram perfectionis.

99. Circa secundum, scilicet quomodo relatio prædicamentalis distinguitur à fundamento, communis & vera sententia docet, distingui realiter. Ratio est, quia fundamentum est quid absolutum: absolutum autem & relatiuum sunt realiter diuersa:

uerfa: ergo relatio consistens in puro respectu ad aliud, realiter distinguitur à fundamento. *Confirmatur primo*, quia relatio potest perire remanente fundamento: ergo distinguitur realiter ab illo. Consequentia est evidens, quia separatio unius ab altero est signum sufficiens distinctionis realis eorum. Antecedens verò probatur quia remanente albedine in pariete A. perit sine dubio relatio similitudinis, quam habebat ad parietem B. si hic desinat esse albus: atqui talis albedo erat fundamentum illius relationis: ergo remanente fundamento perire potest relatio. *Dices*: non perit realitas relationis, sed formalitas eius. *Sed contra*: quia illa formalitas, quæ perit, vel est aliquid rationis, vel aliquid reale. Si aliquid rationis: ergo non perit aliquid, quod pertinet ad formalitatem relationis: predicamentalis, siquidem nullum ens rationis potest esse formalitas entis realis. Si autem illa formalitas est quid reale: ergo iam perit aliquid reale: & per consequens relatio & fundamentum distinguuntur realiter. *Rursus*, propria ratio relationis, quatenus relatio est, seu quæ constituit hoc predicamentum in esse talis, non potest consistere, neque intelligi absque termino, ut patet: sed talis ratio intrinsecè & essentialiter est quid reale, ut §. i. ostensum est: ergo aliquid reale perit, pereunte termino. *Confirmatur secundò*, quia aliquæ relationes fundantur immediate in substantia, ut sunt relatio identitatis inter Petrum & Paulum fundata in natura specifica, & relatio diuersitatis inter eos fundata in differentia individuali: in his relatio realiter distinguuntur à

fundamento, quia idem realiter non potest simul esse substantia & accidens. Idem dicendum est de alijs propter similem rationem, quia relatio & fundamentum pertinent ad diuersa predicamenta: ergo distinguuntur realiter. Argumenta, quæ contra hanc sententiam obijci solent, soluta sunt §. i. huius dubij.

§. III.

Quis sit terminus relationis?

100. **I**N relatio, quod est terminus relationis, tria sunt, scilicet subiectum, fundamentum, & relatio. Subiectum est res ipsa, quæ denominatur relatiua à relatione: Fundamentum est ratio, per quam coniungit in ea relatio: Et Relatio est forma, per quam res dicitur relatiua. Vt in patre est homo, qui denominatur Pater à relatione: est generatio, in qua fundatur relatio: & est relatio ipsa paternitatis. Ex his tribus certum est, subiectum non esse terminum relationis: difficultas est de alijs duobus: quodnam ex eis sit ratio, per quam pater terminet relationem filiationis. Nam aliqui volunt esse fundamentum, & quia fundamentum est quid absolutum, ideo dicunt, relationem terminari ad absolutum, & non ad relationem. Alij è contra dicunt esse relationem, & consequenter terminum relationis non esse absolutum, sed relatiuum. Quid ego sentio, duabus conclusionibus explicabo.

101. *Prima conclusio*: Relatio, nec multò terminatur formaliter ad relatiuum; & consequenter relatio paternitatis in Patre exercet duo munera: seu officia: unum id, ratione cuius Pater

Pater refertur ad filium; alterum idem ratione cuius idem pater terminat relationem filiationis: Est Aristotelis, & D. Th. in hoc cap. de Relatione, & communis inter Thomistas. Prob. 1. Quia oppositio relatiua reperitur inter relatiua, vt relatiua sunt formaliter: ergo mutua relatio includit essentialiter mutuam oppositionem relatiuam: sed mutua oppositio relatiua essentialiter includit vtrâque rationem, referendi, & terminandi; ergo relatiua vtrumque officium exercent per relationes, & non per fundamenta; quæ absoluta sunt. Probatur minor; quia mutua oppositio consistit in hoc, quod relatiua mutuo se respiciant, & relationes sunt rationes mutuo se respiciendi: sed mutuo se respicere est, quodlibet respicere aliud, & ab eo respici: & ab eo respici, est terminare relationem eius: ergo in mutua oppositione includitur essentialiter vtrumque officium referendi, & terminandi: & ex consequenti, quod vtrumque exercent relatiua per relationes, & non per fundamenta: quia per relationes, & non per fundamenta, habent formalem oppositionem.

102. Probatur secundò argumēto theologico desumpto ex diuinis relationibus. Supponendo prius duo tanquam certa. Primum est; relationem realem esse non posse, nisi inter extrema realiter distincta, quia nihil potest ad seipsum referri relatione reali. Secundum, in diuinis non posse vnum distinguere realiter ab altero per aliquid absolutum, sed solum per relationes oppositas. His suppositis probatur conclusio sic. In diuinis Pater refertur ad Filium, & Filius ad Patrem, vt realiter distinguuntur: ergo vterque terminat re-

lationem alterius, vt realiter ab eo distinctus: sed Pater, & Filius non distinguuntur realiter, nisi per solas relationes oppositas: ergo nec refertur vnus ad alterum; nec terminat relationem alterius, nisi per relationem: ergo vt relatiuum, & non vt absolutum: sed eadem est ratio de relationibus diuinis, & creatis, quantum pertinet ad rationem referendi, & terminandi: ergo etiam relationes creatæ terminantur ad relatiuum, & non absolutum.

103. Secunda conclusio. *Relationes verò non mutue terminantur formaliter ad absolutum, non ad relatiuum.* Est contra aliquos Thomistas, eam tamen tenent plures alij, vt Ferrara 2. cont. gent. cap. 11. Deza in 1. dist. 3. q. Maius hic sect. 3. q. 21. Gallego controuer. 29. Ioannes à S. Th. q. 17. art. 9. concl. 2. Mailhat disp. 7. sect. 3. §. 2. & alij. Probatur primò ex Aristotele loc. cit. tex. 5. vbi assignans quartam relatiuorum proprietatem, quod scilicet sint simul natura, expressè fatetur, eam aliquibus relatiuis non conuenire, scilicet non mutuis. Quod etiam docuit D. Th. 1. p. qu. 3. art. 7. ad 6. dum de relatiuis inquit: *Si autem vnum in sui intellectu claudat aliud, & non è conuerso, tunc non sunt simul natura: & hoc modo se habent scientia, & seibile.* Et q. 7. de potent. art. 8. ad 1. apertè tacetur, relatiua non mutua, vt Deum, & Creaturam, non esse simul natura. Ergo ex sententia Aristotelis, & D. Th. relatiua non mutua terminantur ad absolutum; quandoquidem si ad relatiuum formaliter terminarentur, iam essent simul natura, vt patet.

104. Probatur secundò ratione; quia relationes non mutue solam re-

reperiuntur in vno extremo, aliud verò absolutum est: ergo hoc terminare non potest aliud nisi per rationem absolutam, non relatiuam. Negant consequentiam Complutenses disp. 1. q. 6. num. 79. quia quauis (aiunt) in relatiuis non mutuis terminus à parte rei non habeat aliquam relationem sibi inhærentem, ratione cuius terminet: habet tamen relatiuam denominationem, à relatione alterius extremi prouenientem, per quam constituitur formaliter terminus, & correlatiuum illius. Nam dupliciter aliquid potest denominari formaliter relatiuum. Primò intrinsicè à relatione sibi inhærente. Secundo modo extrinseca denominatione à relatione existente in altero extremo: sicut in sententia constituyente actionem transcurrentem in passio, agens denominatur formaliter tale ab actione, quæ subicitur in alio. Et hoc modo scibile, & alia relatiua non mutua dicuntur formaliter relatiua, non à relatione sibi inhærente, sed à relatione, quæ est in altero extremo. *Sed contra est:* Quia effectus formalis relationis est facere relatiuum; sicut effectus formalis albedinis est facere album: sed repugnat, aliquid esse album, nisi ab albedine sibi inhærente; ergo repugnabit esse relatiuum, nisi à relatione sibi inhærente. Falsum est ergo scibile denominari, aut esse relatiuum per relationem in scientia existentem. *Confirmatur*, quia relatio cum sit forma relatiua, non potest referre ad alterum, nisi illud, quod constituit relatiuum: sed constituere aliquid relatiuum, est tribuere illi proprium effectum formalem: sicut constituere album, est tribuere subiecto albedinem; & effectum forma-

lem non tribuit forma, nisi per informationem: ergo repugnat aliquid constitui relatiuum, aut referri ad aliud, per relationem existentem in alio, & non in se. Ad id autem, quod dicunt de actione, respondeo sententiam illam esse falsam, & præcipuum fundamentum est, quia actio non potest esse in passio, & tribuere denominationem agenti, vt clarè ostendam lib. 1. de gener. & corrupt. disp. 1. dub. 4. num. 47.

105. Contra primam conclusionem obijci solet vnum, vel alterum argumentum. Primum est: nam relatio mutua aut postulat terminum relatiuum quia est relatio, aut quia est mutua: sed neutro modo postulat terminum relatiuum: ergo. Probat minor, primò quòd non vt relatio; nam si vt relatio peteret terminum relatiuum, omnis relatio deberet illum habere: sed hoc est falsum, nam relationes non mutue terminantur ad absolutum, & non ad relatiuum: ergo relatio mutua vt relatio non petit terminum relatiuum. Quòd autem cum non patat vt relatio mutua, probatur, quia relatio creaturæ ad Creatorem, & relatio Maternitatis B. Virginis ad Christum, sunt relationes ex genere suo mutue, & tamen non terminantur ad relatiuum, sed ad absolutum: ergo. Respondetur concedendo primam partem minoris, quia relatio vt relatio est ad terminum abstrahentem ab absoluto, & relatiuum. Negando verò secundam partem, quòd vt relatio mutua non petat terminum relatiuum: quia relatio vt relatio consideratur tanquam genus, abstractum à mutua, & non mutua: sed vt relatio mutua consideratur in specie: certum est autem plura conuenire ali-

cui rei ratione suæ differentiz, vel speciei; quæ non conveniunt ei ratione generis: & ideo convenire potest relationi ut mutuz, terminari ad relativum; licet non conveniat ei sub communi ratione relationis. Et ad probationem dico, relationes illas esse non mutuas, quia relationes mutuz non versantur, nisi inter extrema eiusdem ordinis: Deus autem, & creatura diversi ordinis sunt, & ideo non habent mutuas relationes.

106. Ob. 2. Quia posito fundamento, & termino resultat relatio, ut communiter à Dialecticis dici solet: ergo ante illam intelligitur fundamentum integrè, & formaliter constituentum in esse fundamenti, & terminus in esse termini. Sed quid antecedat relationem est res absoluta: ergo etiam in relationibus mutuis terminus constituitur formaliter in esse termini per aliquid absolutum. Respondetur, quod relatiua duobus modis considerari possunt: Materialiter, dum pro fundamentis accipiuntur, ut dum dicitur, hunc hominem album referens ad alium hominem album, aut generas ad genitum. Alio modo accipiuntur formaliter, prout significantur hominibus relationis, patris & filii simplici. Et sic relatiua, sic etiam termini accipiuntur eisdem modis. Quando ergo dicitur à Dialecticis, ex positione fundamenti, & termini resultare relationem, ly terminus sumitur materialiter, non formaliter.

EXPLICIT

De unitate, & distinctione Relationum, ac eorum proprietatibus.

107. DICO primo, Unitatem specificam relationum definendam esse tanquam à causa integra, & totali, ab unitate specificam fundamenti, quam terminus distinctionem verò specificam à specifica alterutrius diversitate. Probatur quia unitas specifica cuiuslibet naturæ sumitur ab unitate formali sui specificationis: atqui specificationum relationis est fundamentum simul, & terminus: ergo unitas relationis specifica requirit unitatem formalem fundamenti, & termini, ita ut si alterutrum formaliter diversificetur, diversificetur etiam specie ipsa relatio. Probatur minor. Ab eo specificatur totaliter, & complete relatio, & quod in sua ratione essentiali dependet: atqui dependet tam à fundamento quam à termino, cum sit essentia inter ordinem unius ad alterum, id est fundamenti ad terminum: ergo specificatur ab utroque, & subinde ab utroque formaliter sumitur specificam unitatem à fundamento in unitate, & termino complete. Quod si alterutrum diversificetur, diversificetur etiam specie relatio. Ratio minor est quia unitatem specificam relationis requiritur unitas specifica tam fundamenti, quam termini, ad distinctionem verò sufficit diversitas alterutrius, est quia unitas habet rationem boni, quod ex integra causa, diffinitur. Quod verò rationem mali, quod ex unico defectu constringitur.

108. DICO secundo, Unitatem, & distinctionem numericam relationis definendam esse ex unitate, & distinctione

distinctione numerica subiecti, cui in-
haereat. Probatur, quia vnitas, &
distinctio materialis accidentium, vt
sunt relationes predicamentales, de-
sumi debent ab vnitate, vel distin-
ctione materiae ipsorum, quae est
subiectum: atqui vnitas, & distin-
ctio numerica est materialis, sicut
specificata est formalis: ergo desumi
debet ex vnitate, vel distinctione
numerica subiectorum. Maior, in
qua solum est difficultas, prob., quia
ab eo sumi debent vnitates specificae
& numericae, à quo petuntur differ-
rentiae individuales, & formales: &
atqui differentia individualis peti-
tur à materia, & formalis à forma:
ergo &c. De hac re in metaphysica
latius dicemus.

109. Dices: In vno, & eodem
homine esse possunt duae relationes
paternitatis, quae solo numero di-
stinguuntur: ergo vnitas, & distin-
ctio numerica relationum non est
desumenda ab vnitate, vel distinctione
subiecti. Probatur antecedens: *Petrus*
habens primum filium, super-
ueniente secundo, incipit realiter
referri ad illum: ergo in Petro datur
nova relatio paternitatis, per quam
refertur, & respicit hunc secundum
filium. Respondetur negando an-
tecedens, & ad probationem dico:
quod sicut acquisita scientia circa
vnam conclusionem, quando habet
per demonstrationem circa aliam eiusdē
obiecti, non aduenit nouus habitus,
sed noua extensio praexistens: per
quam ille ipse habitus, qui antea in-
clinabat ad assentiendum primae con-
clusioni, denuo inclinatur etiam ad
assentiendum secundae. Sic similiter
in nostro casu, ad hoc vt Pater ha-
bens filium, quando nascitur alius,
dicatur de nouo respicere illum, non

est necesse, vt addatur noua relatio
realis, sed quod praecedens quasi ex-
tendatur ex parte termini materialis
ad nouum filium. Paternitas enim,
quae est, v. g. in Petro, non respicit
per se primum hunc, vel illum filium
in particulari, sed communem ra-
tionem filij à se geniti: & quia iste
terminus per se primum respectus nunc
participatur ab vno, postea à duo-
bus, aut pluribus filiis, ideo relatio
dicitur extrinsece extendi, ex eo
quod addatur nouus terminus ma-
terialis.

110. Dico tertio, Relationis pro-
prietates esse quatuor. *Prima*, quod
non habeat contrarium. *Secunda*,
quod non suscipiat magis, & minus.
Tertia, quod relata dicantur ad
conuertentiam, vt Pater est filij pa-
ter, & Filius est patris filius. Et *quarta*,
quod sint simul naturae & cogni-
tione, quae proprietates conueniunt
relatiuis mutuis.

D V B I V M Q V I N T V M

De Predicamento qualitatis § 1.

111. **N**OMEN qualitatis varias
habet acceptiones. Tres
sunt praecipuae, quas ex Aristotele
5. met. cap. 14. & 18. colligunt com-
muniter DD. *Primo* sumitur pro
quacumque differentia etiam essen-
tiali, quo sensu differentiae saepe op-
pellantur qualitates generis: & de i-
lis dicitur, quod praedicantur in qua-
le. *Secundo* pro omnibus accidenti-
bus, siue proprijs, siue communibus,
siue huius, siue alterius predicamē-
ti: quo modo de omni accidenti di-
citur, quod praedicatur in quale, non
solum quoad modum significandi,
sed et differentiae, sed etiam quoad

rem significatam. Tertiò tandem sumitur qualitas vt significat peculiare prædicamentum accidentis ab alijs condistinctum, à quo propriè, & simpliciter denominamur quales, & per quod resp. ad interrogationē factam per *quale*, vt distinguitur ab interrogatione facta per *quid, quantum, ubi, quando, &c.* Sicut enim si queratur, quantus est Petrus, responderetur, est bicubicus, aut tricubicus: & si queratur, ubi est Petrus, responderetur in Ecclesia, vel in foro: ita quando queritur, qualis est Petrus? responderetur per terminos huius prædicamenti: est albus, vel niger; Dialecticus, vel Philosophus, &c. Et in hac tertia acceptione loquimur in præsentī de qualitate, quam Aristoteles describit dicens: *Qualitas est, secundum quam quales esse dicimur*: id est, qualitas est accidens, à quore constituitur in esse qualis, & per quod propriè responderetur interrogationi factæ per *quale*. Diuiditur ab eodem Philosopho in quatuor species: quarum prima est, *dispositio, & habitus*. Secunda, *potentia, aut impotentia*, hoc est debiliior potentia. Tertia, *passio, & patibilis qualitas*. Et quarta *forma, & figura*.

113. *Habitus est qualitas, secundum quam res bene, aut male se habet, difficile mobilis*. Dispositio vero est qualitas, secundum quam res bene, vel male se habet, facile mobilis. Quæ definitiones sic intelligi debent, vt habitus sit qualitas difficile mobilis ex natura sua: dispositio facile mobilis similiter ex natura sua à subiecto. Vnde illa qualitas, quæ ex natura sua est difficile mobilis, ex accidentibus tamen; puta ex Indispositione, vel debilitate subie-

cti facile remoueri potest ab illo, vt scientia à yrone, gratia, charitas, aliaque virtutes supernaturales ab homine viatore ob instabilitatem arbitrij, essentialiter est habitus; è contra qualitas ex natura sua facile mobilis, vt morbus, si per accidens, puta ob complexionem infirmi fiat difficile mobilis, est essentialiter dispositio.

113. Potentia dicitur *principium forte, & validum agendi*, vt potentia visua inuenis. Impotentia verò in præsentī non est idem ac priuatio potentie, sed (vt iam supra diximus) dicitur *principium debile agendi*, vt potentia visua senis. Ex quo patet, potentiam, & impotentiam in ordine ad eundem actum, & obiectum non distingui rāquam duas species, sed sicut perfectum, & imperfectum intra eandem; præsertim cum eadē potentia visua, quæ modo est fortis, fiat successu temporis debilis.

114. Passio in præsentī dicitur *qualitas sensibilis cito transiens*, vt rubor ex verecundia. Patibilis verò qualitas dicitur *ea, quæ diu permanet in subiecto*: vt rubor à temperamento naturali insitus. Quis verò cito transire, vel diu in subiecto permanere, sunt differentie merè accidentales respectu qualitatis sensibilis; puta ruboris; inde est, quod non faciunt essentialiter differre qualitates temperabilem à passione, sed solum accidentaliter.

115. Dices, esse facile, vel difficile mobile à subiecto; sunt differentie essentielles; & specificæ; distinguentes habitum, & dispositionem; ergo similiter passio, & patibilis qualitas specificè distinguuntur; nam patibilis qualitas ex natura sua habet diu permanere in subiecto, &

passio

passio habet ex natura sua cito transire. Respondetur negando consequentiam, & ratio disparitatis est, quia esse facile, vel difficile mobile competit haberi, & dispositioni ex natura suarum causarum, à quibus per se petunt produci: passioni verò & patibili qualitati non conuenit cito transire, aut diu permanere in subiecto ex natura causarum, à quibus per se postulant produci; accidentale quippe est rubori quòd pròducatur ab hac, vel illa causa permanente, vel cito transeunte; in veròque enim casu eandem habet essentiam, & eundem effectum formalem, qui est constituere hominē v. g. rubicundum.

116. Denique forma, & figura non differunt essentialiter, sed solū accidentaliter penes hoc, quòd forma est qualitas disponens partes quantitatis in rebus artificialibus, quo sensu dicitur forma turris, forma natis, &c. Figura verò significat eandē qualitatem prout reperitur in rebus naturalibus, quo pacto dicitur figura hominis, figura leonis, &c.

117. Quantum verò ad proprietates qualitatis. Prima est, quòd habet contrarium, quæ intellecta de rigorosa contrarietate, conuenit soli qualitati, sed non omni, forma enim, figura, aut lux non habent contraria. Secunda est, qualitatem suscipere magis, & minus. Ex hac proprietate etiam non conuenit omni, non enim conuenit figuræ, nec multis alijs; conuenit tamen soli qualitati, illa enim sola potest intendi, & remitti. Et licet vna albedo non possit dici modò magis, modò minus, albedo, quia hoc denotaret, dati magis, & minus in essentia ipsius, quòd est falsum, cum

rerum essentia in indiuisibili consistat; idem tamen subiectum potest dici modò magis, modò minus album secundum eandem partem, quòd albedo potest in ea intendi, aut remitti. Tertia tandem eius proprietas est, quòd secundum qualitatem res dicantur similes, aut dissimiles, id est, quòd sit fundamentum relationum similitudinis, vel dissimilitudinis: sicut secundum quantitatem res dicuntur æquales, vel inæquales. Et hæc proprietas conuenit qualitati quarto modo.

D V B I V M S E X T V M .

De sex ultimis Prædicamentis.

118. **P**er pauca de his prædicamentis tradidit nobis Aristoteles, quia non magni momenti sūt, propterea etiā nos ea breuiter pertractabimus. Aliqui autem volunt, hæc sex vltima prædicamenta consistere in denominatione extrinseca, ita ut vbi v. g. nihil aliud sit, quàm denominatio illa extrinseca, quæ provenit substantiæ à superficie continente; quando, à tempore mensurante; & habitur, à veste adiacente, &c. Alij verò dicunt, consistere non in aliquo absoluto, sed in relativo, v. g. Vbi consistere in illo respectu, quem locus dicit ad locatum, & vtriusque sententia est falsa, & vera docet, hæc sex vltima prædicamenta non esse puras denominationes extrinsecas, neque relationes, sed formas quasdam accidentales absolutas, & intrinsecas, relictas in subiecto ex aliquo extrinseco. Pro qua videri possunt Complutenses disp. 16. q. 1. Ioannes à S. Th. q. 19. art. 1. & alij Thomistæ.

119. Prima pars probatur, quia diffinitio per se intrinsecam, & extrinsecam denominationem eiusdem forme, non potest causare diuersa prima genera: ergo semel admissa numero denario predicamentorum, non possunt hæc ultima constitui in pura denominatione extrinseca. Consequentia patet, & antecedens probatur, quia eadem omnino forma, quæ intrinsece denominat substantiam, in quo est, per eundem effectum formalem denominat extrinsece terminum, quem respicit uanum mal enim esse videns, & parietem visum, non sunt duæ effectus formales visionis, sed vnus tantum, ut patet: ergo repugnat in tali forma, prout sic, esse duas essentias primò diuersas: & ex consequenti constituetur plura predicamenta: 217

120. Probatür secunda pars: quia propria ratio relationis est esse ad se accedens faciens respicere aliud: sed hoc nõ cõuenit istis predicamentis: ergo non sunt relationes. Probatür minor, discurrendo per singula. Nam in primis quatuor vltima predicamenta ex propria ratione dicuntur esse in, siquidem Vbi facit rem esse in loco, Quando in tempore; Situs disponit partes in loco, & Habitus resculcat ex eo, quod vestis sit in corpore: ergo nullum istorum propriè loquendo includit esse ad. De Actione etiam, & Passione idem patet, quia ex propria ratione non dicuntur ad, sed Actio dicitur esse ab agente, Passio verò in passio: ergo &c. 5. Confirmatur: quia si hæc predicamenta essent relationes, continerentur sub predicamento relationis: ex quo sequitur genera suprema esse tantum quatuor: atqui hoc est contra communem Philosophorum sententiã;

121. Q. 1

verò dubium: conclusio huius disputationis vidimus: ergo hæc predicamenta non sunt veræ relationes, sed entitates absolute.

122. Tertia denique pars sequitur ex precedentibus: si enim hæc predicamenta non sunt aliquid merè extrinsecum rebus, quæ ab illis denominantur, neque relationes, erunt ergo entitates, aut fortaliter absolute in se, illis rebus denominatis. Et sic dependeat ab aliquo extrinseco. Vbi enim dependet à loco, Quando à tempore, & sic de alijs, ut infra explicabitur, hoc tamen non tollit, quin sint forme intrinsece, sicut relatio dependet à termino, & tamen est forma intrinseca habens subiectum.

123. De Actione, & Passione. 124. PRO notitia, & intelligentia, quid dicitur horum predicamentorum, sciendum est, quod in productione physica, & in calefactione plura reperiuntur. Primò enim inuenitur substantia, seu suppositum ignis, cui ve quod tribuitur calefactio; Secundò potentia operativa, scilicet qualitas, per quam ignis constituitur potens, seu in actu primo ad calefaciendum; Tertio effectus, nempe calor in ligno productus; Quarto morus, medio quo passum, scilicet lignum transiit de non calido in calidum; Quintò mutua relatio predicamentalis inter ignem, & lignum.

123. In nullo autem horum consistit essentialis ratio Actionis, aut passionis. Nam in primis de substantia seu supposito, est per se euidens. Qualitas etiam, siue potentia operativa, quamuis soleat appellari actio

actio causaliter, quia est principi-
um actionis, tamen certum est
in creaturis realiter distinguere ab
actione. proprie in & essentialiter
sumptum probat Angelicus Do-
ctor innumeris penitentiis. quibus
habentur in tabula verbo ascriptum.
Simplices certum est actiones
formaliter non esse ipsum esse
etiam & idem est de passione, si
quidem sunt distincta predicamen-
ta, de motu vero facile convinci-
tur, cum non sit predicamentum,
sed post predicamentum. Et ita
idem non consistere in relatione pre-
dicamentali ignis ad lignum, ex
his habetur, tum quia relatio est
distinctum, predicamentum & tum
etiam quia hec resultat ex ipsa actio-
ne, & passione & fundatur in eis.
Ac proinde concedenda est huius
litas vel formalitas, à qua potentia
operativa constituitur in actu secun-
dum, quæque sit causalitas ipsius a-
gentis. Et similiter ex parte passi
concedendum est aliquid, per quod
potentia passiva fiat actus recipiens,
per quod sit actualis receptio effectus.
Et in his realitatibus, semper
probantibus consistunt essentielles ra-
tiones actionis & passionis, in
his autem quo nam dabilis possunt
exquiri formæ definitiones actio-
nis & passionis. *Actio enim est*
causalitas sensu efficientiæ vel actus
secundum potentiam operativam, vel ac-
cidentis à quo res constituitur actum
producentem. Passio vero est actualis re-
ceptio termini, vel actus secundum pa-
rentiam passionis, vel accidentis à quo
res constituitur actum recipientem. Hac
enim omnia inter se coincidunt, ne-
que indigent nova explanatione.

135.

hæc autem præfata definitio
specificationem actionis lumen esse à

principio, seu potentia operativa
specificationem vero passionis à ter-
mino per actionem producto. Ra-
tio est, quia actio, ut actio est, di-
citur essentialiter ordinem ad agens,
estque proprius actus potentia
operativæ & passio vero, ut passio, est
receptio termini & ad illum essen-
tialiter ordinatur: ergo actio à po-
tentia operativa, & passio à termi-
no specificantur. Quare quando po-
tentia operativa fuerit una in specie,
actiones erunt eiusdem speciei, &
etiam si termini sitis speciei diversi.
Similiter quando cumque termini
fuerint speciei distincti, passionis er-
unt diversæ speciei, etiam si actiones
sint eiusdem speciei.

hæc autem præfata definitio

Da Prædicamento Vbi

in quo dicitur quod actus est

136. Vbi est descriptio corporis

et in quo dicitur quod actus est

proveniens à causa definitionis sen-

sus est, ubi est accidens essentialis in

relocata ex eo quod à loco contin-

neatur, in quo quoque cogitatur,

& proportionatur loco. Unde si an-

ihilato unius loco, Deus crearet ho-

minem, & unum sit quærens de il-

lo, & ibi esset si quidam ruber, quæ-

rens, verè existeret extra causas, non

tamen esset in loco, & sic nullibi

esset, & sic non esset in loco, &

137. Vbi dividitur in quatuor defini-

tionum, & ibi definitio actus est

primum, & ibi definitio actus est

cum scriptum est, quod haec facit

rem esse in loco, & ibi definitio

deat toti loco, & ibi definitio

bus locis. Et hoc ubi dicitur à quo

erit, & ibi definitio in loco cor-
poribus, & ibi definitio in loco

corporibus, & ibi definitio in loco

definitio in loco, & ibi definitio

definitio in loco, & ibi definitio

definitio in loco, & ibi definitio

definitio in loco, & ibi definitio

definitio in loco, & ibi definitio

definitio in loco, & ibi definitio

definitio in loco, & ibi definitio

definitio in loco, & ibi definitio

definitio in loco, & ibi definitio

definitio in loco, & ibi definitio

loc.

loci. Et hoc est proprium creaturæ spiritualium, Angelus enim, qui occuparet v. g. totam aulam, esset totus in tota, & totus in qualibet parte illius, cum careat partibus, & sit indivisibilis.

128. Hic aliqui quæstionant, an ubi angelicum verè pertineat ad hoc prædicamentum. Et verior sententia, quam tenent communiter Thomistæ, est negativa. Iuxta quam supremum genus huius prædicamenti est solum ubi circumscriptivum. Videatur Ioannes à S. Th. hic q. 19. art. 2. *De Prædicamento Quando* q. 1. art. 1. *De Prædicamento Quando* q. 1. art. 1.

129. **Q**uando est id, quod ex accidentia temporis relinquitur. ita definitur à D. Th. opusc. 43. quam definitionem omnes recipiunt. Sicut enim ex extrinseca circumscriptivione loci resultat in re locata ubi, per quod formaliter dicitur esse in loco: sic ex insidentia extrinseca temporis mensurantis res temporales, resultat in eis quando, per quod formaliter dicuntur esse in tempore. Unde sicut supponit ex parte rei locatæ quantitatem sibi intrinsecam, per quam sit apta, ut ubicetur, & supponit etiam locum, ex cuius extrinseca mensuratione resultat, ac proinde neque est quantitas rei locatæ, neque locus ipse, sed quid ex loco relicto in re quanta: Sic quando supponit durationem ex parte rei, quæ est in tempore, supponit etiam tempus ipsum, in quo sit res, & à quo mensuretur, ac proinde neque est duratio ipsa, neque tempus, sed quid relicto in re durante ex eo, quod à tempore mensuretur.

130. Contra hanc doctrinam sentit P. Suarez disp. 50. met. sect. 12. vniuersaliter affirmans, quando nihil aliud esse, quam intrinsecam rerum durationem, & persistentiam in suo esse. Hæc tamen sententia falsa est, quia duratio etiam ex principijs istius authoris, non est quid realiter distinctum à re, quæ durat, & ab eius existentia continuata, ergo est aliquid, quod diuagatur per omnia prædicamenta: ergo non potest prædicamentum hoc consistere in ipsa duratione. Confirmatur, quia non omnis existentia creata est accidentis, ut patet in existentijs substantiarum creatarum, quæ sunt termini substantiales, & entitatiuè substantia: ergo si duratio est ipsa existentia continuata rei, non omnis duratio creata erit accidentis prædicamentale, ac proinde non omnis pertinebit ad hoc prædicamentum: cuius oppositum ipse probat num. 22. ergo &c. Respondet, durationem non esse verum accidentis rei durantis, prædicari tamen accidentaliter de re, quæ durat, & hoc sufficere, ut possit prædicamentum accidentis constitueri, quia non omnia prædicamenta accidentium sunt vera accidentia, sed quædam sunt, quæ propter solam prædicationem accidentalem constituunt prædicamentum accidentis. Verum hæc responsio plura continet, quæ in schola peripatetica sunt absurda: nam in primis destruit diuisionem accidentis realis in nouem prædicamenta: Deinde confundit accidentis prædicabile cum accidenti prædicamentali: Et tertio collocat directè substantiæ sub generibus accidentium.

De Prædicamento Situs.

132. **S**Item non esse speciale prædicamentum, docuerunt plures. Non est tamen, eum ob rem parui momenti à communi Aristotelis sententia discendam, præcipuè cum explicari optimè possit, in quo differat ab ubi, & quid addat supra illud. Sciendum ergo est, modum illum, seu accidens, quod resultat in re locata ex circumscriptione corporis continentis, & appellatur ubi, solum efficere ut res locata commensuretur loco, ita ut una pars eius sit extra locum alterius partis: non tamen efficit tales partes habere ordinem, seu dispositionem respectu ipsius loci. Et ad hoc ponitur situs: Qui consequenter nihil est aliud, quam dispositio illa, seu habitudo partium rei locatæ in ordine ad locum, & ideo definitur à D. Th. opusculi 48 quoddam *situs*, seu *ordo partium in loco*.

De Prædicamento Habitus.

133. **M**oderni aliqui asserunt, hoc prædicamentum esse quoddam accidens, ita disponens partes corporis, ut possit commodè vestiri, & consequenter tantum reperiri in hominibus, quorum membra sic disposita sunt à natura, ut possint faciliè indui: Iuxta quam sententiam idem habitus perseverat in quolibet homine: neque in suo esse dependet ab extrinseco indumento. Hæc tamen opinio falsa est, quia ad talem dispositionem, seu aptitudinem non requiritur aliud accidens præter figuram membrorum, duritiem, vel mollietatem eorum. Quare hæc reli-

qua sententia dico cum communiori, quod sicut ubi est accidens resultans in re locata ex circumscriptione loci: sic habitus, ut constituit hoc prædicamentum, est accidens resultans ex adiacentia indumenti: vel accidens, ratione cuius res dicuntur induge.

D V B I V M S E P T I M V M.

De postprædicamentis.

134. **P**ostprædicamenta dicuntur affectiones quædam, seu proprietates consequentes ad prædicamenta, aut quæ inter ipsa ad invicem comparata reperiantur, in nullo tamen illorum ob suæ entitatis debilitatem, & incomplementum directè collocantur: huiusmodi autem sunt quinque, *oppositio*, *prioritas*, *similitudo*, *motus*, & *modus habendi*.

135. *Oppositio* alia est rerum, alia propositionum: de secunda egimus in summis: de prima verò, quæ constituit hoc primum postprædicamentum, agemus hic. Ad eam verò exigitur in primis distinctio inter illa, quæ dicuntur oppositi, idem enim nequit opponi sibi ipsi: hæc tamen distinctio non sufficit, sed insuper necessaria est repugnantia, ratione cuius ea quæ dicuntur opposita, eidem simul nequeant convenire. Et sic oppositio latè sumpta definitur *repugnantia aliquorum, quæ simul eidem convenire non possunt*: quo pacto comprehendit etiam disparata, quæ tantum improprie opposita sunt, ut arbor & equus. Oppositio autem strictè sumpta, prout dividitur in quatuor genera oppositionum, scilicet in oppositio-

positionem relativam, contrariam, privativam, & contradictoriam, definitur *repugnans determinata aliorum inter se*. In hoc enim differt ab oppositione disparata, quod hæc indifferenter respicit repugnantiam cum omnibus, cum quibus in essentia non convenit; Oppositio vero strictè sumpta determinatam importat repugnantiam vnius extremi cum altero, cui directè opponitur: hoc modo album opponitur nigro, virtus vicio.

136. *Oppositio relativa* est repugnans, scilicet impossibilitas duorum extremorum orta ex respectu seu relatione, quam inter se important: & quidem si relatio fuerit mutua, oppositio erit etiam reciproca; si vero relatio sit in altero tantum extremo, oppositio relativa erit non mutua. *Oppositio contraria* est repugnans duarum formarum absolutarum & positivarum, quæ sub eodem genere maxime distant, & ab eodem subiecto mutuo se expellunt: ut frigus & calor, albedo & nigredo, virtus & viciū, quæ sub eodem genere qualitatis continentur. *Oppositio privativa* est repugnans inter formam & carentiam eius in subiecto apto ad illam habendam: qualis oppositio est inter visum & cæcitatem. Explicando hoc genus oppositionis fecit mentionem Aristoteles illius axiomatis, *à privatione ad habitum non datur regressus*, per quod distinguit oppositionem privativam à contrariis: In contrariis enim fit differenter mutatio, ab vno ad aliud, ut dum subiectū ex calido fit frigidum, & rursum ex frigido calidum: sed in privativæ oppositis, & si è vidente possit fieri cæcus, non tamen ex cæco vident. Tā-

dem *oppositio* contradictoria est incompossibilitas inter ens, & non ens, ut cum dico, *homo, non homo*: quæ dicitur, & est omnium maxima oppositio, quia inter opposita contradictoriè non datur medium, sicut datur inter alia: nam inter contraria datur medium participans ex utroque extremo, v. g. tepidum ex frigido, & calido, vel saltem commune subiectum, cui possunt successivè convenire: inter privativas etiam datur commune subiectum, ut per se patet: & insuper inter eadē privativæ opposita, sicut etiam inter opposita relativæ datur medium per negationem extremorum, puta lapidis, qui nec est videns, nec cæcus, nec Pater, nec Filius: at verò inter contradictoria nullum tale datur medium, quodlibet enim est, vel non est.

137. Secundū postprædicamentū est *prioritas*, quæ est præcipuè triplex; alia *temporis*, alia *naturæ*, & alia *consequentie*. *Prius tempore* dicitur illud, quod antecedit aliud duratione aliqua reali, ut Adamus fuit prior Abele. *Prius verò natura* dicitur illud, quod est simul in eodem instanti reali cū alio, est tamen prius illo in instanti rationis, & naturæ, quomodo rationale dicitur prius risibili. *Prius denique consequentiæ*, dicitur illud, à quo ad aliud non valet consequentiæ, bene tamen è contra, ut animal respectu hominis.

138. Tertiū postprædicamentū est *similitudo*, quæ pariter est triplex: vna *temporis*, quomodo rationale, & risibile sunt simul; altera *naturæ*, qualis reperitur inter relativæ, quæ se mutuo ponunt, & destruunt. Et tertia, *consequentie*, quæ est idem ac convertibilitas, quæ est inter illas, quæ

se mutuo inferunt : quomodo rationale, & risibile simul sunt.

139. Quartum postprædicamentum est *modus*, de quo latè agemus in libris physicorum. Et vltimum postprædicamentum est *habere*, seu *modus habendi*, qui est multiplex : primus est *modus habendi per inherensiam*, quo pacto substantia dicitur habere accidens : secundus est *per continentiam seu inclusionem*, quomodo vas dicitur habere aquam : tertius *per possessionem*, vt homo agrum : quartus *per relationem*, vt pater filium : & quintus *per circumpositionem*, vt homo vestem, & arma, ex quibus resultat habitus, qui est vnum ex prædicamentis. Et hæc de prima parte Logicæ.

SECUNDA PARS LOGICÆ.

De secundis intentionibus, quibus
dirigitur secunda operatio
intellectus.

Explicatis secundis intentionibus, quarum notitia dirigitur prima operatio intellectus, progredimur ad eas, quæ dirigunt secundam : hæc autem dirigitur per notitiam propositionis, & aliorum ad ipsam spectantium : quia verò in summis sufficienter explicuimus, quid & quotuplex sit propositio, & omnes eius proprietates, idè ne eadem iterum repetamus, hic solum de eius veritate, & falsitate agimus, Sit igitur.

DISPUTATIO VI.

De veritate, & falsitate propositionis.

Veritas duplex est, alia *transcendentalis*, quæ cum sit passio entis, ad Metaphysicam spectat, in qua nos de illa agemus. Alia *formalis*, quæ reperitur in propositione, seu iudicio intellectus ; & de hac loquimur in præsentia.

DVBIVM PRIMUM.

Quid sit veritas, & falsitas in propositione ?

Dico primò ; veritatem propositionis consistere in eius conformitate cum obiecto cognito, falsitatem verò in nonconformitate cum illo, Et probatur, quia vt ait Philosophus in prædicam. cap. de substant. ex eo quòd res est, vel non est, propositio vera, vel falsa est : ergo propositio denominatur vera vel falsa, à conformitate, vel nonconformitate ipsius ad obiectum : ergo in huiusmodi conformitate vel nonconformitate veritas aut falsitas eius consistit. § Confirmatur, quia veritas in propositione vocali consistit in immediata conformitate vocis significantis ad rem significatam. Et imago v. g. Cæsaris tunc dicitur vera imago, quando repræsentat illum, prout est in se immediatè, vnde illius veritas consistit in conformitate immediata inter repræsentationem imaginis, & rem ipsam repræsentatam. Ergo similiter illa propositio dicitur vera, quæ immediatè commensuratur suo obiecto ; illa verò falsa, quæ non commensuratur illi.

2. Dico secundò : Hanc con-
 menurationem, seu conformitatē
 ad obiectum, in qua veritas formalis
 propositionis consistit, non esse re-
 lationem aliquam si ē pradicamen-
 talem, siue rationis. Prima pars pro-
 batur; quia propositio intelligitur
 vera priusquam intelligatur consur-
 gere relatio illa pradicamentalis: er-
 go talis relatio non intrat in formali
 conceptu veritatis. Probb. anteceden-
 dens; realitio pradicamentalis non
 consurgit, nisi posito fundamento &
 termino: sed propositio formalissi-
 mē vera est hoc ipso quod ponitur
 tale fundamentum & terminus, ita
 ut si per impossibile impediretur re-
 sultantia relationis, adhuc vera es-
 set; quia esset conformis obiecto,
 in qua conformitate relatio illa fun-
 datur: ergo intelligitur vera prius-
 quam intelligatur consurgere dicta
 relatio.

3. Hoc argumentum de relatio-
 ne reali probat etiam de relatione
 rationis: nam sicut illa consurgit
 posito fundamento, & termino, ita
 hæc fingitur per intellectum, sup-
 posito eo, quod per modum funda-
 menti, & termini interuenire po-
 test: sed ex vi eius, quod suppo-
 nitur ad talem relationem, vel fi-
 ctionem, propositio est vera: ergo
 talis relatio non intrat formaliter
 conceptum veritatis. 4. Confirma-
 tur, quia à parte rei antecederet
 ad omnem fictionem intellectus
 propositio est vera: ergo veritas il-
 lius non potest consistere in aliqua
 relatione rationis. Consequentia
 patet. Antecedens verò probatur, quia
 propositionem esse veram nihil aliud
 est, quam esse conformem obiecto,
 sicut ipsum est à parte rei: sed totū
 hoc datur ante fictionē intellectus,

quia ante illam, & Petrus affirmat
 Ioannem currere, & Ioannes de fa-
 cto currit: ergo &c.

5. Dico tertio, Hanc conformi-
 tatem esse propositionem ipsam, seu
 iudicium intellectus cōnotando ob-
 iectum ita se habens, sicut per ta-
 lem propositionem, seu iudicium
 intellectus cognoscitur. Ita P. Sua-
 rez tom. 1. met. disp. 8. num. 2. &
 alij. Ratio est, quia per hoc, quod
 iudicium intellectus cōnotet ob-
 iectum ita se habens, sicut cognosci-
 tur, illud iudicium erit verum; fal-
 sum verò si obiectum cōnotatum
 non ita se habeat, sicut cognoscitur:
 ergo solum in his veritas, vel falsi-
 tas consistit. Contra hanc conclu-
 sionem obijci solent aliqua argumē-
 ta, quæ quia leuia sunt, relinquo.

D V B I V M SECVNDVM

*In qua propositione reperitur
 veritas?*

5. **N**O TO, in intellectu nostro
 dari tria genera propositio-
 num. Primum est illarum, quæ vo-
 cantur apprehensivæ: ut quando
 intellectus noster habet plures con-
 ceptus ordinatos per modum pro-
 positionis, non tamen iudicat de il-
 lis. Et hoc genus solet contingere
 in illis hominibus, qui audiunt, vel
 legunt aliquam propositionem, abs-
 que eo quod ferant iudicium de ob-
 iecto illius. Secundum genus est il-
 larum propositionum, quæ vocan-
 tur compositivæ, & divisivæ im-
 perfectæ, in quibus licet sit aliquale
 iudicium, est tamen imperfectum,
 & non omnino formatum. Tertiū
 tan-

tandem genus est illarum propositionum, in quibus fertur perfectum, & formatum iudicium de obiecto, asserendo indubitanter, ac omnino firmiter, hoc esse hoc. His positis.

6. Dico primò, Veritatem formalem reperiri non posse in propositione purè apprehensiva. Hæc assertio est ferè communis. Probatur primò à pari; nam sicuti aliquis nò dicitur mendax in verbis, nisi aliud quod falsum assertiue proferat, ita non dicitur falsus in mente, nisi mentaliter intelligat assertiue falsum: sed intellectus ex vi propositionis purè apprehensivæ nihil assertiue dicit, sed solum simpliciter apprehendit terminos illius propositionis: ergo respectu talis propositionis nunquam dicetur falsus, neque verus, quia contraria nata sunt esse circa eundem.

7. Probatur secundò à priori Quia propositio illa purè apprehensiva solum est in prima operatione intellectus: sed in prima operatione intellectus non reperitur veritas formalis: ergo neque in propositione purè apprehensiva. *Maiores patet*, nam ideo propositio illa dicitur apprehensiva, quia solum attingitur à simplici apprehensione intellectus. Unde propositio illa non est propositio propriè dicta, sed solum materialiter, & secundum apparentiam dicitur propositio, inquantum includit terminos ad modum propositionis ordinatos; quamvis prædicti termini propositionem formalem non efficiant, quia non attinguntur per aliquem actum, qui habeat vim eos connectendi, & copulandi: sed per simplicem apprehensionem eos cum illo ordine attingentem. *Minor*

verò probatur; quia veritas formalis est perfecta adæquatio intellectionis cum re intellecta: in simplici autem apprehensione non reperitur hæc perfecta adæquatio cum re intellecta; quia per simplicem apprehensionem non cognoscitur, quæ prædicata conveniant rei, quæ verò nò conveniant: ergo non potest veritas formalis reperiri in simplici apprehensione. *Confirmatur*; quia veritas formalis est ultima perfectio intellectus, cum intellectus solum tendat ad cognitionem sui obiecti sicuti in se est: ergo reperiri debet in perfectissima operatione illius: sed simplex apprehensio non est huiusmodi, cum ordinetur ad iudicium: ergo in ea veritas formalis reperiri non potest.

8. Dices: si ideo veritas formalis reperiri non potest in simplici apprehensione, quia simplex apprehensio ordinatur ad secundam operationem intellectus, sequitur quòd neque in secunda reperiri possit, quia hæc ordinatur ad tertiam. ¶ Respondetur negando sequelam, & ad probationem dico, quòd non solum simplex apprehensio, verum etiam discursus ordinatur ad secundam operationem intellectus, quia intellectus non discurret, nisi ut forme perfectum iudicium de re: & sic omnes operationes intellectus ministrant, & inferiunt iudicio, tanquam perfectissimæ eius actioni.

9. Dico secundò, veritatem formalem reperiri in iudicio perfecto perfecte, & in iudicio imperfecto imperfectè. ita Aristoteles 6. met. apud D. Th. lect. 4. & omnes communiter. Probatur, quia veritas formalis reperitur in eo actu, qui habet adæquationem, & conformitatem

tatem cum obiecto: sed in iudicio, quod intellectus format de obiecto, habetur huiusmodi adequatio, & cōformitas actus cum obiecto: ergo in iudicio perfecto perfectè, & in imperfecto imperfectè reperitur veritas formalis. Probatur minor: quia in iudicio representantur gradus obiecti, eo modo quo sunt à parte rei, idest, vt vniti, & copulati, quia representantur, quatenus connectuntur simul per verbum copulatiuum, & vnitiuum prædicati cū subiecto: ergo iudicium habet adæquationē, & conformitatem cum obiecto cognito. Noto, quodd loquor de iudicio in facto esse, seu prout non contradistinguitur à verbo, quod habet representare rem sicuti in se est: nā iudicium vt contradistinctum à verbo, non est representatiuum, vt dicam in libris de anima.

DVBIVM TERTIVM

Utrum falsitas in solo iudicio intellectus reperiri possit?

Ans. Reperiri potest.

10. **P**rima conclusio. In simplicibus conceptibus, seu actibus cognoscendi, siue intellectus, siue sensus, non est propria falsitas. Hæc conclusio est Aristotelis lib. 3. de anim. c. 6. & latius lib. 9. met. c.

12. Et probatur à priori notando prius, quodd falsitas inter ea versari debet, inter quæ versatur veritas: sunt enim opposita: veritas autem versatur inter cognitionem & rem, quæ est obiectum eius: vnde quamvis cognitio habeat disconuenientiā cum re, quæ non est obiectum illius, illa non potest denominari falsitas. Hinc ergo conficitur argumentum, nam simplex apprehensio, seu co-

gnitio non potest habere difformitatem cum re, quæ est obiectum eius, esto possit esse difformis alijs rebus: ergo non potest in illa esse falsitas. Antecedens declaratur in hunc modum, quia cum habitudo huius cognitionis ad obiectum sit simplex, seu per simplicem representationem, non potest esse difformis rei tanquam obiecto representato: quia aut talis res representatur per talem actum cognitionis, vel non? si non representatur, non est obiectum, & ita respectu illius non erit falsus talis actus. Si verò representatur per illum, erit conformitas inter illa, quia necesse est, representans & representatum habere inter se conuenientiam: ergo etiam respectu illius obiecti non erit falsus talis actus: ergo respectu nullius obiecti potest huiusmodi actus habere falsitatem.

11. Dices, posse huiusmodi actum representare rem, non tamen sicuti est: & ideo posse respectu obiecti sui esse falsum. Sed contra est, quia in representatione per simplicem actum vna res non attribuitur alteri, sed simpliciter res aliqua representatur: ergo vel representatur sicuti est, vel non est illa, quæ representatur. Itaque non est dubium, quin interdum sensus (& idem proportionaliter est de intellectu) apprehendat rem exteriorem aliter, quam in se existat. Quo fit vt non tam illam, quam aliam loco illius apprehendat, & ideo dicimus non propriè falli, quia ipse non attribuit illam suam apprehensionem rei in se existenti, sed simpliciter illud obiectum sibi representatum apprehendit. Et quamvis Arist. dicat, sensum falli circa sensibile commune,

aut

aut per accidens circa proprium, tamen non intelligit, falsitatem propriè sumptam in ipsa simplici apprehensione reperiri, sed esse in his apprehensionibus occasionem erroris, & deceptionis, & inde falsas nominari. Sic etiam intelligendus est D. Th. 1. p. q. 17. art. 3. ubi dicit, falsitatem per accidens reperiri posse in apprehensione: quia accidere potest, quod simplex apprehensio subministrat terminos, ex quibus iudicium efformet aliquam propositionem falsam.

12. Secunda conclusio. Falsitas propriè reperitur in compositione, & diuisione intellectus. Hæc est cõmunis, & recepta sententia Arist. D. Th. & aliorum. Et probatur ratione à priori: quia in huiusmodi compositione, & diuisione potest reperiri propriè difformitas inter cognitionem, & rem, quæ est obiectum eius: ergo & falsitas. Antecedens probatur, quia quando intellectus componit ea, quæ in re non sunt coniuncta, habet pro obiecto adæquato vnionem, seu conjunctionem vnius extremi cum alio. Vnde ipsa etiam extrema in actuali obiecto complectitur, vnum vt materiam seu subiectum, cum quo aliud comparat, & iudicat habere cū illo conjunctionem, & consequenter in actu exercito iudicat conceptum vnius habere conformitatem cum alio: ergo quando inter illa extrema non est illa conjunctio seu cõformitas, quam intellectus iudicat, discordat iudicium ab obiecto suo: ergo in illo est propria, & rigorosa falsitas.

13. Hinc intelligitur differentia inter conceptus simplices, & iudicium compositionis, & diuisionis:

nam conceptus simplex solum representat obiectum, & non dicit ita esse in re, vel non esse. At verò iudicium quia iudicat obiectum aut habere quod nō habet, aut nō habere quod habet; ideo in eo inuenitur propria falsitas, non autem in simplici conceptione.

DVBIUM QVARTVM

Utrum eadem propositio possit esse simul vera, & falsa; vel falsitas mutari de vera in falsam?

14. Prima conclusio. Non potest eadem propositio esse simul vera, & falsa. Est communis, & probatur euidenter; quia ex eo quod res sit vel non sit, propositio est vera vel falsa; e.g. propositio dicens *Petrus currit*, est vera, eo quod Petrus currat, est falsa, eo quod Petrus non currat: sed non potest eadem res simul esse, & non esse, e.g. non potest Petrus simul currere, & non currere: ergo non potest eadem propositio esse vera simul, & falsa.

15. Secunda conclusio. Eadem entitatiuè propositio transire potest de vera in falsam. Est Aristotelis in prædicamentis cap. de substantia, ubi sic ait: *eadem autem oratio vera & falsa videtur esse, veluti si vera sit oratio, fidere quendam; eo surgente eadem falsa erit: Similiter de opinione; si quis verum putet aliquem fidere, surgente ipso falso putabit eandem de ipso opinionem habere.* Et licet aduersarij respondant, Aristotelē dare solum, sed non concedere ex propria sententia, quod possit eadem opinio mutari de vera in falsam: tamen S. Th. 1. p. q. 14. art. 3. ad 3. & alij putant, Aristotelē id docere.

re ex propria sententia ; Cum enim retulisset quandam opinionem Nominalium, sic argumentatur : *Sequeretur, quod propositio, quæ semel est vera, esset semper vera, quod est contra Philosophum, qui dicit, quod hæc oratio, Socrates sedet, verum est eo sedente, & eadem falsa est eo surgente.* Vnde hæc conclusio communis est inter Thomistas.

16. Probatur ratione allata ab Aristotele, & D. Thoma locis citatis. Nam hæc propositio entitativè sumpta, *Petrus sedet*, est vera dum Petrus sedet ; quando verò surgit, & non sedet, est falsa ; ergò transit de vera in falsam. § Confirmatur, idem actus voluntatis entitativè sumptus potest transire de bono in malum : ergo etiam idem actus intellectus entitativè sumptus potest transire de vero in falsum. Consequentia patet à paritate. Antecedens verò probatur ; tandiu actus voluntatis potest manere idem entitativè, quandiu eius obiectum perseverat sub eadem ratione obiecti physici : sed potest obiectum manere omnino idem, & sub eadem propositione in esse physico, & nihilominus actus mutari de bono in malum : ergo &c. Probatur minor ; si aliquis tempore non dum prohibito proponeret sibi hoc obiectum, quod est *vesci carnibus ad naturalem corporis sustentationem*, & continuaret illam propositionem tempore prohibito, prædictum obiectum maneret idem, & sub eadem propositione in ratione obiecti physici ; quippe semper maneret propositum voluntati, ut utile ad naturalem corporis sustentationem : & nihilominus variaretur de bono in malum : ergo &c.

17. Contrariam sententiam tenet

aliqui, inter quos est noster Stephanus Spinula in libris de anima disp. 4. sect. 9. sentiens, neque per divinam potentiam propositionem semel veram posse mutari in falsam ; Fundamentum huius sententiæ est : Quia si aliqua propositio posset mutari de vera in falsam, maximè propositio de obiecto contingente, e.g. hæc *Petrus currit*, quæ si dureret per aliquod spatium temporis, & in prima parte illius temporis Petrus currat, in secunda cessat à cursu, in prima parte temporis erit vera, in secunda erit falsa : sed neque hæc propositio, nec aliæ similes possunt mutari de veris in falsas : ergo &c. Minor probatur ; quia si hæc propositio affirmat, quòd Petrus currit pro toto tempore quòd durat, semper est falsa, quia semper est falsum, quòd Petrus currat toto tempore, quòd durat talis propositio : Si affirmat, quòd currit in aliqua parte temporis, quòd durat propositio, non determinando talem partem, semper est vera, quia semper est verum, quòd Petrus currit in aliqua parte temporis, quòd durat propositio : Si denique dicat, quòd currit pro aliqua parte temporis determinata, si currit in tali parte, semper est vera, si non currit, semper est falsa : ergo nunquam mutatur de vera in falsam ;

18. Respondetur negando minorem ; & ad probationem dico, quòd propositio affirmat Petrum currere eo instanti, quod de facto præsens est propositioni ; de materiali autem se habet, hoc vel illud instans esse præsens propositioni : sicut de materiali se habet in actu volendi comedere carnes, quòd tempore, quo durat, sit vel non sit prohibitio Ecclesiæ : Et quia in priori instanti Pe-

trus currit, & in posteriori non currit, ideo propositio prius est vera, & postea falsa. Similiter quando dico, omnes qui sunt in templo D. Petri deuote orant, ista propositio, si Franciscus est in dicta Ecclesia, illum significat, si verò non est Franciscus, sed Martinus, significat Martinum, & non Franciscum. Sic propositio, Petrus currit, tempore quo durat, significat instans sibi præsens, & si præsens est hoc instans, hoc significat, si verò aliud instans, illud aliud significat; vnde hæc variari possunt manente eadem propositione: & quia in vno Petrus de facto currit, & in altero non currit, ideo propositio eadem manens de vera mutatur in falsam.

D V B I V M Q V I N T V M

Verum in propositionibus de futuro, contingentibus sit determinata veritas?

19. **P**artem affirmatiuam tenent communiter Recentiores extra Scholam D. Thomæ. Sententiam tamen negatiuam (quam verissimam puto) expresse tradit Aristoteles hic 1. de interpret. cap. 8. ubi loquens de futuris contingentibus, quæ talibus, & prout continentur in suis causis, sic ait: *In his igitur, quæ sunt, & fiunt, necesse est, affirmationem, vel negationem, veram vel falsam esse. In singularibus autem, atque futuris, non similiter sese res habet, &c.* Quæ verba exponens D. Th. ibidem lect. 13. hæc scribit: *In præteritis, & præsentibus necesse est, quod altera oppositarum determinate sit vera, & altera falsa, in quacumque*

*materia: sed in singularibus quæ sunt de futuro, hoc non est necesse quod una sit determinate vera, & altera falsa; & hoc quidem dicitur, quantum ad materiam contingentem. Idem docet in 1. sent. dist. 38. q. 1. art. 5. ad 2. his verbis: *Futurum contingens non est determinate verum aut equum fiat, quia non habet causam determinatam.* Et q. 16. de malo art. 7. *Et, inquit, quæ sunt ad vtrumlibet, non possunt præcognosci in suis causis determinate, sed sub distinctione: utpote quia erunt, vel non erunt, sic enim habent veritatem.**

20. Ex quo colligitur, aliquos Recentiores, non solum malè de Aristotele mereri, sed etiam in D. Thomam grauius peccare, dum asserunt Aristotelem errasse, in eo quod docuit, propositionum contradicentium de futuro contingentibus, neutram esse determinate veram, vel falsam: quia (inquiunt) per hoc certam, & infallibilem futurorum contingentium præscientiam Deo denegauit. Patet, inquam, hæc responsionem non solum esse frivolum, sed etiam S. Doctorem iniuriosam. Si enim in hoc errasset Aristoteles, non debuisset S. Th. ei adherere, eiusque sententiam sequi, sed potius illum corrigere ac emendare. Præterquam quod malè omnino discurrunt isti Authores, dum ex eo, quod Aristoteles docuit, contradicentium de futuro contingentibus, neutram esse determinate veram, vel falsam, inferunt illum Deo certam futurorum notitiam abstulisse. Aliud enim est, quod Deus futura contingentia ante decretum, & determinationem suæ voluntatis non cognoscat: cum pro eo priori non sint determinate vera, nec proinde cognoscibilia; &

Q

aliud

aliud quoddam absolute non præsciat,
nec prævideat.

21. Non valet etiam aliorum responsio, qui dicunt Aristotelem, & D. Thomam non negare unam ex propositionibus contradictorijs de futuro contingenti esse determinatè veram quoad se, & respectu intellectus diuini, sed solum quoad nos, & respectu intellectus humani, cui talis veritas occulta, & incognita est. Non valet, inquam, hæc elusio, quia Aristoteles, & D. Th. non aliam reddunt rationem, quare neutra ex propositionibus contradictorijs de futuro contingenti sit determinatè vera, vel falsa, nisi quia futurum contingens non habet esse determinatum in suis causis, ut patet ex verbis D. Th. in 1. dist. 38. qu. 1. art. 5. ad 2. supra relatis, ait enim: *Futurum contingens non est determinate verum antequam fiat, quia non habet causam determinatam.* Sed hæc ratio probat, futura contingentia non habere veritatem obiectiuam determinatam ante decretum, etiam quoad se, & respectu intellectus diuini: ergo prædicta interpretatio non est legitima.

22. Ratio autem potissima huius sententiæ est: quia omnis veritas obiectiua determinata, debet fundari in aliquo esse, nam ex eo quod res est, vel non est, propositio dicitur vera, vel falsa. Vel ergo veritas obiectiua futurorum contingentium ante decretum, fundatur in esse quod habent in se, vel in esse quod habent in suis causis? Neuterum dici potest: ergo nullam habent veritatem obiectiuam ante decretum. Minor quantum ad primam partem constat: contingentia enim, quandiu sunt futura, non sunt in se, ut patet: ergo

veritas obiectiua eorum, si quam habent, non potest fundari in esse quod habeant in se. Probatur verò quantum ad secundam. Nulla res futura habet esse certum, & determinatum in causa indifferenti, & impedibili: sed ante decretum omnis causa libera, & contingens, est indifferens, quia prima eius terminatio provenit à diuina voluntate: & adhuc admissio, non tamen concessio, quod primò à seipsa determinetur, est impedibilis saltem à Deo. Ergo ante decretum futurum contingens non habet esse certum, & determinatum in suis causis.

23. Ob. 1. Vis contradictionis exigit, ut una ex contradictorijs sit determinatè vera, & altera determinatè falsa: At istæ propositiones, *Petrus erat disputabis, & Petrus non disputabis*, sunt contradictoriæ: ergo una illarum est determinatè vera, & altera determinatè falsa: & consequenter Deus cognoscere potest, quænam illarum sit vera, quæ verò falsa. Respondetur distinguendo maiorem: vis & natura contradictionis exigit, ut una ex contradictorijs sit determinatè vera, & altera falsa: una determinatè formaliter, concedo: una determinatè materialiter, nego. Sensus distinctionis est, ex contradictione provenire, quoddam factum veraque propositio nunquam sit vera, vel veraque falsa, sed quod si una sit vera, altera debeat esse falsa: quod verò hæc materialiter, & in indiuiduo sit vera, determinatè præ alia, hoc non provenit ex contradictione sed vel ex materia, ut in propositionibus necessarijs, vel ex determinatione præsentia-tatis, aut præteritionis, ut in propositionibus de præsenti, & præterito, aut ex determinatio-

natione causarum, vt in propositionibus de futuro contingenti: vnde antecedenter ad decretum, quod est determinatio causæ primæ, nullapoteest esse determinatè vera, vel falsa: sed vna tantum indeterminate, & sub disunctione, eo fere modo, quo alter oculus dicitur necessarius ad videndum, ly *alter* non supponit determinatè pro aliquo in indiuiduo, sed determinatè pro aliquo, quicūq; ille sit, vel dexter vel sinister.

24. Ob. 2. Si Petrus hodie disputat, hæc propositio, *Petrus disputat* est determinatè vera: ergo heri hæc alia propositio, *Petrus disputabit*, fuit etiam determinatè vera. Patet consequentia, quia vtraque propositio est conformis suo significato; nam si disputatio præsens habet nunc esse determinatum de præsentia: ergo heri habuit esse determinatum de futuro. Respondetur hoc argumentum nõ vrgere contra nostram sententiam, nam ideo hodie hæc propositio, *Petrus disputat*, est determinatè vera, quia adest presentia- litas talis disputationis: heri autem erat futura talis disputatio, quia manebat determinata à diuino decreto, quod si à diuino decreto præscinderetur, nullo modo habuisset futuritionem, quia neque in se, neque in causa eius esse fuisset determinatum, vt iam ostensum est.

25. Ob. 3. Veritas, & falsitas sũt proprietates propositionis: At determinatæ essentia conuenire debent determinatæ proprietates: ergo veritas, & falsitas debent conuenire propositionibus de futuro contingenti. Respondetur distinguendo maiorem: Veritas & falsitas sunt proprietates propositionis, *proprietates respectiue*, concedo; *absoluta* nego.

Similiter distinguo minorem: Determinatæ essentia conuenire debet determinatæ proprietates, *si sint absolute*, concedo; *si sint respectiue*, nego. Explicatur: sicut æqualitas vel inæqualitas sunt proprietates quantitatis, non absolutæ, sed respectiue: quia vna quantitas dicitur æqualis per ordinem ad alteram cui commensuratur, & inæqualis per ordinem ad aliam, quam excedit, vel à qua exceditur: Ita similiter veritas, & falsitas sunt proprietates propositionis, non absolutæ, sed respectiue: quia sumuntur per ordinem ad obiectum, & ex conformitate, vel difformitate, quam habent ad illud: vnde sicut si daretur vna tantum quantitas, neque esset æqualis, sed indifferens ad vtrumque: ita si datur aliquod signum rationis, in quo obiectum propositionis de futuro contingenti, non sit determinatè futurum, vel non futurum, illa etiam in tali signo non erit determinatè vera, vel falsa, sed non vera, & non falsa: idest indifferens ad veritatem & falsitatem.

26. Ex dictis infertur, Deum certò cognoscere futura contingētia solum in decreto suæ voluntatis; nam si non potest ea certò cognoscere ante decretum in eorum veritate obiectiua, vt ostensum est, euidenter sequitur, solum ea cognoscere in decreto prædefiniente eorū futuritionem: Quilibet enim effectus potest certò cognosci in causa, ex qua infallibiliter sequitur: ex decreto autem efficaci diuine voluntatis, tãquam ex causa infallibili sequuntur omnia futura contingentia, vt tom. 1. Theol. tract. 3. latius ostendimus. Ex hæc de Secunda parte Logicæ.

TERTIA PARS LOGICA;

*De fondis intentionibus, quibus
dirigitur tertia operatio
intellectus;*

SECUNDÆ intentiones, quarum noticia dirigit, & perficit tertiam operationem intellectus, sunt syllogismus, figura, argumentatio, & his similia, & sic hæc omnia pertinent ad hanc tertiam partem Dialecticæ; tamen quia de eis plura iam diximus in summulis: & ex alijs multa parum necessaria videntur: ideo hic solum de demonstratione tractabimus, cuiusque effectus, qui est scientia; sit igitur.

DISPUTATIO VII.

De Præ requisitis ad demonstrationem.

Dubitatur primò in hac disputatione Quomodo intelligenda sit illa propositio Aristotelis: *Omnis doctrina, omnisque disciplina intellectiva, sit ex præexistenti cognitione?* Hæc propositio variè solet explicari à DD: Quidam enim eam extendunt ad omnem cognitionem intellectus, tam simplicem, quam compositam. Cum enim discursus fiat ex antecedenti iudicio; & iudicium præsupponat apprehensionem; & hæc requirat cognitionem sensuū: semper verificatur, quamcumque cognitionem intellectus fieri lex alia præexistenti cognitione. Et hunc,

inquiunt, esse sensum dictæ propositionis. Alij verò illam accommodant ad solas cognitiones compositas intellectus, tam secundæ, quam tertiæ operationis; ita ut sensus sit, omnem cognitionem intellectivā, tam discursivā, quam iudicativā fieri ex alia præexistenti cognitione intellectus, scilicet ex simplici apprehensione. Tertio Alij eam restringunt ad solam cognitionem demonstrativā, quia hæc sola potest absolute appellari doctrina. Et ultimo alij, illam intelligunt de omni cognitione discursiva, quæ sit ex præcedenti cognitione principiorum, ex quibus procedit intellectus discurrendo ad cognitionem eorum, quæ ex talibus principijs deducuntur. Quæ discursiva cognitio siue scientifica sit, siue probabilis, in Magistro appellatur doctrina, & in Discipulo disciplina. Et hæc ultima expositio videtur ad mentem Aristotelis: nam posita illa vniuersali propositione, statim probat eam inductione facta in demonstrationibus Mathematicæ, & in Syllogismis, & inductionibus probabilibus Dialecticæ: ergo iuxta mentem Aristotelis propositio illa intelligitur non solum de cognitione habita per demonstrationem, sed etiam per quamcumque argumentationem, seu discursum.

Dubitatur secundò, Quot sint in demonstratione præcognitiones, & præcognita? Respondeo breuiter, præcognitiones esse duas, præcognita verò tria. Nam supposito quod omnis cognitio discursiva sit ex præexistenti cognitione, ut dictum est; ante cognitionem scientificam, quæ in nobis est discursiva, aliqua sunt necessariò præcognoscenda: hæc autem

rcm

tem sunt tria, nempe subiectum, prædicatum, & principium. Subiectum, quia non possumus de eo demonstrare aliquid, nisi præcognoscamus quid sit ipsum subiectum. Similiter prædicatum, quia non possumus demonstrare, illud conuenire subiecto, nisi prius cognoscamus quid sit tale prædicatum. Et tertio principium, quia præmissæ, quæ sunt integrum principium conclusionis, debent prius cognosci ut veræ, ut ex illis inferatur conclusio. Ex quo euidenter sequitur, præcognitiones esse tantum duas, vnam qua cognoscimus quidditatem subiecti, & prædicati: alteram, qua cognoscimus veritatem præmissarum.

3. *Dubitatur tertio*, An assensus præmissarum causet in genere causæ efficientis assensum conclusionis? Est omnino certum, assensum præmissarum esse quodammodo causam assensus conclusionis. Quia propria ratio discursus non consistit in hoc, quod vnum cognoscatur post aliud secundum successionem temporis: id enim vel non est necessarium, vel si requiritur, non tamen est sufficiens; siquidem possunt plures propositiones disparatæ vna post aliam successionem temporis cognosci absque eo, quod efficiant verum discursum, ut patet: ergo propria eius ratio consistit in eo, quod vnus cognitio ex alterius cognitione causetur.

4. Difficultas est de genere causæ efficientis, an in eo genere causæ assensus præmissarum concurrat ad assensum conclusionis. Et ratio dubitandi est, quia causa efficiens agit, in quantum est actu in rerum natura: sed quando intellectus assentitur conclusioni, iam præterijt assensus præmissarum: ergo ipse non potest

esse causa efficiens assensus conclusionis. Probatur minor, quia in intellectu non possunt esse simul plures cognitiones, sed vna post aliam: ut docet S. Th. 1. p. qu. 59. art. 4. Ergo quando intellectus assentitur conclusioni, assensus præmissarum non est.

5. Nihilominus dicendum est, assensum præmissarum esse causam efficientem assensus conclusionis. Hæc sententia est communis inter DD. Et probatur efficaciter; quia illud, quod constituit potentiam in actu primo ad efficiendum, concurret cum ea efficienter ad actum secundum: sed per species intelligibiles præmissarum, & assensus illarum constituitur intellectus in actu primo ad efficiendum conclusioni: ergo species præmissarum, & assensus earum concurrunt efficienter ad assensum conclusionis. Probatur minor; tum quia intellectus nude consideratus non est sufficienter determinatus in ratione causæ ad talem assensum producendum, quod tamen habet existente assensu præmissarum: tum etiã quia in assensu conclusionis non solum inuenitur ratio communis intellectiõis, quæ per se primo correspondet intellectui, & ratio etiã intellectiõis talis obiecti, quæ per se primo correspondet speciei intellectibili: sed etiã ratio intellectiõis discursiue, quæ prout sic refunditur tanquam in causam per se in præexistente cognitionem præmissarum: ergo sicut propter ea intellectus, & species intelligibilis concurrunt efficienter ad assensum conclusionis, sic etiam concurret assensus præmissarum.

6. Quomodo autem contingat hæc efficientia, non potest in præsentia

senti explicari; pendet enim ex dicendis in libris de Anima. Pro nunc tamen dico, quod vel ipsum verbum mentis, seu species expressa, quæ est in assensu præmissarum, immediatè per seipsam simul cù intellectu producit assensum cõclusionis vel quod per assensum præmissarum produci- tur in intellectu quedam species intelligibilis, quæ simul cum ipso producat assensum conclusionis.

7. Vnde iuxta huc duplicem modum dicendi ad rationem dubitandi respondeo, quod si assensus præmissarum per seipsam, & immediatè producit assensum cõclusionis, iuxta primum modum, consequenter asserendum est, vtrumque assensum esse simul in intellectu. Neque reputandum est impossibile, esse simul in intellectu duas cognitiones specie distinctas, quando habent inter se ordinem, vt contingit in presenti, vbi se habent per modum vnius discursus. Tunc enim intellectus propriè loquendo non cognoscit plura vt plura, quod loc. cit. negat D. Th. sed per modum vnius, quod esse possibile concedit ibidem, & q. 58. antec. art. 2. Si verò assensus præmissarum non per seipsam, sed ratione alicuius speciei intelligibilis concurrat ad assensum cõclusionis, iuxta secundum modum dicendi, tunc sufficit quod species illa maneat in intellectu, etiam si præterisset assensus præmissarum.

8. *Dubatur quartò, An assensus præmissarum necessitet intellectum ad assentiendum conclusioni?* Pro decisione præsentis difficultatis sciendum est, dupliciter posse aliquam potentiam necessitari; scilicet quoad specificationem, & quoad exercitium. Tunc necessitatur quoad specificatio-

nem quando taliter determinatur ad vnã partem, vt licet possit suspendere actum; tamen si velit operari, actus debet esse illius speciei, ad quã determinatur, & non potest esse alterius. Tunc verò necessitatur quoad exercitium, quando taliter determinatur, vt non possit suspendere, aut cessare ab actu. Verbi gratia voluntas in via necessitatur quoad specificationem ad amandam bonitatem in communis quia licet possit non exercere actum circa illam; tamen si vult exire in actum, necessariò debet esse amoris, & non odij. In patria verò eadem voluntas necessitatur quoad exercitium à bonitate diuina clarè visa; quia non solum non potest eam odisse, sed neque suspendere, aut cessare ab amore illius, quam vnde quaque diligibilem clarè conspiciat intellectus.

9. Hoc prænotato, ad præsens dubium respondeo, cognita bonitate consequentiã, assensum præmissarum necessitare intellectum tam quoad specificationem, quàm quoad exercitium ad essendiendum conclusioni. Hæc conclusio quoad vtramque partem est communis, præsertim inter Thomistas. *Prima pars probatur.* Quia necessitas quoad specificationem est determinatio potentie ad aliquem actum, ita ut quamuis ipsum possit suspendere, nequeat tamen elicere actum oppositum: atqui positò assensu præmissarum ita determinatur intellectus ad assentiendum conclusioni, vt nequeat illi dissentire: ergo necessitatur ad illum quoad specificationem. Probatur minor, quia intellectus nequit dissentire vero clarè cognito, sicut nec voluntas abhorere à bono: atqui cognitio præmissarum vt veris, & visa bonitate conse-

quen-

quantit, clarè cognoscit conclusi-
onem esse veram, cum ex anteceden-
te vero sequi nequeat consequens
falsum: ergo non poterit dissentire
conclusioni. *Probaturs secunda pars;*
Quia potentiam necessitarii quoad
exercitium alicuius actus, est ita de-
terminari ad illum elicendum, vt
non possit illum suspendere: atqui
per assensum præmissarum ita deter-
minatur intellectus ad assensum con-
clusionis, vt non possit ipsum sus-
pendere: ergo. *Probaturs minor;* po-
tentia naturalis positis omnibus ad
agendum requisitis non potest non
agere, seu actionem suspendere (hec
enim est differentia causæ naturalis,
seu necessariæ à libera) atqui intel-
lectus est causa naturalis, & non li-
bera formaliter: ergo positis omni-
bus ad assentiendum conclusioni re-
quisitis, quæ sunt assensus præmis-
sarum, non potest non assentiri illi.

10. Contra hanc secundam partem
aliqui Moderni asserunt, quod po-
ssito assensu præmissarum, & cognita
bonitate illationis, adhuc intelle-
ctus potest suspendere assensum con-
clusionis. Et probant duobus argu-
mentis. *Primo*, quia intellectus sub-
ditur voluntati quantum ad exerci-
tium actus: ergo postquam assentitur
præmissis, potest ex imperio volun-
tatis suspende eactum circa con-
clusionem. *Secundo*, quia ex eisdem
principijs possunt inferri duæ con-
clusiones, altera directa, altera indi-
recta, vt patet in *barbara*, & *barali-
pton*: ergo post assensum præmis-
sarum manet intellectus indifferens
ad elicendam vnam, vel alteram
conclusionem: ergo sicut potest vo-
luntas determinare intellectum ad
assentiendum alterutri; potest etiã
determinare ad suspendendũ utrũq;

11. Respondetur ad primum con-
cedendo antecedens, & negando cõ-
sequentiam: quia voluntas imperans
aliquam actionem alterius potentie,
non potest impedire, quidquid ne-
cessariò sequitur ad talem actionem:
assensus autem conclusionis necessa-
riò sequitur ad assensum præmissarum,
vt ostensum est: & ideo voluntas nõ
potest impedire illum. Quæ doctri-
na confirmatur exemplo potentie
visiue, nam licet voluntas possit re-
trahere potentiam visiuam à visione,
auferendo obiectum, aut lucem, vel
ponendo impedimentum, clauden-
do scilicet oculos, vel alio simili mo-
do, tamen si obiectum sit præsens,
medium illuminatũ, oculi aperti, &c.
non potest impedire visionem. Ergo
similiter, poterit quidem voluntas
retrahere intellectum, ne cogitet de
præmissis, aut de bonitate illationis,
diuertendo illum ad alia; Si tamen
semel permiserit ipsum cogitare de
bonitate illationis, & assentiri præ-
missis, non poterit voluntas impe-
dire assensum conclusionis. *¶* Ad
secundum respondetur, assensum
præmissarum semper necessitare in-
tellectum ad assensum conclusionis
directæ: hic enim est proprius, &
immediatus effectus illius. Ex quo
deinde, facta conuersione talis con-
clusionis, elicit intellectus assensum
conclusionis indirectæ: quia conclu-
sio indirecta non per se primò, & im-
mediatè sequitur ex præmissis, sed
mediante conclusione directa, in qua
quodammodo continetur, quatenus
potest hæc conuerti in illam.



DISPUTATIO VIII.

De Demonstratione.

1. **P**OST notitiam eorum, quæ præcognosci debent ante demonstrationem, æquum est ut de demonstratione ipsa agamus. Duas autem definitiones demonstrationis adducit Aristoteles 1. poster. c. 2. Prima est: *Demonstratio est syllogismus faciens scire*. Secunda: *Demonstratio est syllogismus procedens ex veris. primis, & immediatis, notioribus, prioribus, causisque conclusionis*. Et utraque definitio est bona, breuiterque probatur: quia definitio, quæ datur per propriam causam definiti, siue extrinsecam, siue intrinsecam, est bona definitio; descriptiua quidem, si causa sit extrinseca; essentialis verò, si sit intrinseca: sed istę definitiones sunt huiusmodi: ergo &c. Probatur minor: quia demonstratio est instrumentum quoddam intellectuale, cuius proprius finis est scientia; per quā traditur prima definitio: ipsumque tanquam ex propria materia constat ex propositionibus veris, immediatis, notioribus, &c. per quam traditur secunda: ergo utroque modo rectè definitur demonstratio.

2. Aduerte, Aristotelem his definitionibus solum definire demonstrationem *propter quid*, cui absque controuersia conuenit generare scientiam, & procedere ex immediatis, prioribus, &c. quia nondum egerat in illo secundo capite de alia demonstratione, quæ dicitur *quia*.

3. Prima ex his definitionibus nõ indiget explicatione: vnde solum particulę secundę definitionis hic

declarandę sunt. Prima est *ex veris*, quia in demonstratione præmissę sunt causę veritatis conclusionis, per quas ipsa conclusio probatur: & ita sicut conclusio demonstrationis taliter est vera. ut repugnet esse falsa; sic etiam præmissę sunt necessario verę. Secunda *ex primis, & immediatis*: Dux istę particulę in re non differunt; Nam propositio immediata in præsentī est illa, quæ non est alia prior, per quam probatur; & sic necessario debet esse prima. Ponuntur tamen ad explicandum duos respectus eiusdem propositionis: nam eadem propositio dicitur immediata, in quantum caret alia priori per quam demonstratur: prima verò, comparatione aliarum subsequentium, quæ per illam demonstrantur. Hic aduerto, non omnem demonstrationem proximè procedere ex propositionibus immediatis, ut patet quando de subiecto demonstratur tertia passio per secundam; aut secunda per primam. Vnde Aristoteles dicens, demonstrationem procedere ex immediatis, intelligendus est de propositionibus immediatis proximè, vel remotè: quia quando aliqua præmissa est propositio mediata, ad hoc ut generet scientiam alicuius conclusionis, opus est, talem præmissam cognosci per resolutionem ad primam, & immediatam propositionem, vnde deriuatur.

4. Ex tribus subsequentibus particulis, hæc vltima, *causisque conclusionis*, prius explicanda est, quia ex eius declaratione dux priores innotescunt. Pro eius ergo intelligentia sciendum est, quòd semper præmissę sunt causę in cognoscendo conclusionis; id est, sunt id, quòd
 aliu-

assumit intellectus ad cognoscendam conclusionem, & per quod notificatur illi. Ultra hoc autem aliquando contingat etiam causam in essendo eiusdem conclusionis, ut quando per essentiam demonstratur prima passio, & per hanc secunda, &c. Et tunc præmissæ dicuntur causæ in essendo, & cognoscendo simul: quia intellectus assumit ut causam cognitionis id, quod est verè causa rei. Aliquando verò præmissæ non continent veram causam conclusionis, sed potius effectum eius, aut quid aliud ipsa posterius, ut quando causas demonstramus per signa, aut effectus earum. Et tales præmissæ dicuntur causæ in cognoscendo tantum: quia id, quod reuera non est causa, assumitur ab intellectu ut causa ad cognoscendam conclusionem. Supposito ergo quòd Aristoteles in dicto cap. 2. solum definiat demonstrationem *propter quid*, quæ semper est à priori: manifestè sequitur, hanc ultimam particulam, *causæque conclusionis*, intelligendam esse de causis in essendo, & cognoscendo simul.

5. Explicata hac ultima particula, iam facile intelliguntur alix duæ, *ex notioribus, & prioribus*. Si enim præmissæ debent esse causæ in essendo conclusionis; consequenter erunt notiores illa: siquidem causa secundum se notior est, quàm effectus. Erunt etiam priores propter eandem rationem; quia causa semper est prior effectui, saltem prioritate nature.

6. Explicata essentia demonstrationis, accedimus ad explicandam diuisionem illam, qua demonstratio diuiditur in *quia*, & *propter quid*. Est ergo demonstratio *propter quid*

illa, quæ non solum probat passionem inesse subiecto; sed etiam ostendit, *propter quid* illi contineri: quòd fit adducendo in præmissis propriam, & adæquatam causam talis passionis. Cum enim unaquæque passio habeat proprium principium, seu proprium *quid*, à quo dimanat; consequenter habet proprium *propter quid*, per quòd probetur, nempe rationem illam, seu illud *quid*, à quo dimanat. Et quando hoc ponitur pro medio ad concludendam talem passionem; fit demonstratio *propter quid*. 7. Demonstratio verò *quia* est illa, quæ tantum ostendit passionem conuenire subiecto; non autem adducit propter quid illi conueniat. Vnde in presenti ly *quia*, non accipitur causaliter, sed est pura coniunctio. Itaque demonstratio *quia* in hoc differt à demonstratione *propter quid*, quòd in hac scitur passionem conuenire subiecto, & propter quid illi conueniat; in illa verò solum scitur passionem conuenire subiecto, non autem propter quid illi conueniat. Sit exemplum in hac demonstratione: *Omne respirans est animal; nullum lignum est animal; ergo nullum lignum respirat*. Animal enim non est causa propria respirationis; & ideo non omne animal est respirans, sed illud tantum, quòd habet pulmones, defectu quorum pisces non respirant.

7. Ex his sola demonstratio *propter quid* appellanda est simpliciter, & absolute demonstratio; alia verò tantum secundum quid. Ratio est, quia demonstratio est medium; seu instrumentum ad acquitendam scientiam; ergo illa sola dicenda est absolute, & simpliciter demonstratio, per quam absolute, & simpliciter scilicet

mus: sed tunc solum dicimur simpliciter scire aliquid, quando causam, cur ita sit, cognoscimus, quod fit in demonstratione propter quid: ergo hæc tantum dicenda est simpliciter demonstratio. ¶ Confirmatur quia quantumcumque concludamus hominem esse risibilem per effectum ridendi nobis notum; adhuc non quiescit intellectus, neque existimat se id absolute scire, usque dum cognoscat propriam causam, seu proprium propter quid risibilitatis: ergo demonstratio quia non est dicenda absolute, & simpliciter demonstratio. ¶ Ex dictis collige, solum per demonstrationem propter quid generari habitum scientie, & non per demonstrationem quia.

DISPUTATIO IX.

De scientia, quæ est effectus demonstrationis.

1. Scientia est habitus versans circa propositiones universales, necessarias, & medietas. In hac definitione priores particule exprimunt genus proximum, in quo scientia convenit cum habitu principiorum: per ultimam verò distinguitur ab illo. Est enim proprium habitus principiorum versari circa propositiones iudemonstrabiles, quæ scilicet non habent medium, per quod probantur, sed per se ipsas cognoscuntur. Et ex his procedit scientia ad demonstrandum suas conclusiones: ac proinde versatur circa propositiones medietas, seu per aliud notas.

2. Unde patet, esse falsam opinionem illam, quam habent aliqui Moderni, asserentes habitum scientie non distingui ab habitu principiorum talis scientie; sed eundem

habitum, quo assentimur principiis, extendi ad assentiendum conclusionibus. Est enim hæc sententia expressè contra Aristotelem 6. ethic. cap. 6. & lib. 2. poster. cap. vii. Et confutatur efficaciter ex diversâ ratione formali, sub qua fiunt assensus principiorum, & conclusionum. Quamvis enim ad assentiendum principiis preëquiratur cognitio sensus, & explicatio terminorum; hæc tamen materialiter se habent ad talem assensum; & tota ratio formalis assentiendi illis est, immediata connexio prædicati cum subiecto. Sed hæc non potest esse ratio formalis assentiendi conclusionibus, ut patet; siquidem eis assentitur intellectus propter connexionem extrinsecam cum medio visam in præmissis. Ergo principia, & conclusiones habent diversam rationem formalem obiecti: & per consequens exposcunt diversos habitus.

3. Scientia autem est duplex, alia subalternans, alia subalternata. Scientia subalternans idem est, quod scientia sub se alteram continens. Scientia verò subalternata idem est, ac scientia, quæ sub altera continetur. Una autem scientia continetur sub altera ratione obiecti: Et hoc fit, quando obiectum unius scientie addit obiecto alterius scientie differentiam aliquam accidentalem: ut Musica subalternatur Arithmetice, quia numerus sonorus, qui est obiectum Musice, addit supra numerum, qui est obiectum Arithmetice sonoritatem, quæ est differentia accidentalis. Similiter Perspectiva, quæ agit de linea visuali, subalternatur Geometrie, quæ agit de linea; siquidem visualitas est differentia accidentalis respectu lineæ.

4. Non

4. Non sufficit autem quęcumq; differentia accidentalis addita obiecto superioris scientię, ad constituendam scientiam subalternatam; sed requiritur, quodd differentia illa accidentalis sit talis naturę, vt ex coniunctione ad obiectum superioris scientię, habeat speciales passiones, quę possint de ipsa demonstrari, & consequenter constituat speciale genus scibilis: vt patet in exemplis adductis. Sonus enim sic est materia accidentalis respectu numeri, vt tamen ex coniunctione ad ipsum resultent in sonis speciales passiones, nempe consonantie: quę neque oriuntur a sonis secundum se, nec a numero secundum se, sed a numero applicato sonis, seu a sonis vt habentibus in se numerum: propter quod numerus sonorus constituit speciale genus scibilis. Et idem est de linea visuali, & alijs similibus.

5. Quęres primò: An scientia subalternata sit vera scientia? Ratio dubitandi est: quia obiectum scientię subalternatę addit differentiam accidentalem supra obiectum subalternantis: ergo integrum obiectum scientię subalternatę est ens per accidens; siquidem constat rebus pertinentibus ad diuersa predicamenta: sed de ente per accidens nō potest esse sciētia: ergo sciētia subalternata versans circa illud, non est vera scientia.

6. Dicendum tamen est, scientiam subalternatam esse veram scientiam. Ita tenent omnes Dialectici. Et probatur ratione: quia tunc scire arbitramur vnamquamque rem, cū putamus causam cognoscere, ob quam res est, illius causam esse, neque posse eam aliter se habere: sed quando in perspectiua, ex hoc principio Geometrię, quodd *linea ducta*

ab eadem basi ad punctum distantia, causant minorem angulum, concludimus, res a longe apparere minores; cognoscimus hanc esse propriam causam talis conclusionis, neque posse eam aliter se habere. Et idem est quando in Musica ex principijs Arithmetice concludimus numerum sonorum causare consonantiam, & sic de alijs: ergo scientię subalternatę sunt verę scientię.

7. Pro solutione autē rationis dubitandi supponendū est primò tantū, quā certū, obiectū scientię subalternatę neque esse solum obiectum subalternantis, neque solam differentiam accidentalem, quę additur, sed vtrumque simul. v. g. obiectum Musicę, neque est numerus tantū, neque tantū sonorum, sed hoc simul, scilicet numerus sonorus. Et ratio est, quia numerus solum est obiectum Arithmetice: sonorum etiā seorsim sumptū pertinet ad Philosophiam: inter has autē scientias Musica est media, & ab vtraque distincta: ergo neutrum solum, sed vtrumque simul considerat vt proprium obiectum. Quo posito, duo restant explicanda. Alterum est, quo pacto vtrumque illud consideretur in Musica. Alterum verò, quo pacto ex vtroque fiat vnum per se.

8. Pro quo secundò notandū est, quadrupliciter posse excogitari, quodd Musica consideret totum hoc, quodd est numerus sonorus. Primò, ita vt vtrumque quāsi in recto secundum suas proprias rationes formales pertineant ad istam scientiam. Et hoc non potest esse: tdm quia sic efficiunt vnum per accidens, vt patet: tum etiā, quia secundum tales rationes formales sunt scibilia a duobus scientijs: ergo prout sic nō possunt

supra ad tertiam aliam pertinere. *Secundo*, ita quod vnum eorum sit materiale, & aliud formale. Et neque hoc dici potest, quia utrumque istud, scilicet numerus sonorus per se consideratur in Musica: siquidem passionem, quas demonstrat, utriusque se conveniunt. Non enim numerus secundum se, aut sonus secundum se, habent consonantiam, sed numerus ut est in sonis, vel sonus ut habet numeros. *Tertio* potest intelligi, quod utrumque istud consideratur in Musica, non secundum proprias rationes, sed secundum aliquod tertium compositum resultans ex ipsis. Et etiam neque hoc dici potest, quia iam non verificaretur, Musicam considerare utrumque, sed illud tertium, quod resultat. *Et quarto modo* intelligi potest, & debet, Musicam considerare utrumque istud, scilicet numerum sonorum, non secundum suas proprias rationes quasi in abstracto, sed secundum quod unūquodque in ratione alterius, & est principium eius. *Pro cuius intelligentia* notandum est tertio, sonorum posse dupliciter considerari. Vno modo secundum se, prout est obiectum auditus, & solum dicit, quod causatur in aere ex percussione corporum. Et hac ratione non spectat ad Musicam, sed ad Philosophiam. *Secundo modo* sumitur, ut dicitur concentum, & harmoniam: Et sic pertinet ad obiectum Musicae, includitque quandam correspondentiam quæ ex eo, quod sonus fiat cum proportionem, & numero. Unde etiam hic, numerum posse dupliciter considerari: vno modo secundum se, & sic est obiectum Arithmetice, alio modo, ut est principium

pium illius concentus, seu armoniæ, quæ fit in sonis; & hoc modo pertinet ad Musicam.

10. Et quo iam facile intelligitur, quomodo utrumque istud consideratur in musica. Consideratur enim quasi in recto sonorum, ut dicitur concentum, & harmoniam: & consideratur quasi in obliquo numerus, secundum quod est principium talis concentus: & sic per se consideratur utrumque. Idem dicendum est in obiecto Perspectivæ, nam visuale secundum se pertinet ad Philosophiam: & linea secundum se ad Geometriam: sed visuale secundum quod fit per angulos, est obiectum Perspectivæ: & sic linea includitur in hoc obiecto ut principium angulorum.

11. Per quod etiam explicatur secundum, quod proposuimus, quomodo scilicet efficiantur vnum per se. Dicimus enim quod sicut linea, & superficies: quamvis secundum se sint duo entia in actu, ut potest duæ species quantitatis: nihilominus tamen si linea consideretur, non ut est divisibilis secundum propriam dimensionem, sed secundum quod est principium latitudinis, facit cum illa vnum per se, quia superficies est latitudo terminata lineis: sic in presenti, quamvis numerus secundum se sumptus, non faciat vnum per se cum sonoro, tamen numerus ut est principium sonori, & sonorus prout terminatur numero, constituit vnum per se. Et idem est de linea, & visuali.

12. Quæres secundo, An scientia sit composibilis cum opinione circa idem obiectum? Notum, hic non loqui de eodem obiecto secundum diversa prædicata: sic enim bene possunt

possunt esse simul scientia, & opinio, ut patet: sed de eodem secundum idem prædicatum. Neque loqui in diuersis hominibus, vel in eodem homine pro diuersis temporibus, propter eandem rationem. Quare difficultas præsentis quæsitæ est: An idem homo habens scientiam de aliqua propositione, possit eodem tempore de eadem propositione etiam habere opinionem? Cum autem scientia, & opinio sumi possint vel pro actibus, vel pro habitibus, in utroque sensu discutienda à nobis est.

13. Prima conclusio. Scientia & opinio sumptæ pro actibus, non possunt esse simul in eodem intellectu de eadem propositione. Est S. Th. q. 14. de verit. art. 9. ad 6. ubi sic ait: *Non videtur possibile, quod aliquis de eodem habeat scientiam, & opinionem, quia opinio est cum formidine alterius partis, quam formidinem scientia excludit.* Hoc idem docet 2. 2. q. 1. art. 3. ad 4. alijsque in locis, quem sequuntur omnes eius discipuli, & plures alij. Probatur ratione. Quia assensus scientificus, & assensus opinatiuus de eadem propositione habent effectus omnino repugnantes, & vnus intrinsecè includit priuationem alterius: ergo non possunt esse simul in eodem intellectu. Consequentia patet. Au-
 recedens verò probatur; quia assensus scientificus est iudicium, quod res non potest aliter se habere: opinatiuus verò iudicat, posse rem aliter se habere, per illum manet intellectus omnino conuinctus circa veritatem propositionis; per illam verò non manet conuinctus circa prædictam veritatem, ratione illius est omnino certus, & firmiter ad-

hæret conclusioni; ratione istius verò est incertus, & formidat de illa: sed certitudo, & incertitudo, firmitas, & formido, esse coniunctum & non esse conuinctum, & similia omnino inter se pugnant, & contradictoriè, seu priuatiuè opponuntur: ergo repugnat tales actus esse simul in eodem intellectu respectu eiusdem propositionis.

14. Respondent primò Aduersarij, hæc omnia inter se pugnare, si assensus fiat per idem medium: egerum quando habentur diuersa media, nullum esse inconueniens, aut, quod intellectus simul sit certus, & incertus de eadem propositione; quia est certus prout respicit medium necessarium, & incertus prout respicit medium contingens. ¶ Sed contra est: Quia affirmatio, & negatio, quæ includuntur in huiusmodi assensibus, per quos intellectus est certus, & incertus de eadem propositione, non firmitur in ipsa media, sed in subiectis, de quo affirmatur; & negatur tale prædicatū: ergo nō obstante diuersitate mediōrum, verè datur ibi affirmatio, & negatio eiusdē de eodē, & per consequens vera oppositio. *Confirmatur, eo, explicatur magis hæc ratio:* Quia diuersitas mediōrum tunc solum comparitur in eodem intellectu respectu eiusdem veritatis, quando ipsa media non inducunt effectus contradictoriè, seu priuatiuè oppositos: atqui diuersa media scientiæ, & opinionis respectu eiusdem veritatis inducunt in intellectu effectus contradictoriè oppositos: ergo non possunt esse simul in eodem intellectu respectu eiusdem veritatis. Probatur minor, nam per medium scientiæ intellectus peruenit ad hoc, ut

red.

reddatur certus: per medium verò opinionis peruenit ad hoc, vt reddatur incertus: sed quòd idem intellectus sit simul certus, & incertus de eadem propositione, sunt effectus contradictoriè oppositi, etià si habeantur per diuersa media: sicut si idem oculus ducatur ad videndum clarè vnā rem, & non videndum clarè eandem rem, sunt effectus contradictoriij. & est quid impossibile licèt hoc fiat per diuersa media: ergo &c. *Confirmatur secundò*, quia ex dicta solutione sequitur, posse esse simul in eodem intellectu assensum scientificum, & erroneum eiusdem conclusionis: hoc autem est manifestè falsum, vt omnes fatentur: ergo. Sequela probatur, quia tales assensus necessariò eliciendi sunt per diuersa media; siquidem primus habetur per medium demonstratiuū; secundus verò per medium oppositum, vt patet: ergo si idem intellectus per diuersa media potest esse certus, & incertus de eadem propositione; poterit esse scientificus, & erroneus circa illam.

15. Respondent secundò, non esse de essentia opinionis, vt actu formidet de obiecto, sed solum illi assentiri ex motiuo non conuincenti: & licèt assensus nitens tali motiuo formidare postulet de veritate obiecti, tamen talis formido impeditur ab assensu certo scientiæ, cui assensus opinionis coniungitur. Sed contra est: quia sicut scientia est assensus intellectus circa rem, quæ aliter se habere non potest: ita opinio est assensus intellectus circa rem, quæ aliter se habere potest: sed assensus rei quæ aliter se habere non potest, est actualiter certus: ergo assensus rei, quæ aliter se habere potest, est as-

ensus actualiter incertus. *Confirmatur*, quia assensus nitens adæquatur aliquo motiuo, sequitur proportionaliter naturam motiui: ergo si motiuum est fallibile, assensus erit formidolosus. Et ratio à priori est: quia in assensu nitente solum motiuo fallibili apparente vt fallibili, nõ est aliud assentiri, aliud formidare de opposito, sed est vnicus actus assentiens motiuo fallibili trepidanter.

16. Secunda conclusio. Etiam quantum ad habitus scientiæ, & opinio non possunt esse simul in eodem intellectu de eadē propositione. Ita Thomistæ omnes. Et probatur facillè, quia habitus, & eorum actus versantur circa idem obiectum, & habent eandem rationem formalem attingendi illud: ergo quando actus ipsi repugnant per ordinem ad obiectum, seu in modo attingendi, & iudicandi de illo, etiam repugnant ipsi habitus: sed vt patet ex dictis in præc. concl. repugnantia inter actum scientificum, & opinatiuum sumitur ex eo, quòd alter iudicet de obiecto non posse aliter se habere, alter verò posse aliter se habere: ergo eadem repugnantia inuenitur inter habitum scientiæ, & opinionis. *Confirmatur* quia habitus proximè specificatur per actus, sicut actus per obiectum: ergo sicut ex obiecto sumitur intrinseca oppositio actuum, sic etiam ex actibus sumitur intrinseca oppositio habituum: ergo si actus sunt ex natura sua impossibiles secundum quod versantur circa obiectum, etià erunt ex natura sua impossibiles habitus.

17. Tertia conclusio. Habitus scientiæ, & actus opinionis compatiuntur in eodem subiecto. Ita Ioan-

nes à S. Th. hic q. 26. art. 5. concl. 3. Et probatur, quia inter habitum, & actum non est oppositio formalis, sed effectiua, vel dispositiua, quatenus actus disponit ad habitum oppositum, vel quatenus habitus producit actum, qui alteri actui opponitur formaliter inter se tamen actus & habitus non opponuntur: habitus enim solum dicit inclinationem ad aliquid, actus verò actualem tenditum; stat autem bene cum inclinatione ad vnum, tendentia ad oppositum, sicut la: is stante gravitate, quæ inclinat ad centrum, potest tendere sursum per impulsum violenti; Et habens habitum fidei potest actu videre Deum per modum transeuntis, vt expressè docet D. Th. 2. 2. q. 175. art. 3. ad 3. Ergo similiter habens habitum scientiæ poterit elicere actum opinionis, nec tamen ex hoc amittit scientiam. At verò è contra qui habet habitum opinionis, si eliciat actum demonstratiuum, hoc ipso illo vnico actu generat habitum scientiæ perfectum, quia est perfectè convincens intellectum, & vincens totam eius resistantiam, & talis habitus non compatitur cum habitu opinionis.

18. Contra primam conclusionem obijcies 1. Actus contrarij circa idè obiectum possunt esse simul in voluntate: ergo etiam actus opinionis & scientiæ in intellectu. Consequètia patet ex paritate rationis. Antecedens verò probatur; Nam voluntas Christi simul afficiebatur lætitia, & tristitia circa idem obiectum, scilicet passionem suam, de qua tristabatur, vt malum naturæ, & gaudebat, vt redemptiua hominum. Respond. quòd dicti contrarij motus tristitiæ, & gaudij in voluntate non

versantur circa idem obiectum secundum eandem rationem boni, & mali, sed secundum diuersam, lætabatur n. Christus Dominus de sua passione, quatenus erat in salutem generis humani; tristabatur verò de ea, quatenus erat malum naturæ, quæ sunt obiecta diuersa formaliter, licet sit idem materialiter.

19. Ob. 2. Contra secundam conclusionem. Qui habet habitum scientiæ, potest vt medio probabili ad probandam conclusionem iam demonstratam. Sæpe enim contingit accumulare media, & argumenta ad idem probandum, quorum aliqua sunt probabilia, alia verò demonstratiua: tunc per talia argumenta probabilia generatur aliquis habitus (multiplicati n. actus generant habitum) & non scientificus, vt de se patet: ergo opinatiuus: ergo simul cõpatiuntur isti habitus. Respond. quòd ille, qui habet habitum scientiæ, si eliciat actus opinionis, tunc talis actus non generabit habitum propter impedimentum subiecti, in quo est habitus scientiæ, qui firmiter, & perfectè actuat subiectum, nec compatitur cum opposito habitu.

20. Solet hic ab aliquibus excitari similis quæstio, an scientia sit cõpossibilis cum fide? Ad quam eodem modo respondendum est, quia eadè rationes, quæ probant impossibilitatem scientiæ cum opinione, suadent etiam impossibilitatem eiusdem scientiæ cum fide, proportionè seruata: nam fides importat essentialiter inenidentiam, & obsecritatem, scientia è contra euidentia, & cognitionem claram simpliciter autem quòd idem intellectus eidem propositioni simul assentiatur clarè, &

& obsecrè, & euidenter, & incuidenter; sicut, ut probauimus, implicat quod ei essentiatut certè simul, & formidolose. Neque ex hoc sequitur, quod Philosophus Christianus esset peioris conditionis, quam rusticus fidelis, quia rusticus fidelis per fidem Deum esse cognosceret, & eo sequenter omnino certè, & Philosophus fidelis per scientiam, quæ fide est minus certà. Non inquam hoc refert: quia Philosophus Christianus æquè firmiter, & certò prædictæ propositioni assentitur, ac rusticus fidelis: licet enim scientia separata à fide non habeat ita certè, & firmiter inclinare intellectum, in assensum prædictæ propositionis, ac habet fides, tamen quando coniungitur cum fide in eodem intellectu, taliter confortatur, ut ex subordinatione, quæ ad eam habet, æquè firmiter, & certò inclinatur in prædictum assensum, sicut inclinatur fides. Hoc autem dupliciter explicari potest. *Primò*, quod scientia, & fides se mutuo iu-

uant in his, in quibus non opponuntur; unde cum non opponantur in certitudine, in illa se mutuo iuant, & sic ex habitu fidei deriuari potest certitudo quædam supernaturalis in assensum scientisum, quæ ille Philosophus habet de hac veritate. *Deur est. Secundo*, quod sicut cogitatus, & appetitus sensitiuus hominis, ex eo quod radicanitur, & coniunguntur cum intellectu, & voluntate in eodem supposito, participant aliquam perfectionem, ratione cuius possunt aliquo modo discurrere, & libere operari: ita etiam scientia, ex eo quod in Philosopho Christiano coniungitur cum fide, participat aliquam perfectionem, ratione cuius potest suo actui certitudinem quandam ordinis supernaturalis communicare. Et hæc dicta sufficiant pro hac disputatione, & tota Logica in honore, & laudem Dei, Beatissimæ Virginis Mariæ, S. Thomæ Aquinatis, & omnium Sanctorum.

F I N I S.

I N D E X

Titulorum, qui in hoc primo tomo continentur.

B R E V I S P R I M A P A R S I N T R O D U C T I O L O G I C A E A D L O G I C A M.

P reambulum 1. De modo sciendi.	1
De modo sciendi in communi.	1
De definitione.	2
De divisione.	3
De argumentatione.	5
Preambulum 2. De signo.	6
Quæst. An voces significans conceptus mentis, & ipsas res concepturi.	6
Quæst. 2. Quodnam ex his principaliter significetur à vocibus?	7
Quæst. 3. An voces sint signa naturalia, vel ad placitum?	7
Disp. 1. De Terminis.	9
Disp. 2. De Propositione.	12
Disp. 3. De Argumentatione.	16

D I S P U T A T I O N E S I N L O G I C A M.

Q uestiones præliminares logicæ.	20
Quæst. 1. Vtrum logica sit scientia?	20
Quæst. 2. An sit speculativa, vel practica?	21
Quæst. 3. Quodnam sit obiectum logicæ?	23
Quæst. 4. Vtrum logica sit simpliciter necessaria ad acquirendas alias scientias?	26
Quæst. ult. Quomodo logica influat in actus aliarum scientiarum?	28
Quis sit eius finis? & in quas partes sit dividenda?	28

D esecundis intentionibus, quibus dirigitur prima operatio intelligendi.	20
Disp. 1. De ente rationis.	30
Dub. 1. An detur ens rationis?	31
Dub. 2. Quomodo sit definitio entis rationis?	34
Dub. 3. Quenam potentia ens rationis efficere possit?	36
Dub. 4. Vtrum intellectus diminuat efficere possit ens rationis?	38
Disp. 2. De universali secundum se.	40
Dub. 1. Vtrum à parte rei dentur naturæ, quæ denominari possunt universales?	41
Dub. 2. Vtrum naturæ communes à parte rei habeant unitatem formalem in individuis non multiplicatam?	44
Quæst. Quomodo unitas formalis ab unitate numerica distinguatur?	46
Dub. 3. An naturæ à parte rei sint formaliter universales?	48
Dub. 4. Per quem actum intellectus naturæ sit formaliter universalis?	49
Disp. 3. De quinque universalibus, seu predicabilibus.	53
Dub. 1. De genere.	53
S. 1. Vtrum genus sit definibile. Quanam sit eius definitio: & vtrum sit essentialis, vel descriptiva?	53
S. 2. Quodnam sit definitum in definitione.	53

INDEX

definitione generis ?	54	predicamento substantiae ?	84
§. 3. An genus predicetur de specie victorum, vel de pars illius ?	56	§. 4. Vtrum Angeli ponantur in predicamento substantiae ?	86
§. 4. An modus predicandi in quid, separet genus a differentia ?	57	§. 5. De proprietatibus substan- tia.	87
Dub. 2. De specie.	57	Dub. 3. De predicamento quanti- tatis.	88
§. 1. An prima definitio speciei sit vna, vel duplex ?	58	§. 1. Vtrum quantitas distingua- tur a substantia ?	88
§. 2. An secunda definitio distin- guat speciem a genere ?	58	§. 2. In quo consistat ratio forma- lis, & essentia quantitatis ?	90
§. 3. An specie subicibilis sit sub- icibilis sit vniuersalis ?	60	§. 3. De speciebus quantitatis con- tinuae.	92
§. 4. Quomodo in specie se habeant subicibilibus, vniuersalibus, & predicabilitas ?	61	§. 4. De speciebus quantitatis di- scrite.	93
§. 5. De natura individui.	62	Dub. 4. De predicamento relatio- nis.	96
Dub. 3. De differentia.	63	§. 1. An a parte rei dentur rela- tiones.	96
§. 1. An diuisio differentiae in communem, propriam, & proprij- simam sit sufficiens ?	64	§. 2. Quenam relationes pertineant ad hoc predicamentum ?	98
§. 2. An praedicta diuisio sit generis in speciem ?	65	Quae vnde Quae conditiones re- quirantur ad relationem realem predicamentalem ?	99
§. 3. An definitio differentiae con- ueniat differentiis in finis ?	65	§. 3. Quot sint fundamenta ratio- nis, & quomodo relatio ad illis distinguantur ?	100
§. 4. Vtrum differentia constituti- ua huius tertii predicabilis, dicta- tur vniuersalis per ordinem ad speciem, an verò per ordinem ad individuum ?	67	§. 4. Quis sit terminus relatio- nis ?	103
Dub. 4. De proprio.	70	§. 5. De unitate, & distinctione relationum, ac earum proprie- tibus ?	106
Dub. 5. De accidente.	71	Dub. 5. De predicamento qualita- tis ?	107
Disp. 4. De Aequiuocis, Vniuocis, & Analogis.	73	Dub. 6. De sex vltimis predica- mentis.	109
Disp. 5. De Predicamentis.	76	§. 1. De actione, & passione.	110
Dub. 1. Quid sit predicamentum, & quomodo sit, & quae conditiones requirantur, ut aliquid directe po- natur in predicamento ?	76	§. 2. De predicamento ubi.	111
Dub. 2. De predicamento substan- tia.	79	§. 3. De predicamento quando.	112
§. 1. Quodnam sit supremum genus huius predicamenti ?	79	§. 4. De predicamento sive.	113
§. 2. De diuisione substantiae in primam, & secundam.	82	§. 5. De predicamento habitus.	113
§. 3. Vtrum Deus ponatur in		Dub. 7. De postpredicamentis.	113

IN D E X

SECUNDA PARS

LOGICÆ.

DE secundis intentionibus, quibus
dirigitur secunda operatio intel-
lectus. 115

Disp. 6. De veritate, & falsitate
propositionis. 115

Dub. 1. Quid sit veritas, & falsitas
in propositione? 115

Dub. 2. In qua propositione reperitur
veritas? 116

Dub. 3. Vtrum falsitas in solo iudicio
intellectus reperiri possit? 118

Dub. 4. Vtrum eadem propositio possit
esse simul vera, vel falsa; vel sal-
tem mutari de vera in falsam? 119

Dub. 5. Vtrum in propositionibus de
futuro contingenti sit determinata
veritas? 121

TERTIA PARS

LOGICÆ.

DE secundis intentionibus, quibus
dirigitur tertia operatio intelle-

ctus. 124
Disp. 1. De pręquisitis ad de-
monstrationem. 124

Dub. 1. Quomodo intelligenda sit illa
propositio Aristotelis: omnis do-
ctrina, omnisque disciplina intel-
lectiva sit ex pręexistenti co-
gnitione? 124

Dub. 2. Quot sint in demonstratione
pręcognitiones, & pręcognita? 124

Dub. 3. An assensus premissarum
causet in genere causę efficientis as-
sensum conclusionis? 125

Dub. 4. An assensus premissarum
necessitet intellectum ad essentien-
dum conclusioni? 126

Disp. 8. De demonstratione. 128

Disp. 9. De scientia, quę est effe-
ctus demonstrationis. 130

Quęst. 1. An scientia subalternata
sit vera scientia? 131

Quęst. 2. An scientia sit composibili-
lis cum opinione? 132

Quęst. 3. An scientia sit composi-
bilis cum fide? 135

FINIS.



Primus numerus paginam, secundus columnam,
tertius lineam designat.

pag.col.l. errata

1.2.25.	tationale	rationale
3.1.25.	confusione	confusionem
6.1.31.	peotinent	pertinent
8.1.15.	diuesitate	diuerſitate
16.1.25.	iuuenitur	inuenitur
21.2.37.	ſententiam	ſententia
22.2.9.	ipſanon	ipſa non
23.2.41.	debiffimum	debiliſſimum
24.2.45.	participant	participant

corrigere

pag.col.l. errata

24.2.45.	& ſic ipſe	& ſic ipſe
25.1.41.	mondum	mundum
29.1.11.	inrtinſecè	intrinſecè
30.2.31.	determinata	determinatæ
44.2.25.	coueniunt	conueniunt
63.2.17.	Dubium 4.	Dubium 3.

corrigere

Lector beneuole ſi alia inuenies
errata, tua humanitate corrige.